

# عاشق بزداریاں سرائیکی ادبی خدمات

(تحقیقی مقالہ برائے ایم فل پاکستانی زبانیں و ادب)

نگران مقالہ

ڈاکٹر محمد صدیق ملک

شعبہ پاکستانی زبانیں،

علامہ اقبال اوپن یونیورسٹی اسلام آباد

مقالہ نگار

طلعت نقی

رول نمبر: BI-793663

رجسٹریشن نمبر: 08PRP00360

not found.

(شعبہ پاکستانی زبانیں)

علامہ اقبال اوپن یونیورسٹی، اسلام آباد

2021ء

# عاشق بزدار ویاں سرائیکی ادبی خدمات

(تحقیقی مقالہ برائے ایم فل پاکستانی زبانیں و ادب)

نگران مقالہ

ڈاکٹر محمد صدیق ملک

شعبہ پاکستانی زبانیں،

علامہ اقبال اوپن یونیورسٹی اسلام آباد

مقالہ نگار

طلعت نقی

رول نمبر: BI-793663

رجسٹریشن نمبر: 08PRP00360

یہ مقالہ رول نمبر: BI-793663 تحت شعبہ پاکستانی زبانیں، فیکلٹی آف سوشل سائنسز، علامہ اقبال اوپن یونیورسٹی، اسلام آباد میں ایم فل ڈگری کی جزوی تکمیل کے لیے پیش کیا گیا۔

## بیان حلفی

میں حلفاً اقرار کریندی ہاں جو ایں مقالے وچ موجود مواد میڈی ڈہنی تے قلمی کاوش  
ہے۔ میڈے علم دے مطابق ایں مضمون وچ ایں عنوان تے کہیں وی یونیورسٹی وچ کوئی  
علمی یا تحقیقی کم کائنی تھیا تے نہ ہی ایں عنوان نال اے مقالہ ایندے کنوں پہلے کہیں  
یونیورسٹی وچ پیش کیتا گئے۔

طلعت نقی

رول نمبر: BI-793663

ایم فل پاکستانی زبانیں وادب

علامہ اقبال اوپن یونیورسٹی اسلام آباد

## تصدیق نامہ

ایں گالھ دی تصدیق کیتی ویندی ہے جو میں ایم فل (پاکستانی زبانیں و ادب) دی اسکالر طلعت نفی رول نمبر: BI-793663 دے تحقیقی مقالہ بعنوان ”عاشق بزدار ویاں سرانیکی ادبی خدمات“ بطور نگران مقالہ میں ایں اسکالر دے تحقیقی کم توں پوری طرح مطمئن ہاں اتے سفارش کرینداں جو اے مقالہ ایم فل (پاکستانی زبانیں و ادب) دی ڈگری دی جانچ پرکھ کیتے جمع کرایا ونجے۔

---

ڈاکٹر محمد صدیق ملک  
سرانیکی شعبہ پاکستانی زبانیں  
علامہ اقبال اوپن یونیورسٹی اسلام آباد

## تندیر

صفحہ	عنوان:
06	مہاگ:
08	پہلا باب: عاشق بزدار دے حالات زندگی
19	دُوجھا باب: عاشق بزدار دی شاعری دافنی جائزہ
69	ترتجھا باب: فکری جائزہ
166	چوتھا باب: نثری خدمات
186	پنچواں باب: نثر ارمحاکمہ
196	کتابیات

## مہاگ

میں ابتداء کریندی ہاوں ناں توجیہڑا پوری کائنات داما لک ہے۔ اوہی ساری کائنات دے سارے کام اوندے

وس وچ ہن۔

اپنی ماء پولی نال جڑت تے محبت انسان کوں گھٹی وچ ملدی اے۔ اے اوندی او بنیادی ضرورت ہے جیندے بغیر اوندہ نہیں رہ سگدا۔ میڈے نظریے دے مطابق علم دی گود وچ اکھ کھلی شعور دیاں منزلاں طے کیتیاں تاں الماریں تے تجوریں وچ دوات دے انبار دی جاء تے علم کوں ہجیا سنوریا پاتا۔ اللہ پاک نے علم دا منبع ابا جی دی صورت وچ بخشیا تے علم دی گول پھول وچ ابا جی دے نال نال لگی رہندی ہم۔ سرائیکی دیاں کتاباں بچن توں گھر وچ ڈٹھیں اتے میں کتابیں کوں اساں اتھ واسطے نہ پڑھدے ہا سے جو سرائیکی پڑھن یا لکھن ساکوں ڈاؤسی۔ بھل اوتاں ساڈی روح دی غذا ہی تے انہیں کوں پڑھن نال جیڑہا روحانی سکون ملدا ہا اوہی کنین زبان دی کتاب کوں پڑھن وچ نہ ملدا ہا۔ روحانی سکون دی خاطر شاعری کیتی تے سرائیکی وچ افسانے لکھن شروع کیتے۔ ابا جی دی سنگت وچ ہک قریبی سنگتی سیں عاشق بزدار صاحب ہن جنہیں توں بچن تولا تے اچوک تیں میکوں اپنے ابودی خشیو آندی ہے۔

سرائیکی زبان وادب دے ودھارے بھل اے آکھو جو سرائیکی زبان وادب دے بیچ کوں اپنا خون ڈتے تے ہک تناور درخت بنائے جیندی چھاں تلے اساں سارے بیٹھوں۔ ”عاشق بزدار دیاں سرائیکی ادبی خدمات، تحقیقی و تنقیدی جائزہ“ مقالہ لکھ تے میں انھیں دبیں سرائیکی زبان وادب دی خدمات دا حق تاں ادانی کر سگی بھل خراج تحسین پیش کرن دی ہک ادنیٰ جئیں کوشش کیتی ہم۔

اللہ تعالیٰ نے محمد و آل محمد دے کرم، والدین تے بھینیں بھراویں تے سر دے سیں بلال خان دے بے انت تعاون نال میں اے مقالہ پورا کیتم۔

میں بہوں تھوریت آں اپنے نگران محترم ڈاکٹر صدیق ملک صاحب دی جنھیں دی کمال شفقت تے رہنمائی دی وجہ کنوں اے مقالہ پورا کیتم۔

میں پاکستانی زبانیں وادب دے سبھے اساتذہ کرام ڈاکٹر عبداللہ جان عابد صاحب، ڈاکٹر حاکم علی برڑو صاحب، ڈاکٹر واجد تبسم صاحب، سر ضیاء الرحمن بلوچ صاحب تے محترمہ زینب النساء صاحبہ دی مشکور ہاں۔ جنھیں دی کمال شفقت تے

تعاون نال اے مقالہ پورا کرن ممکن تھے۔

ایں توں علاوہ سر عبداللطیف بھٹی صاحب، ڈاکٹر شکیل پتانی صاحب، پروفیسر ارشاد بخاری صاحب، میڈم طاہرہ بخاری صاحبہ، میڈم شبانہ بخاری صاحبہ، پروفیسر نرجیس بتول صاحبہ، پروفیسر شازیہ سبین صاحبہ، پروفیسر نسیم اختر صاحبہ، پروفیسر قدسیہ قاسم صاحبہ، پروفیسر فرخندہ بخاری صاحبہ، پروفیسر سدرہ رشید صاحبہ، پروفیسر مرید عارف صاحب، پروفیسر رفعت کھچی صاحبہ تے ماجد حسین دی بے حد مشکور آں جنہیں میڈی حوصلہ افزائی کرائی۔ میں اپنے ایں مقالے کوں پنج ابواب اچ وٹڈیے جیندی ترتیب کجھ ایں طراں ہے۔

مقالے دے پہلے باب وچ میں عاشق بزدار صاحب دے حالات زندگی، خاندانی پس منظر، تعلیم، ازدواجی زندگی، ادبی تے ثقافتی مشاغل دے بارے وچ گالھ کیتی اے۔ اے اتے ایندے نال نال ادبی معاصرین نال سنگت تے ادبی گالھ مہاڑ کوں وی نشا بر کرن دی کوشش کیتی ہم۔ ڈوجھے باب وچ میں عاشق بزدار صاحب دی شاعری دے فنی جائزے دا احاطہ کرن دی کوشش کیتی ہے جو کیڑھی کیڑھی شعری اصناف وچ انہاں شاعری کیتی ہے تے انہاں دی شاعری وچ لمبی، وڈی بحر دیاں نظماں، غزلاں لکھیں، انہیں دی شاعری وچ بے ساختگی تے کلام وچ استعمال کیتیاں گئیاں تراکیب دا جائزہ گھدم۔ ترتجھے باب وچ عاشق بزدار صاحب دی شاعری دا فکری جائزہ تے انہیں دی شاعری دے موضوعات دا تعارف تے جائزہ شامل ہے۔ چوتھے باب وچ عاشق بزدار دی نثری خدمات دا جائزہ گھدے جیندے وچ انہیں دے لکھے ہوئے ادبی، تنقیدی مضامین، ادبی کتب دے دیباچے تے فلیپ شامل ہن۔ آخری باب وچ ایں سارے تحقیقی کم دا خلاصہ پیش کیتا گئے۔ آخری باب وچ میں دعا کریندی جو نجھاں بزرگاں تے بھراواں بھیڑیں میڈی مدد کیتی اے۔ اللہ انہاں سب کوں سکھ نال لمبی حیاتی ڈیوے۔ آمین۔

طلعت نقی

پہلا باب:

## عاشق بزدار دے حالات زندگی

بلوچ قبائل دے بارے اے روایت ہے جو او بارہویں صدی عیسوی اچ بغداد دے رستے حلب کنوں تے خلیج فارس دی شمالی سرحد کنوں مکران آئے ول شمال کنوں دگر دے ہوئے پٹھان قبائل تیں وچ پئے۔  
الفنسن اپنی کتاب ’ہسٹری آف انڈیا‘ وچ لکھدن جو ستویں صدی عیسوی وچ مکران دے پہاڑاں تے بلوچ آباد تھئے۔

ڈاکٹر لیتھم دا خیال ہے جو بلوچاں دا تعلق سلجوق تاتاریاں نال ہاجیڑھے پنجویں صدی عیسوی وچ فارس تے حملہ آور تھئے تے ول ڈوپاڑاں وچ وٹدج گئے۔ انہاں غور خاندان دی سرداری وچ مشرق وچ غزنی خاندان کنوں خراسان تے ہندوستان دی حکومت کھسی۔ اتے مغرب وچ طغرل بیگ دی زیر قیادت مغربی فارس فتح کیتا بغداد تے قبضہ کیتا۔ اتے رومن سلطنت تے حملہ آور تھئے ایہ تھیوری الفنسن دے بیان نال میل کھاندی ہے جو بلوچ قبائل داندھب طور طریقے اتے رسوم، گھوڑاں نال پیار، خانہ بدوشی عادات، طرز حیات اتے لباس وغیرہ ترکماناں نال قریبی میل کھاندے نال ای ڈاکٹر لیتھم دا اے خیال وی ہے جو بلوچاں دی شکل و صورت مصر تے شام دے عرباں نال بہوں مشابہت رکھیندن۔ جیکراہیں کہیں بلوچ کون عربی لباس پواڈتا ونجے تاں اوندی قومیت دا پتہ لاؤن بہوں اوکھا ہے۔

بلوچ دراز قد، خوش شکل، معتدل عادات تے زبردست قوت برداشت رکھیندن او بہوں ناقص تے تھوڑی خوراک تے وی طویل عرصہ تیں محنت نال حیاتی گذار سکدن۔

چہرہ لبوترہ اتے بیضوی، وال لمبے، داڑھی، ناتراشیدہ، پرچھاں سنی، مسلم ڈھنگ نال مٹی ہوئیاں۔ گھنگھریالے وال عام ہن پر پہاڑی لوک اکثر مونڈھیاں تیں آپیاں لٹاں ودھاتے رکھیندن۔ بلوچ صاف گو ہوندن۔ خوش مزاج تے مزاحیہ گالھیں تے وڈے وڈے قہقہے مارن آلے ہوندن۔ انہاں وچ سچ بولن تے غیرت دی خوبیاں آپنے پٹھان ہمسایاں کنوں بہوں ڈھیر ہن۔ اے عموماً سرداراں دی اطاعت کریندن۔ پرڈو جھیاں نال انہاں داروہ آزادانہ خود مختار تے مغرورانہ ہوندے ہک دور وچ او آپنی سچ گوئی واسطے وڈی شہرت رکھیندے ہن پر ہن سیاسی تے تمدنی حالات دی وجہ کنوں کوڑ مارن وی سکھدے ویندن۔ ناموافق انگلش قوانین دی وجہ اے اخلاقی انحطاط آندا پئے۔ پر اصولی طور تے اے اچ دی آپنے سرداراں دے اگوں سچ پولیندے ہن۔ (۱)

انگریزاں نے آپنے گزٹیر وچ انہاں دا خوب ذکر کیتے او انہاں کوں پٹھاناں دی نسبت ڈھگ پسند کریندے ہن



جواے ادھ وچ دھوکا نہیں ڈیندے اے یا تہاڈے نال کھڑے ہوسن یا مخالف۔ ایں ناں ہوسی جو مشکل حالات یا لالچ وچ آ کر ایں اے پٹھاناں وانگوں تہا کوں ادھ وچ چھوڑ ویس۔

بلوچ مال مویشی چریندے چریندے برصغیر وچ وڑے تے ول مکران دی پہاڑیاں تے آباد تھی گئے۔ آبادی ودھی تاں اے مکران دی پہاڑیاں کنوں لہہ کراہیں دریا سندھ دے سچے کھپے کھنڈ پھنڈ گئے۔ سندھ دریادے اُچھے آلے پاسے کیونجو پٹھان قبائل ہن تے اے دریائے سندھ دے لمے آلے پاسے دگر دے دگر دے صوبہ سندھ وچ کھنڈ پھنڈ گئے۔ تہوں لغاری مزاری تے زرداری وغیرہ اتھوں دے سردار تے سیاسی اثر و رسوخ آلے ہن۔

بلوچ گلہ بانی کریندے ہن جڈاں جواتھوں دے لوک وائی نیچی تاں تہوں بلوچاں انہاں کوں ”چٹ“ آکھیا۔ ”چٹ“ ناں بلوچاں داڈتا ہویا ہے۔ اولوکل لوکیں کوں چٹ تے انہاں دی زبان (سرائیکی) کوں چٹا کی یا چٹکی سڈیندے ہن۔ اتھ واسطے وادی مکران وچ چٹ بلوچ وچ واضح فرق ہا۔ جڈاں انہاں اتھاں مستقل سکونت اختیار کر گھدی تاں بلوچ وی چٹاں کنوں رڑھ وائی سکھ تے کاشتکار تے زمیندار بن گئے انہاں وچ آج وی زرعی آلات دے ناں سرائیکی وچ ہن سکونت بندے کوں مہذب، معاشرتی، معاشی، سیاسی تے تمدنی بناڈیندی ہے ہن بلوچاں وچ آپے سبھے وصف موجود ہن۔ بھل اعلیٰ تعلیم یافتہ ڈاکٹر، انجینئر، سائنسدان، چانسلر، جج، وکیل، پروفیسر، شاعر، ادیب، سیاسی اختیارات تے وڈے عہداں تے موجود ہن۔ سردار فاروق لغاری تے صدر آصف زرداری صدر پاکستان رہے ہن تے عثمان بزدار پنجاب دے موجودہ وزیر اعلیٰ ہن۔ حکومت بھانویں جیرھھی پارٹی دی وی ہووے انہاں وچ اے وفاقی تے صوبائی وزیر ضرور ہوندن۔

بلوچ قبائل دیاں ڈھگ ساری شاخاں ہن جنہاں وچ قصرانی، نوٹکانی، بزدار، لنڈ، کھوسہ، لغاری، مزاری گورچانی، دریشک، رند، زرداری، ڈھگ وڈے تے مشہور قبائل ہن۔ بلوچ قوم دیرہ جات، مظفر گڑھ، ملتان، بہاولپور اتے سرائیکی علاقیاں تے صوبہ سندھ وچ ڈھگ پاتے ویندن۔ کیونجوسیں عاشق بزدار صاحب بلوچاں دی ”بزدار“ گوت نال سانگا رکھیندن اتھ واسطے اتھاں ”بزدار“ گوت بارے تھولی جانکاری ڈٹی ویندی پئی ہے۔ بلوچ قبیلے دیاں ہیاں ذاتاں ساڈا مطمع نظر کینی تہوں چھڑا بزدار خاندان تے گلہ کریندے ہیں۔

مثل مشہور ہے ”جو بلوچ بزدار ہوندے اتے بزدار بلوچ ہوندے“ بزدار دامطلب بکریاں رکھن آلا۔ ”بز“ عربی والفظ ہے جیندا مطلب ”بکری“ ہے تے ”دار“ دامطلب رکھن آلا۔ لفظ ”بزدار“ توں اے وی ثابت تھیندے جو بلوچ واقعی عرب النسل ہن کیونجواں انہاں دا خاندانی ناں عربی زبان وچ ہے ڈو جھا اے وی جو عرب بکریاں پال وی ہن۔ ترتیباً بقول ڈاکٹر لیتھم انہاں دی شکل و صورت عرب وانگوں ہے تے انہاں دا قبائلی نظام وی عرب وانگوں ہے انہاں وچ اچھووی

عرب ثقافتی رسومات جاری و ساری ہن جینویں سرید پکاؤن تے کھاؤن۔ انہاں دالوک رقص وی عربی لوک رقص وانگوں دائرے دی شکل وچ ہوندے عرب وی آپنے لوک رقص وچ تلوار داورتاوا کریندن تے اے وی تلوار یا تلوار دی جاء تے ڈاکیاں نال رقص کریندن۔ گزٹیر آف دیرہ غازی خان (۹۷-۱۹۹۳ء) وچ بزدار قبیلے دے بارے وچ ایس لکھیا ہے:

”جو بزدار زیادہ تر پہاڑیاں وچ آباد ہن تے آپنے ریوڑ تے انحصار کریندن۔ ہن کنوں پہلے اے میداناں وچ لٹ مار دی کئی کاروائیاں دے مرکب ہن۔ پر انہاں دے سردار کون ضلع وچ زمین لگان دی تھولی جہی رقم ڈتی اگئی۔ مہم کون تحریک وچ بدلن والے انہاں دے رویے پاروں اے سپردگی (اسلمنٹ) کئی سال تئیں بحال رہی۔ پر انجام کار ولاڈے ڈتی اگئی۔ تڈ ہاں توں ایس قبیلے دا طرز عمل مجموعی طور تے چنگا رہیا ہے اتے ۱۸۸۷ء وچ بزدار دیرہ غازی خان دے ڈپٹی کمشنر دی سیاسی عمل داری وچ آگئے۔ انہاں دا موجودہ سردار محمد خان ہے۔ اوکوں ڈتے گئے زمین لگان دی قیمت ۵۸۹ روپے مقرر تھئی۔ اتے اوکوں قبائل الاؤنسز کیجے اضافی ۹۶۰ روپے وی ملدے ہن۔ سپردگی دی قیمت وچ اضافے تے غور ہے۔“ (۲)

## خاندانی پس منظر:

بزدار رکھ پھوں وڈا قبیلہ ہے جیہڑا کہ رند بلوچ قبیلے دی شاخ ہے زندگی دے زیادہ تر سال بزدار قبیلے کوہ سلیمان کوں آپنا مسکن بنائی رکھیا۔ قبیلے کئی سالیں پہاڑاں تے زندگی گزاری رکھی تے ذریعہ معاش مال زناور پالنے ہاتے سادہ زندگی گزارن اتے سادہ کھاؤن پیون دی وجہ کنوں زندگی وی سکھی رہ اگئی۔ عاشق بزدار دا خاندان وی پہاڑاں تے کئی سو سال زندگی گزار چکیے۔ محمد عارف سرانیکی رسالہ ”پیلھوں“ وچ لکھدن کہ:

”سئیں عاشق بزدار دے آباؤ اجداد ڈھائی سو سال پہلے کوہ سلیمان توں مہرے والا ضلع راجن پور وچ آن آباد تھئے۔ بنیادی طور تے بلوچ قبیلے دی ذیلی شاخ (Subcast) بزدار نال تعلق رکھیندن اتے اے لڈوائی بزدار سڈ ویندن۔“ (۳)

دیرہ اسماعیل خان دے علاقے دے آسے پاسے کچھی تے تھل وچ رونقناں لگ اگئیاں۔ تسیاں زمیناں آباد تھیون پئے اگئیاں۔ کاروبار و دھیرے ترقی عروج تے پئی تاں پہاڑی لوکاں دے اندر تبدیلیاں آیاں۔ پوند و دھمی اگئی بزدار قبیلے دیاں مزید لڑیاں و دھیاں تے غلام فرید خان بزدار دے وڈے مظفر گڑھ آن دیرالایا قسمت دا آن پانی کھا داپرا انگریز دور وچ

اتھوں نقل مکانی کر کر ابیں دریائے سندھ دے پچا دھی کنارے وتی مہرے والا وچ آن ٹکانہ کیتا۔ بزدار قبیلے پاکستان بٹن کنوں پہلے ڈھیر ساریاں زمیناں تے قبضہ کر گدا ہاتے محنت مشقت وچ کوئی مثال نہ رکھدے ہن۔ دریائے کنارے تے گھاہ بوٹ تے جنگل پھوں ہاتھاں مال زناورد اذکر پھوں تھیندا ہئی۔ جیویں جیویں وقت گزردا گیا بزدار قبیلہ زمیندار تے مالدار تھیندا گیا۔

پاکستان بٹن کنوں پہلے وتی مہرے والا دے نمبردار غلام فرید خان بزدار ہن۔ آسے پاسے دے لوک انہاں دی پھوں عزت کریندے ہن۔ انہاں دے اندر انسانیت پاتی ویندی ہائی۔ او مخلوق خدا کوں راضی رکھن تے انہاں دے ڈکھ درد تے مصیبتیں وچ کم آون آونئی زندگی دا مقصد سمجھدے ہن۔ جڈاں کہیں ضرورت مندا یا غریب دی مدد کرن ہاتاں انہاں کوں دلی سکون ملدا ہا۔

غلام فرید نمبردار آپنی زندگی وچ چار شادیاں کیتیاں۔ پہلی شادی بزدار قبیلے دی جیون خاتون نال تھئی، ڈوجھی شادی لاشار قبیلے دی عائشہ بی بی نال تھئی۔ غلام فرید خان تزکیجی شادی کھوکھر برادری دی وسو مائی نال کیتی تے چوتھی شادی ملک خاندان دی جنو مائی نال تھئی اللہ دے حکم نال انہاں چارے ذالیں وچوں بخت بھرے یار ہاں ہال چے۔ جہاں وچ سیں عاشق حسین بزدار تزکیجے نمبر تے چے جائے کھڑی بیوی وچوں۔

## جہناں:

غلام فرید بزدار نمبردار دے گھر سب تو پہلے بیوی کا نام دھی تاج بی بی جی اوندے بعد درویش محمد، عاشق حسین، صادق خان عرف کوڑو خان، ذوالفقار علی، نزاکت علی، نجمہ بی بی، لیاقت علی، فضلہ بی بی، زہرہ بی بی تے صغرا بی بی ایس دنیا تے آساہ گدا۔ غلام فرید دی ڈوجھی ذال عائشہ بی بی حیدر تعلق لاشار قبیلے نال ہئی اوندے لطن وچوں ۱۴ اگست ۱۹۴۷ء کوں ہک پتر چا یا حیدر اناں ماء پیو دلاور حسین رکھیا پر ہک سال بعد والد غلام فرید آپنے پچڑے دلاور حسین داناں تبدیل کر کر ابیں عاشق حسین رکھ ڈتا۔

۱۴ اگست ۱۹۴۷ء نہ چھڑا برصغیر پاک و ہند دے مسلمانیں کیتے خوش قسمت ڈینہہ ہا بھل سرائیکی وسیب کیتے، بلوچ قبیلے کیتے بزدار لڑی کیتے اتے خان غلام فرید بزدار نمبردار کیتے وی ہک بھاگ بھریا ڈینہہ ہا۔ جڈاں بختاں آلے سیں خان عاشق حسین بزدار چے جائے جیڑھے پاکستان وچ سرائیکی وسیب تے زبان و ادب دا اگوان بنیا۔ شاعری وچ بلوچ قبیلے داماں تے سجا کی وچ بزدار قبیلے دی سجاں تے شہرت تے عزت وچ سیں غلام فرید خان داتراں بنیا پاکستان وچ

ہزاراں شاعر، ادیب، نقاد، محقق، استاد تے گلوکاراں تجھے جے چائے جہاں سرائیکی دی وجہ توں سچائی تے شہرت حاصل کیتی پر عاشق بزدار اتجھا شیر جمیا جیندی وجہ توں سرائیکی زبان وادب اتے وسیب کوں سچا کی تے شہرت ملی۔ لوک سرائیکی تے مان کریندن تے سرائیکی عاشق بزدار تے مان کریندی ہے۔

عاشق بزدار ابتدائی تعلیم آپنے قصبہ مہرے والا توں حاصل کیتی اوں دور وچ تعلیم حاصل کرن دار و اج بہوں گھٹ ہا پر غلام فرید نمبر دار نے عاشق حسین کوں رسم بسم اللہ کیتے آپنے محلے دی مسیت دے مولوی غلام محمد کولوں گھن گئے جتھاں ابتدائی قاعدہ دے نال نال نماز قرآن سکھن شروع کیتا۔ ول باقاعدہ طور تے گورنمنٹ پرائمری سکول مہرے والا توں جماعت واریں دی تعلیم حاصل کرکراہیں مڈل دی تعلیم سانگے گورنمنٹ مڈل سکول سکھانی والا وچ داخلہ گدا۔

عاشق حسین آپنی سوچ سمجھ کوں تیز کرکراہیں آپنی تعلیم حاصل کرن دے جذبے کوں نکھاریا۔ ایں دوران عاشق حسین کوں انتہائی شفیق استاد مولوی نور محمد تونسوی ملیے۔ جہاں داتعلق توں نہ شریف نال ہاتے اولمازمت بطور مدرس مہرے والا سکول وچ تعینات ہن۔ عاشق حسین کوں موسیقی نال محبت وراثت وچ ملی کیونجو انہاں دے والد غلام فرید بزدار دارا سرائیکی نالک جھمر پارٹی، سٹیج ڈرامہ، موسیقی، رقص تے شاعری نال بہوں چاہ ہا۔ اے سٹیج شوتے رقص پارٹیاں قصبہ مہرے والا کنوں دریا پار یعنی مشرقی پاسے موضع سیت پور، علی پور، خیر پور تے مبارک پور وچ راہندیاں ہن۔ علی پور تے مہرے والا وچ صرف دریائے سندھ داپندھ ہے تاں پار دیاں اے پارٹیاں آپنی روزی سانگے ہئے شہراں وچ سفر کریندیاں ہن تاں جڈاں قصبہ مہرے والا کوئلہ شیر محمد تے سکھائی آلا آندیاں ہن تاں انہاں دی رہائش تے ٹکراپائی غلام فرید بزدار نمبر دار دے دیرے تے ہوندا ہئی اوں ویلھے عاشق بزدار چھوٹے ہال ہوندے ہن۔ آسوں پاسوں دے لوک جڈاں سنن ہا جو پار دی پارٹی آئی ودی ہے تاں لوک عاشق بزدار دے دیرے تے آن کٹھے تھیندے ہن ول آپنے علاقے دی ثقافت، جھمر تاڑی، رقص، موسیقی، ڈرامہ تے شاعری دے پروگرام ہڈھج ویندے ہن تے ایں نالک تے ڈرامے کنوں عاشق حسین وی چساں چیندے ہن۔ جڈاں نینگرپ وچ اے شوق تے چساں ودھیاں تاں عاشق بزدار ایں وسیب سانگے ہک چسولاتے ہرمن بھاوناشاعر بن تے ابھرے۔ بقول عاشق بزدار ابتدائی تعلیم دے استاد مولوی نور محمد تونسوی جڈاں سکول دے اندر شمشاد بیگم دا گایا ہویا گیت وڈی خوبصورتی نال گمدے ہن تاں میڈے اندر وی ہک سرور جاگن پئے ویندا ہا اوہ شعراے ہے:

بڑی مشکل سے دل کی بیکراری کو قرار آیا

کہ جس ظالم نے تڑپایا اسی پہ مجھ کو پیار آیا

آپ جڈاں سکول وچ اتجھی شاعری یا گیت سُن دے ہن تاں انہاں دی جذباتی کیفیت سرور تے محمود تھی ویندی ہئی۔

انہاں دے سکول دے جمائیاں وچوں حبیب مہاجر، اللہ ڈتہ مگسی، راجہ مہاجر، محمد رمضان قریشی، جنیں مخلص دوست شامل ہن۔ جنہاں نے ہمیش عاشق بزدار دا خیال رکھیے۔ انہاں دے ہلپن دے دور وچ سنگت وچوں حاجی احمد گوپانگ، عبدالکریم اعوان، جام حضور بخش شامل ہن جنہاں دے کھیڈن دے ڈیہ نہہ نہیں بھل سگدے تے پیاری سنگت دیاں یاداں ہمیشہ عاشق بزدار آپنے دل وچ بھکھائی رہندے۔

اٹھویں جماعت مڈل سکول سکھانی والا توں پاس کرن دے بعد فاضل پور ہائی سکول وچ داخلہ گھدا۔ جتھاں جونیئر سینٹر دی تعلیم حاصل کرن وچ شوق ودھیا۔ گورنمنٹ ہائی سکول فاضل پور وچ عاشق حسین کون ماہر استاد ملیے۔ قابل تے شاندار استادان وچوں عطا محمد شاہ فاضل پور والے فارسی تے عربی دے مضمون پڑھاؤن وچ ماہر ہن۔ جنہاں دی محنت تے محبت نال عاشق حسین بزدار فارسی تے عربی وچ خط لکھ گھندے ہن تے اوں دور وچ فارسی انگلش ہون دے ماہروی تھی گئے ہن۔ ۶۵-۱۹۶۴ء وچ راجن پور شہر تعلیم دی خاطر رُخ کیتا جتھاں میٹرک دی سند سکینڈ ڈویژن نال پاس کیتی جڈاں فاضل پور توں راجن پور مہرے والا تعلیم دی خاطر آؤن وچن تھیندا ہا تاں دگ وچ بہوں پیاری تے مخلص سنگت دا پیار رستے روک گھندا ہا۔ عاشق خان بزدار ویسے سنگت دے میل داسہرا ہاگاؤن وچاؤن تے موسیقی دے ٹھری ہن۔ باقاعدہ تعلیم دے نال نال موسیقی تے شاعری دی عادت کنوں توجہ ہٹ نہ سگی بلکہ مزید دلچسپی و دھدی گئی۔ فاضل پور دی سنگت دے میل وچوں گل محمد نقی، اللہ وسایا بھٹہ شامل ہن ویسے نو جوانان وچوں حیات محمد خان، حاجی عبدالعزیز خان در محمد خان مشہور شخصیت ہن۔ انہاں ڈیہ نہاں وچ مشہور فلم دان میاں فیض محمد خواجہ فلم ”ٹرن ٹاکیر“ دا ماہر ہا۔ جیندی فلم ڈیکھن سانگے عاشق بزدار آپنی سنگت سمیت وڈے شوق نال ویندے ہن۔ او عاشق بزدار دی تعلیم بارے آپنی کتاب وچ لکھدن کہ:

”جہاں تک تعلیم کا تعلق ہے تو پرائمری اپنے قصبے کے سکول سے جبکہ مڈل

قریبی قصبہ سکھانی والا کے سکول سے کیا میٹرک میں ایک سال فاضل پور جبکہ دو سال

راجن پور میں پڑھتا رہا تعلیم کے ساتھ ساتھ شاعری کا شوق بھی بڑھتا رہا۔“ (۴)

عاشق بزدار نے ۱۹۶۶ء وچ گورنمنٹ ڈیرہ غازی خان کالج وچ ایف۔ اے سانگے داخلہ گھدا۔ اتھاں ڈیرے دے اندر عاشق بزدار دے ڈھیر سارے سنگتی ئویں نیے۔ نصاب دے نال نال چنگیاں چنگیاں کتاباں پڑھن سانگے ملیاں۔ ڈیرے رہائش دے دوران ڈھیر ساریاں نظماں، غزلاں سرائیکی اردو زبان و ادب وچ لکھ چکے ہن۔ کالج دے آسے پاسے ڈھیر سارے سرائیکی شاعراں کون سندے ہن نہیں شاعراں دی شاعری دے نال نال انہاں نال مل بہن دا موقع وی ملیا آپنے خیالات دے تبادلہ اظہار دا موقع وی ملیا۔ کالج دے اندر اقبال سوکڑی، مہور غاری، سرور کربلائی، اقبال

نصرت نال ملاقات تھی ول سنگتی بن گئے۔ آرٹ ادب دے حوالے نال عاشق بزدار ویسے وی آزاد خیال ہن۔ ڈھیر سارے مشاعرے وچ شرکت کیتی۔ کالج وچ آپنے رہائش والے کمرے وچ ہک آڈیو ڈیک رکھیا ہو یا ہانے جیندے وچ سرائیکی مشاعرے ریکارڈ ہوندے ہن فارغ ٹائم وچ اوآپنی سنگت سمیت آپنے کمرے وچ بہہ کراہیں آڈیو مشاعرہ سندے ہن۔

اول دور وچ دیرہ غازی خان وچ سرائیکی شاعری دے ڈوگروپ ہن، ہک گروپ ”ساحل گروپ“ ہاجیندے اندر عزیز شاہد دے والد نور محمد ساحل، احمد خان طارق، فیض محمد فیض تے پئے دی ہوں سارے شاعر شامل ہن تے ڈو جھا ”جانبا زگروپ“ جیند اوڈ کا سرور کر بلائی ہاوندے اندر اقبال سوکڑی اقبال نصرت، مجبور بخاری جہیں پیارے شعراء دا کھ رہندا ہا۔ لیکن عاشق خان بزدار ڈو ہائیں گروپاں وچ اٹھدے بہندے ہن۔ اتے ڈو ہائیں سنگتیاں دے اکابرین شعراء کرام توں اکتساب فیض کیتا تے انہاں اساتذہ شعراء کرام توں اصلاح وی حاصل کیتی تہوں تاں عاشق بزدار صاحب شاعری دی اتجھی اُچی ماڑی تے تشریف فرما ہن جیندے کنگرے نور محمد ساحل، عزیز شاہد، اقبال سوکڑی، احمد خان طارق، سرور کر بلائی، اسلم جاوید، احسن واگھا تے اشوال جیہے جگ مشہور شاعر ہن تے دیرے دے علاوہ تونسہ، جامپور، مظفر گڑھ، شادان لنڈ، لیہ، راجن پور وچ سرائیکی مشاعرے تھیندے رہ ویندے ہن تے عاشق بزدار ہر صورت انہاں مشاعرے وچ شرکت کریندن ہن۔ کالج دے زمانے وچ اسلم جاوید احسن واگھا تے اشوال دی شاعری ہوں سندے ہن تے متاثر وی تھیندے ہن۔

عاشق بزدار دے اندر شاعری تے موسیقی دے نال نال ستار سکھن دا وی بہوں شوق ہا۔ آپنے کالج ہاسٹل دے اندر ہک پرانا ستار مل گھدا تے آپنی جماعت دے سبق پڑھن دے بعد فارغ تھی کراہیں دیرے دے استاد غلام محی الدین کولوں ستار سکھن سانگے چلے ویندے ہن۔ سکھن دا جذبہ ہوں ہا کجھ حد تک سکھ وی گئے ہن پر جڈاں گھر مہرے والا واپس ولینے تاں سرداری نظام دے زمیندار لوکیں وکونک دیاں گالھیں شروع کیتیاں تاں ادہ شوق انہاں کوں مجبوراً چھوڑنا پئے گیا۔ باقی سرائیکی شاعری جھمر، رقص، گیت، ڈرامہ، جنیاں صنفاں کوں وقت دے نال نال مزید ترقی ملدی گئی تے آج ساڈے سرائیکی علم و ادب وچ ڈھیر سارا خزانہ جمع تھی چکیئے، جیہڑا ساڈے سرائیکی وسیب دی تہذیب و ثقافت کوں زندہ رکھن سانگے تے ترقی کرن سانگے حوصلہ مند ہے۔

سئیں عاشق بزدار دیرہ غازی خان دے اندر کالج دی تعلیم توں فارغ تھیون دے بعد آپنے گھر قصبہ مہرے والا وچ ولینے تاں وسیب کوں ہک ہمدرد، سیاسی، سماجی تے احساس رکھن شخصیت دی اشد ضرورت ہئی۔ علاقے وچ سرداری نظام ہئی غریب غربت دی چکی وچ پسدا پیا ہئی امیر آپنے تکبر ڈو ڈھپ تے وڈپ دی گردن کوں اکڑا تے رکھدا ہئی ہک



طبقاتی ونڈ ہی۔ جڈاں عاشق بزدار اے سب کجھ آپنی دل دی اکھ نال ڈٹھاتاں اے تہیہ کر گھدا جو عوام دی خدمت تے انسانیت دی پہچان ای سب کجھ اے۔

سئیں عاشق بزدار لوک نالک ٹولیاں دے ذریعے غریب مایوس عوام کوں سیٹج دے سامنے کٹھا کر کراہیں کجھ کھل ہاسے تے دل تماشے نال انہاں دے منہ توں مایوسی دیاں جھریاں صاف کرن دی کوشش شروع کیتی۔ عاشق بزدار کوں جڈاں لوک آپنے کم سانگے ٹرتے آندے ہن تاں عاشق بزدار آپنے وڈپ زمیندارہ تے مال و دولت کوں ڈکھ تے مغرور نہ تھیندا ہا بلکہ بسم اللہ کرتے انہاں دی مدد سانگے ٹر پوندا ہا۔ جیندی وجہ توں باقی سیاسی سماجی کارکنیں دی نسبت عاشق بزدار آپنے وسیب وچ زیادہ عزت تے شہرت دی نگاہ نال سنجائے پچھائے گئے۔ انہاں دی ہک وجہ شہرت عوامی نمائندہ ہون وی ہے۔ اوچھڑے شاعری نہیں بھل ہک عملی سماجی کارکن وی ہن۔ او عام شاعران کلی گالھیں دے گاہوڑ تے شاعری دی تنوار وچ کٹھڑے تے پئے نہیں راہندے، بھل عملی سیاسی تے سماجی حیاتی وی ہنڈیندن، لوکیں دے مسائل دے حل سانگے انہاں دے نال ٹردن، شاعر چھڑاڈ سیندے، کریندا نہیں، مقلدا چھڑا کریندے ڈ سیندا نہیں پر ولی اللہ ڈ سیندا وی ہے تے کریندا وی ہے۔ سئیں عاشق بزدار وچ ولی اللہ دی جاڈ و بائیں خوبیاں پاتیاں ویندیاں ہے جینویں ولایت دامقولہ ہے طمع نہ کر، منع نہ کرتے جمع نہ کر، سئیں عاشق بزدار ایس مقولے دی عملی مثال ہن او جو وی کمیندن سرائیکی وسیب تے زبان و ادب لیندن۔ انہاں دی کتاباں تے مہرے آلا میلان شاہر ثبوت ہن۔

۱۹۶۸ء دی گال اے جو ایف۔ اے دی ڈگری بہوں منی ویندی ہائی۔ ایس تعلیم وچ بندے کوں وڈی نوکری مل سگدی ہائی پر عاشق خان بزدار نے ملازمت پسند نہ کیتی۔ اونویں وی بزدار خاندان اول دور وچ آپنے علاقے اندر زمیندارہ دے نال نال سیاست وچ حصہ گھندے ہن۔ عاشق بزدار آپنے قصبہ مہرے والا وچ آن کراہیں باقاعدہ سیاست وچ حصہ گھدا۔ جیندے وچوں وقت دی نزاکت کوں سامنے رکھیندیں ہوئیں چوچدھار نظر ماری تے ذوالفقار بھٹو دی پارٹی کنوں اُبج ہی کوئی تحریک پسند نہ آئی توں متاثر تھی کراہیں عاشق بزدار پاکستان پیپلز پارٹی وچ آؤن دا اعلان کر ڈتا۔

پرنیوا:

۱۹۷۲ء وچ عاشق حسین بزدار دی شادی آپنے قبیلے دے بندے غلام نبی خان بزدار دی دھی فریدہ بی بی نال منگڑا

تھی گیا۔

عاشق بزدار باقاعدہ طور تے ایف۔ اے دی تعلیم دیرہ غازی خان کالج توں حاصل کیتی اوندے اگوں تعلیم جاری

نہ رکھ سکے۔ انہاں کوں اردو، فارسی، عربی تے ہوں عبور حاصل باپراپنی ماں بولی تے سرائیکی زبان وادب کیتے انہاں آپنی زندگی وقف کرڈتی۔ دراصل عاشق بزدار کوں سرائیکی علم وادب نال پیار تے سٹیج ڈرامہ ناٹک، قص، شاعری وراثت وچ ملی کیونکہ انہاں دے والد تھیٹر یکل کمپنیاں نال تعلق ہووَن دی وجہ توں اکثر شعر و شاعری کھیڈنما شے موسیقی تے رقص تے شعر انہاں دے دیرے تے تھیندے رہ ویندے ہن تے عاشق خان آپنی چھوٹی عمر کنوں اے سبھ کچھ ڈیکھ چکین جنہاں دے دماغ وچ آپنے معاشرے دی پسندنا پسند پرورش پیندی رہ گئی جڈاں جوان تھئے تاں ہک سیاسی جماعت داسہارا گھندے ہوئے آپنے اندر دے جذبات کوں شاعری دے ذریعے تے آپنے وسیب دی خدمت سانگے پاکستان پیپلز پارٹی دی چون کر گھدی اوہ آپنے وسیب دے امن سانگے مظلوم دی مدد تے عوام کوں شعور ڈیون سانگے آپنی زندگی وقف کرڈیندے۔ محمد اسلم رسو پور عاشق بزدار دے بارے وچ لکھدن کہ:

”عاشق بزدار جتھاں ہک باشعور دانشور وانگوں پنہنہ تاریخی اتے سیاسی شعور رکھدے اتھاں ہک کو لے دل والا شاعری ہے ات واسطے جنگ اوندی طبیعت تے مزاج دے خلاف ہے۔ اتے او انسان دوستی تے امن دا پرچار کریندے او جتھاں حملہ آوراں کوں تسلیم کرن دی بجائے ڈاکو آہدے اتھاں خود وی کہیں کوں حملہ کرن تے انکار کر ڈیندے اتے چاتے ہوئے ہتھیار وی سٹ چھوڑیندے، خواہ ایندے نتیجے وچ اوں کوں کہیں جیڈی مصیبت ای کیوں نہ بھوگنی پوے۔“ (۵)

عاشق بزدار آپنی شاعری وچ وی اے پیغام ڈتے جو ہمیشہ زندگی امن تے سکون نال گزرتجے۔ آپنے وسیب وچ ڈکھ درد، ظلم ظلمیت انہاں کوں بالکل پسند کا نیں اوہ آپنی اگو نہی نسل دا خیال کریندن تے ہک جاہ لکھدن جو:

”جنگ دے بعد جے کر میں آپنی وستی ویساں

کیا ونج منہ ڈکھلیساں

میں ء سوچ تے

را نقل سٹ کے

مورچے وچوں باہر نکھتاں

آپنی دھرتی جنیں کوں

نہ مارن دے جرم وچ

میڈے ہتھ تھکڑی لگ گئی“ (۶)



عاشق بزدار کالج دی تعلیم توں فارغ تھیون دے بعد جڈاں آپنے گھر مہرے والا وچ آئے تاں انہاں علاقیاں دی عوام انصاف منگن سانگے ہک مسیحا دانتظر ہی جیہڑا عام لوکاں دے اندر کچاری لاوے انہاں دے ڈکھ درد سنے تے دھرتی ماء دے جواناں کوں تسلی ڈیوے انہاں دیاں امیدیاں تے پورا لہوے۔ ایں دوران عاشق بزدار پاکستان پیپلز پارٹی دالعرہ ماریاتاں ڈھیر ساری عوام انہاں دے رلے لبیک کیتا۔ ول عاشق بزدار آپنی ماء پولی دی تہذیب وثقافت دے ورثے کوں محفوظ کرن سانگے تے عوام کوں شعور ڈیون کیتے وکھو وکھو سرائیکی علمی ادبی مجلساں کیتیاں۔ سرائیکی علمی ادبی تنظیمیں دے تحت عاشق بزدار آپنے وسیب وچ عوامی شعور ڈتا۔ طارق اسماعیل احمد انی عاشق بزدار بارے لکھدن جو:

”ایں تناظر وچ پاکستان پیپلز پارٹی دے جھنڈے تلے آتے سیں عاشق بزدار مزاحمتی تحریک دا حصہ بنے اتے سرائیکی لسانی اکائی دی بحالی دا اہم عنصر دے طور تے مشہور تے معروف تھئے۔ آپنی مسلسل جدوجہد نال سرائیکی ادبی تے ثقافتی تنظیمیں ”سرائیکی لوک سانجھ“ تے ”سویل“ کوں سرائیکی قومیتی مزاحمتی تحریک دا ہک چھانورا ون بنا ڈتا۔“ (۷)

## اعزازات:

عاشق بزدار آپنے وسیب وچ ستر سال لاں توں عوام دی خدمت کریندے پین تے سرائیکی شاعری وچ بہوں وڈا حوالہ بنے کھڑن۔ جیندے اُتے سرائیکی وسیب کوں بہوں مان ہے۔ مقامی سطح تے عاشق بزدار کوں ڈھیر ساریاں محفلاں تے مشاعرے دے پروگراماں وچ تمنغے، ایوارڈ، تے شیلڈ دان تھمین۔ پرسرکاری سطح تے عاشق بزدار کوں پہلی واری صدارتی ایوارڈ ”تمغہ امتیاز“ نال نوازا گیا جیہڑا گورنر پنجاب سلمان تاثیر دے ہتھوں ۲۰۰۸ء وچ ملیا۔

صدارتی ایوارڈ عاشق خان بزدار سانگے بہوں اعزاز دی گال ہے۔ جیندے نال انہاں دی سنگت تے وسیب تے حکومت عاشق خان دی محنت تے محبت کوں سلام پیش کیتا تے مبارخاں ڈتیاں مٹھائیاں ونڈیاں اگیاں۔

## حوالہ جات

- ۱۔ یاسر جواد، سرانیکی وسیب کی تاریخ، لاہور، الفیصل ناشران و تاجران کتب، اردو بازار، سن ۲۰۱۸ء، ص: ۵۷، ۷۵، ۷۷
- ۲۔ یاسر جواد، سرانیکی وسیب کی تاریخ، ص: ۵۸۱
- ۳۔ عارف، محمد، پیلھوں، ملتان، پیلھوں پبلی کیشنز، شمارہ نمبر ۷، جولائی تا ستمبر، ۲۰۱۲ء، ص: ۲۵۸
- ۴۔ سرانیکی دانشوروں کے ساتھ مکالمہ، ملتان، ص: ۱۲۸
- ۵۔ رسولپوری، محمد اسلم، سرانیکی ادب وچ معنی دا پنڈھ، لاہور، حاجی حنیف اینڈ سنز پرنٹنگ پریس، ۲۰۱۲ء، ص: ۲۵۴
- ۶۔ بزدار، عاشق، قیدی تحت لہور دے، ملتان، جھوک پبلشرز، ڈی جی اشاعت، ۲۰۱۲ء، ص: ۱۱۳
- ۷۔ احمد انی، طارق اسماعیل، سرانیکی لوک بیانیہ، ملتان، جھوک پبلشرز، ۲۰۱۵ء، ص: ۱۵

دُوجھاباب:

## عاشق بزدار دی شاعری دافنی جائزہ

سرائیکی شاعری وچ راجن پور ملکی تے بین الاقوامی شہرت حاصل کیتی اے۔ حضرت خواجہ غلام فرید دا شمار سرائیکی زبان دے آفاقی شاعراں وچ تھیندے۔ جیویں جو انہاں صوفیانہ تے عارفانہ شاعری کوں اُچے پڑھتے امام الشعراء دے ڈھگ سارے مقلد شعراء نا صرف راجن پور بھل سارے سرائیکی وسیب وچ جے۔ ایویں جگ مشہور شاعر چراغ اعوان دا سا نگا وی ضلع راجن پور نال بنڑے۔ پچھا دھی قصبہ درگھڑی دے راہون والے ہن۔ راجن پور وچ سرائیکی شعراء دی ہک لمبی تندر بندی ہے۔ جنہاں مختلف ادوار دے وچ سرائیکی شعری سرمایے دے وچ ڈھگ ودھارا کیتے۔ پرانے شاعراں وچوں قاضی تاج محمود تاج، کیفی جامپوری، منظر کلیسی، خدایا دیکس، سونہارا بخش سرور، عبداللطیف لطفن، قاصر جمالی، کوثر بخاری، شعر محمد شعر، گل محمد لقی، ڈاکٹر خورشید ملک، اللہ بخش عارض، عبدالحالق بے وس تے ہئے ڈھیر سارے شاعراں سرائیکی شاعری کوں ودھارا ڈتا۔ انہاں شاعراں سرائیکی کافی، سرائیکی ڈوہڑے اتے سرائیکی دی پابند نظم کوں فروغ ڈتا۔ اتے نویں تلازمے تے استعارے استعمال کرتے سرائیکی زبان وادب کوں نواں رنگ ”جندو ڈامفوم“ عطا کیتا۔

جدید شاعراں وچ راجن پور دے جیڑھے سرائیکی شاعر زیادہ مشہور تھین انہاں وچ نذیر فیض لگی، عاشق بزدار، صوفی تاج محمد گوپا نگ، جمشید کمتر، خلیل شودا، محسن جامپوری، فیض ملنگی، ڈاکٹر شکیل پتانی، جاوید آصف، اسحاق دانش، رب نواز زخمی، تابش عمر کوٹی، سعید تبسم، رب نواز، محمود، افضل بیدار، خورشید احمد خورشید اتے ناشاد احمدانی بہوں مان جو گے ہن۔ انہاں شاعراں ڈوہڑے تے کافی دے نال نال سرائیکی غزل، آزاد نظم اتے سرائیکیو جنیں شعری اصناف نویں تے ملوک موضوعات کوں اُسرگی ڈتی۔ بلاشبہ آکھیا ونج سگدے جو راجن پور دی سرزمین سرائیکی دے شعری ادب وچ ہک اتجھے لا حاصل ادب دا اضافہ کیتے حیندے نال ایں ضلع دا قد کاٹھ ودھ ویندے۔

شاعراں دی ایں طویل فہرست وچ سئیں عاشق بزدار دا شعری سرمایہ منفرد اسلوب اتے نویکلے لہجے دے نال ساڈے سامنے موجود ہے۔ ملکی تے بین الاقوامی شہرت حاصل کرن آلے عاشق بزدار نے مختلف شعری اصناف دے ذریعے آپنے آفاقی نظریات کوں نویں حیاتی ڈتی۔

## سب سے عاشق بزدار دی شاعری دافنی جائزہ:

فن تے فکر شاعری دے ڈے وا تہجے پہلو ہن جنھیں دی ہک پئے نال اینویں جوت ہے جینویں چولی دامن دا۔ فنون لطیفہ دا کوئی وی شعبہ ہووے چاہے او ادب ہووے، مصوری ہووے یا موسیقی ہووے اوندے وچ جتھاں فکر ڈے و توجہ ڈے تی ویندی ہے اُتھاں ہوندے نال نال فن دا پہلو وی توجہ طلب ہوندے۔ فکر بھانویں جتنی اعلیٰ درجے دی کیوں نہ ہووے پراگر ہوندے فنی تقاضے پورے نہ کیئے وچن تاں او فن پارہ کڈا ہن فنی شاہکار نہیں بنی سگدا۔ آکھن دا مقصد اے ہے جو موضوع بھانویں کتنا ہی چہگا کیوں نہ ہووے فنی تقاضے پورے کرن ضروری ہن۔

ہر فن پارہ فکر تے فن دا مجموعہ ہوندے۔ ادب وچ نظم ہووے تے بھانویں نثر ہووے، اوندے فنی تقاضے پورے کیئے بغیر اونکوں سوہنا تے من چھیکواں نہیں بنایا وچ سگدا۔ فن دے بغیر فکر دی مثال اینویں ہے جینویں لون دے بغیر اُٹے دی۔

عاشق بزدار سرائیکی وسیب دے ہک نشانبر تے اہم ترین بھل جیکرا ہیں ہنیں کوں سرائیکی شاعری دے جدید دور دا اگواں آکھیا وچے تاں وی اُنہاں دیاں قربانیاں تے بے لوث خدمت دا حق ادا نہیں تھی سگدا۔ ہنھیں دا شمار سرائیکی وسیب دے ہنھیں اگوائیں تے شعراء حضرات وچوں ہے جنھیں دے دل وچ وسیب دے لوکیں دا نہ چھڑا درد ہے بلکہ انہیں سرائیکی وسیب کیئے آپنا تن، من، دھن سبھے کچھ ڈے وین ہتھیں لٹاڈے تا۔ اُنہاں دے بارے سبیں اسلم رسولپوری ہوراں لکھدن:

”میڈا خیال اے جو عاشق بزدار سب کنوں زیادہ باشعور سرائیکی قومی شاعر

اے۔ جنیں نا صرف سرائیکی قومی شاعری دے رجحانات کوں سمجھ تے آپنی شاعری دا

ایراہدھے بلکہ اینکوں ماڑی دی شکل ڈے تی اے۔ ات واسطے ایہ آکھن اچ میکوں ڈے

کائینی جو اچ دے بعد سرائیکی دی نویں قومی شاعری دے سارے رستے عاشق بزدار

توں ای ٹرین اُتے اتھائیں ختم آتھیں۔ اگوں تے جڈاں عاشق دی شاعری اچ

مزید فنی تے فکری پختگی آویسی اتے سرائیکی قومی شاعری دے سارے عناصر مکمل شکل

اچ آن موجود ہوں تاں میکوں یقین اے جو مستقبل اچ سرائیکی ادب دا دیا نندارانہ

لکھیا ہو یا نصاب پڑھدیں ہوئیں سکول دا ہک معصوم بال آپنے منگتی دا امتحان

گھندے ہوئے پچھسی۔ بھلاڈس ہاں جو خواجہ فرید دے بعد سرائیکی دا سب کنوں وڈا

قومی شاعر کون اے۔ تاں او کھل تے جواب ڈے لسی۔ اچھا! ایہ وی کوئی مشکل سوال

اے۔ ایہ تاں ساڈی کتاب دے صفحہ ۲۷ تے لکھیا کھڑے۔ عاشق بزدار۔ (۱)

عاشق بزدار آپنی شاعری دی ابتداء اردو شاعری کنوں کیتی پُر اردو زبان ماء پو لی نہ ہوون دی وجہ کنوں انھیں دے موثر اظہار دا ذریعہ نہ بن سکی کچھ عرصے بعد سرائیکی دھرتی تے قومی جدوجہد دا آغاز تھیا تاں عاشق بزدار سرائیکی اچ شاعری شروع کیتی تے دھرتی، ماء پو لی تے وسیب دے پورہیت طبقے دے ڈکھ درد انھیں دے شعریں دی صورت وچ سامنے آئے۔ او آپنی ماء پو لی تے آپنی مٹی دی خاطر تن، من، دھن لٹاڈ یوں آلا شاعر ہے۔ انہاں دیاں نظماں آزاد ہیئت اچ لکھیاں ہوئیاں ہن۔ دلبر مولائی آپنی کتاب ”وسیبی سخنور“ وچ لکھدن۔

”عاشق بزدار کی ساری نظمیں آزاد ہیئت میں ہیں اور مربوط ردھم اور فکری

پیغام سے لبریز ہیں۔ انہیں سرائیکی کا، ن۔م راشد اور مجید امجد کہا جائے تو بہتر

ہوگا۔“ (۲)

انہاں دیاں نظماں وچ دھرتی دے اصل وارث پورہیت لوکیں واسطے محبت کُٹ کُٹ تے بھری ہوئی ہے۔ ایندے نال نال انہاں دی شاعری اچ اپنے وسیب دی خشبووی آندی ہے۔ انہاں آپنی نظماں وچ سادہ تے آسان زبان نال گالھ کیتی ہے تاکہ وسیب دے لوک سمجھ سکے او آپنے نظماں دے بارے لکھدن:

”میڈے اکثر نظمیں وچ ہیٹ، روہی، تھل، دریا، واہ و ہیرے، ٹھیڑ،

ٹوبھے، تاڈے، پوٹے، لوک داستانیں تے علاقائی تاریخ نال متعلق لوکیں دا ذکر

آندے۔ شاید دوست ایں قسم دی یکسانیت توں بوریت محسوس کرن پوون تاں انہاں

دی خدمت اچ عرض اے جو او سرائیکی وسیب دے مزاج تے قومی شاعری دی

ضرورتیں کوں سامنے رکھن تے ول اے وی ہے، اساں انہیں حوالیں نال آپنی گم تھئی

تاریخ، ثقافت، تے آپنے وسیب دے نشا بر منظر پیش کرتے آپنی دھرتی نال محبتاں

جگا سکدوں۔ سا کوں ڈجھیں کنوں اچ آپنی سچان کراون سانگے وی انہیں علاقیں

دے حوالیں نال گال کرن پوسی۔ آپنی نویں نسلیں کوں آپنے قومی، ثقافتی لوک ورثے

دا شعور یوں تے انہاں وچ آپنے وسیب دی محبت اجاگر کرن کیستے اے ضروری اے

جو اُساں اے گالھیں ولا ولا کروں۔ آپنے گوتھ، آپنی دھرتی دی تاریخ، اوندے

سارے منظر، سارے قصے، ساریاں ریتاں یاد کروں تے یاد ڈیواؤں، نہ تاں اُساں

آپنی دھرتی دی محبت دے سلسلے وچ نہ جڑ سکوں۔“ (۳)

عاشق بزدار کوں آپنی دھرتی تے آپنے وسیب نال بہوں محبت اے او آپنی نظماں وچ اپنے شہر مہرے آلے داوی

ذکر کریندن۔ آپنی نظمیں اچ لوک کرداریں، جنگل، پہلے، ٹوبھے تاڑے، تے آپنے دریاواں دا ذکر وی کریندن (آپنی ہک نظم ”وسیب“ وچ لکھدن:

میڈی عمر ہزاراں ورہیے

عسی توں وی پہلے

میں ایں وسبے وسدا ہا میں

ڈلیں ڈراور جیندا ناں ہا

ءملتان، ہرندتے بکھر

تونسہ، بھٹے وہن

”مہرے والا“

دیرہ داخل

اُچ تے رنگ پور

پتن منارا دلورادے ٹھیڑ

سارے وسبے میڈے گھر ہن (۴)

عاشق بزدار آپنی نظمیں وچ بہوں ساری جاہیں تے آپنے وسیب دیاں لوک کرداراں دا ذکر وڈے فخر نال کیتے۔

اے کردار ساکوں سرانیکی وسیب دیاں وفاتے محبت تے مٹی لوک داستانیں دا پتہ ڈیندیں اولکھدن:

سارے وسبے میڈے گھر ہن

جتھاں پیت کوں

آپنی اکھ دا پانی ڈے گئیں

مول، مول، سسی، سسی

جتھاں راول روہیں رُلے

روہی وچ فرید (۵)

سرانیکی وسیب وچ عشق و محبت دیاں داستانیں بہوں مشہور ہن۔ میندھرا مول دی لوک داستان شاعر آپنی

شاعری اچ ڈسیندن سرانیکی وسیب دے دریا گھاگھرے وچوں نکلن والی ندی جیندے بھرتے عشق و محبت دی سرانیکی لوک

داستان د امرکزی کردار مول دی ماڑی آباد ہئی۔ گھاگھرا دے سکھ نال مول دی ماڑی وی اُچھو اگئی۔ عاشق بزدار دیاں  
نظمیں اچ انہاں لوک داستان دا ذکر کافی ملدے تے او انہاں دے عشق و محبت اچ رل مرن دا ڈکھ شعراں دی صورت  
وچ لکھدن جو:

ساڈے راول رُل پردیس موئے  
ساڈیاں سمیاں وسین کرن  
کئی مول، سول مرستیاں (۶)

عاشق بزدار دی شاعری اچ سرائیکی وسیب تے وسیب دے لوکاں دا ڈکھ شیشے وانگوں ڈسدے۔ سہی راول سرائیکی  
وسیب دی عشق و محبت دی لوک داستان دے ڈواہم کردار ہن۔ فصلیں تے دختیں وانگ محبت وی وسیب اچ پھٹدی رہی  
تے عاشق بزدار دا شاعرانہ ادراک اسرار کنوں ادراک تک اُن پُچدے۔ او آپنی نظمیں وچ ڈسیندن جو اے لوک پیت  
پریت اچ آپنی حیاتی تے پیار و وفا کوں امر کر گئیں۔ اوہک نظم اچ لکھدن جو:

اتھاں پیار محبت دے کئی قصے جیے  
اتھاں سہی، سول، سول  
زینی، سہی

پیت پر دے پندھیڑے بھو گئے  
اتھاں راول روہیں رُلایا (۷)

آپنی دھرتی آپنی ماء پو لی نال محبت ہک فطری امر ہے۔ عاشق بزدار دیاں نظمیں اچ آپنی مٹی تے آپنے وسیب  
دے لوکاں کوں آپنی دھرتی دی ترقی تے جبر و استحصال دے خلاف جگاؤن تے کچھ کرن دا پیغام ملدے ایں بارے اچ او  
لکھدن جو:

اتھاں اوپری بھوئیں دے اوپرے واسی  
ساڈی بھوئیں تے بھک پئے لیندن  
جے کراساں آپنی عظمت نہ سنہلیوں  
آپنے شجرے گم کر ڈیسوں  
تاں.....

ساڈے چائے آساں وانگوں

صدیں تائیں

یکہل، کوٹانے، کمی چوڑھے

پکھی واس فقیر سڈ یسن (۸)

دنیا اچ جیڑھا جتنا طاقت ور ہے او آچنی طاقت دے زور نال کمزور لوکاں کوں محکوم بناون دی کوشش کریندے اتے  
ہیں کوشش اچ او اخلاقیات دے سبھے اصول بھل ویندے۔ عاشق بزدار آچنی شاعری دے ذریعے سرائیکی وسیب دے پے  
پٹھے، محکوم لوکاں کوں اشاک کرن دی کوشش کیتی اے جو تساں طاقت دا جواب طاقت نال نہ ڈیسوتاں اے لوک تہاڈے نال  
بھیڈ، بکریں آلاس لوک کر یسن، ہک نظم اچ او آپنے وسیب دے لوکاں کوں آہدن جو:

آچنی دھرتی

آچنی عزت

آپنے شان شرم دی خاطر

جے تیں

ایں دھرتی دے واسی

سر نہ چسین (۹)

شاعر شاعری تخلیق نہیں کریندا بلکہ اوکتھائیں نہ کتھائیں پہلے کنوں موجود ہوندی ہے بلکہ زمانیں کنوں موجود ہے  
شاعر صرف اونکوں دریافت کریندے۔ شاعری کہیں نہ کہیں سطح تے ہک احتجاج ہے جبر دے نظام دے خلاف، عاشق بزدار  
آچنی شاعری نال سرائیکی وسیب تے لوکیں تے نویں نسل کوں آون والے وقت تے نظر رکھن دی ہک کوشش کیتی اوکھدن  
جو:

توں جاگ ڈلیں سرائیکی

نندراں دا وقت نہیں

توں ڈکھ آپنے چار چو فیروں نظر بھنوا

ہر کہیں کوں کل دی فکر

بقاء دا خیال ہے (۱۰)



شاعر شعور کوں مزاحمت نال جوڑتے مستقبل دی تاریخ لکھدے۔ شاعر کتھائیں نفرت کے خلاف محبت دے ہتھیا رنال مزاحمت کریندے۔ بادِ سرد اکھان ہے:

”انسان ایک کھویا ہوا بچہ ہے جو علامتوں کے جنگل میں پریشان پھرتا ہے۔“ (۱۱)

اے شاعر دا وجدان ہوندے جیڑھا انھیں علامتیں کوں معنی ڈے تے دنیا کوں رہن دے قابل بنیندے تے پرائی علامتیں کوں جڈاں زوال آندے تے اے ولا مزاحمت دی فکر کوں جنم ڈیندے۔ ایں طرح نویں رجحانات جنم گھندن۔ اساں ایں بہتر اکھسکدوں جو اے ہک شاعر ای ہوندے جیڑھا شاعری تے خلق خدا دارشتہ قلم، کلام، سُر تے سماعت نال مل تے مزاحمت دے سچ عوام دے دلیں وچ بوئیندے۔

عاشق بزدار آپنی نظماں دے ذریعے ایہو مزاحمتی شعور آپنے سرانیکی وسیب دے لوکاں وچ اُجاگر کرن دی کوشش کیتی اے۔ اوہک نظم وچ لکھدن جو:

کتھائیں قلعے دی جیل کالی دے  
سویئے ہوئے فرش تے کئی زخمی ستا پیا ہے

قصور اوند

جواوا کھیندے

اے سارے منظر

ء سب طریقے

یکے دطیرے

تاں ظلم دے ہن

انہاں کوں روکو

انہاں کوں بدلو (۱۲)

عاشق بزدار نویں نسل کوں آپنی شاعری دے ذریعے اُشاک کرن دی کوشش کیتی اے تے آپنا حق منکن واسطے آواز اٹھاون دا آکھیے۔ اے ہک شاعر دا فرض بندے جواوا آپنی شاعری دی طاقت نال سُستی ہوئی قوم کوں جگاوے تے عاشق بزدار اے فرض بخوبی نبھائے۔ انہاں آپنی نظماں اچ جاء جاء تے آباؤ اجداد دیں قربانیں دا ذکر کیتے جو انہاں ساڈی دھرتی دی بقاء کیتے آپنی رُت وہائی اے تے ولا ونچ تے اے دھرتی اتجھی مضبوط بنی اے جیندیاں پاڑاں شہہ تیں لتھیاں

ہوئیاں ہن ہک نظم وچ اوکھدن جو:

تھاڈے اجداد

تھا کوں

آپنے چولے آپنی وہندی رت دے وچ رنگ کے علم ڈے گئے

اوندی چھاں تے

پہن والیں

ڈکھی نسلیں دی خاطر

کچھ تاں کر چھوڑو

قلم تیشہ، قلم شیشہ، قلم تلوار تھاڈے ہتھ (۱۳)

سرائیکی شاعری وچ مزاحمت خواجہ فرید دے کلام وچ واضح نظر آندی ہے۔ خواجہ فرید ہک انتخاب وڈا ابو ہڑ ہے جیندی چھاں تلے پورا سرائیکی وسیب آویندے۔ خواجہ فرید ہک انتخابے شاعر ہن جنھیں دے کلام وچ وادی سندھ دی پوری تہذیب آویندی ہے اگرچہ کہ او مزاحمتی شاعر نہ ہن پر مزاحمت کیتے خواجہ فرید آپنے مرید نواب محمد صادق نواب آف بہاولپور کوں بطور مرشد ہک ہدایت کیتی او کو دکھدن جو:

آپنی نگری آپ وساتوں

پٹ انگریزی تھانے (۱۴)

شاعری سماجی تاریخ ہوندی ہے تے شاعر سماجی مؤرخ ہوندے جیڑھا ڈکھ، درد، حادثات، طبقاتی محرومیاں، معاشرتی نا انصافیاں، پورہیت طبقے تے جبر اتے وسیبی محرومیاں او ڈیہدے اے سارا کچھ او آپنی شاعری دا موضوع بنیندے۔ ہک شاعر واسطے تاریخ او ہوندی ہے جیڑھی ہوندے اندر دی دریافت شدہ ہووے۔ خواجہ فرید جیڑھے سرائیکی قومی شعور تے مزاحمتی اسلوب دا ایراپدھیے عاشق بزدار اونکوں ڈھیر سارا اُساریئے۔ آپنے وسیب نال پیار تے علامتیں دے حوالے نال آپنے پیغام دی ترسیل خواجہ فرید دی منڈھلی تے وڈی صنعت ہے۔ لیکن تاریخ دا اصل تے اوں توں ودھ انقلابی تصور اساکوں عاشق بزدار دیں نظمیں وچ ملدے۔ ایں انقلابی تے جرأت مندانہ اظہار دی وجہ کنوں عاشق بزدار آون آلیں نسلیں دی عقیدتیں دا حقدار ہے او آپنی نظم وچ لکھدن جو:

کئی راول، سیتل، میندھرے

سے سسیاں، موئل، مارویاں

دھرتی پیر فقیر دی

اتھ دیرے چنن پیر دے

ایندالین خدمت گار

بھل اُج اے دھرتی دھرم دی

ہے روندی نیر ہزار (۱۵)

شاعری صرف سماجی تاریخ داناں نہیں بلکہ اول توں ودھ ساڈے وسیب دے رہن آلیں لوکیں دی تاریخ ہے بلکہ تاریخ تے ثقافت شاعری وچ ساہ گھندن۔ شاعری ہنھیں کوں زندہ رکھیندی ہے۔ ماضی دے بارے وچ ڈسیندی ہے۔ ارسطو بوطیقا وچ لکھدے جو:

”تاریخ وہ بیان کرتی ہے جو ہو چکا ہے جبکہ شاعری ان چیزوں کا احاطہ کرتی ہے جو ہو سکتی ہوں۔ اس لئے شاعری، تاریخ کے مقابلے میں زیادہ سوچ بچار کا تقاضا کرتی ہے وہ آفاقی صداقتوں سے سروکار رکھتی ہے جبکہ تاریخ مخصوص واقعات کا تذکرہ ہے۔“ (۱۶)

عاشق بزدار اپنی نظماں وچ نہ صرف تاریخ تے ثقافت کوں سموئے بلکہ انہاں وسیب وچ رہن والے عام لوکاں تے جیویں ظلم تھیا اوندی خاطر وی آواز بلند کیتی جو کیویں وسے وچ رہن آلیں تے ہاروں آون آلیں انھیں کوں اپنی طاقت وانشانہ بنایا۔ انہاں دے اے اشعار تمام غاصباں دی تاریخ داؤس دیندن:

بھل ایں وسدی دھرتی دا

نہ چین آرام کہیں کوں بھاناں

حق ہمسائے ویری تھی گئے

ایندی دولت لٹن سانگے

کئی دھاڑ وائے جوڑ قطاراں

میں ہیاں ڈیہداں

صدیں کولوں

ایں دھرتی تے ظلم دی واچھڑ  
 ایندے مکھن سینے اُتے  
 باہروں آون والیں وحشیں  
 تلواریں تے نیزیں دیاں نت ضرباں لایاں  
 کئی یونانوں دنیا فتح کرن دے سانگے  
 کئی افغان، منگول، ایرانی حملہ آور  
 کئی اسلام پھیلاون حیلے عربوں آئے  
 سودا گردے ویس وچالے  
 اتھ انگریز ورا دھے

ساریں ایں دھرتی کوں لٹیا (۱۷)

زبان چاہے کوئی وی ہووے غیر اہم کینی ہوندی۔ زبانیں دی بقاء پوری انسانیت دا ورثہ ہے لیکن اے وی ہک  
 وڈی حقیقت ہے جو بنجرتے بناوٹی تاریخ بھانویں جیڑھی زبان وچ لکھی وئے او ہمیش واسطے بنجرتے بناوٹی ہی رہی۔  
 سرائیکی وسیب جیندا پانی وی کھیرتے شہد وانگوں مٹھا ہے۔ اساں ہوں دھرتی ماء دے واسی ہاؤں۔ عاشق بزدار سرائیکی  
 وسیب تے لوکاں نال بہوں محبت کریندن۔ اتھ واسطے او اپنے پانی کوں کھیرتے شہد وانگوں مٹھا سمجھدن او آہدن جو:

اساں جے سرائیکی ڈلیں دے  
 ساڈی دھرتی ماء لکھ پال  
 ایندے سینے سندھ پیا کھیڈ دا  
 ایندے پیریں چھا چھڑ، کاک  
 اے بھاگ وندی دی بھاگ وند  
 ایندا پانی کھیر دی کار (۱۸)

عاشق بزدار نے آپنی شاعری وچ سرائیکی وسیب دیں تربیتیں دے ڈکھ وی ڈسائیں۔ جو تربیتیں نسل انسانی  
 دے تسلسل دیاں ذمہ دار ہن او دھرتی دا بار چاون دے باوجود دھرتی دا بار آکھیاں ویندن۔ ہک نظم وچ او لکھدن جو  
 دھیاں نمائیاں

نراس بھینیں

وسارو پلھے

کھلن ہسن دے

رنگیل چنی دی جاتے

سرتے

غریبیاں

توڑیں بار دھرتی دے چاتی پھر دین

تے

وت وی دھرتی دابار لگدین (۱۹)

عاشق بزدار تریمتیں دی زبان کنوں ہنسیں دے ڈکھ ڈسن دی کوشش کیتی۔ تریمتیں دے عالمی ڈینہہ دے موقع  
تے ہک نظم ”بابل“ دے ناں نال لکھی جو:

آج وی تیڈے ویڈھے سانگے

امڑی دی جھولی دے کیستے

بابل ساڈیاں اکھیں روندین

تیڈی پگ دے پاندکوں لوہندین

شالاست پتریتا تھیویں

اساں تیں توں کجھ نہاں منگدیاں

نہ ساڈی جھیل ہے کائی

بابل تیں تائیں ہکا زاری

آپنے صحن اگواڑ توں ساڈے پیر نہ میسیں (۲۰)

غریب ہالڑیاں جاگیر دارں دے گھروچ ہنھیں دے پالیں کوں راہندین۔ انہاں دا ہلپن تے کھیڈن گھڈن  
دے ڈینہہ زمینداریں دے ذالیں تے پالیں دے دڑ کے مندے کھاندے گزرویندن۔ انھیں دے اکھیں وچ چلن آلے  
خواب اس اندرای رہ ویندن۔ انہاں دے خواب زندگی دا عذاب بن ویندن۔ عاشق بزداری ہک نظم ”خواب“ دے ناں

نال لکھی اوکھدن جو

غریب ماء پیو دیاں دھیریں کم سن

جو تن توں بگھ دے عذاب

ٹالرن دے کیتے

اُچیں حویلیں ونج کے

امیر لوکیں دے ہال چا دن

و دیاں رہا دن (۲۱)

عاشق بزداری شاعری ونج سماجی پستیں ونج لتھڑیاں ہوئیاں وفادار سمیاں سسیاں اتے بکھ دیاں ماریاں ہوئیاں  
ہاٹریاں درد رتے محنت مزدوری تے عذاب بھوگیدیاں ہوئیاں نظر آمدن اُتھائیں انہاں دی نظمیں ونج ایس مظلوم دھرتی  
دے لیٹے ہوئے لوکیں دا درد وی نظر آمدن۔ حملہ آوریں دے ماریے ہوئے اساڈے ڈاڈے بابے تے اج دے مہنتی تے  
غربت دے ماریے لیلین گھبرووی انہاں دی شاعری دا موضوع ہن۔ او آپنی ہک نظم ”لیلین گھبرو“ اچ لکھدن جو

اُج دھرتی پئی ہے جاگدی

ہن توں وی نندراں چھوڑ

توں لیلین گھبرو ڈلیں دا

توں و زبر توں شہ زور (۲۲)

عاشق بزدار دیاں نظماں ونج رشتے ناٹے، پیار محبت، پیو ماء نال عقیدت واضح جھلکدی ہے۔ کتھائیں او ”بابل“  
کوں مخاطب کرتے گال کریندن تے کتھائیں او ”ماءڑی ماء“ جنیں نظم لکھ تے ماء نال محبت تے عقیدت دا اظہار کریندن۔  
اُنھیں دی شاعری ونج موضوعات دا تنوع پاتا ویندے۔ انہاں دی نظمیں ونج جتھاں انقلاب، بغاوت، پورہیت طبقے نال  
محبت گٹ کٹ تے بھری ہوئی نظر آمدی ہے اُتھائیں او ماء جنیں ہستی دی عقیدت دی تسبیح پڑھدے ہوئے نظر آمدن ہک جاء  
تے اوکھدن جو:

ماء ماڑی ماء

توں ڈس دیں میکوں رب رحمن دے وانگوں

ماء ماڑی ماء

توں وشنو، شیو، بھگوان، ہری دیاں شکلاں

ماءڑی ماء

اُپس، سنیا تے اُحد، ہمالیہ دے چوٹیں تے

میڈے تخت نظر دن

ماءڑی ماء (۲۳)

عاشق بزدار دی نظماں وچ ہک طرف او اگر باہروں حملہ کرن آلیں کوں ڈاکو تے لٹیرے آہن ڈوجھی طرف او خود  
وی حملہ کرن تے کہیں تے ظلم کرن کوں بالکل پسند نہیں کریندے تے چاتے ہوئے ہتھیار وی سٹ گھنٹیندن۔ بھانویں  
اینڈے بدلے وچ ہنھیں کوں کوئی بہوں وڈی تکلیف داسامنا کیوں نہ کرنا پوے۔ آپنی ہک نظم وچ اولکھدن جو

جنگ دے بعد میں جے کر آپنی وستی ویساں

مار کے دھرتی ماء دے نکھیرے نینگر

کیا ونج منہ ڈکھلیساں

میں ءسوچ تے

رائفل سٹ کے

مورچے وچوں باہر نکھتاں

آپنی دھرتی جئیں کوں

نہ مارن دے مجرم اچ

میڈے ہتھ تھکڑی لگ اگئی (۲۴)

عاشق بزدار دیاں بہوں ساریاں نظماں جاگیر دارانہ نظام دے خلاف ہن۔ او دولت دی غلط تقسیم دے خلاف  
آواز بلند کریندن۔ اتھ واسطے او پور ہیئت طبقے دی بھرپور حمایت وچ لکھن کیتے آپنا قلم جہاد دے طور تے استعمال کریندن  
تے آپنی شاعری کو علم بغاوت دے طور تے بلند کریندن۔ انہاں دیاں نظماں آپنے وسیب دے ڈکھ درد و نڈاون دا بہوں  
وڈا ذریعہ ہن۔ ہک نظم ”نراس“ وچ اولکھدن جو:

اُچ رانی دے میلیں ونج کے

چھلے مندریاں

چیرے چُنیاں  
 وَجھلیاں تے الغوندے گھنوں  
 زبّی بھین دے ہتھیں سگن دی میندی لکسی  
 لال بھرا پر نیسی  
 پر و تھیندے  
 فصلاں پکرن تے  
 خانیں دے کمدار کراوے  
 شہروں آندن

جیڑھے میڈا پورھیا (۲۵)

عاشق بزدار دیاں نظماں وچ ہک تَس، بگھ، جُباں، سگاں تے محرو میں دا پرچار نظر آمدے۔ نِکے نِکے معصوم پالیں  
 تے ہالڑیں دے ہلپن دی نا تمام خواہشات دی چٹی ننگی تصویر عاشق بزدار دی شاعری وچ نظر آمدی ہے۔ انسان خواہشات دا  
 پُتلا ہے تے ساری عمر اُوہنھیں خواہشیں کوں پورا کرن دی دوڑ وچ لگا راہندے و لاوی اوندیاں خواہشاں تے حسرتاں  
 پوریاں نہیں تھی سگدیاں۔ عاشق بزدار دی ہک نظم ”شا پنگ بیگ“ وچ اوکھدن جو:

میڈا کینجھا شہر محل مستیں والا

صدر بازار دا سوہنا منظر

تے ہک اچھ

اووی خیری ست سالیں دا

کھیڈ و سار تے ماء بیمار دی روٹی

سپھاراں دیاں گولیاں

لالی بھین دے سانگے بس ہک کھیر دی بوتل

کیتے.....

شا پنگ بیگ وچیندے

اکثر ہتھ خالی ول ویندے (۲۶)



انسان دی زندگی وچ ڈکھ تے دردوی موسیٰ والی کار اپنا رنگ بدلیندن۔ انسان دے اندر داموسم چنگا ہووے  
تاں باہروں ہر شے وچ اوںکوں بہار نظر دی ہے جے کر اندر دے موسم تے خزاں دا دیرا ہووے تاں باہروں سکھڑے سُنکے  
درخت تے کرکڑدے پترے نظر آمدن۔ عاشق بزدار دی نظماں وچ ڈکھ موسم والی کار رنگ وٹاتے اندے تے اے ڈرتے  
خوف رہ ویندے انسان کوں جو آون آلا موسم و ت کوئی نواں سول سنیہا گھن تے آؤسی اوہک جاء تے لکھدن جو:

کڈاں ڈکھ دی رت بدلی

کڈاں سکھ داموسم ولسی

اتلے تائیں

وت کئی نویں

سول سنیہے

میڈے تئیں

آڈھکدن (۲۷)

عاشق بزدار دی شاعری وچ پور ہیئت طبقے دا ڈکھ درد واضح نظر آمدے۔ انہاں دیاں تقریباً سارسیں نظماں وچ  
مظلوم لوکیں دے کچلیے و نچن دے خلاف آواز بلند تھیندی نظر آمدی ہے۔ طارق اسماعیل احمدانی آپنی کتاب ”لوک بیانیہ“  
وچ لکھدن جو:

”عاشق بزدار دی شاعری سرائیکی وسیب دے کچلیے ہوئے پور ہیئت عوام

دے ڈکھ درد اناوہ ہے۔“ (۲۸)

عاشق بزدار دی شاعری وچ کافی تنوع پاتا ویندے۔ انھیں دی شاعری وچ سیاسی، سماجی، معاشی، معاشرتی اتے  
تہذیبی رویے واضح نظر دن۔ انھیں دی شاعری چھڑی شاعری نئے آکھ سگدے کیوں جو آپنی شاعری دے ذریعے صرف  
آپنے اندا کتھارس نہیں کیتا بلکہ انھیں دی شاعری دا اہم ترین موضوع لوکیں دی تاریخ ہے۔  
مشہور مورخ ڈاکٹر مبارک علی آپنی ترتیب ڈتی ہوئی کتاب ”تاریخ اور مورخ“ وچ لوکاں دی تاریخ بارے ایس  
کچھ لکھدن:

”برصغیر ہندوستان وچ تاریخ کوں تریں نقطہ نظر ناں لکھیا گئے۔ برطانوی

تاریخ دانیں ایندا تجزیہ نو آبادیاتی نقطہ نظر ناں کیتے۔ قوم پرست مورخین قومی نقطہ نظر

نال تاریخ دی تشکیل کیتی اے۔ اے مارکی تاریخ نویسیں ایکوں طبقاتی تصادم اے  
 کش مکش دے دائرے وچ رہ تے لکھیے مختلف نقطہ ہائے نظر نال تاریخ لکھن دا فائدہ  
 اے تھئے جو جیہڑی تاریخ ہن تیں حکمرانیں دے درباریں تائیں محدود دہی ہن  
 معاشرے دے مختلف پہلوئیں تے توجہ ڈتی پئے اگئی اے۔ جینویں جو معیشت،  
 ثقافت اے عوامی سرگرمیاں۔“ (۲۹)

عاشق بزدل اور مورخ ہے حیدری شاعری وچ سیاسی، سماجی، ثقافتی، معاشی، معاشرتی، لسانی اے تہذیبی رویے  
 واضح نظر دن۔ انہاں دیاں نظماں وچ درباری مورخین والی کار غیر ملکی حملہ آوریں کوں بہادر، شجاع نہیں آکھیا گیا تے نہ ہی  
 انہاں دیاں صفتاں بیان کیتیاں گئیں۔ بلکہ صرف آپنے و سبے دی حالت بیان کیتی گئی ہے اے انہیں حملہ آوریں کوں چور  
 تے ڈاکو آکھیا۔ اتھ واسطے انہیں دی شاعری کوں ویسی تاریخ تے ثقافت دے اظہار دی وجہ کوں ”لوک بیانیہ“ آکھیا  
 ویندے۔

ڈیہدیں ڈیہدیں  
 کوہ سلطان تے چھا چھڑ دے دے وچوں  
 کالی کٹ تے دیبل دے رستیں دے کولوں  
 ڈاکو آئے  
 جنہاں ایں دھرتی کوں لٹیا  
 و سبے ساڑیئے.....

ساڈے ڈاکو اڈے بابے بن گئے (۳۰)

شاعر عقل و دانش دا گہوارہ ہوندن۔ اوفظیں کوں لاس پویندن تے ہک سوہنا رنگ ڈھنگ عطا کریندن۔  
 دانائی نہیں نال گالھیں کریندی ہے۔ شاعر کوں دنیا دے قانون توں بے گانہ آکھیا ویندے۔ شیکسپیر شاعریں، دیوانیں تے  
 عاشقین کوں ہکے قبیلے نال جڑیندے۔ شاعر کوں آپنی ماء پو لی نال بہوں زیادہ محبت ہوندی ہے۔ لفظ نہیں دی شاعری دے  
 دربار وچ ہتھ بدھ تے کھڑیئے ہوندن۔ عاشق ہک اتجھا شاعر ہے جیکوں آپنی دھرتی تے ماء پو لی نال جنون دی حد تیں  
 عشق ہے۔ انہاں دی شاعری وسیب تے وسیب دے مظلوم و مقہور تے کچلیے ہوئے پور ہیئت طبقے دے ڈکھ درد دی واضح  
 نقاش ہے۔ اتھ واسطے عاشق بزدل کوں وسیب دے پور ہیئت لوکیں دانوحہ خواں آکھیا ویندے۔

وسیب دانوحہ عاشق بزدل دی شاعری ہے۔ لور کا دی ہک نظم ”گریہ وزاری کا قصیدہ“ کجھ ہیں گالھ تے مکدی ہے

جو:

آنسوؤں نے ہوا کا منہ بند کر دیا ہے

سوائے گریہ وزاری کے کچھ نہیں سنا جاتا (۳۱)

مظلوم، چھوٹے تے بے سہارا لوکیں نال محبت کرن آلا عاشق بزدار کچلیے ہوئے مقہور لوکیں دی نوحہ گری کجھ ایں  
لفظیں وچ کریندے۔

ساڈے تنڈھڑے بکھ توں پاکدے

ساڈے بکھ دے قصے ہا ہر تئیں

ساڈی غربت جگ بدنام

ایں آپنی بکھ تریہہ ننگ تے

ساڈیاں اکھیں رت پیاں سمداں

ساڈے من ماندے ڈینہہ رات

ودے رُلدوں جھر بر جنگلیں

اساں ماریے مال دی کار (۳۲)

عاشق بزدار کوں آپنی دھرتی، ماء بولی، آپنے لوکیں نال پیار، چان سنجان، پیت پریت، معاشی معاشرتی محرومیں، نا  
پھرائی، احساس، ارمان، مقہور لوکیں دی نوحہ گری، وسیب دے لوکیں دا بکے سنواں ہوون دی خواہش اے ساریاں  
خواہشاں ہتھیں دے دل تے دماغ بلکہ رگ رگ وچ سمائیاں ہوئیاں ہن تے شعریں دی صورت وچ ڈھل گئیں۔  
آپنیاں ہناں خواہشاں دا اظہار اوہک نظم وچ کجھ ایں صورت وچ کریندن۔

اساں موچی

تھاڈیاں جتیاں سیون والے

اساں بولی

تھاڈی بزم دی رونق سانگے

ساڈے پاگل پن دیاں ہن مشہور کہانیاں

اساں کمی ڈوم مراسی

ساڈیاں جابیاں سہرے گاؤں

گھروچ خوشیاں ڈے آؤں

ول وی ڈوہ دیاں گنڈھڑیاں چاؤں (۳۳)

عاشق بزدار سرائیکی قومی شعور دی علامت سمجھیا ویندے۔ اتے سرائیکی شعوری شاعری دا امام آکھیا ویندے۔ انھیں دی شاعری وچ انسانیں دی عدم برابری دا سرا سرا نکار موجود ہے۔ انہاں دیاں نظماں وچ غزنوی کنوں لاتے رنجیت سنگھ تئیں سارے حملہ آور تے ڈاکو سرائیکی وسیب دے کٹائیں تے موہائیں دے ہتھوں ماریئے گئیں نہ تاں ہنھاں دے کتھاؤں جنازے اٹھین تے نہ ہنھیں دے کتھائیں مزار بن لیکن او عاشق او عاشق بزدار دی شاعری وچ پورے شعور نال موجود ہن تے زندہ ہن۔

ساڈی دھرتی تھل

تھل تے روہی

چولستان دمان

جتھاں ہک ہک لئی لائیں دے منڈھاچ

ساڈے ڈاڈے بابیں دیاں قبریں ہن

جیڑھے آپنی دھرتی ماءرائی دے سینے جھن تے

نویں آؤں والے

اوپرے پیرڈ کن دی جنگ اچ

مردے رہ گئے

خون دے دریا تر دے رہ گئے (۳۴)

عاشق بزدار دی شاعری وچ انسانیت دا درس ملدے۔ انہاں دیاں نظماں وچ نعرے بازی نہیں ملدی بلکہ وسیب وچ موجود عدم برابری، ظلم تے محرومیاں دے خلاف ہک واضح بغاوت ملدی ہے۔ جینویں کرکیر گارڈ (شاعریں کوں ہک اداس مخلوق ڈسیندے۔ جنھیں دے تھوڈیں دی بناوٹ کجھ ایویں ہوندی ہے جو آپنی تے چنچاں اگر نہیں دے تھوڈیں کنوں لگھن تاں موسیقی دی شکل اختیار کر گھندن۔ شاعریں دے بارے وچ لکھدے۔

”شاعر اداس مخلوق ہوتے ہیں۔ مگر ان کے ہونٹوں کی ساخت ایسی ہوتی

ہے کہ آپیں اور چیں اگران کے ہونٹوں سے گزریں تو موسیقی کا روپ دھار لیتی ہیں۔  
 لوگ ان سے گیتوں کا مطالبہ کرتے ہیں کہ جلدی سے دوبارہ گاؤ، بیشک تمہیں دکھ  
 ستاتے رہیں، مگر تمہارے ہونٹوں کی ایسی ہے کہ ان سے چیخ نہ نکلے ورنہ ہمیں ڈر لگے  
 گا، ہاں مگر شاعری کی موسیقیت تمہارے لبوں پر ناچتی رہے کہ یہ ایک نعمت  
 ہے۔“ (۳۵)

عاشق بزدار دیاں نظماں وچ وی وسیب دے ڈکھ آہیں تے چنیاں بن تے نکلدن۔ وسیب دیاں تریمتیں،  
 زمینداریں دے گھریں کم کرن آلیاں ہاڑیاں، کتھائیں دھیریں دھرتی دا بار تے کتھائیں حملہ آوریں دی وحشت تے ہوس  
 دا نشانہ بندیاں نظر آمدن۔ ایں ڈکھ تے ظلم دا اظہار اوآپنی ہک نظم وچ ایس طرحاں کریندن۔

حملہ آورو حیش

آپنے عیش دی خاطر

عزت شان شرم دیاں مالک

ایندیاں جاباں

زوری کھس کھوہ نیتیاں

جنہاں دیاں میں چیکاں سُنیں

وین جنہاں دے آج وی میڈے کنیں گر کن

جیڑھیاں رُل پردیس وچالے

نکھڑتے امڑی بابل کولوں

روندیاں مرگیاں (۳۶)

عاشق بزدار آپنی نظماں وچ وسیب دیں تریمتیں تے جیڑھے جسمانی تے روحانی تشدد کیتا گئے اوٹکوں وڈے  
 ڈکھے انداز وچ ڈسائے۔ محنت مزدوری تے بگھ تریہہ دے بھوگ تاں اوادوویں بھوگیندیاں و دیاں ہن۔ پر ہاہروں آون  
 والے حملہ آوریں تاں ہنھیں دے رجیں کول تار تار کر چھوڑیا۔ آپنی ہک نظم وچ او لکھدن:

اساڈیاں جاباں

بے وارث تھی

وچ پردیس اگھانیاں (۳۷)

ساڈے معاشرے وچ معصوم بالیں کون محنت مشقت کروائی ویندی ہے۔ نکلے نکلے بالیں کون اغوا کرتے وچ  
 ڈتا ویندے تے اگوں او بے رحم لوک ہنھیں تے کھیڈن کھوڈن دی بجائے ہنھیں دے ہتھ وچ کاسہ ڈے ڈیندن یا  
 کتھائیں محنت مزدوری تے کھڑا ڈیندن۔ پیو ما توں نکھڑیے ہوئے اے ہال ایں بے وسی دے عالم وچ بکھ ترہہ تے  
 بیماری دے عذاب بھو گیندن ودے۔ عاشق بزدار آجی نظمیں وچ اتجھیں بے وس تے پیو ما توں نکھڑیے ہوئے غریب  
 بالیں کون وڈی دلیری نال پدھرا کیتے تے اینکوں وسیب دے مقہور مظلوم لوکیں دانوحہ بناتے پیش کیتے۔

کتھائیں پھلیں دے وانگ معصوم ہال  
 کھیڈن دے سانگ گھرتوں جے ہا ہر نکھتن

تاں  
 گھر درے ہتھ وی نال نکھتن  
 تے

ول او معصوم ہال اج تیں گھر وچ نہیں سمانیں  
 صغیرن وچ نکھڑتے بھینیں بھرا نویں کولوں  
 مشقتیں دے عذاب وچ عن  
 کتھائیں معصوم بھیک منگدن  
 کتھائیں گھریں تے ہولیں وچ اوتھاں منجیندن  
 تے آپنے کچے کروتن کون عذاب ڈے کے  
 پئے اکثر سڑکاں، پڑیاں تے مٹی ڈھویندن  
 جے تھک کے ہندن

تاں  
 بیلچیں دیاں شدید ضرباں بدن تے چیندن  
 بیمار تھیون تاں بے سہارا یتیم تے بے نوا مسافر

دوا دے حیلے پئے موت پیندن (۳۸)

اسلام درس ڈتے جو کتھائیں ظلم تھیندا ڈیکھو تاں اونکوں طاقت نال روکو۔ اگر طاقت نال نوے روک سگدے

تاں زبان نال روکو پرا گر ایندی وی جرأت کینی تاں ولدا اوکوں دل وچ بُرا ضرور سمجھوتے اے ایمان دا کمزور ترین درجہ  
ہے۔ عاشق بزدار و سب وچ تھیون آ لے ظلم تے نا انصافی دے خلاف قلم چا تا تے آپنی شاعری دے ذریعے جہاد شروع  
کیتا۔ او آپنی ہک نظم ”وین“ وچ لکھدن۔

ایں ظلم صدمے تے یکسی تے

ایں موت موتی تے

کہیں حکم ران، کہیں نمازی تے کہیں روزیتے دی اکھ نہیں تر دی (۳۹)

عاشق بزدار و سب آ لے جاگیر داریں تے زمینداریں دے خلاف وی علم بغاوت بلند کیتا۔ کیوں جو ظلم، نا پھری،  
عدم برابری، لُٹ مار، پورہیت طبقے دی محرومیاں دے واسطے نعرہ بغاوت لاوون کوں ہنھیں آپنی زندگی دا مقصد بنا  
گھدے۔ ایں گال دا اظہار او آپنی ہک نظم ”جواب“ وچ ایں طرحاں کریندن۔

میڈے ڈاڈے بابے دی

سب، محنت، پورھیا

وستی دے

اوں گودے سئیں دے لیکھے لگا

جیڑھا اچیں کندھا دے وچ

لیکھے شیش محل وچ رہندے (۴۰)

شاعر و سب دا عکاس ہوندے۔ او اتجھا مورخ ہوندے۔ جیندے دل دماغ بھل رگ رک وچوں و سب دے  
ڈکھ لہو دے قلم نال لکھدے۔ معاشرے دی عدم برابری تے نا انصافی کوں پدھرا کریندے تے اوندے خلاف جہاد  
کریندے۔ عاشق بزدار وی ایں معاشرتی نا انصافی تے ونڈ دے خلاف نہ صرف لکھیے بھل عملی طور تے ایں غیر منصفانہ ونڈ  
دے خلاف ہک بغاوتی علامت سمجھیا ویندے۔ انھیں دی ہک نظم ”ونڈ“ وچ او ایں غیر منصفانہ ونڈ دے بارے لکھدن۔

میڈے شہر دے وچ

ڈو شہر وین

ڈو ہاں دے ہن

وکھرے نقشے

ہک پاسوں بن محنت کیتے بندیں کولوں

کوٹھیاں بنگلے، محل تے ماڑیاں

جتھاں دولت، سونا، چاندی

شیدن وانگوں اُچھلے

جتھاں سونے وال پنکڑیں

گتے جھوٹن

انہاں لیکھے دھرتی رب دی

چیندے واسی اُساں تُساں

نوکر اُپلی (۴۱)

آکھیا ویندے جو غربت انسان کول کفر تین پچاڈ یندی ہے۔ غریبی ہک اتجھی لعنت ہے جیڑھی غریب تے مجبور  
انسانیں کول سھے کجھ ڈیہدیں ہوئیں وی اکھیں نوٹ بہن تے مجبور کر یندی ہے۔ عاشق بزدار غریبیں، مظلومیں تے محروم  
پورہیت طبقے دی ایس مجبوری کول آپنی نظمیں وچ کجھ ایس طرح نشا برکیتے جو کیویں مزیرے زمینداریں دیاں فصلاں آپنے  
خون پسینے نال رہندن پر او آپ بکھ دے عذاب تے سول سہندن۔ ایس سولیں دے عذاب دے خلاف بغاوت دے طور  
تے عاشق بزدار آپنی ہک نظم وچ کجھ ایس طرحاں کر یندے۔

مزیرا بالیں سمیت دھرتی تے لگھ لُری وچ

ہے آپنے پگھر دے پھل کر یندا

تے

ہر کہیں کول ہے رزق ڈیندا

اوسب دارا رزق پیا بکھ ننگائی دے سول سہندا

کتھائیں اوندے گھر رنکیل کھٹ تے کئی خان پٹھے

جیڑھا اوندی دھی دی کنڈ کول تڑتڑ تکیندا پٹھے

جوان دھی داضیف پیوتاں

بھتار دے لنگ گھٹیندا پٹھے



عجیب ونڈاے عجیب ریتاں

خطیب گنگ ان تے چپ مسیتاں (۴۲)

معاشرے وچ دولت دی غیر منصفانہ تقسیم دی وجہ کنوں سارا وسیب اُچی جھکی ذاتیں وچ تقسیم تھی تے رہ گئے۔ کمی کا سبب لوک جاگیرداریں، زمینداریں ایس دے اگوں ازل توں گردن نوائی رہندن۔ سویل توں لاتے نماشاں تیں کماون والاہاری آپنی ہالیں دے ٹکڑ پورا کرن جوگا کینی ہوندا۔ تے انھیں دے جاگیرداریں تے زمینداریں دے گتے وی مکھن تے کھیر تے پلدن۔ اے ساڈے وسیب دیاں اوکوڑیاں تے تلخ حقیقتاں ہن جنھوں توں رہندی دنیا تیں ایس کائنات دا کوئی وی حساس تے دانشمند انسان نہیں کر سگدا تے شاعر تاں عقل و دانش دا گوارہ ہوندا۔ عاشق بزدار ہک کو لے دل والا شاعر ہے۔ اوندے دل وچ آپنے وسیب دے لوکیں دے ڈکھ درد سوئی آلی کار پڈ دن۔ آپنی ہک نظم وچ عاشق بزدار آپنی چھن دا اظہار ایس طرحاں کریندا۔

کتھائیں ہالیں دے روٹی کپڑے دوا دی خاطر

اوڈ کیکھ محنت کشیں دے ٹولے

سویر توں لا نماشاں تائیں

پئے آپنی نوی کمر تے دھرتی دے بار چنیدن

تے

وت دی فاقیں دے ہار پیندن

کتھائیں ملکیں، قہر، میانیں دے گتے

مکھن تے کھیر پیندن

خدا رسیدہ بزرگ آہدن

خدائی ونڈ

اوجیکوں چاہے

تاں نعمتاں بے شمار ڈیندے (۴۳)

شاعر ہک ایسجھا انسان ہوندا جیڑھا زندگی دی ساری حقیقتاں کوں آپنے احساس دی اکھ نال ڈیہدے۔ سماجی شعور تے وسیبی محبت دی طاقت نال وڈی باریکی نال انھیں حقیقتیں کوں بیان کریندے اوکوں کہیں گال داڈر یا خوف کینی

ہوندا۔ کیوں جو عشق تے محبت ہک اتجھا جذبہ ہن جیڑھے انسان کوں باقی سارے خوف ختم کر ڈیندن۔ شاعری، عشق تے دوستی عاشق بزدلاری زندگی داحور و مقصد ہن۔ انھیں آپنی شاعری وچ کہیں حکمرانیں، سلطانیں، امیریں تے زمینداریں دی مدح سرائی کیتے وقف نہیں کیتی۔ بلکہ وسیب دے تھکے ترٹے غریب، کمی کاسی، کھیل کوٹائی تے پورہیت طبقے دے ڈکھیں دردیں کوں وٹاؤن کیتے شاعری کوں اظہار دا ذریعہ بنائے۔ اوکمی کاسی جیڑھے مختاں کرن دے باوجود لکھے ہن۔ جیڑھے وڈے لوکیں دیاں محفلاں دی رونق بندن پر انھیں دے آپنے دل روندے دے ہوندن۔ جنھیں دیاں دھیریں زمینداریں دیں لندھیں نظریں توں نہیں بچ سگدیاں۔ عاشق بزدلاری ہک نظم وچ اوخود ایں گال دا اظہار ایں کریندن۔

اساں چوڑھے

چلماں، رُمیاں لاؤن والے

اساں اوڈتے بھیل سڈیجوں

ساڈیاں دھیریں، بھینیں

سرٹکیں، پتھر ڈھوون

نگری نگری پنن والے

پکھی واس فقیر سڈیجوں

اساں، گنگر، دائے، کٹانیں

نچر، وھیر وھاؤن والے اساں رچھ نچاؤن والے

اساں موچی

تھاڈیاں جتیاں سیون والے

اساں پولی

تھاڈی بزم دی رونق سانگے

ساڈے پاگل پن دیاں ہن مشہور کہانیاں (۴۴)

شاعر وسیب وچ نہ صرف تہذیبی، ثقافتی رشتے کوں جڑیندے بلکہ اوآپنی ہک الگ پہچان تے شخصیت دا احساس

ڈیویندے۔ عاشق بزدلاری آپنے ہون دا احساس آپنی نظماں وچ اچھے طریقے نال کرائے۔ ہک نظم وچ او لکھدن جو:

میڈی رگ رگ دے وچ وھندن

گھارا  
 سنگھڑ، سندھ تے چھا چھڑ  
 اکھیوں لڑھدی کاک  
 میڈا پنج دریاویں نال ہے کینویں رشتہ  
 سمجھ نہیں آندا (۴۵)

عاشق بزدار وسیب دا عارف ہے۔ عاشق بزدار چنگی طرحاں چاندے جو کیوں ڈکھیں کون نغمہ بناتے زندگی کون رہن دے قابل بناوئیں۔ او آجی ذات کائنات تے روہی، تھل تے داماں دے اسراریں کنوں واقف ہے۔ او ڈکھیں کنوں گھبراتے کتھائیں نہیں گیا۔ نہ ہی ہنھیں زندگی دی تلخ حقیقتیں کنوں جان چھڑاتے ہجرت کیتی۔ کل ہنھیں وڈی بہادری نال اپنے وسیب تے مہرے آ لے کون اپنا کعبہ بنائے تے اتھائیں رہ تے لوکیں دے درد و مڈائیں او آجی ہک نظم وچ لکھدن:

ایں وسبے دے تھل تے پے  
 روہی، راوے، ٹوبھے تاڈے  
 جنگل، پیلے، ڈہر، ملہیراں  
 گن کپر، جھر، ہیٹ دے جھوکاں  
 گوٹھ تے وستیاں  
 میڈے کیتے آج وی تاں ہن  
 قبلہ کعبہ (۴۶)

ایں کائنات دا خاص موضوع انسان ہے تے انسان ہی ایں کائنات دے وجود کون معنویت ڈتی ہے۔ دنیا وچ جتنے وی مذاہب گذریں یا موجود ہن ساریں مذاہب وچ مرکزی حیثیت انسان کون حاصل ہے۔ اتے تمام مذاہب انسان دوستی دی گالھ کریندن اے نظریہ اے ثابت کریندے جو فطرت انسان کون عظیم پیدا کیتے۔ تے جیکراہیں ایں نظریے کون تسلیم کیتا ونجے تاں معاشرے وچ انسان کون اوہو مرتبہ و مقام حاصل تھی ونجے جیڑھا ہونکوں فطرت عطا کیتے۔ مختلف مفکرین انسان دوستی دے بارے وچ آہدن۔

”(انسان دوستی) ہک ذہنی رویہ ہے جیڑھا بنیادی طور تے انسان، اوندیاں

صلاحیتاں، اوندے معاملات، اوندے دنیاوی خواہشات تے اوندی فلاح و بہبود تے  
توجہ ڈیندے۔ اصلاً اے لاطینی زبان دے لفظ Human توں گھدا گئے جیندا  
مطلب انسان (Human) ہے دراصل لاطینی زبان دا لفظ Homo انگریزی  
زبان دے لفظ Man (فرد) تے لاطینی زبان دا لفظ Homines انگریزی زبان  
دے لفظ Mankind انسان دے مترادف ہن۔“ (۴۷)

شاعری، عشق تے دوستی عاشق بزداردی زندگی دا مرکز و محور تے مقصد ہن۔ دوستی تے وفا دا پیکر ہے۔ مخلوق کوں  
خدا دا کنبہ سمجھدن تے ولا ہوں خدا دے کنبے کوں آپنی شاعری دے شہر وچ آباد کریندے۔ عاشق بزداردی شاعری وچ  
انسانیں دی عدم برابری کنوں کھلا انکار ہے۔ تے جنگ دی حالت وچ وی دوستی تے امن دے رشتے گندھیدن۔ او آپنی  
دھرتی تے ماء بولی دا گانڈھا جنگ دی حالت وچ وی گنڈھی راہندن۔ انھیں دی ہک نظم وچ اولکھدن:

اتلے تائیں سینکین دیاں نوکاں چمکیاں

میں دشمن دے ہتھیں لگاں

میں چاتے

اُج مک اگئی میڈے جیون جوکھ دی رام کہانی

کتھاں واگھا

کتھاں آپنی دھرتی رہ گئی

کیندے سانگے

جیون ہاریم!

ویندیں ویندیں

رستے دے وچ

اُنھاں میڈا پتہ کچھیا

میں ڈسایا

داہل شہر دے نیڑے

پٹ دی دوستی پھنداں

اتلاسن کے

ڈوہاں میکوں بھاکل پایا

چرکے تانیں روندے رہ گئے

ڈونہیں میڈی دھرتی ڈلیں سرائیکی جئے ہن (۴۸)

عاشق بزدار وسیب نال جڑیا ہویا انسان ہے۔ جنیں سرائیکی وسیب دے مظلومیں توں لاتے دنیا دے مظلومیں دے حق وچ تے ظالمیں تے حملہ آوریں دی مدح سرائی کرن آلیں دے خلاف شاعری کرتے ہک علم بغاوت بلند کیتے۔ کیونجو ظلم کوں ڈکھ تے چپ رہن ہک پکے تے سچے محب وطن مسلمان دی شان نہیں۔ انھیں دی شاعری وسیب نال جڑت دا پورہیا ہے۔ انھیں کوں آپنے ٹوبھے، تاڈیں نال عشق ہے۔ سسی، سسی تے مول انہیں دی شاعری دی جان ہن اے سرائیکی وسیب دے او کردار ہن جنہیں آپناں عمراں پیار وچ گالین۔ انھیں دی شاعری وچ گھارا، سنگھڑ، چھا چھڑتے کاک ندیاں تے دریاواں نال محبت نظر دی ہے۔ اتھ واسطے انھیں کوں ”کاک کندھی“ دا شاعری آکھیا ویندے۔ کاک سرائیکی وسیب دے دریگھا گھرے وچوں نکلن والی ہک ندی ہے۔ جیندے کنارے مول دی ماڑی آباد ہئی۔ گھاگھر اڈے سکن نال اے ندی وی سک اگئی تے مول دی ماڑی وی اُجاڑ تھی اگئی۔ باہروں آون آلیں وحشیں ساڈے وسیب دے پورہیت طبقے کوں آپنے ظلم دا نشانہ بنائے۔ عاشق بزدار دی نظم ”کاک کندھی“ وچ ایں گالھ دا اظہار کیتے تے جو ایں ظلم و بربریت تے ساڈیاں روحاں جتھاں روسگدین او جاہ ”کاک کندھی“ ہے او ”راوی پل“ تے پہہ تے نہیں روسگدیاں۔ او آجی نظم ”کاک کندھی“ وچ لکھدن جو:

وستیاں، جھوکاں

مول ماڑیاں

ٹوبھے، تاڈے

کانہہ، کھیلے

جنگل پیلے

واہ، وہیرے

رستے، چارے

باہروں آون والے وحشیں دے پیریں وچ

تے.....

ساڈیاں

رُلدیاں

رُوحاں

روندن

کاک کندھی تے (۴۹)

عاشق بزدار دی شاعری وچ مظلوم تے مقہور لوکیں دی محبت دا عکس واضح نظر دے۔ ہنھیں آپنی شاعری وچ فرضی پیار محبت دے قصے، کہانیاں دی بجائے آپنے وسیب دیں وفادار راول، سہی، موہل، سول جنیں کرداریں کوں آپنی شاعری دا موضوع بنائے۔ اے او کردار ہن جیڑھے پیار، محبت تے وفادی خاطر رُل موئین۔ عاشق بزدار آپنی ہک نظم وچ انھیں کرداریں تے آپنے وسیب دے ”کاک“ دا ذکر کجھ ایں طرحاں کریندن۔

ساڈے راول رُل پردیسیں موئے

ساڈیاں سمیاں وین کرن

کئی موہل، سول مرستیاں

نہ کاک کندھی نہ ماڑ

اساں ہوندیں ترکیں ترس گئے (۵۰)

عاشق بزدار آپنی نظماں وچ واضح کیجے جو ساڈی محبت صرف ایں دھرتی نال کینی بلکہ ایں دھرتی ماء نال ہے کیونجو اے دھرتی ساڈی ماء تے ساڈی ماء کنیں جو کجھ وی بھاویں سارا تر کہ ساکوں بخشے۔ بھانویں او تہذیب و ثقافت ہے تے بھانویں او اے سنوریاں سنگریا وسیب ہے۔ ہک جاء تے او لکھدن جو:

دھرتی ماء نے

آپنے اندر کجھ نہ رکھیا

سارا تر کہ

آپنے دھیریں آپنے پُتریں کوں چا بخشیا

ایں دھرتی دے سینے کھنڈیئے

سوری، سندھ تے گھارا، سنگھڑ

کاہا، چھا چھڑ، کاک، مٹھاؤن

جیڑھے دھرتی واسیں دی بگھ تے دے ضامن (۵۱)

عاشق بزدار آپنی ہک ہی نظم ”وسیب“ وچ او آپنے وسیب دے دریاویں نال آپنی جڑت تے محبت دا اظہار ایں لفظیں وچ کریندین۔

میڈی رگ رگ دے وچ و ہندن

گھارا، سنگھڑ، سندھ تے چھا چھڑ

اکھیوں لڑھدی کاک (۵۲)

عاشق بزدار آپنی ہک ہی نظم ”مراسین“ وچ وی ایں گالھ دا اظہار کیے جو ساڈیاں لہندیاں، سکدیاں روحاں جے کر روندیاں وی ہن تاں کاک کندھی تے بہہ کے روندین۔ ایں توں مراد جو ہنھیں کوں آپنے وسیب نال محبت ہے تے آپنے وسیب درخت، پرندے، دریا، سمیاں، سسیاں انھیں دی شاعری وچ وسدن۔ اولکھدن جو:

کئی سمیاں کئی سسیاں

ایں رائے دے منہ تے پندی

نہ مول نہ سول، سونی

نہ وت گجر گام

ساریاں روندین

کاک کندھی تے (۵۳)

عاشق بزدار دی شاعری ساڈے وسیبی تے تاریخی روئیں دا اظہار کریندی ہے۔ انھیں کوں آپنے وسیب نال عشق ہے۔ او آپنے پورے وسیب، دریائے سندھ، کوہ سلیمان تے وسیبی لوکیں دا تنجھا عاشق ہے جیہدی شاعری وچ کوہ سلیمان تے سندھ دی روانی پناہ گھندن۔ انھیں دی شاعری وچ مخلوق خدا کنبہ ہے۔ او آپنی شاعری وچ کوہ سلیمان دی گواہی گھن آندن۔ ہنیں دی ہک نظم ”سلیمان پہاڑ دی گواہی“ وچ اولکھدن:

دھرتی میڈی سیگی

اساں ڈوہیں لکھیں سالیں کولوں گٹھے

حیرت دے وچ

ہک ڈ وجھے کوں ڈیہدے آیوں  
میکوں یاد اے  
جڈاں لکھیں ساہیں پچھوں  
ایندے سینے دے وچ ساہ پے  
ایندے ذرے ذرے وچوں ساول پھٹی  
وَنوں وَن دی

ایندے آنگن بہاراں آیاں .....! (۵۴)

عاشق بزدار آپنی شاعری وچ وسیب دی قدامت تے وسیب دے منڈھ کنوں لاتے ”کوہ سلیمان دی گواہی“  
تیں داسفر سموئے۔ او آپنی نظم ”کوہ سلیمان دی گواہ“ وچ ہک جاء تے لکھدن۔

اتھوں دے واسی انسانیں

سکھ دیاں رانداں

جوڑ.....

سلامت رکھن سانگے

کئی نظریے خلقیے

ہر نظریہ ہک بے دی ہا لکھ توں چمدا

انسانیں دی عظمت دے ہن سارے راکھ

امن، محبت دے پرچارک

جیڑھے آج مذہب سڈ ویندن

ایں دھرتی دے واسیں ونیں

آپنی دھرتی دے سینے تے

آپنی محنت دی عظمت دے

کئی عنوان اکوریے (۵۵)

عاشق بزدار دیاں نظماں کتھائیں ویسی لوکیں دے وینن دی شکل وچ ساڈے سامنے آن دیں اوڈکھ جیڑھے



سوئیاں بن تے دل وچ ہر ویلھے چبھدن۔ نہیں ڈکھیں دی چبھن دل وچوں وین بن تے شاعری دی صورت وچ  
آئین۔ اے وین نوہیں دی شکل وچ سامنے آئین۔ عاشق بزدار اپنی ہک نظم ”وین“ وچ لکھدن:

ہواسنیدی ودی ہے نوے نگر نگر دے  
جے سن سگوتاں سنوئے نوے نگر نگر دے  
کتھائیں کوئل ودی کوکیندی ہے درد آپنے  
ودی گولیندی ہے میت نکھڑیے  
ایں دردیں ماری، سدا آواری دا  
صرف جگنو کوں ڈکھاے  
جیڑھا گھیرا تیں کوں  
آپنے من دے اُشائے  
ڈکھی دے مٹر گولے

ایں گول وچ آپنا وجود رولے (۵۶)

شاعر عقل و دانش دا گہوارہ ہوندے تے ہیں عقل و دانش دے سہارے او ویسی معاشی، معاشرتی، سیاسی، تہذیبی  
تے ثقافتی عدم توازن تے تصادم کوں آپنی شاعری دا موضوع بنیدے۔ جڈن وی کہیں قوم ظلم، جبر، ویسی عدم توازن،  
ناپھری تے پور ہیئت طبقے دے استحصال دا شکار تھیندی ہے تاں وِت ہوں ویلھے معاشرے وچ شاعریں دا کردار ودھ  
اہمیت گھن گھندے تے شاعر دیاں ذمہ داریاں ودھ ویندن۔ عاشق بزدار نہ صرف ایں استحصال دے خلاف آپنا کردار ادا  
کیئے تے قوم کوں جگاؤن دی ذمہ داری نبھائی ہے۔ بھل اوں توں وی ودھ تے شاعری وسیب نال عشق امن تے دوستی کوں  
آپنی زندگی دا مقصد بنائے تے آپنی شاعری دا موضوع بنائے۔ شاعر سماج دا مورخ ہوندے تے ویسی تہذیبی ثقافتی رشتے  
کوں جڑیندے۔ عاشق بزدار او سماجی مورخ ہے جئیں ہر مند تے درگڑی دے قلعیں کوں حملہ آوریں دی مقتل گاہ بنائے۔  
ہنھیں آپنی شاعری دے ذریعے ساکوں ڈسائے جو ویسی کھیل، کٹائیں تے موہائیں کیویں باہروں آون آ لے حملہ آوریں  
کوں مار بھجائے۔ حالانکہ تاریخ وچ وی ایہہ گالھ نہیں ڈسائی گئی۔ ایندے وچ کوئی شک نہیں جو عاشق بزدار قومی شعوری  
تے ویسی شاعری دا امام تے منڈھ پدھن آلا ہے۔ حیدر اریخ خواجہ غلام فرید رکھیا ہا۔ ہنھیں دی شاعری وچ ڈکھ تے درد سمجھیں  
آلی کار آپنا رنگ بدلین۔ سماجی پستیں وچ لتھڑیاں ہوئیاں وفادار سمیاں تے سیاسی رُل دیاں نظر آمدن۔ کتھائیں ہنھیں

دیاں نظماں وچ زمینداریں دے گھر کماون آلیں پا لڑیں، غریب محنت کش تربیتیں جیڑھیاں دھرتی دا بار چئی ودن تے ول  
وی دھرتی دا بار سڈیندن تے ہک بکھ، ترہیہ، جسمانی، روحانی اذیت دے بھوگ بھوگیندیاں نظر آمدن۔ عاشق بزداردی  
شاعری کوں ڈیکھ تے اساں اے آکھ سگدوں جو ہنھیں سرائیکی قومی شاعری دے رجانات کوں سمجھ تے شاعری کیتی تے  
وسپی محرومیں تے ناہمواریں دے خلاف علم بغاوت بلند کیتا۔

### عاشق بزداردی شاعری دے فنی محاسن دی ہک اڈیل:

سرائیکی وسیب وچ ڈوہڑے دا اُسرن تے نسرن جھنگ پٹی توں تھئے۔ کلاسیکل ڈوہڑے دے وڈے ناں سلطان  
باہو تے علی حیدر ملتانی دے ہن سلطان باہو دے ڈوہڑے جنہاں کوں ابیات باہو آکھیا ویندے چار چار مصرعے آ لے ہن  
جڈاں جو علی حیدر ملتانی دے ڈوہڑے، چھی، اٹھ، ڈاھ تے بارہ مصرعیاں آ لے وی ملدن۔ کلاسیکی ڈوہڑے ثقافتی تصوف  
تے حب الہی آ لے ہن اُتے سلطان باہو دا صوفیانہ ڈوہڑہ پیش کر ڈتا گیا ہے ہن سیں علی حیدر ملتانی دا ثقافتی ڈوہڑہ ڈیکھو۔

کھوہ ڈٹھے خوش روح تھیوے جتھ آون کر کر ٹولڑیاں میں گھولڑیاں  
کئی وت بحریاں کئی وت بدلیاں کئی وت رنگ مہولڑیاں میں گھولڑیاں  
کئی کوں ساویاں کئی کوں پیلیاں چھک پیاں گل چولڑیاں میں گھولڑیاں  
ترٹے پکے پر سونہاری دھون ڈو پھند ہولڑیاں میں گھولڑیاں  
ہاہیں اُلارن جھانجھے مارن چونڈ بھریندیاں چولڑیاں میں گھولڑیاں  
لطف علی کوں خوش کریندیاں کر کر مٹھڑیاں بولڑیاں میں گھولڑیاں (۵۷)

سیں علی حیدر ملتانی مزاحمتی ڈوہڑے دے وی امام شاعر ہن انہاں دا ہک مزاحمتی ڈوہڑہ ڈیکھو۔

ب بھی زہر نہیں جو کھا مرن کجھ شرم نہ ہندوستانیوں نوں  
کیا حیا انہاں راجیاں کوں کجھ لُج نہیں تورانیاں نوں  
بھیڑے بھر بھر ڈیون خزانے فارسیاں کوں خراسانیاں نوں  
وچ چھوئیاں دے نک پڈ ونجے لہو نہ ودھیا پائیاں نوں  
ہکے تاں کھا کٹاری مر ونجے سکھو نہ مار ایرانیاں نوں  
ڈاڑھیاں چامنایاں اکھیوں کشف اے انہاں زنانیاں نوں (۵۸)

سرائیکی ڈوہڑے دی تاریخ وچ صوفیانہ ثقافتی تے عشقیہ ڈوہڑے ڈھگ ملدن اتے جھنگ پٹی وچ وی ثقافتی تے عشقیہ مزاج دے ڈوہڑے لکھے ویندن اے دیرجات ہے جیں ڈوہڑے کون نویں نویں موضوعات نال متعارف کروایا تے ڈوہڑے کون پہوں تہ والا ہے ینگر بناڈ تاجیر ہاہن نا چھڑا سرائیکی شاعری دی سچان بندا ہے بھل سرائیکی قومیت، سرائیکی حقوق تے سرائیکی سماج، روایات، ثقافت، تہذیب اتے سرائیکی تمدن دی وی جانکاری ڈیندا ہے۔ مزاحمتی ڈوہڑیاں تے سرائیکی قوم کون ہک نواں شعور سجا کی تے جوش و جذبہ دان کیتا ہے جینویں تحریک پاکستان وچ جلسے جلوساں وچ لمبیاں لمبیاں نظماں پڑھیاں ویندیاں ہن اینویں تحریک سرائیکی وچ نظماں دے نال نال ڈوہڑے ڈھگ پڑھے ویندن۔ سچ ہے جو تحریک پاکستان وچ نظم تے تحریک سرائیکستان کیے ڈوہڑے سجا کی تے جوش داوڈ اذریعہ بنیا ہے۔

جدید ڈوہڑے وچ احمد خان طارق، اقبال سوکڑی، عاشق بزدار، شاکر شجاع آبادی، شاکر مہروی، آڈھا، جان باز جتوئی، سفیر لشاری، فاروق روکھڑی، شاکر تونسوی، فیض محمد دلچسپ، سرور کربلائی، بہوناں خاں بے وس، فیض بلوچ، اقبال حسن بھپلا، نصیر سرمد، جمشید کتر، عباس ملک، طفیل بلوچ، فاروق بزدار، مشتاق سبقت، امان اللہ ارشد، فضل سوکڑی، اجمل خاموش جیہے ڈھگ سارے شاعراں ناں چھڑاڈ و ہڑے گوئی وچ ناں کماے بھل ڈوہڑے دے فن و فکر کون وی اگواں کیتے اتھاں تبرک تے ریفرنس کیتے جدید بزرگ شعراء احمد خان طارق تے شاکر شجاع آبادی دے ڈوہڑے پیش کیتے ویندے ہن۔

اساں کلھیاں پڑھ پڑھ اُج رہ گئے جُل کہیں دے کول نماز پڑھوں  
ہتھ بڈھ بھانویں ہتھ کھول پڑھوں اے پھول نہ پھول نماز پڑھوں  
ہتھ تسبیح مسجد رقص کروں پاگل وچ دول نماز پڑھوں

جتھاں طارق دڑکے نہ ہوون اوہا مسجد اگول نماز پڑھوں (۵۹)

احمد خان طارق دے ڈوہڑے دے بعد شاکر شجاع آبادی اتہنی شعور نال لکھا گیا ڈوہڑے ملاحظہ تھیوے جیندے وچ تانگہ تے ہجر کون موضوع بنایا گیا ہے۔ احمد خان طارق دا ڈوہڑے اے ڈس ڈیندے جو سرائیکی وسیب وچ ہمیش بھائی چارہ، مذہبی ہم آہنگی تے عبادت کیے صوفیانہ مزاج کون پر موٹ کیتا ویندے جڈاں جوشا کردے ڈوہڑے دا موضوع تانگہ تے ہجر و فراق ہے تے اے سبھے موضوعات سرائیکی ڈوہڑے وچ عام ملدن۔

دل منگ پووی تاں لنگھ آویں میڈے گھر دا سوکھا راہ ہے  
ہاں واسی ڈکھ دے صوبے دا ضلع غم تحصیل جفا ہے

چند میل فراق دے موضعے توں ہک ہنجواں دا دریا ہے

جڈاں شاکر پرھی من پٹیس اگوں سامنے میڈی جاہ ہے (۶۰)

دیرہ جات نے ڈوہڑہ جات دی بہوں خدمت کیتی ہے اتے کئی معتبرناں وی پیدا کیتے ہن جے ڈوہڑے جھنگ  
پئی وچ جے تے پلپن گزارے تاں او دیرہ جات وچ جوان توانا، ترکڑا تے جگ مشہور تھئے۔ ہن سیاسی پدھراں تے اہل  
بیت دی مجالس وچ صوفیاں دے عرساں تے ادبی محفلاں وچ، مشاعریاں وچ، تبلیغی علماء دے بیاناں وچ تے دانشوراں  
دیاں تقریراں وچ، ڈرامیاں دے سٹیجاں تے اتے لوکیں دی محفلاں وچ عرض ہر جاہ ڈوہڑہ آپنا وقاربائی کھڑے اتے  
ایندے وچ ہم قسم دی فنی فکری رنگا میزی نظر دی ہے۔ ہن ڈوہڑہ عشق مجازی نال نال عشق حقیقی، ثقافت دے نال نال  
تہذیب دی وی، تاریخ دے نال نال تمدن دی وی، محبت دے نال نال مزاحمت دی وی، سیاست دے نال نال تبلیغ دی وی،  
رومانوی کرداریں دے نال نال مشاہیر دی وی، طنز دے نال نال مزاح دی وی، جغرافیہ دے نال نال عالمی تناظر دی وی  
غرض ہر قسم دے موضوعات ڈوہڑے وچ پاتے ویندن تے باجھ کہیں اجھک دے اے گالھ تھیدی پئی ہے جو سیں عاشق  
بزدار دے ڈوہڑے وچ اے فنی فکری خوبیاں اتم ہن انہاں دی فنی خوبیاں دی کجھ جھالاں ڈکھو۔

شانداز علم بیان تے علم بدیع انہاں دے ڈوہڑیاں دی ہک اتم فنی فکری خوبی ہے۔ لفظاں دا ہیر پھیر تے اوندی  
قارئین کوں جادوگری، تکرار لفظی وچ کردار لفظی دی خوبی، سامعین تے موضوع دے نال نال آپنے فن دے سحر وچ وی مبتلا  
کر ڈیندی ہے۔

جے نچڑیں تاں ول خار کہیں اتھ اتھ جتھ کتھ میکوں پارنچا

پڑ نہیں بزار دی شرط نہیں اروار تے بھانویں پارنچا

جینویں اکھیں نچ میں نچ پوساں دل آکھی تاں تھ مارنچا

جیکوں عاشق نچن دی عار نہیں تیڈا ناچا ہاں لکھ وارنچا (۶۱)

سیں عاشق بزدار دے ڈوہڑیاں دا ہک فنی کمال انہاں دے چار چار تے پنج پنج لفظی ردیف اتے سوائی آلے  
ڈوہڑے ہن جہاں وچ صوتی آہنگ آپنی چسولی چس بنیدن۔ اتجھے ڈوہڑے فنی لحاظ نال مشکل پر صوتی لحاظ نال پُر وجد  
جھنکار رکھن آلے ہوون جیڑھے عام شاعر نہیں لکھ سگدے انہاں دا ہک سوائی آلے ڈوہڑے دی فنی چس چاؤ تے اوندے  
وچ فلور تے فانا نال ہجری منجھ تے تس دا فکری بیان پڑھن تے سنن نال ای منجھا کر ڈیندے تے ”ساہ دا کوٹ“  
اساراں آلی ترکیب بندے کو بہوت کر ڈیندی ہے۔

سانول ول آساون ول آئے رل تے رین گزاروں، ول آپاروں

لانے لان سرینیں ساوے ہے رونق چودھاروں ول آپاروں

میں اُجڑی میں پیکیں موئی دے در دیں دابن داروں ول آپاروں

عاشق آپنے چار چو پھیروں ساہ دا کوٹ اُساروں ول آپاروں (۶۲)

اے ساڈی کم بختی ہے جو حالی انہاں دے ڈوہڑے کتابی شکل وچ کیننی آئے ناں تاں انہاں دے ڈوہڑیاں دی کتاب دی دھم تے مانگ انہاں دی نظماں آلی کتاب ”قیدی تحت لہور دے“ آلی کار ضرور ہووے یا اچھووی انہاں دے کئی ڈوہڑے احمد خاں طارق، اقبال سوکڑی اتے شاکر شجاع آبادی دے ڈوہڑیاں کلی زبان زدِ عام ہن۔ انہاں دے ہک ڈوہڑے وچ سرائیکی وسیب دا جغرافیائی تے ثقافتی شعور دا چسولا اظہار دیکھو۔ تل وطنی جغرافیائی تے ثقافتی ماحول وچ ہجرو فراق دا اظہار اینویں چا پدے جینویں کہیں طویل مرثیے وچ ہوندی پر عاشق بزدار فن و فکر دے دریا کوں چار لائناں دے کوزے وچ کیویں بند کریندن اے انہاں دی شاعرانہ جادوگری ہے۔

توں نکھڑیں تیڈی گول دے وچ تھی بے سرواہ اساں رُل گئے ہئیں  
تیڈی روہی تھل داماں دے وچ کئی جوگ پھیلا اساں رُل گئے ہئیں  
ہتھ کنگن قلابے گل کٹھے کچھ مُرلی پا اساں رُل گئے ہئیں

ہاویں عاشق من دی ماڑی وچ ہند سندھ مفتا، اساں رُل گئے ہئیں (۶۳)

عاشق بزدار دا ڈوہڑہ ہک رگیل چنگیر وانگوں ہے جیندے وچ ضمنی رنگیں دے تے فکری مہکاں دے قسماں قسم دے پھل لاتے ہن۔ اوچھڑے ہجرو فراق دے شاعر ای نہیں بھل انہاں دے ڈوہڑیاں وچ سیاسی تے مزاحمتی موضوعات وی حقوق دے حصول دی کم آئیگی، غربت، ڈکھاں دی آہیں تے غیر منصفانہ نظام تے غیر جمہوری تے غیر سیاسی لوکیں دی ولاول جیت دا ہک نوحہ وی پیش کریندن۔ جیڑھا عوام کوں ہک سیاسی شعور تے تبدیلی دا ہک لمحہ فکریہ وی ڈیندے جوتے ایں المیہ تے سیاسی مجبوری دا ڈس وی ڈیندے جو پاکستان وچ سیاسی تبدیلی دا اختیار عوام کول کیننی بھل اے فیصلے کھائیں بی جا تے تھیندن۔ بھانویں عوام کہیں کوں ردوی کیوں نہ کر ڈیوے پرول وی اوندی بلے بلے ہوندی ہے۔

میڈے مال ہلاک دا کیا پچھدیں اونویں ڈکھ ان سرسکرات ہے پئی  
اونویں آہیں بھاہیں دھاں ڈسکیاں ء حالت تاں ڈینہہ رات ہے پئی  
سٹ عزتاں لکھ، تھیاں راہ دا ککھ، سر مٹھیں دی برسات ہے پئی

توڑیں عاشق دا چن اے حال اے تیڈی ول ول پل پل تات ہے پئی (۶۴)

سئیں عاشق بزدار دے ڈوہڑیاں وچ وسیبی رومانوی کرداریں دے ہجر و فراق تے ایسے کون وچ نوحاں تے  
مرثیاں دی شکل وچ پیش کیتا گئے جیکوں پڑھ تے یاسن تے بت وچ سریر اُٹھ پوندن انہاں دا ہک ڈوہڑہ دیکھو جیندے  
وچ سسی پُوں دی ساری عشقیہ داستان چھڑی چار لائنیں وچ قلم بند کر ڈتی ہے۔ جیندے وچ سسی پُوں دے کردار،  
انہاں دا لینڈ سکیپ، انہاں دے کم کار انہاں دے پاؤں ہنڈاؤں، انہاں دا ڈاڈا ہاتے پینا ہوون۔ تھل دا منظر نامہ، سسی دا  
عروج و زوال تے پُوں دی بے وفائی۔ اتے سسی دا اے المیہ جورات کون سچھ تے کوار ہئی پئی تے سویل کون تھل وچ خوار  
ہئی پئی۔ ہک مکمل داستان ہے ایس ڈوہڑے وچ فنی اختصار تے فکری تفصیل آپنی شاندار چس رس بنائی کھڑی ہے۔

ڈاڈھیں دے سنگ نینہ لاؤں دا بدلہ تھل دی ریت ڈٹھم

تے لائیں دے وچ خاں دی طرفوں تحفہ تھل دی ریت ڈٹھم

میں سمیں لال کنوار ہامیں سجھ اُبھریا تھل دی ریت ڈٹھم

میں عاشق دھوبن سوکھی ہم بنی ملکہ تھل دی ریت ڈٹھم (۶۵)

سئیں عاشق بزدار ہک کامیاب، ہر دل عزیز، باشعور تے بہادر عملی تے ہر فن مولا شاعر ہن۔ انہاں دی تمثیل ہک  
کامیاب جنگجو آلی ہے ہک کامیاب Galadiator، گلیڈی ایٹر (قدیم یونانی جنگجو تے تلوار باز جیڑھا سٹیڈیم وچ عوام  
دے سامنے ہک تلوار تے ہک ڈھال نال آپنے مخالف تلوار بازوں نال حیاتی موت دا عملی کھیڈ کھیڈ دے۔ جیڑھا مظلوم  
ڈھال نال دشمن دے وار رُکیندے اتے تکھی تلوار نال دشمن دا گٹا لہاڈیندے)۔ انہاں دی نظم ہک تکھی تلوار ہے اتے  
انہاں دا ڈوہڑہ ہک مضبوط ڈھال ہے اتے او آپنے وسیب دے سٹیڈیم وچ کھڑے دشمن دے گٹے وی لہیندا پئے اتے  
آپنی عوام کنوں بھرپور داد وصول کرتے انہاں کون پُر جوش خوشیاں وی ڈیندا پئے۔ وسیب دا ہر شاعر ہک کتابی شاعر ہے پر  
سئیں عاشق بزدار مہرے آ لے دے سیاسی، سماجی، ثقافتی تے تاریخی میلے دا ہک اگوان تے عملی شاعر ہے جیندے اثرات  
تے تاثرات نہ چھڑا وسیب وچ ہن بھل پورے پاکستان وچ ہن۔

انہاں دی نظم تلوار کلی Offensive

اتے انہاں دا ڈوہڑہ ڈھال کلی Defensive

انہاں دی نظم مزاحمتی شاعری ہے اتے انہاں دا ڈوہڑہ ملا متی شاعری ہے انہاں دی نظم خطابیہ شاعری ہے جڈاں

جو انہاں دا ڈوہڑہ خود کلامی آلی شاعری ہے انہاں نظم وچ خارجیت اتے انہاں دے ڈوہڑے وچ داخلیت ہے انہاں دی

نظم وچ عقلیت Rationalism ہے اتے انہاں دے ڈوہڑے وچ جذباتیت Emotionalism ہے۔

انہاں دی نظم وچ اجتماعیت اتے ڈوہڑے وچ انفرادیت نظر دی ہے۔ اوڈوہڑے دی شکل وچ دریا (موضوع) کوں کوزے وچ بند کر ڈیندن اتے نظم دی صورت وچ کوزے وچوں دریا وھاڈیندن۔  
سئیں عاشق بزدار واقعی ہک سحر انگیز شاعر ہن اوہن دی ٹوپی وچوں فکر داشتہ مرغ وی کڈھ سگدن اتے فکر دے شتر مرغ کوں ولافن دی ٹوپی وچ واڑ دی سگدن۔ اللہ سوہنا انہاں کوں عمر خضر عطا فرماوے تاں جو اساں انہاں دے فن و فکر توں سجا کے تھیندے رہوں۔

انہاں دی شاعری علم عروض دے سبھے اصولاں مثلاً، وزن، شگفتہ زمین، بحر، طرح، آہنگ، توازن و تناسب، فصاحت و بلاغت، قافیہ پیمائی، حسین ردیف، جاندار مطلع، شاندار مقطع، ذوق فنین اتے تضمین نال بھرپور ہے۔  
۱۔ تضمین (کہیں پئے شاعر دے شعر کوں ہو بہو اپنئے کلام وچ گھن آون) اشوال فقیر دا مصرعہ نظم ”ارمان“ وچ تضمین تھیند اڈیکھو؛

ساڈ اول وسواس دامندر

جیندے اندر

ہکا حسرت پلیدی پئی

ساڈی دھرتی دے سینے تے

”رام کرے ہُن مرلی وچے“ (۶۶)

۲۔ جاندار مطلع اڈیکھو؛

کڈاہیں کاوڑ کڈاہیں غوزاں کڈاہیں بزدار دا دڑکا

کڈاہیں دشمن دا دڑکا ہے کڈاہیں غم خوار دا دڑکا (۶۷)

۳۔ شاندار مقطع اڈیکھو؛

میڈا ہمزاد آہدے جھک نوائی کرتے سوکھا تھی

میکوں سوکھا نہیں تھیون پیا ڈیندا بزدار دا دڑکا (۶۸)

۴۔ ٹھیٹھ سراہیکی ردیف

ڈکھاں دے وات وچ نت ہووےں اساں ہیں ڈوکھڑی اتجھے

ساکوں دشمن دا دڑکا ہے ساکون ہے یار دا دڑکا (۶۹)

۵۔ ٹھیٹھ سرائیکی لسانی تے ثقافتی قافیہ پیمائی

اگل وچ ترڑے ریٹے پئے گئے۔ ہتھیں رت دیاں میندیاں  
اتجھی رتری رت وچ آ گیوں چڑھسوں کھارے  
سہارے، ادھارے، آوارے، وُجّارے، ہارے

۶۔ فصاحت و بلاغت آلا کلام

سٹ ہاں کاوڑکنس دیاں گالھیں قصے پیار دے چول  
نہ ونج پار پریرے ماہی وس اکھیاں دے کول  
ویلھے وقت ایائے ماہی پیتاں لاتیاں ہانی  
میڈی ہانہہ وچ پیار اپنے دیاں ونگاں پاتیاں پانی  
مردیں جیندیں ساتھ ڈیون دیاں قسماں چاتیاں ہانی  
اہدا بانویں ساڈی پیار نبھاوَن دی ہے اول  
نہ ونج پار پریرے ماہی وس اکھیاں دے کول (۷۰)

۷۔ آہنگ و تناسب

اگل دی رت ڈے کھلناں پوندے خوشیاں مفت نہیں ملدیاں  
ٹوک مذاق تے ہاسے واسے ڈینے کون اُدھارے (۷۱)

۸۔ وزن، زمین و بحر

ایں بند وچ شعری زمین وی ڈیکھو تے وسیب دی زمیں دے رنگ وی ڈیکھو، تے اوکھے الفاظ دے موتیاں کوں  
کیویں سوکھی تے رواں بحر وچ پرویا گیا ہے؟

کوئی سمجھے یا نہ سمجھے بول سرائیکی بول  
آہدی دھریت ماء رانی ہے بول سرائیکی بول  
توں ہانیں کچھی، روہی، تھل، دمان دا مرغ انگاسی



اپنی دھرتی ماءِ رانی دا توں مالک توں واسی  
 جیڑھی تیڈی خیر دے سانگے رہندی نت وسواسی  
 ایندی لوک سنجان دی خاطر پول سرائیکی پول  
 علم عروض دے بعد علم بیان دیاں وی کجھ شاندار مثالیں پیش ہن۔ پہلے علم بیان دی اصطلاحی تعریف دا ویورا کیتا  
 ویندا پئے۔

”علم بیان وہ علم ہے۔ جس کے اصول وقاعدے جاننے کے بعد ہم ایک بات کو  
 کئی طریقوں سے اس طرح ادا کرتے ہیں کہ مفہوم واضح سے واضح تر ہوتا چلا  
 جاتا ہے اور اپنے خیالات کا اظہار کرنے کے لیے ایک لفظ کے معنی کو کئی مختلف  
 عبارتوں میں مختلف طریقوں سے ادا کر کے اپنے اسلوب بیان میں زور آور حسن  
 پیدا کرتے ہیں اور یہی قاعدے ہیں۔ جو معنی کو مختلف طریقوں سے واضح کرتے  
 ہیں۔ خود بھی کم و بیش ایک دوسرے سے مختلف ہوتے ہیں۔  
 علم بیان کے چار مختلف طریقے یا قواعد ہیں۔

۱۔ تشبیہ ۲۔ استعارہ ۳۔ مجاز مرسل، ۴۔ کنایہ (۷۲)

عاشق بزدار دی شاعری علم بیان دی خوبیاں نال بھرپور ہے اتھاں انہاں دی شاعری وچوں علم بیان (تشبیہ،  
 استعارہ، مجاز مرسل، کنایہ) دے شعری حوالے پیش کیتے ویندے پئین۔

## ۱۔ تشبیہ:

عاشق بزدار اپنی شاعری وچ روہی کون بنری (کوار) نال تشبیہ ڈیندن تے اتھوں دی سوغاتاں پھوگ، پھلی،  
 کھپ، کھار، سہنواراں کون بنری دے پھلاں دے ہار، کجلا، میندی، سُرخ، اُتے کالے رتے ٹکے نال تشبیہ ڈے کراہیں  
 روہی دے ارضیاتی حسن کون پیادوی رومان پرور بناؤ تاہے۔

روہی روح کون بنری ڈیہدی

جیندے اُتے

پھوگ، پھلی، کھپ، کھار، سہنواراں

ایں سجدیاں ہن

جیون چھلکدن

بنری دے گل ہار پھلاں دے

یاوت جینویں

نویں پر نیں دے رخساریں

کجلا میندی، سرخی دے

کئی کالے، رتے ٹکے (۷۲)

انہاں دی شاعری وچ ڈھگ ساری سوہنیاں تے من موہنیاں تشبیہاں نظر دیاں ہن۔ جیویں انہاں دی نظم، ”ماء  
ڑی ماء“، عالمی، ویسی، شعری، مذہبی، رومانوی، آفاقی، نظریاتی، جغرافیائی، دے ڈھگ ساری تشبیہات نال بھر پور ہے۔  
جیندے وچ ماء کون آدرتے پیارڈ یون دی خاطر اُتے بیان کیستی غیاں سمجھے تشبیہاں دادل چھکواں اظہار ملدے۔

ماءڑی ماء

توں مایا، مریم توں زہراتوں سینتا

توں سرسوتی، اوشا، رادھا

توں سونی، توس سول

ماءڑی ماء

توں گوتم چندر، کرشن، شنکر

نانک، پیر پیغمبر، مرشد، گرو امام اوتار (۷۳)

اے نظم تشبیہات نال مزین ہے۔

## ۲۔ استعارہ:

انہاں دی کئی نظماں استعاراتی اظاہر دا بھر پور نمونہ ہن۔ جہاں وچ اساں قیدی، شجرے، لیلین، محبوب، راکھا،  
سو جھوان، ۲ جون، وغیرہ خاص طور تے قابل ذکر ہن۔ بطور نمونہ نظم سو جھوان ملاحظہ کرو:  
ہک ڈہ نہہ ڈٹھم

وچ بازار دے  
 عجب تماشا  
 ہک مجذوب  
 فقیر نماں  
 جیندے سر کھمبیں دی ٹوپی  
 اگل وچ کنٹھے  
 کوڑیاں مڑ کے  
 کچھ نفیل تے ہتھ براگن  
 کشتہ خالی  
 پیریں گھنگرو  
 گمدا ہویا  
 حق دا گاؤن  
 نہ کوئی چھوٹا  
 نہ کوئی وڈا  
 اُچی جھکی  
 ذات داسارا کوڑا قصہ  
 ہر کہیں دا ہے ہوجیہاں

کائنات اچ حصہ (۷۵)

اے نظم ذوالفقار علی بھٹو تے لکھیل شاندار نظم ہے جیندے وچ بھٹوسیں دی شخصیت، کشت، نظیرات تے افکار کوں  
 استعاراتی ڈھنگ نال پیش کیتا گیا ہے۔ ہک مجذوب فقیر نماں بھٹوسیں دا استعارہ ہے۔ گمدا ہائی، حق دا گاؤن، انہاں  
 دے نظریات دا استعاراتی اظہار ہے۔

### ۳۔ کنایہ:

(کنایہ دے لغوی معنی لگی ہوئی گالھ، یعنی اتکھی گالھ جیندے مجازی معنی گھدے و نجن پر اوندے حقیقی معنی وی

نشاہر ہوون)

اگل پیا نہری نیہ وویار

جیون ڈ سدا شینہ وویار

رم جھم رم جھم سوزا ولڑے

ورھیوں دا ہک ڈینہہ وویار

”شعری کنائے دے مفاہیم“ (۷۶)

اگل پیا، واسطہ پیا

نہری نیہہ، ظالم عشق

جیون شینہہ، شیر

رم جھم سوزا ولڑے، لگا تار ڈ کھ ملدن۔

پور کلڑے، عجیب وغیرب سوچاں تے فکران دے دھاڑیل حملے

ورھیوں دا ہک ڈینہہ، بہوں تکلیف، وقت گزرن بہوں اوکھا ہے۔

### ۴۔ مجاز مرسل:

(اتکھے الفاظ جیڑھے مجازی معنیاں وچ ورتے و نجن تے انہاں دے حقیقی تے مجازی معنیاں وچ تشبیہ کنوں انج

کوئی پیا مطلب وی ہووے، ایندیاں ڈ گھ ساریاں سورتاں ہن)

اتھاں دیہہ لہہ آوسی

جیڑھا جیندے بندے کھاوسی

دیہہ، ڈکھ، ظلم

جیندے بندے کھاوے، قتل کرن

کہ آج وی میں ہانا سکندر

### تلمیحات:

(تلمیح علم بدیع دی ہک قسم ہے کلام وچ کہیں لفظ ضرب المثل، ترکیب یا اصطلاح نال کہیں مشہور واقعہ، قصہ، کہانی، آیت، حدیث، یا آسے پاسے شارت کرن تلمیح اکھو بندے۔

سئیں عاشق بزدار دی شاعری شعری فنی خوبیاں نال مزین ہے۔ انہاں خوبیاں وچ علامتاں، استعارے، کنایے اتے تلمیحات خاص طور تے اُتم ہن۔ انہاں دی شاعری وچ اکثر وسیبی تے مقامی تلمیحات ہن۔ پر عالمی تلمیحات توں وی او ضرور کم گھندن۔ اتھاں انہاں دی ورتیاں گیاں کجھ تلمیحات پیش کتیاں ویندیاں بیان ہن۔

میڈی عمر ہزاراں ورہیے

عیسیٰ توں وی پہلے (۷۸)

سئیں عاشق بزدار دی کتاب ”قیدی تحت لہور دے“ دی پہلی نظم ”وسیب“ دے ڈوجھے مصرعے وچ ای حضرت عیسیٰ دی تلمیح ورتی گئی ہے۔ جیندا مطلب عیسوی کلیڈر۔ اسرائیلیکی وسیب دی قدامت کوں بیان کرن کیتے حضرت عیسیٰ دی تلمیح ورت تے ایہ ڈسیندن۔ جو اسرائیلیکی وسیب تے ایندے وسبے ملتان، ہڑند، بکھر، تونسہ، بھٹہ واہن، مہرے والا، دیرہ، داجل، اُچ تے رنگ پور، پٹن منارہ، دلورائے دے ٹھیڑ عیسوی دور کوں پہلے دے آباد تے شاد ہن۔

ساڈے راول رُل پردیس موئے

ساڈیاں سمیاں وینن کرن

کئی مول، سول ترستیاں

نہ کاک کندھی نہ ماڑ (۷۹)

ایں بند وچ سہی راول، تے مول سول اتے کاک ندی تے ماڑ دیاں تلمیحاں ورتیاں گیاں ہن۔ سہی راول ہک ٹھیٹھ سرائیکی رومانوی لوک داستان ہے۔ جیڑھی کاک ندی دے کنارے وقوع پذیر تھئی۔ اتے کاک ندی، سرائیکی وسیب دے دریا گھاگھراوچوں نکلن والی ندی جیڑھی بھرتے عشق و محبت دی سرائیکی داستان دامرکزی کردار مول دی ماری ہئی تے سول، مول دی بھین ہئی۔ گھاگھرا دے سکرن نال کاک ندی وی سک گئی تے مومول دی ماڑی وی اُجڑ گئی اے۔ ہک المیائی رومانوی داستان ہے۔

کہ اِج وی میں ہاں انا سکندر

کون اے جیدے

ہتھیں دی میندی دارنگ بکھڑا جاں نہیں تھیا (۸۰)

سکندر کوں تاریخ وچ سکندر اعظم آہن اے۔ یونانی بادشاہ تے سپہ سالار ہا۔ ایندے بارے مشہور ہے جو ایں ۳۲۶ قبل مسیح دی ساری معلوم دنیا فتح کر گھدی ہئی اتے یونان توں نکل تے پہلے ایران، افریقہ، عرب تے یورپ اتے ایشیاء دے ملک فتح کریندا ہندوستان پُنتاے ول اتھوں واپس ویندے ہوئے سمندر وچ مر گیا۔ دنیا دے تمام زبان و ادب وچ ایندے ناں دیاں وکھو وکھ تلمیحات موجود ہن۔

سکندر اعظم بہادری تے جوان مردی دی مثالیں پوری دنیا ڈیندی ہے۔ عاشق بزدل اپنی نظم ”محبوب“ وچ سکندر دی تلمیح میر مرتضیٰ بھٹو دی بہادری تے جوان مردی تے مستقل مزاجی اتے فاتحانہ حیاتی کیے اے لائن ورتی ہے۔

کہ اِج وی میں ہاں انا سکندر

سئیں عاشق بزدل اپنی شاعری وچ شخصی، تہذیبی، رومانوی، مذہبی جیہاں پہوں ساری تلمیحات ورتیاں ہن۔ او آیت کریمہ کوں وی بطور تلمیح ورتیندے ہن۔ نظم ”ونڈ“ وچ ڈو آئیناں کوں بطور تلمیح ورتیا ہے۔

نوکر ہیلی

ایں حالت تے کوئی کیوں و سکے

لوکی آہن

و تلعر من تشاء.....

ایں حالت تے کوئی کیوں رووے

لوکی آہن

و تئدل من تشاء..... (۸۱)

نظم ”ونڈ“ وچ قرآن کریم دیاں ڈو آئیناں بطور تلمیح کوٹ کیتیاں گیاں ہن۔ اے نظم امیر غریب دی غیر منصفانہ غیر عادلانہ ونڈ اتے احکام الہی کنوں دوری دی وجہ توں حقوق العباد پورے نہ کرن بارے ہے۔ امیر روز بروز ڈھیر امیر تھیندے ویندن تیاں ہاں دے استحصال پاروں غریب روز بروز غریب تر تھیندے ویندن تے امیراں دی ڈھٹائی تے عقل تے پردے دی ان گالھ ہے جو او اپنے جبر کوں اللہ نال منسوب کریندے ہن۔ جو انہاں دی امیری تے امارت اللہ دی وجہ

توں ہے۔

اوپنے جبر و استحصال نا انصافی تے درہ کوں حکم ربی آہدے تے اتجھاں آہتیاں اپنے فائدے واسطے استعمال کریندے۔

اینویں نظم ”وین“ وچ وی امیر غریب دی جابرانہ ونڈ کھائی گئی ہے؛  
جو ظالم تے جابر امیر غریب روندے یتیم ہال کوں روٹی نہیں ڈیندے۔ بھل اوندی پکی ماڑی دی پیشانی تے لکھیا ہے  
”هذا من فضل ربی“

ایندے کنوں انج ڈھیر سارے اکابرین شخصیات دے ناں بطور تلمیحات ورتیا گیا ہے۔ جیندے وچ عیسیٰ، رام،  
چنن پیر، خواجہ فرید، سخی سلطان، اُچ رائی، وشنو، شیو، مایا، مریم، زہرا، رادھا، سرسوتی، اوشا، گوتم چندر، کرشن، شنکر، نانک،  
وغیرہ تے انہاں دی نظم ”ماءڑی ماء“ تاں تلمیحات نال بھر پور ہے۔

ماءڑی ماء

توں مایا، مریم توں زہرا توں سینتا

توں سرسوتی، اوشا، رادھا

توں سونی، توس سول

ماءڑی ماء

توں گوتم چندر، کرشن، شنکر

نانک، پیر پیغمبر، مرشد، گرو امام اوتار (۸۲)

غرض انہاں دی شاعری اپنے فن و فکر نال رچی ہوئی ہے۔ اے ای نہیں بھل انہاں دی کتاب ”قیدی تخت اہور  
دے“ وچ کل ۳۵ نظمیں شامل ہن تے ہر نظم رات کوں آسمان تے چمکن آ لے تاریاں، کھتیاں، دب اکبر، کھکشاواں تے ملکی  
وے کلی ہن۔ جنہاں وچوں بیک وقت کئی کئی فنی خوبیاں اتے کئی کئی فکری موضوعات نظر آندے ہن۔ اے کتاب تے انہاں  
دی شاعری بیک وقت ترانے ادوار دی نمائندگی کریندی ہے۔

اے تاریخی واقعات، حالات، واقعات، شخصیات، افکار تے جذبات دی کتھا وی ہے۔ اے موجودہ تے حال  
دے حقائق دا اخبار وی ہے اتے مستقبل دی پیش گویاں کرن آلی وی ہے۔

انہاں دی شاعری وچ جاء جاء تے فن دے تارے وی چمکن تے جاء جاء تے جذبات و نظریات دے دھارے

وی واہندن۔ انہاں دی شاعری وچ موضوعات مینہہ وسن توں بعد بھیکے بھیکے موسم آلی کار دل چھکویں تے انہاں دافن مینہہ  
وچ جنن آلی ست رنگی پینگ (قوس قزاح) آلی کار سوہنی تے من موہنی ہے۔

سچ دی نوبت وچن تاں ڈے، ڈیکھیں مچدا پڑکوں

جو وی ہنسی ڈک رستے دی پیریں دا پھیا ویسی (۸۳)

ہنیے، ڈاڈھے دی کہانی ازل دی دوئل توں پھل دی تے وقت دی سیڑھ تھنن شاہر منہ متھے نال چا پدی آندی

ہے۔ اے دروہ تے سارے جگ دی وسوں دے ہرجی واقصہ ہے۔



## حوالہ جات

- ۱۔ اسلم رسو پوری، سرانیکی ادب وچ معنی دا پندھ، لاہور، سرانیکی پبلی کیشنز، ۲۰۱۲ء، ص: ۲۵۸
- ۲۔ حسین مولائی، دلبر، وسپی سنخور (جلد سوئم)، ڈیرہ غازیخان، ہوتانی پرنٹنگ پریس، اگست ۲۰۰۸ء، ص: ۱۲۸
- ۳۔ عاشق خان بزدار، قیدی تخت لہور دے (ڈوجھی اشاعت)، ملتان، جھوک پرنٹرز، ۲۰۱۲ء، ص: ۲۶
- ۴۔ خان بزدار، عاشق، ..... ساگی، ..... ص: ۲۷
- ۵۔ ..... ساگی، ..... ص: ۲۸
- ۶۔ ..... ساگی، ..... ص: ۴۰
- ۷۔ ..... ساگی، ..... ص: ۴۶
- ۸۔ ..... ساگی، ..... ص: ۳۵
- ۹۔ ..... ساگی، ..... ص: ۴۹
- ۱۰۔ ..... ساگی، ..... ص: ۵۹
- ۱۱۔ محبوب اختر، رانا، مونجھ سے مزاحمت تک، ملتان، جھوک پبلشرز، اگست ۲۰۱۸ء، ص: ۷۴
- ۱۲۔ خان بزدار، عاشق، قیدی تخت لہور دے، ص: ۸۷
- ۱۳۔ ..... ساگی، ..... ص: ۹۱
- ۱۴۔ محبوب اختر، رانا، مونجھ سے مزاحمت تک، ملتان، جھوک، پبلشرز، اگست ۲۰۱۸ء، ص: ۲۶
- ۱۵۔ عاشق خان بزدار، قیدی تخت لہور دے (ڈوجھی اشاعت)، ملتان، جھوک پرنٹرز، ۲۰۱۲ء، ص: ۳۱، ۳۲
- ۱۶۔ محبوب اختر، رانا، مونجھ سے مزاحمت تک، ملتان، جھوک، پبلشرز، اگست ۲۰۱۸ء، ص: ۲۷
- ۱۷۔ قیدی تخت لہور دے، ص: ۴۷، ۴۸
- ۱۸۔ ..... ساگی، ..... ص: ۳۰
- ۱۹۔ ..... ساگی، ..... ص: ۹۹
- ۲۰۔ ..... ساگی، ..... ص: ۷۶
- ۲۱۔ ..... ساگی، ..... ص: ۹۴
- ۲۲۔ ..... ساگی، ..... ص: ۸۲

- ۲۳۔ ساگی.....ص: ۱۱۴، ۱۱۵
- ۲۴۔ ساگی.....ص: ۱۱۳
- ۲۵۔ ساگی.....ص: ۱۰۵
- ۲۶۔ ساگی.....ص: ۱۱۹
- ۲۷۔ ساگی.....ص: ۷۸
- ۲۸۔ طارق اسماعیل احمدائی، سرائیکی لوک بیانیہ، ملتان، جھوک پرنٹرز، ۲۰۱۵ء، ص: ۱۳
- ۲۹۔ اسماعیل احمدائی،.....ساگی.....ص: ۱۴
- ۳۰۔ عاشق، قیدی تخت لہوردے، ص: ۳۴
- ۳۱۔ محبوب اختر، رانا، مونجھ سے مزاحمت تک، ملتان، جھوک پبلشرز، اگست ۲۰۱۸ء، ص: ۲۶۹
- ۳۲۔ عاشق، قیدی تخت لہوردے، ص: ۴۰، ۴۱
- ۳۳۔ ساگی.....ص: ۱۰۲، ۱۰۳
- ۳۴۔ ساگی.....ص: ۵۵
- ۳۵۔ محبوب اختر، رانا، مونجھ سے مزاحمت تک، ملتان، جھوک پبلشرز، اگست ۲۰۱۸ء، ص: ۲۷۱
- ۳۶۔ قیدی تخت لہوردے، ص: ۴۸
- ۳۷۔ ساگی، ص: ۶۳
- ۳۸۔ ساگی، ص: ۷۶
- ۳۹۔ ساگی، ص: ۸۴، ۸۵
- ۴۰۔ ساگی، ص: ۹۲
- ۴۱۔ ساگی، ص: ۶۵
- ۴۲۔ ساگی، ص: ۸۵، ۸۶
- ۴۳۔ ساگی، ص: ۸۶
- ۴۴۔ ساگی، ص: ۱۰۲، ۱۰۳
- ۴۵۔ ساگی، ص: ۲۹

- ۴۶۔ ساگی، ص: ۶۴
- ۴۷۔ Encyclopedia Britircia.vol 14. chicaofo.U.S.A 1962. p-876
- ۴۸۔ خان بزدار، عاشق، قیدی تحت لہوردے (ڈوجھی اشاعت)، ملتان، جھوک پرنٹرز، ۲۰۱۴ء، ص: ۱۰۹، ۱۱۰
- ۴۹۔ ساگی، ص: ۶۴
- ۵۰۔ ساگی، ص: ۴۰
- ۵۱۔ ساگی، ص: ۴۵، ۴۶
- ۵۲۔ ساگی، ص: ۲۹
- ۵۳۔ ساگی، ص: ۹۷، ۹۸
- ۵۴۔ ساگی، ص: ۴۲، ۴۳
- ۵۵۔ ساگی، ص: ۴۴، ۴۵
- ۵۶۔ ساگی، ص: ۸۳
- ۵۷۔ مختار علی شاہ، وسیب، علی حیدر ملتانی نمبر، سرانیکس اکیڈمی ملتان، ۲۰۱۶ء، ص: ۹۲
- ۵۸۔ مختار علی شاہ، علی حیدر ملتانی نمبر، ۸۶
- ۵۹۔ شاکر شجاع آبادی، کلام شاکر، وسیب سرانیکس ادبی مرکز ملتان، سن ۲۰۰۲ء، ص: ۱۵۲
- ۶۰۔ احمد خاں طارق نمبر، وسوں ویٹرے، محبوب تالیش سجاک ادبی سنگت دیرہ غازی خان، سن ۲۰۱۵ء، ص: ۲۶۵
- ۶۱۔ خان بزدار، عاشق، ڈوہڑہ، غیر مطبوعہ کلام
- ۶۲۔ خان بزدار، عاشق، ڈوہڑہ، غیر مطبوعہ کلام
- ۶۳۔ خان بزدار، عاشق، ڈوہڑہ، غیر مطبوعہ کلام
- ۶۴۔ خان بزدار، عاشق، ڈوہڑہ، غیر مطبوعہ کلام
- ۶۵۔ خان بزدار، عاشق، ڈوہڑہ، غیر مطبوعہ کلام
- ۶۶۔ خان بزدار، عاشق، قیدی تحت لہوردے، ملتان، جھوک پرنٹرز، ۲۰۱۴ء، ص: ۱۰۰
- ۶۷۔ خان بزدار، عاشق، غزل، غیر مطبوعہ کلام
- ۶۸۔ خان بزدار، عاشق، غزل، غیر مطبوعہ کلام

- ۶۹۔ خان بزدار، عاشق، غزل، غیر مطبوعہ کلام
- ۷۰۔ خان بزدار، عاشق، کافی، غیر مطبوعہ کلام
- ۷۱۔ خان بزدار، عاشق، غزل، غیر مطبوعہ کلام
- ۷۲۔ تنویر حسین، ڈاکٹر، اصلاحات ادبی، لاہور، علمی کتاب خانہ، ۲۰۱۹ء، ص: ۳۰
- ۷۳۔ خان بزدار، عاشق، قیدی تخت لہوردے، ایمکو ویلفیئر فاؤنڈیشن، ڈیرہ غازی خان، ۲۰۱۴ء، ص: ۴۶
- ۷۴۔ ساگی، ص: ۱۱۴
- ۷۵۔ ساگی، ص: ۷۲
- ۷۶۔ خان بزدار، عاشق، کافی، غیر مطبوعہ کلام
- ۷۷۔ ساگی، ص: ۲۹
- ۷۸۔ ساگی، ص: ۲۷
- ۷۹۔ ساگی، ص: ۴۰
- ۸۰۔ ساگی، ص: ۵۷
- ۸۱۔ ساگی، ص: ۶۶
- ۸۲۔ ساگی، ص: ۱۱۴
- ۸۳۔ خان بزدار، عاشق، اشتہار، سرانیکی میلہ، مہرے والا، ضلع راجن پور، ۱۹ نومبر ۲۰۱۶ء، ص: ۲

## ترتیب باب:

### فکری جائزہ

انسان اپنے ہونے کا ثبوت بولتے ڈیندے اتے اوند بولن ای نہ چھڑا اوندے ہونے کا ثبوت ہے۔ بھل اشرف المخلوقات ہونے کا وی ثبوت ہے۔ انسان تے زنا وریں بہناں فرقاں توں انج وڈا فرق سوچ تے زبان دا ہے۔ انسان سوچ سکدا ہے تے بول سکدا ہے۔ تے جانور سوچ وی نہیں سکدا اتے بول وی نہیں سکدا۔ سوچن تے بولن ای او فرق ہن۔ جیہڑے انسانیں دے وی طبقات ہندن۔ انہاں وچوں عام ڈے طبقے ہن۔ ہک عام لوک تے ڈے جھا خاص لوک۔ عام لوک چھڑا سوچ سکدن تے بول سکدن۔ جڈاں جو خاص لوک خاص سوچ سکدن تے خاص طریقے نال بول سکدن۔ جنہاں دی مثال زنا وریں دے ایڑ دی ڈٹی ویندی ہے۔ جیہڑا پندھ کریندا ہے۔ اینویں انسان وچ صدیاں پڑ صدیاں پندھ کریندا اگوں تے ودھدا ہے۔ پر انسان دی ڈیہنہ ڈے تے سالہا سال دی ترقی دار یکارڈ کون رکھیندے۔ اے خاص لوک ہون جیہڑے ہر دور وچ جمدن تے ہر دور انہاں دے نانوں نال سنجاتا ویندے۔

جینویں اردو ادب وچ، ولی دکنی، میر تقی میر، غالب تے اقبال تے فیض احمد فیض دے ناں توں صدیاں سنجائیاں ویندیاں ہن۔ اینویں سرائیکی ادب وچ وی بابا فرید، سلطان باہو، علی حیدر ملتانی، خواجہ غلام فرید تے خرم بہا و لپوری دے نانویں توں ادوار تے صدیاں سنجائیاں ویندیاں ہن۔ انہاں ادوار دا تعین عموماً صدی دے گزرن دے بعد تھیندے یا ول اوں عظیم شاعر دے گزرن دے بعد تھیندے۔ پر کڈا ہیں کڈا ہیں او شاعر جیندے جی نانواں اچا کر گھندے۔ جو اگلیاں پچھلیاں صدیاں وی نو تے اونکو سلام کرن لگ پوندیاں ہن۔ جینویں خواجہ غلام فرید۔

سرائیکی شاعری دے جدید دور وچ وڈے وڈے ناں ہن۔ جنہاں وچ اشولال، رفعت عباس، عزیز شاہد، ارشاد تونسوی، احمد خان طارق، سعید انور، اقبال سوکڑی، نصر اللہ خان ناصر تے شمیم عارف جیہے با اثر شاعر شامل ہن۔ ایں تنذیر وچ عاشق بزدار داناں وی شامل ہے ہر وڈے مشاعرے تے ہر وڈے ادبی کٹھ وچ عاشق بزدار ضرور سڈے ویندن۔

انہاں جدید شاعراں دی تنذیر تے توجہ کریں توں ہک گالھ نشا برتھی تے سامنے آندی ہے۔ جو اہو کی شاعری تے ضلع ڈیرہ غازی خان تے اثرات ہوں واضع ہن۔ بھل ایں نویں شاعری کون جدید تخیل تے فکر اتھوں دے شاعریں ڈٹی۔ جیندے روح رواں سیں اقبال سوکڑی جیہے سنیر شاعر ہن۔ ول اتھاں اشولال، عزیز شاہد، ارشاد تونسوی، احمد خان طارق اتے عاشق بزدار جیہے شاعر آندے ہن۔ انہاں وچوں سیں عاشق بزدار اُتم تے ڈوری حیثیت رکھیندن۔ جو او اتجھے بندے

ہن۔ جنہاں نال چھڑا شاعری دے ذریعے بھل مہرے آ لے دے ثقافتی میلے دے ذریعے وی سرائیکی قوم تے زبان وادب دی خدمت کریندے ہن۔ او اپنی شاعری دے ذریعے عملی اقدامات دے ذریعے سرائیکی قومی شعور کوں وی ودھیندے ہن۔ تے وسیب دے ڈکھ درد، غربت، نا انصافی، وسائل دی کمی، طبقاتی چھک دھروا علی ملکیت اختیارات دی غیر منصفانہ ونڈ اتے ڈھگ سارے سیاسی، ثقافتی، تہذیبی اتے جغرافیائی مسائل دو توجہ ڈیویندن، بلکہ توجہ توں علاوہ انہاں دی انقلابی شاعری انہاں زیادتیاں دے خلاف ہک نعرہ بن تے اُچیری تھیندی ہے۔

سئیں اسلم رسولپوری صاحب عاشق بزدار دی کتاب ”قیدی تخت لہوردے“ دے دیباچے وچ لکھدن:

”میڈے خیال وچ خواجہ فرید جیڑھے سرائیکی قومی شعور دا ایرادھے۔

عاشق بزدار اوکوں ڈھیر سارا اساریئے۔ اپنے وسیب نال پیارا تے وسیبی علاقیاں دے حوالے نال اپنے پیغام دی ترسیل خواجہ فرید دی یقیناً منڈھلی تے وڈی صفت ہے۔ لیکن تاریخ دا اصل تے انقلابی تصور جیڑھا ودھیک شکل اچ عاشق بزدار دی نظمیں اچ ملدے۔ خواجہ فرید دے اپنے مخصوص مذہبی منصب دی وجہ کنوں انہاں دے کلام وچ ممکن ای نہ ہا۔“ (۱)

عاشق بزدار ہک (Geo Political) شعور رکھن آلا شاعر ہے۔ او اپنے تل کوں تل دے سوھنپ، مسائل اتے روایت کوں ہوں سوھنے ڈھنگ نال اپنی شاعری وچ پیش کریندے۔ اوندی شاعری دے اہم موضوعات وی تل و طینی تے وسیبی ہن۔ اوسرائیکی وسیب کوں دنیا کنوں وانجھا (Isolate) کرتے نہیں ڈیکھیندے۔ بھل اوسرائیکی وسیب کوں ملکی اتے عالمی تناظر اچ رکھ تے ڈیکھیندے ہن۔ اتے اپنے وسیب دی ہر خوبی تے ہر وانجھ کوں عالمی تناظر وچ ڈیکھیندے ہن۔ مثلاً انہاں دی نظم ”بابل“ عورتیں دے عالمی ڈینہہ دے حوالے نال ہے تے ہن موضوع تے ای لکھی گئی ہے۔ جیندے وچ تریختیں دے عالمی ڈینہہ دے موقع تے وسیب دی تربیت تے دھی رانی نال تھیون آلی وانجھ کوں بیان کریندن۔ جوساڈی وسیبی روایت ہے۔ جو پتراں دے جنے کوں نشی تے دھیاں دی پیدائش کوں ڈکھ داباعث سمجھیا ویندے۔ بھل پتراں تہ تے دھی کوں اڈ سمجھیا ویندے۔ جو اے ناں دی اواڈ ہے۔ جیڑھی لڑھ تے ویہہ ونجی ہے۔ تے پترساڈے مونڈھے نال مونڈھالا تے کھڑا ہوسی۔ تہوں اتھوں دے لوک دھیاں کوں پرایا دھن تے پتراں کوں اپنا دھن سمجھدے ہن۔ اودھیریں کوں نکلے ہوندے ای اے آکھن لگ پوندن جو توں تاں پرانی ہیں تے تیڈا اے گھر نہیں۔ بلکہ تیڈا تاں او گھر ہوسی جتھاں توں پرنبج تے ونجئے۔

دھریں دے ایں ڈکھ کوں عاشق بزداردی نظم وچ ڈیکھو؛

بابل ساڈیاں اکھیں روندین

میڈی پگ دے پاند کوں لوہندن

شالاست پتریتا تھیویں

اساں تیں کوں گجھ ناہیں منگدیاں

نہ ساڈی ججھیل ہے کائی

بابل تیں تائیں ہکا زاری

اپنے صحن اگواڑ توں ساڈے پیر نہ مسیں (۲)

عاشق بزداردی شاعری وچ ششیں نشا برہن

۱۔ سرائیکی وسیب دا جغرافیہ

۲۔ سرائیکی وسیب دی تاریخ

۳۔ سرائیکی وسیب دی ثقافت

۴۔ سرائیکی وسیب دی تہذیب

۵۔ سرائیکی وسیب دا تمدن

۱۔ سرائیکی وسیب دے جغرافیہ دا شعور:

عاشق بزدار ہک باشعور شاعر ہن۔ ہر باشعور شاعر اپنی دھرتی نال جڑیل ہوندا ہے۔ او اپنے تل تے کھڑو تے آسمان کوں ہتھ لہندے۔ آسمان تے لکھیل اوندا اے ہتھ سارا جہان ڈیہدے جو کیویں ہک بندہ اپنے تل تے کھڑو تے دنیا بھر دے لوکیں کوں اپنی طرف متوجہ کریندے۔ اوندی ایہا شاعری تاں اونکو ہک آفاقی تے بین الاقوامی شاعر بنیندی ہے۔ او دنیا جہاں کوں اپنے جغرافیہ آتے جغرافیائی حالات بارے ڈسیندے۔ جغرافیائی ڈکھاں مثلاً زلزلہ، طوفان، ہڑ، اتے کہیں وی قسم دی ناگہانی آفت کوں پیار کریندے اتے اپنے جغرافیہ دی سہنپ کوں وی پیش کریندے۔

جیویں (Words Worth) دی شاعری پاروں اونکو (The Poet of the nature)

آکھیا ویندے۔ انہاں دی مشہور نظم (Daffodils) دا ہک مونڈھی بند ملاحظہ تھیوئے:

"I wandered lonely as a cloud that floats on high  
Mountains. When all at once i saw a crowd. A  
host of golden daffodils beside the lake, beneath  
the trees fluttering and dancing in the  
breeze." (۳)

اپنے جغرافیے دے سوھنپ کوں اجاگر کرن تے اوکوں خوبصورت بنا اتے پیش کرن ہر وڈے شاعر دی ہک اہم  
فکری خوبی ہوندی ہے۔ کیونجہ او جیڑھی دھرتی دا پتر ہوندے، اوکوں پھل پوٹے تے سرنی پوڈرناں لاوے تاں او اپنی  
شاعری کوں ادھورا سمجھدے۔ کیوں جو اے عالمی سچ ہے۔ جو شاعر دھرتی نال سوہنا ہوندے اتے دھرتی شاعر نال سوہنی  
ہوندی اے۔ فکری رویہ سرائیکی دے ہر وڈے کلاسیکل تے جدید شاعر وچ نظر آندے۔  
سئیں مولوی لطف علی کوں ڈیکھو۔ اپنی مثنوی سیف الملوک وچ جیڑھا مصر داقصہ ہے۔ اپنے وسیب کوں کیویں  
پیش کریندن؛

تھل اندر تھر تھل گھتیا سدوں مثل سئے ماراں  
جھنگ جو ہے جھڑاو جھڑاو کھے کئی ٹوبھے اوتھ غاراں  
ڈاکن باکن پھر دیاں بھوندیاں شوکن مار ہزاراں  
لطف علی وچ بردے کھادے شینہ سیفل سئے تاڑاں (۴)

سچل سرمست کوں ڈیکھو؛

رہسوں راوی تے کنار  
جھنگ سیال دے شور کرن  
ہن ویسوں تخت ہزار  
ابراکھیں دا اینویں وسدا  
را نچھویار بٹھار  
جیویں مینگھ ملہار

سا کوں ملیا محرم یار (۵)

سئیں خواجہ فرید کوں ڈیکھو، انہاں دیاں تاں ڈھک ساری مثالیں ہن؛  
اُتھ درد مندراں دے دیرے  
جتھ کر کڈا بوٹی ڈھیرے

کھپ کھاراں تے لئی لائیں  
سینڑھ پھوگ بہوں من بھانے



تھل ٻے دھر ٺڪائے      ہر بھٹ بھٹ نال بسیرے  
 روہی راوے تھیاں گلزاریں      تھل چترانگ ای باغ بہاراں  
 گھنڈتوراں بارش باراں      چرچے دھاوڻ گاؤڻ دے



میڈ ابادل برکھا کھمڑیاں گا جاں      بارش تے باران دی توں  
 میڈ الملک ملہیر تے مارو تھلدا      روہی چولستان دی توں (۶)

وسپی جانکاری تے ویسی نال گالھ مہاڑا جو کے وڈے شاعریں دی وی فکری خوبی ہے اتے اتجھے شاعری وڈے  
 تے نشا برتھین۔ جہاں وچ وسپی شعور ہوں اُتم ہے۔ انہاں شاعراں وچ احمد خان طارق، اقبال سوکڑی، اشولال، رفعت  
 عباس، شاکر شجاع آبادی، عزیز شاہد، عبداللطیف بھٹی، شمیم عارف قریشی، جہانگیر مخلص اتے محبوب تابش جیسے سچے شاعر شامل  
 ہن۔ انہاں وچوں نمونے دے طور آشوتے رفعت دیاں لائناں ڈیکھو؛

اوہ اپنا اپنے نال ہے تھل اپنا نال ہے  
 اکھیں دے نال سارے سمندر دی جھال ہے  
 سندھو دے نال گزرے زمانے دی گالھ نہیں  
 سندھو دے نال اپنے ہمیشاں دی گالھ ہے (۷)

پرو بھرے انہاں شہراں دی کتاب  
 گلیاں وچ ہی طرحاں پڑھی گئی  
 اساں مذہب وچوں لکھی ہک پنہندے ہیں  
 گھوڑے ہن تارے دے، جغرافیہ دی ایں کاٹھتے  
 کم اساڈے اگن ناں (۸)

بقول ورڈز ورتھ شعر آکھن دی صفت اُوں شخص کوں ڏتی ویندی ہے۔ جیڑھا بہناں کنوں ڈھیر حساس ہووے  
 اتے اوکوں لمبی تے ڏنگی سوچ دے موقع وی ملے ہوئے ہوون۔ ہیں ساکوں شاعری ناں ہے طاقت و محسوسات دے  
 ہوون دا کروچے داوی ساگی خیال ہے۔ جو حسن کامیاب اظہار دا ڏوجھاناں ہے اتے ہک حسین فن پارہ دراصل وجدان  
 وچوں ای آندے۔

سئیں عاشق بزدار ورڈز ورتھ تے کروچے دی انہاں ڈوبا ئیں نظریات تے پورا لہندے ہن۔ اور بہوں حساس وی ہن تے بہوں ڈونگھی سوچ وی رکھیندے ہن۔ تے اوہک روشن وجدان دے وی مالک ہن۔ تہوں تاں انہاں دی شاعری درحقیقت حساس واردات دے بیانیہ حقائق ہن اتے سیاسی تے سماجی نظریات دے حالات و واقعات وی ہن۔ انہاں دی شاعری دادا زہ کار ریڈیکس انہاں دا اپنا وسیب ہے۔ او اپنے وسیب دے (Phana) تے (Flora) دی شاعری کریندن۔ او اپنے وسیب دے بیان کیے اتے اتھوں دے جغرافیہ دا اظہار اپنی نظماں وچ کریندن۔ انہاں دیاں نظماں، وسیب، سلیمان پہاڑی دی گواہی، ساڈی دھرتی کاک کنڈھی، ونڈ، دھرتی دا بار، وین، نراس سبھے نظماں وی او اٹے جغرافیائی حالات تے ماضی وچ انہاں دی عظمت تے حل وچ انہاں دی ہڈی کون نشا بر کریندے۔

انہاں نظماں وچ ”وسیب“ وچ او اپنے تاریخی جغرافیہ دا بھرپور اظہار کریندن تے اوں جغرافیہ تے مان وی کریندن۔ اتھوں دے واہندے قدیم دریا سندھو سرسوتی، گھاگھرا، دا تے قدیم ندیاں سنگھڑ، چھاچھڑ، تے کاک دا اظہار وی کریندن اتے اتھوں دے پتن منارا، دلورائے دے ٹھیڑ، داخل، اُچ تے پڈیل رنگ پورا دا اظہار بہوں من بھاوئے ڈھنگ نال کریندن تے انہاں دی سک مونجھ تے تس ایں بیان کریندن۔ جو جذبات نال بھری اے نظم چڑھدے ہوئے وسیب دی قدیم عظمت دی سک وچ اکھیں وچوں ہنجوں ترم آندن۔

ٹساں وی ملاحظہ کریسو؛

میڈی عمر ہزاراں ور ہے

عیسیٰ توں وی پہلے

میں ایں وسے وسدا ہائیں

ڈلیں دراوڑ جیداناں ہے

ءملتان، ہرند تے بکھر

تونسہ، بھٹہ واہنن

مہرے والا

دیرہ، داخل

اُچ تے رنگ پور

پتن منارا، دلورائے دے ٹھیڑ

سارے وسبے میڈے گھر ہن (۹)

صرف ہیں کہ نظم و چوں ای عاشق بزدار دا جغرافیائی، تاریخ موک تے ویسی شعور نشا بر تھی ویندے۔ اوند ا جغرافیائی نظریہ نال ڈیکھو۔ جیندے وچ اودراوڑ، ملتان، ہڑند، بکھر، تونسہ بھٹہ و ہن۔ مہرے والا، دیرہ، داجل، اُچ تے رنگ پور، پتن منارہ، دلورائے دے ٹھیڑ، روہی، راوا، تھل، ڈہر، ملہیراں، ہیٹ تے جھوکاں، گوٹھ تے وستیاں دا ذکر آندے اتے اوند تاریخی جغرافیائی شعور وی ہے تے اوندے اُتے مان وی کریندن۔ ایس نظم وچ اُنہاں انہاں سارے قدیم شہراں دا ذکر کیلتے۔ جیرھے قبل مسیح کنوں آباد تے شاد ہن۔

”ملتان“ دنیا دا قدیم ترین جیندا شہر منیا ویندے۔ ایندے ناں دے ہڑپہ، موہنجوداڑو، بابل، نینوا، قدیم مصر تے قدیم عراق دے سبھے شہر بھڑتھی اگن۔ پر اے حالی تیں جیندا جاگدا پنڈھ کریندا تے اگو ہیں تھیندا نظر آندے۔ ڈیرہ غازیخان دے قدیم شہر، ہڑند، بکھر، تونسہ، بھٹہ و ہن، مہرے والا، داجل اینویں بہاولپور، روہی دے دراوڑ، پتن منارہ، اُچ وی انہاں دے جغرافیائی شعور دا حصہ ہے۔ انہاں اپنی نظم و سبب وچ سرائیکی وسیب دے تریپے ڈویشناں، ملتان دیرہ تے بہاولپور دا جغرافیہ تاریخی شعور نال بیان کیتا ہے۔ ایندے توں انج اتھوں دے جغرافیائی تلاں داوی ذکر کیلتے۔ انہاں وچ روہی، بٹے، تھل رواے، ٹوبھے، تاڈے، جنگل پیلے۔ ڈہڑ تے ملہیراں، گن کیر، جھر، ہیٹ کوں وی شعری ردم نال بیان کیلتے اتے اتھوں دی جغرافیائی تے ویسی سوغاتاں تے فلور داوی شعوری ذکر کریندن۔ مثلاً جالیں، کانہہ، لایاں، پھوگ، پھلی، کھپ، کرہ نہہ، کریئے۔ وغیرہ۔

اوسرائیکی لوک رومانوی کرداریں داوی ذکر کریندن۔ جیویں مول سول، سسی، سسی راول، اے سارے خاص سرائیکی وسیب دے کردار ہن۔ مول تے سول ڈوہائیں بھینیں ہن تے دریائے ہاکڑہ گھاگھراوچوں نکلن آلی کاک ندی دے کنارے انہاں دی ماڑی ہئی۔ جیڑے ہاکڑہ سکھن نال کاک ندی سک اگئی اتے کاک ندی دے سکھن نال مول دی ماڑی وی اُجڑ گئی۔ اینویں سسی راول، روہی تے سسی پنوں کوہ سلیمان دیاں لوک عشقیہ کردار تے داستان ہن۔

عاشق بزدار کوں جتھاں سرائیکی وسیب دے جغرافیائی تلاں دا شعور ہے۔ اتھاں انہاں تلاں کوں آباد تے سیراب کرن آلے دریائے نہراں داوی انہاں کوں پکا پورا احساس ہے۔ اوگھارا، سنگھڑ، سندھ دریا چھا چھڑ، تے کاک ندیاں داوی سک چاہ نال ذکر کریندن۔ دریائے گھارا۔ جیکوں گھاگھرا، ہاکڑہ تے سرسوتی وی آہدن۔ جیڑہا دریا روہی وچ واہندا ہئی۔ جیں کنوں اے تل سرسبز و شاداب وادی ہئی تے اینکوں وادی ہاکڑہ آکھیا ویندا ہئی۔ پتن مناراں ہیں دریا دے کندھے تے واقع ہئی تے ایہہ بہوں وڈی تجارتی مندی ہئی۔ جتھاں بحری جہاز تے تجارتی کشتیاں آرکدیاں ہن۔ ایں دریادی واہن

ہن وی موجود ہے اُتے کڈھیں کڈھیں شدید سیلاب وچ آج وی پانی آویندے۔ ۱۹۸۴ء دے فلڈ وچ فورٹ عباس دے نیڑے ایندی واہن وچ پانی آگیا ہا۔ ایں دریا کوں سک ویاہ وی آہن۔ اے دریا شمالی پہاڑاں وچوں نکلد اہاتے پنجند دے مقام تے بہناں دریاواں وچ شامل تھی کراہیں انت دریاے سندھ وچ ڈھاندا ہا۔ ڈاکٹر رفیق مغل پاکستان دے ہک نامور آرکیالوجسٹ نے ایں وادی ہاکڑہ وچ کوئی ۴۱۴ قدیم آبادیاں دے آثار لہیے ہن۔ جتھاں گنوری والا ہے۔ ہوں وڈا شہر ہا۔ جیندے تجارتی تے سماجی رابطے ہڑپہ ملتان تے موہنجوداڑ و نال ملدے ہن۔ اتھوں وی اوہا آثار برآمد تھئے ہن۔ جیہڑھے ہڑپہ تے موہنجوداڑ وچوں ملے ہن۔ ایندے وچوں نکلن آلی کاک ندی جیڑھی رحیم یار خان دے نیڑے واہندی ہئی۔ ایندی ہوں وڈی رومانوی حیثیت ہے۔

رومانوی داستان موہل رائو وچوں موہل دی ماڑی ہیں ندی دے کنارے واقع ہئی۔ اے ندی اے جیڑھی رومانوی حیثیت رکھندی ہے۔ جوہوں سارے کلاسیکل شاعراں وی اپنی شاعری وچ ایندرا ذکر کیتا ہے۔ حضرت خولجہ فرید دی کافی عمر چوڑا ناڈے جیسلمیر ندی دا ذکر کیتے۔ اے کافی روہی دے منظر نامے وچ لکھی گئی ہے۔ جتھاں کاک ندی ہئی۔ ملاحظہ تھیوے۔

برہوں دا چوڑا پریت داسوہا کاک ندی دے گھیردا (۱۰)

ڈاکٹر مہر عبدالحق، ”ملہیر ژادے تریجے دے حوالے نال متن دیوان فرید وچ لکھدن؛

”ملہیر، ملہیر کا علاقہ، اس لفظ سے کسی خاص مقام مراد لینا یا اسے جغرافیائی مقام سمجھنا محض قیاس آرائی ہے۔ خولجہ صاحب نے ہر جگہ اس لفظ سے محبوب کے رہنے کی جگہ۔ مسرتوں کا مقام آباد و شاد علاقہ اور ایسی جائے قرار مراد لی ہے۔ جہاں سکون و راحت اور امن و امان اور خوشحالی کا دور دورہ ہو یہ لفظ خولجہ صاحب کا یوٹوپیا ہے۔“ (۱۱)

اتھاں مہر صاحب نال ہک گا لھوں اختلاف کیا ونج سگیندے جو ملک ملہیر ہک خیالی جاہ ہے۔ حالانکہ اچھی کوئی گائیں ملہیر ڈہڑ وچ بہن آلیاں انہاں نالیاں یا واہنداں کوں آہدن، جیڑھیاں میہنہ دا پانی ٹوبے دوگھن آندیاں ہے۔ روہی تے تھل وچ ڈاہڑ کیونجھو میلاں تیں گھریا ہوندا ہے تے بارش وچ اے جل تھل تھی ویندے آتے پانی کیوں جوزمین وچ تھولا جذب تھیندے۔ تہوں اے ہک وڈی جھیل یا تالاب منظر پیش کریندے تے روہیلے ایں ڈاہڑ دے ہک پاسے ٹوبھا بہناں تے اے پانی جمع کر گھندن۔ جڈاں پانی ٹوبھے وچ جمع تھیند اپیا ہوندے تاں ڈاہڑا نقشہ ای فہوں من بھاونان بنی ویندے۔ کتھائیں پانی دیاں لیہاں تے کتھائیں بھوئیں دیاں لیہاں ہونداں ہن تے پان ہولے ہولے انہاں لیہاں وچ واہندے۔ ٹوبھے وچ جمع تھیند اپیا ہوندے تاں ڈاہڑی ایں کیفیت کو ملہیر آہدن۔ ایندرا نظارہ ہوں من بھانواں تے دل

کش ہوندے۔ جتھاں روہیلے نیگر تے نیگراں مینہہ وچ بھجدن دھر کدن تے موجاں منیندن۔ روہیلاں دی انہاں خوشیاں کوں خواجہ فرید نے عمل تجسیم دے حوالے نال ملک ملہیر بنایا ہے تے ایہو وی خواجہ فرید دا یوٹو پیا ہے۔ جینکوں عاشق بزدار وی اپنی شاعری وچ ورتے۔

آہدن؛

ایں وسبے دے تھل تے بے

روہی راوے، ٹوبھے تاڈے

جنگل ہیلے، ڈاہر، ملہیراں (۱۲)

اے سیں عاشق بزدار دا جغرافیائی شعور ہے۔ جو انہاں ملہیراں دا ذکر تھل، روہی، بے، ٹوبھے تے ڈاہراں آ لے بند وچ کیے کیو جو اے روہی تے تھل وچ ہوندن۔ اتھاں انہاں دا جغرافیائی شعور مہر عبدالحق کنوں وی ڈھگ نشا بر ہے۔ جو انہاں کوں تاں ”ملہیر“ دے مطلب دا وی پتہ کینی۔ جڈاں جو عاشق بزدار نے ناچھڑا ملہیر دا جائے مقام تے حدود اربعہ ڈسائے۔ بھل اینکوں پہاری علاقے دی بجائے ریگستان علاقے دے مقام ہوون دی وی نشا بروضاحت کیتی ہے۔ اینویں سنگھڑ تے چھا چھڑ نہراں دا اظہار وی وڈا چسولا اے۔ ندیاں کوں سلیمان سنگھڑ، ندی تونسہ دی نیں ہے۔ جیندی مناسبت نال ساکھڑ شہر آباد تھیا اتے چھا چھڑ راجن پور دی نیں ہے۔ اے نیں اجو وی انہاں علاقیاں کوں سیراب کریندیاں پیاں ہن۔

عاشق بزدار دا جغرافیائی شعور دا اظہار انہاں دی ڈھگ سارے نظماں وچ تھیندے۔ اے اظہار انہاں دے تاریخی جغرافیہ دے حوالے نال اتھوں دی آج تے سرہن کون بیان کریندن تے حال وچ اتھوں دی تباہی تے زبوں حالی دا وی اظہار ہوندے۔

انہاں دی نظم ”اساں قیدی“ وچ ایں اظہار کریندن:

اساں جے سرائیکی ڈیس دے

ساڈی دھرتی ماء لکھ پال

اینڈے سینے سندھ پیا کھیڈ دا

اینڈے پیریں چھا چھڑ کاک

اے بھاگ وند دی بھاگ وند (۱۳)

عاشق بزداری نظاماں وچ جیڑھے جغرافیائی تلاں دا ظہار کیتا گیا ہے۔ او اے ہن۔ جہاں دا ویورا کرن نال انہاں دا جغرافیائی شعور ڈھگ نشا برتھسی۔

سندھ دریا، چھا چھڑندی، کاک ندی، تھل، چترانگ، ملہیر، جھر، جنگل، نیلے، بیٹ، روہی ٹپے، راوے، تاڈے، ٹوہیے، ڈاہر، ملہیراں، کن کیر، جھڑکاں، پتن منارا، دلورائے، ڈاٹھیٹر، دراوڑ، ملتان، ہڑند، بکھر، تونسہ، بھٹہ واہن، مہرے والا، دیرہ، داجل اُچ، رنگ پور، گھارا، سنگھر، چھا چھڑ، کاک، گوٹھ، کاہ سلطان، کالی کٹ، دیبل ڈراو، ماڈر، سلیمان پہاڑ، دبیل، جنگل جھنڈ، پانی غاراں، سوری، گاہا، مٹھاؤن، فوجی، آدم و ہن، جام، ٹھیٹر، کندھان، کوٹھے، شہر وستی، گلیاں، سڑکاں، رستے، کوچے، گھر، چھپر، چھانڈن، نیس، ندی دریا، چولستان، دمان، تخت لہور، پہاڑ، افریقہ، فلسطین، کھیت، درے، کانہہ، کھیلے، واہ، وہیرے، ماڈیاں، کوٹھیاں، بنگلے، محل، قبراں، مسجد، درگاہ، مندر پٹریاں، سندھ دی، شیش محل، ویڑھا، کچھی، پکھی، پورب پچھم، ماڈر، ڈکھن، کنٹھے پٹ وستی، داجل شہر، ابھڑنگ، قاسم پور واگھا، الیس، سنیا، اُحد، ہمالیہ، یثرب، مکہ، متھر اکاشی، کشمیر، بابل، چرچ، سٹوپے۔ جنت، پریت، باغ وادیاں، کاہا، ارل، چنانہ، ناری، جمن، سون، جہلم، پدما، ویاس، گنگا، ستلج، راوی، آمور لینا، برہم پترا، میکنزی، ڈینیوب، کاشی، نیل، فرات، زمزم، حل اوم، چھتر بازار، گھور۔

سئیں عاشق بزداری نظاماں دی کرافٹنگ ہوں سوہنی ہے۔ او اپنی نظاماں وچ اپنے جغرافیائی شعور دے مطابق، ویسی تاریخی، ملکی تے عالمی جغرافیائی مقامات دے ذریعے ہک سٹیج بنیدن۔ ول اوں سٹیج کوں فلور اتے فانا نال سچیدن۔ ایہ وی انہاں دے جغرافیائی شعور دی علامت ہے۔ جڈاں مقامات تے فلور اتے فانا نال ویسی سٹیج ویندے تاں ول ایندے وچ اپنے کردار چھڑیندن۔ اے کردار ترائے قسماں دے ہن۔ رومانوی ویسی کردار۔ مشاہیر اتے سیاسی سماجی کردار ول انہاں کرداریں دے ذریعے او اتھوں دیاں تاریخی شانناں وی بیان کریندن تے موجودہ زبوں حالی دا وی اظہار کریندے۔ اوہک ویسی ملکی تے عالمی سیاسی، سماجی تے تاریخی شعور رکھن آ لے شاعر ہن۔ انہاں دی نظم فنی لحاظ نال ہک مکمل ڈرامہ ہوندی ہے۔ جیندے وچ سٹیج، کردار، ایکشن، (عمل تے رد عمل) اتے ڈائیلاگ (مکالمے) ہوندے ہن جیں کارن انہاں دی نظم دا ابلاغ ہوں شاندار تے جاندار ہن۔ ویندے اتھوں انہاں دے جغرافیائی شعور دی ڈوجھی گواہی۔

انہاں دے فلورا (پھل بوٹیاں تے ون) تے فانا (پکھی تے زناور) دی تندریش کیتی ویندی پئی ہے۔ تاں جو انہاں دا جغرافیائی سٹیج مکمل طور تے ساڈے سامنے آسکے۔

## فلورا:

چالیں، کانہہ، لایاں، پھوگ پھلی، کھپ، کریںہہ، کریٹے، ون، گھاہ، کستوری، کھار، سہواراں، پھل، لئی، لائے  
، سرم میندی، ل پھلیل، سہیلے، کانے، چہکاں (بیلے بیٹ دی کانہہ دا گٹارا، جیڑھا مٹھا ہوندے۔ جینکوں منجھیں کھاندن۔ بوٹا،  
سرپوٹی۔ موصلاں۔

## فانا:

گتے، کونجاں، پکھی، کوئل، جگنو، ہرن، مچھی، جلماء، رُمیاں، نچر، وہیر، رچھ، مال، پروانے۔

## کرداری نگاری:

ویسے تاں کردار نگاری فنی خوبی ہندی ہے پر اتھاں انہاں دے کرداریں دے حوالے نال ویورا کیتا ویندے  
پے۔ انہاں دے کردار وکھو وکھ نوعیت دے ہن۔ مثلاً زنانے تے مردانے کردار۔ اسم معرفہ تے اسم نکرہ آلے کردار،  
رومانوی کرار۔ صوفیانہ کردار، مہاشیر، مذہبی کردار، ویسبی کردار، پرو بھلے دھاڑی (پیرونی حملہ آور) کردار عام کردار تے  
خواص کردار، اتھاں لمیر دتوں نچن سائنگے اسان انہاں دے کرداریں دی ونڈ وہیر ڈولجاظ نال کریندے ہیں۔

- |    |               |    |             |
|----|---------------|----|-------------|
| ۱۔ | رومانوی کردار | ۲۔ | مذہبی کردار |
| ۳۔ | عوامی کردار   | ۴۔ | معروف کردار |

## رومانوی کردار:

مول، سول، سسی، سسی، راول، سیتل، میندھرے، ماروی، زینی۔ خان پنل، رائے (مول میندھرا) سونی، گجر  
(مول دی بھینیں) (مول دی بھینیں) بھورال۔

## مذہبی کردار:

عسی، خواجہ فرید، چن پیڑ، لالٹ، (سخی شہباز قلندر) رام، سخی سلطان، وشنو، شیو، بھگوان، ہری، مایا، مریم، زہرا،  
سیتا۔ سوسوتی، اوشا، رادھا، گوتم چندر، کرشن، شنکر، نانک پیر، گیتا۔

## عوامی کردار:

پیر فقیر، ننگر، قیدی، قیدن، دھرتی جائے، ڈاڈے، بابے، ڈاکو، کھیل، کوٹانے، کمی، کبھی، واس فقیر، جوگی، اویرے واسی، چوڑھے، گھبرو، ماء پیو، نوکر، بے وارث، اوترے، ویسر، ویری، بھینٹی، بھراء، دھیاں پتر، میریں، منڈھرے (جوان) وڈکے، ہینڑے، وڈی ہانھی والے جی، نسلاں، انسان، راکھے پرچارک، دھرتی واسی۔ دھرتی ماء، بنری حق ہمسائے دھاڑو، یونانی افغانی، منگول، ایرانی حملہ آور عرب، برو پھلے داھڑو، سودا گرا نگر، امری بابل، میں تے توں، دیہہ، بندے، آسیب، محبوب، قاتل، ملک واسی، غریب محنت کش، غلام، وسیب واسی، سوہنی گھٹڑ، وحشی، بے کھوندے بے وارث، روحان، نوکر بیلی، لوکی، راکھا۔ شخص، لیلن، گھبرو، گوگی دھرتی، پیاسی دھرتی، روگی، سوجھوان، مجذوب، فقیر نماٹا، ملاں، کافر، چھوٹا وڈا، ڈین نکلے پالیں، گھوٹ، پتر، معصوم پال، بیمار، بے سہارا، یتیم، بے نوا مسافر، روزیتے۔ مزیرا، خان ضعیف پیو، بھٹار، خطیب لوکی۔ ملکیں، مہر، میانیں، خدا رسیدہ بزرگ، زخمی، قوماں، کاتب، مالک، ظالم، اجداد، گودے، فرشتے، مراسن، بھورال، سانول، پکھی واس پنڈھیڑو، نویں واسی، لڑیے۔ ماچھی مے۔ موہانے، مہتم، اوڈ، بھیل، کوٹانے، چوڑھے، کنگر، دائے۔ موچی، پولی، کمی، ڈوم، مراٹی، چھوٹے پال، زینی بھین، لال بھرا، خان، کمدار، مسافر، دشمن، فوجی، پیغمبر، مرشد، گرو، امام، اوتار، دیوی، داسی، ممتا، رائی، مکائی۔

## معروف کردار:

سکندر، لال سوہنہارے، نانک، اُچ رائی، رام، دیورائے، لالولاڑ، اشولعل فقیر، فیض، فراز۔ کہانی اتے ڈڑامے وچ کرداری نگاری ہوں اہم ہوندی ہے۔ کردار داحلیہ، اوند ا پہلا تعارف ہوندا ہے۔ اوند ا لباس، مال اسباب، تے ولتن اتے، زیبائش آلی شیں کردار دی سنجان کرویندیاں ہن۔ سیں عاشق بزدار نے اپنے کردار میں دی تعمیر و تعارف وی ڈھگ ساری شس پیش کیتیاں ہن اتے عمل ساگی اونویں ہے جیویں او جغرافیائی مقامات دے بیان کیتے اتھوں دے فلور اتے فانا کوں وی پیش کریندن۔ تاں جو وسیب دا جغرافیائی سیٹج مکمل طور تے اکھیں دے سامنے ہووے تے جیڑھے تل دی گالھ تھیندی پئی ہووے او اپنے فلور اتے فانا نال بجا بنا ہووے۔ اینویں ای انہاں کرداریں کوئی سجاوٹ تے بنا وں کیتے انہاں دی ولتن آلی شس کوں وی بیان کیتا ہے۔ تاں جو زنانے، مردانے عوامی تے خاص، رومانوی تے صوفی، وسیبی تے عالمی کرداریں دی انہاں دے ساز و سامان نال شناخت تھی سکے۔ اتے ساری وسیبی شیں دے بذات خود ہک جغرافیائی شعور ہے۔



## ساز و سامان:

مُرکیاں، پٹریاں، ڈھولنے، چھلڑے، کنڈھڑے، بندڑے، تھکڑیاں، جندرے، کنڈھے کنکن، پینگھاں، گنڈاسے، ہار پھلاں دے۔ مہندی، سرخی، تلواریں، نیزے، کلاشنکوف، مشعلاں، تخت، سرخ لالی، بندوق، طوق، پھاسی، دولت، سونا، چاندی پٹوڑے، اوچھن بنسری، سولی، گھنگرو، پگ، ڈفیوے۔ شماں، کھارے۔ سہرے۔ بیلچیں، بھاہ، روٹی، ماڑی، کپڑے، مکھن، کھیڑ بوچھن، تلوار، لیکب پتری، ورقے، چولے، قلم، نشتر، تیشہ، ونجھلیاں، رنگیل جینی، سرخی، بیڑیں، پتھر، جتیاں گنڈھڑیاں، مرلی، کشتہ، چھلے، مندریاں، چیرے، چینال الغوزے، مکین، سونہارے، وبوریاں گولی، تہنخے، پیسے، جگنی، دے، تیر، واچے، تھکڑی، فار، گولے، راکفل، گیتا، وید، گرنہ، انجیل، قرآن، چپڑیاں، چھٹے، جینی، چادر، جھنڈا، پرچم، روٹی، سٹپاراں، بوتل۔ شاپنگ بیگ۔

## دھرتی جائے کردار:

عاشق بزدار دے جغرافیائی کرداریں تے وسیبی شنیں تے دید بھوانوؤں تاں انہاں دی شاعری داسارا فکری تناظر نشا برتھی ویندے۔ او ایس دھرتی کوں محبت واسیاں دی دھرتی آہدن۔ جیویں موئل رائو، سسی پنوں، سسی روال، عمر ماروی تے رام سیتا، وغیرہ کوں (Daughter & Son of Soil) دھرتی دے دھیاں پُرتے اتھوں دے مذہبی اکابرین تے صوفیا کرام مثلاً، شہباز قلندر، چنن پیر، سخی سلطان، خواجہ فرید، رام، لکشمین، کرشن، گوتم، نانک کوں دھرتی دے بابے، ڈاڈے آہدن اتے تاریخ مقامات مثلاً دلورائے دے ٹھیڑ، اُچ، ہڑپہ، داجل، بھٹہ واہن تے پتن منارا، انہاں بابے ڈاڈیاں تے دھیری پنڈاں دے وسبے ہن۔ انہاں دی شاعری وچ عالمی شعور وی نظر دے۔

## عالمی شعور:

ہوٹیاں، افغان، منگول، ایرانی، افریقہ، فلسطین، شکاگو، آپس وی نظر دے۔ اُحد، یثرب، مکہ، بابل، آمور لینا، میکینزی، ڈینیوب، نیل، فرات، زمزم۔

عاشق بزدار دھرتی دا پُتر ہے۔ او ایندے تاریخی شان و شوکت تے فلور تے فانا داسُٹھپ دی بیان کریندے تے اتھوں دے معروف اکابرین دے ذریعے اتھوں داسُٹھپ دی بیان کریندن۔ او ایس دھرتی کوں ”یوٹوپیا“ منیندن۔ جیندے تے پرو پھلیاں واہراں چڑھیاں تے اینکوں رتورت تے ٹھیڑ بناڈتا۔ او انہاں ڈھاڑیاں کوں وی نشا بر کریندن

تے انہاں دے ظلماں کوں بیان کریندن۔ انہاں دی ہک نظم ”اساں قیدی“ وچ ہک مرثیہ ہے۔ ہک پاک ہے تے ہک وین ہے۔ جیندے وچ او اپنے ”یوٹوپیا“ کوں اجڑا ڈیہدن۔ ہک وڈا شاعر شیخ کوں سامنے رکھ تے نیں ڈیدھا۔ بلکہ (Ariol View) آسانی تناظر وچ ڈیہدے او جغرافیہ، تاریخ، ثقافت، تہذیب و تمدن، وسیب، ملک تے دنیا کوں اپنے سامنے رکھ تے شیخ ڈیہدھے، بلکہ او اتنا وڈا ہوندے جو وسیب، ملک، دنیا جغرافیہ تاریخ تے ثقافت تے تہذیب و تمدن انہاں دے دے قدماں وچ پئی ہک ٹھیکری ہوندن۔ جہاں کوں او اُتے کھڑو تے ڈیہدھے پئے ہوندن۔

انہاں دی نظماں وسیب، اساں قیدی، شجرے، لالین، سلیمان پہاڑ دی گواہی، میں تے توں، ساڈی دھرتی، کاک کندھی، راکھا، کورٹ مارشل تے شاپنگ بیگ اتجھیاں نظماں ہن۔ جیندے وچ او سرانیکی جغرافیہ، تاریخ، ثقافت، تہذیب، تمدن اتے پروہلی ماردھاڑ کوں (Ariol View) نال ڈٹھے۔ جینویں او ہزاراں سال دی عمر دے وڈے تے ہزاراں گز اُچے شخص ہوون تے سرانیکی وسپتے منڈھ قدیم کنو آون آلی تبدیلیاں تے ماردھاڑ کوں اینویں ڈیہدھے پئے ہن۔ جیویں ہک عام بندہ کوں یلیاں دی کھڈ تے کھڑوانہاں دی نقل و حرکت ڈیہدھاپیا ہووے۔ سرانیکی وسیب منڈھ قدیم کنو گھن تے ہن تیئں انہاں دے سامنے ہے تے او اوندی سبھے جغرافیائی، سیاسی، سماجی، معاشرتی تے معاشی تبدیلیاں اچ بگھنگ تے امن تے ماردھاڑ کوں ڈیہدھاپیا ہووے۔

انہاں نظم ”سلیمان پہاڑ دی گواہی“ وچ انہاں ایں دھرتی دی ساری تاریخ تے تاریخی واقعات کوں ہک ڈکھ کھانی کلی سنایا ہے۔ نظم وچ او خود عمل تجسیم دے ذریعے خود کوہ سلیمان بن تے ایں وسیب دی تاریخ، جغرافیہ، تہذیب و ثقافت اتے سرانیکی لوکیں تے منڈھ کنو تھیون آ لے دھرتی ماردھاڑ دا ہک وین سنایا ہے۔

## سلیمان پہاڑ دی گواہی:

عاشق بزدار تے اے اعتراض کیتا ویندے جو انہاں دی نظماں وچ کھوسا نواں ماحول، فکر تے گالھیں اتے الفاظ ہن۔ او اپنی کتاب ”قیدی تخت لہور دے“ دے مہاگ وچ لکھدن جو:

”میڈی اکثر نظمیں وچ بیٹ، روہی، تھل، دریا، واہ، وہیرے، ٹھیڑ، ٹوبھے، تاڈے بوٹے، لوک داستانیں تے علاقائی تاریخ نال متعلق لوکیں دا ذکر ہے۔ شائد

دوست ایں قسم دی یکسانیت توں بوریت محسوس کران۔“ (۱۴)

جواب ایں ڈیندن او آپ ایندا جو:

”اوسرائیکی وسیب دے مزاج تے قومی شاعری دی ضرورتیں کوں سامنے رکھن تے ول اے وی ہے۔ اساں انہیں حوالیں نال اپنی گم تھئی تاریخ، ثقافت تے اپنے وسیب اُتے نشا بر منظر پیش کرتے اپنی دھرتی نال محبتاں جگاسگدوں۔“ (۱۵)

میڈی نظروچ انہاں دی نظماں دھاڑیاں تے حملہ آوراں دی تباہی اُتے وسن تے نوے ہن، دھاڑاں تے ہا کاں ہن۔ اور منڈا قبائل تے کول، بھیل، سنہتال، مور، مے، مہانے، جھیل تے پکھی واسیں تے دراوڑاں کوں ایں دھرتی تے اصل پتر سمجھدن۔ جہاں اُتے آریا، یونانی، منگول عرباں، ایرانیوں، افغانیاں، انگریزاں تے سکھاں نے حملہ کیتے تے انہاں دھرتی واسیں کوں مار مکاون دی بھرپور کوشش کیتی۔ کہیں ملک تے ہک وی حالہ تھی ونبے تاں اوندی حالت زار کیوں تھی ویندی ہے تے اتھاں تاں صدی بہ صدی تے سال پر سال حملہ تھیندے رہیے اُتے اتھوں تے لوکیں کوں تہہ تیغ کریندے رہیے۔

عاشق بزدار دی شاعری پے در پے ایں قتل و غارت دا وسن ہے۔ روون ہے۔ ہا کاں ہن تے کوکاں ہن تے انسان ہوون اُلے ڈکھ تے ہکوسا نوں رونا ہے۔ اوندے روون وچ یکسانیت ہوندی ہے۔ ہاں البتہ ڈکھ جتی وڈا تے ڈھگ ہووے تاں اونداروون ہا کاں اُچیاں تے ڈھگ ساری ہوندیاں ہن۔ عاشق بزدار دیاں نظماں انہاں دیاں ہا کاں تے روون ہے۔ ایندے اُتے یکسانیت دا الزام لاون اُلے اپنے ہر ڈکھ تے نویکلے روئے ڈکھاوون تے ول آکھن جو عاشق بزدار وی اپنے وسن تے کوکاں تے وکھو وکھ انداز وچ رووے۔

ایندا ہوں سوھنا جواب سنیں رفعت عباس انہاں دی کتاب دے فلیپ وچ ڈیندن۔ جو اے سرائیکی سجا کی دا نواں بیانیہ ہے۔

”عاشق بزدار ہک اتجھے چنے دانان ہے۔ جیڑھا جیندیں جی جھمر جاگے تے میلیں وچ ڈھل گے۔ اوندی کتاب ”قیدی تخت لہور دے“ ایں سرائیکی وسوں دی سجا کی دانواں بیانیہ بن گئی ہے۔ جیویں عشق دی نویں جاگ وچوں ہاکڑہ وِلدا ویہہ پوئے۔ جھنگلیاں وچ مور وِلدے پل پون۔ اینویں ایں کتاب چار پھیروں الوائے۔ روز ڈیہاڑی گالھ، گوٹھ، بزاریں توں تھیندی پار لیماں تے میڈیا وچوں نبریں اے۔ پوسٹراں، بینراں وچوں جاگئی اے۔ لوکیں ایں کتاب دا ویس پاتے، اینکوں سر اپنے دا پٹکا بنائے۔ ایں کتاب کوں بین کرتے تکل وطنی قومیں کوں ہمیشہ کیتے قید رکھن دا دروہ کیتا گیا۔ پر دھرتی واس نہیں جھلیندے۔ انہاں دی ماء پولی دے باغ وچ سُنجان دے پھل ہمیش کھڑدے رہ ویندن۔ ایں کتاب دا ولا چھپن ہکل ہے۔ ہراوون تخت کوں جیڑھا قومیں کوں اپنی ہڈھ وچ رکھن چاہندے۔ (۱۶)

## تاریخی شعور:

وڈا تے باشعور شاعر رومانوی شاعری دے نال نال شخصی، وسیبی، تاریخی، تہذیبی اتے ثقافتی شعور وی بیان کریندے۔ بلکہ اپنے آپ کوں دھرتی جایا تے دھرتی دا وارث بناتے پیش کریندا ہے اتے او اپنے دھرتی جایا ہوون تے فخر وی کریندا ہے۔

سئیں علی حیدر دا تاریخی تے وسیبی شعور ڈیکھو:

زہر نہیں جو کھامرن گجھ شرم نہ ہندوستانیوں نوں  
کیا حیا انہاں راجیاں کوں، لُج نُس تو رانیاں نوں  
بھیڑے بھر بھر ڈیون خزانے فارسیاں کوں خراسانیاں نوں  
وچ چھوئیاں دے نک پڈ ونجے لہو نہ ودھیاں پائیاں نوں  
ڈاڑھیاں چاٹنیاں اکھیوں کشف اے انہاں زنانیاں نوں  
انہاں تو پیچیاں، زبور چیاں نوں انہاں برقد اندازں پاتیاں نوں  
انہاں بالکیاں ٹیڑھیاں ڈنگیاں نوں انہاں ترکاں آکر دھانیاں نوں  
انہاں نوک بنداں دکھنی جائے بانکے تے پوش کمائیاں نوں  
انہاں پلٹھی بازاء بزاریاں نوں انہاں خیل قداں افغانیاں نوں  
انہاں تبتی کشتی گیراں نوں انہاں تیر انداز کہانیاں نوں  
حیدر آکھ توں انہاں ہیچڑیاں نوں، انہاں نصیاں نامرداں نوں (۱۷)

جدید شاعراں وچ وی اے تاریخی شعور ہک اتم نشانی ہے۔ رفعت عباس دی شاعری وچ تاریخ و جغرافیہ تے تہذیب دا شعور ڈیکھو جیڑھا جدید شاعری دا نمائندہ شعور ہے۔

سمندر نال پڑی وانگوں بدھے ہوئے

پہوں سارے ملک ہن

تے کاٹھ اُتے تڑدے ہوئے لوکیں دی اُباہل

جغرافیہ

وڈے ہک قلام پچھوں پکیاں دا وپار

تاریخ

لمبی بک لڑائی پچھوں گھوڑیاں دی سودا گیری

ایہو سندھو آپ سمندر ہے

تے ساڈے کیے سارا قصبہ

لاہندے کنوں چڑھدے تائیں ٹرپو وے تاں

ڈکھن تائیں گھلدے

اساں رام لیلا وچ نال راوٹ دے

ایہ گنیش تے ہنومان

ساڈے وچوں ہن، پرساڈے نہیں۔ (۱۸)

ہزاراں سالیں کنیں وادی سندھ وچ واہندے دریا، سندھ، ہاکڑہ، ستلج، راوی، جہلم، بیاس تے چنا نہہ ایں دھرتی  
کوں بھاگ سہاگ لائی رکھیا۔ دریاواں تے چنگے موسماں دی سانجھ نال اتھان فلور اتے فانا دارنگ لکیریا۔ ساہریا کنوں  
ٹھڈھی ہواواں، سوہنے پکھی تے مینگھ ملہاراں اتھان گل پھل باغ بہاراں لائی رکھیاں۔ وادی سندھ دا وسبہ ہزاراں سالیں  
دے جغرافیہ تاریخ دا حامل ہے۔ ہزاراں سالیں دی تاریخ تے ایں وسبے کوں سکھ شانت تے امن و شانتی دا گوارہ بنائی  
رکھیا تے اتھان، ہڑپہ، موہنوداڑو، گنیری والا، جلیل پور اتے جلیل پور II ملی استھان جیسے شہراں شانتی و شوکت نال قائم و دائم  
ہن۔

انہاں وچوں ماگان، کھمر ون، دل نون، رہاوس کیشپ پور، ملوہر، مول استھان، مولتان، تے ول ملتان ناں وٹایا  
تے شہر دے ہر ہک ناں صدیاں تیں اپنا ناں ہوکوا یا اتے ول صدیاں حملہ آواراں دے حملیاں تے چڑھ ماراں شہراں تے  
وسپیاں دی تباہی تھیندی رہی۔ کڈاہیں ایں وسبے دی حد اں کشمیر تیں ہن۔ تہوں تاں کشمیری زبان وچ ہوں سارے  
سرائیکی لفظ ہن وی موجود ہن۔ حملہ آواراں ڈھاڑیاں اتھوں دے لوکیں دا قلام کیتا۔ شہر تے وستیاں تباہ و برباد کیتیاں تے  
ٹھہیراں دی شکل وچ اچھو وی موجود ہن۔

اتھوں دے لوکاں انہاں دھاڑیاں ڈرکنوں نہ اپنا وسیب چھوڑیا نہ اپنی ثقافت تے زبان اتے سچان چھوڑی تے  
ہزاراں سالیں بعد وی ایں خطے کوں بک آپو آناں ناں سرائیکی ڈتاتے سرائیکی ہوون تے فخر وی کریندن۔

ایں وسیب تے تھیون آ لے ہزاراں سالیں دی مار دھاڑ تے قتل و غارت دی کتھا تاریخ دا المیہ ہے۔ جید اسلسلہ

ہن تائیں جاری و ساری ہے۔ ایں دھرتی تے ایندے شہراں تے قصبے دی شکل وچ ایندی زبان، ثقافت تے قومی حیثیت تے انکار دی تکرار اچھووی جاری ہے۔ معروف مؤرخ حفیظ خان دے مطابق پنج ہزار ست سو سال پہلے جتھاں ہک ریاست ہا۔ جتھاں راجہ دھرت حکمران ہا۔ تڈھاں ہیلو تھک دور وچ ڈوانسانی نسلاں ہن۔ ہک ہینیٹیک نسل ہئی۔ جیندے وچ بربر تے دراوڑی لوک شامل ہن۔ (۱۹)

سرائیکی خطہ ہزاراں سالیں کنیں آباد تے شادر یہا ہے تے ایں وسیب دے لوک پنجابی آبادکاراں، بلوچاں، پٹھاناں کنوں ہمیش قدیم تھے انجھ ریہے۔ اے لوک اپنی انجھ زبان تے ثقافت پاروں پنہاں قوماں کنوں ہمیش نویکے ریہے ہن۔ اے لوک مہذب، متمدن تے امن پسند ریہے ہن۔

جیویں اُتے بیان کیتا گیا ہے۔ جو اے وسیب ہمیشہ کنوں زرخیز رہا ہے۔ تہوں اتھاں اتھاں دانا پائی تے دھن دولت امانی دار یہا تے ایہا رچ گج پر و بھری قومان دے بکھ ننگ کوں مکاون دالالچ بٹیا۔ تہوں اتھاں آریاواں، منگولوں، یونانیاں، عرباں ترکیاں، افغانیاں، ایرانیوں، برطانیہ تے پنجابی آبادکاراں کوں اتھاں حملے کرن تے لٹ مار کرن دالو بھ ڈتی رکھیا۔ کڈاں گھوڑے تے چڑھ، کڈاں پڑیاں وچ آتے بندوقاں نال اُتے کڈاں دفتراں وچ پہہ تے اختیار دے قلمناں نال ایں وسیب کوں ٹوٹے ٹوٹے کر کے لٹیندے ریہے۔

وگھو وگھو ادوار وچ پرو بھلی حکمراناں اپنے سیاسی مفادات کیتے ایں خطے کوں وڈھیندے ٹکیندے ریہے۔ تے ایندے بہوں سارے شہر، وستیاں، گوٹھ، دریاواں، نہراں تے بنداں کوں انے پنے کریندے ریہے اُتے انہاں کوں کئی چھوٹی چھوٹی ریاستاں تے اختیارات وچ ونڈیندے ہن۔

پرول اتھوں دی مرکزی حیثیت ملتان دی رہی۔ اے ثقافتی، لسانی تے معاشری حیثیت وی ہئی۔ راجہ رنجیت سنگھ ۱۸۱۸ء وچ ملتان تے قبضہ کرتے اینکوں پنجاب وچ شامل کر ڈتا اُتے اتھاں قہر دا ظلم تپایا، قتل و غارت کیتی۔ اچھووی خونی برج، قلعہ کہنہ قاسم باغ، چوک شہیداں تے ہیاں ڈھگ سارے جاہیں انہاں ظلمناں تے مار دھاڑا داتہن جی ثبوت ہن۔

پاکستان وچ ون یونٹ ٹٹن کنوں بعد خطے دی قدیم ریاست بہاولپور تے ملتان کوں انجھ صوبائی حیثیت ڈیون مقصود ہئی۔ پرایں نہ کیتا گیا۔

عاشق بزدار صاحب ایں سلسلے وچ خود لکھدن:

”سرائیکی دانشوروں نے اپنے قلم کے ذریعے سرائیکی عوام کو معاشی، سیاسی، ثقافتی، جغرافیائی اور تاریخی معلومات حاصل کرنے کا شعور دینے کیلئے مسلسل قلم چلایا۔

اخبارات و رسائل میں آرٹیکل اور کتابیں لکھیں۔ جلسوں میں تقاریر کیں۔ ریڈیو اور ٹی وی چینلز پر مباحث کئے۔ ان کی اس جدوجہد کے باعث آج سرانیکی قوم اپنے قومی، لسانی اور تاریخی حقوق کے حصول کی خاطر اٹھ کھڑی ہوئی ہے۔“ (۲۰)

عاشق بزدار بذات خود اس کو ٹیشن دی عملی تصویر بن۔

میڈی عمر ہزاراں ورہیے

عیشی توں وی پہلے

میں ایں وسبے وسدا ہا میں (۲۱)

آزادی دے پس منظور وچ عاشق بزدار لکھدن:

اساں ایں دھرتی دے جائے

ایندے پانی ایندی مٹی دے وچ ساڈے بوتے سترینے

ساڈے ڈاڈیں باپیں اتھاں

اپنی اکھ دے پانی دے وچ

اپنی رت دے رنگ رلائے

گوٹھ اُسارینے

شہر سنو واریں ..... (۲۲)

عاشق بزدار ایں وسیب دا قدیمی شخص تے مالک ہوون تے مان دی کریندن:

اے دھرتی ہے میڈی سینگھ

اساں ڈوہیں لکھیں سا لکھیں کولوں کٹھے

حیرت دے وچ

ہک ڈوجھے کولں ڈیہدے آیوں

میکوں یاد اے

جڈاں لکھیں سالیں پچھوں

ایندے سینے دے وچ ساہ پے  
ایندے ذرے ذرے وچوں ساؤل پھٹی

و نوون دی

ایندے انکُن بہاراں آیاں (۲۳)

تاریخی جغرافیہ، دھرتی جائے ہووَن دامن تے بھرو پھلے حملہ آوریں دی سلسلہ وار مار دھاڑ کوں ایں بیان کریندن۔

ساڈی دھرتی

تھل تے روہی

چولستان دمان

جتھاں ہک ہک لئی لائیں دے مُنڈھ اچ

ساڈے ڈاڈی بائیں دیاں قبراں ہن

جیرھے اپنی دھرتی ماءِ رانی دے سینے صحن تے

نویں آون والے

اوپرے پیرڈ کن دی جنگ اچ

مردے رہ گئے (۲۴)

اوسرائیکی قوم دی قدامت تے Sonqsoil ہووَن دا اظہار کریندن جو بروپھی مار دھاڑ ساڈا سبھ کچھ کھس

گھدے، ساڈی شان تے ساڈی شناخت تیں کھس گھدی ہے۔

اساں ایں دھرتی دے جائے

کل تانی تاں سب کچھ ہاسے

آج تاں بن گیوں ٹریئے، ماچھی

مے، موہانے

مہتم، مچھی مارن والے (۲۵)

انہاں شعری اڈیلاں توں ای نشا برتھیندے جیویں عاشق بزدار ہک مؤرخ ہووئے تے او ایں دھرتی دی ساری

تاریخ جاندا ہووئے۔ اوسلیمان پہاڑ تے کاک کندھی دی عمل تجسیم (Persanification) کرتے وی انہاں دے



ذریعے ایتھوں دی تاریخ، تاریخی واقعات، پربھلی واہراں تے قبضہ گیراں کول وی بیان کریندن تے او ایس وسپے دی شروعات کوہ سلیمان دے نمودار تھیون کنوں گھندن۔ جیالوجسٹ آہدن۔ جو (Pagnacoli) دے ویلے اتھاں کوہ ہمالیہ تے کوہ سلیمان دا پہاڑی سلسلہ نمودار تھیاء تے برصغیر وچ انسان وی تڈا ہیں آن آباد تھئے۔ اے منڈا قبائل، کول، بھیل، سنہتال، مور، مے، موہانے، مہتم، ماچھی اتے پکھی واس ہن۔ جیڑھے ایس دھرتی دے پہلے سینک، دھرتی جائے اتے ایس خطہ وچ انسانی حیات دامنڈھ ہدھن آ لے ہن۔

عاشق بزدار دھرتی جاباں نال وی ہمدردی رکھیندن۔ ”جو دھرتی دے اصل وارث ایہا لوک ہن۔ پر مار دھاڑ تے کالونیل ازم دے ذریعے انہاں کو اپنا غلام مطیع تے (Niglected) لوک بناتے رکھ ڈتے“ (۲۶)

ہن اے لوک ہندوستان وچ ملیچھ تے ناپاک سڈیندن تے پاکستان وچ اے پکھی واس تے چوڑھے سڈیندن۔ انہاں کول تعلیم و ترقی کنوں دور رکھیا گیا ہے۔ سرانیکی شاعری وچ صرف عاشق بزدار تے اشوالال فقیر انہاں کول شعری آدرڈیندے ہن۔ او انہاں دے حقوق، قدامت تے (Son of the Soil) دھرتی جایا ہوون دی گالھ کریندن۔ او انہاں نال محبت کریندن تے انہاں تے نظماں لکھدن تے انہاں اُتے تھیون آ لے زیادتیاں، فراموشیاں تے تمدنی معاشرے وچ انہاں دی تاریخی تے تہذیبی اہمیت کول اجاگر کریندن۔

سنیں اشوالال فقیر دی اے نظم ”چوڑھے“ دیکھو۔

اساں میل اروڑی جگ دی

اپنے سرتے چائی

ساڈی جھوک نہ کاء

پیلیاں نال بہاری ڈتی

بھانڈے دھو چمکائے

اپنے تن داماس پکایا

تکھ سنبے۔ مئے

وت وی کہیں نہ ساڈ کھتے

بہہ پتھاری کھادا

اساں چوڑھے جگ اُدھر کے

ڈاج اساڈی ماءدا

سنگتی نکلے لادا (۲۷)

منڈا قبائل دے بعد اتھاں دراوڑ قبائل آن رہائش پذیر تھئے جیڑھے سمیری النسل ہن تے زراعت پیشہ آتے پُر  
امن لوک ہن۔ انہاں ایں دھرتی کوں ساوی سوکھی تے بھاگاں والی بناڈ تاتے اتھاں ہڑپہ، موہنجوداڑو، ملی استھان (ملتان)  
جلیل پور (i)، جلیل پور (ii)، گنوری والا، کوٹ ڈیرا اور، داجل، بھٹہ واہن اے۔ سارے سکھے قبل مسیح وچ تمدنی لحاظ نال  
موجود ہن۔ شاعر اتھوں دے انہاں قدیم لوکاں تے جاہیں دا تعارف وی پیش کریندا ہے تے اوندے اُتے مان تران وی  
کریندے۔

انہاں دی نظم وسیب دامنڈھا ای انہاں تہذیبیاں دے تعارف نال تھئے۔

(وسیب)

میں ایں وسبے وسدا ہائیں

ڈلیں دراوڑ جیندا ناں ہے

اے ملتان، ہڑندے بکھر

تونسہ، بھٹہ واہن

مہرے والا

دیرہ، داجل

اُچ تے رنگ پور

پتن منارا، دلورائے دے ٹھیڑ

سارے وسبے میڈے گھر ہن (۲۸)

دراوڑ قبائل اُتے سا بھریا توں آریاء، قبائل نے پے در پے حملے کیتے۔ اوگھوڑے تے چڑھتے آئے انہاں  
وسبیاں تے حملے کیتے۔ انہاں کوں ماریا۔ غلام بنایا۔ اے گجھ لوک جان بچا تے گنگا جمنادی وادی وچ وڑے۔ جتھاں کئی سو  
سالاں بعد انہاں ول حملے کیتے تے ول انہاں کو جنوب ہندوستان دھک ڈتاتے او آریا سنٹرل ہندوستان تے قابض تھی  
گئے۔ اے دھاڑیل لوک ہن۔ تے تلواریں نال اتھوں دے وسینکاں کوں مار مکایا۔  
عاشق بزدار انہاں وحشیاں دا ذکر اچنی نظم کاک کندھی وچ کریندن۔

باہروں آؤن والے وحشی پیراں پٹھ دپھیندے رہ گئے

ساڈی در دیں ماری دھرتی دے سینے تے

کھنڈے ٹھہیر گواہ ہن

جتھاں ساڈے لال سونہارے

بے کھوندے تھی موئے (۲۹)

آریاواں دے بعد اتھاں پے در پے یونانی، افغان، منگول، ایرانی تے عرب اتھاں حملہ آور تھیندے رہیے۔ جیندا

اظہار انہاں اپنی نظم ”سلیمان پہاردی گواہی اچ کیتے۔

تلواراں تے نیزیں دیاں نت ضرباں لایاں

کئی یونانوں دنیا فتح کرن دے سانگے

کہیں افغان، منگول، ایرانی حملہ آوریں

کئی اسلام پھیلاؤن حیلے عربوں آئے (۳۰)

عرب حملہ آوریں دے بعد انگریز دھاڑیاں آمد کوں ایں بیان کریندن۔

سودا گردے ولس وچالے

اتھ انگریز ورا دھے

ساریں ایں دھرتی کوں لٹیا (۳۱)

عاشق بزدار انہاں غیر ملکی حملہ آوراں دی تباہی دے آزار وی ساکوں ڈیکھیندن۔ جوڈ یکھو اے رچے گئے تے

خوش باش شہر ہن تے ہن اے ٹھہیر تے کھنڈ رہن اگن، انہاں نال صرف ساڈنی دھن دولت لئی، بلکہ عزت آبروی

لٹیندے رہیے جیں کارن ساڈی دھیریں کھوہاں وچ ٹپ مار مار تے مردیاں ریہاں

خونی آدم جام ہرند

تے دلورادے وسھے ساڑیے

جیڑھے ٹھہیر دی شکلیں وچ

قدم قدم تے ملدن (۳۲)

انگریزاں دے بعد اتھاں سکھ حملہ آور آگئے تے انہاں دے ہتھ گنڈا سے ہن اوگنڈا سیاں نال ساکوں مریندے

ہن تے ول ساڈی لاشاں تے بھنگڑے پیندے ہن۔ عاشق بزدار اے وی ڈ سیندن۔ جو باقی سارے حملہ آورتے انہاں  
دے ظلم و جبر ماضی دا حصہ بن اگن۔ پر انہاں دا ظلم تاں اچھو وی جاری ہے۔

وت میں ڈٹھے

نانک نگری توں سوداگر آئے

جہاں ہتھ گنڈا سے

ایں دھرتی دے سینے چڑھ بھنگڑے پاؤن (۳۳)

او گنڈا سے کون ہتھیار دے طور تے پیش کریندن۔ جو اتھاں آریاں توں گھن کراہیں عرباں نے تلواراں تے  
ذریعے ساکوں گٹھا ول انگریزاں بندوقاں دے زور تے وڑ آئے۔ ایندے بعد سکھ حملہ آور گنڈا سے چاتے آئے۔

میڈے تن رزوری دے نیزے

ایندی شہرگ وچ

لہندے پین گنڈا سے (۳۴)

اوسرا نیکی صوبے دے بھرپور حامی تے کوشی ہن۔ او اپنی نظمیں وچ سامراجیت دے خلاف آواز چیندن۔ جو  
اساں تاں ”سپت سندھو“ یعنی ست دریاویں دی سرزمین دے راہن آ لے ہیں پر ہن ساکوں پنج دریاویں دی سرزمین وچ  
قید کر ڈتا گیا ہے۔

او اپنی نظم ”وسیب“ وچ لکھدن؛

میڈی رگ رگ دے وچ وہندن

گھارا، سنگھڑ، سندھ تے چھا چھڑ

اکھیوں لڑھدی کاک

میڈ پنج دریاویں نال کیویں رشتہ

سمجھ نہیں آندا (۳۵)

## ثقافتی شعور:

دنیا دا ہر معاشرہ آئنی ہک ثقافت رکھیندے دنیا وچ اچھو وی اتجھے معاشرے ہن جتھاں پاؤن کیٹے کپڑے کینے بلکہ اوکھاہ تے پیتاں اتے کھلاں نال ٹینگ کچھیندن۔ انہاں کول ساڈے وانگوں سکول کالج کینے ہسپتال تے پلازے کینے نوٹ تے سکے کینے آخر انہاں دی وی تاں ہک معاشرتی حیاتی ہے اوہک معاشرہ ہن انہاں دارہن سہن تے طرزِ حیات انہاں دی ثقافت ہے انہاں داند ہب، فن، شادی خشی، ڈکھ سکھ دیاں رسماں، زبان تے حیاتی بناؤن دا ڈھنگ ای ثقافت ہوندے۔

ہر سکوٹس (Herskovits) آہدن۔

Man made envivonment is called culture ”ماحول دے اُوں حصے کوں ثقافت آہدن

جیڑھا انسان بنیدے۔ (۳۶)

ای، بی ٹائلر (E. B. Tylor) آہدن۔

Culture is a complex whole which includes  
knowladge, beliefs, art, law, rituals, and other  
sbills and habits which individual ascribes  
being member of society. (۳۷)

یعنی: ثقافت اوچھیدہ سالمیہ (complex whole) جیندے وچ علم، عقیدہ، آرٹ، اخلاق، قانون، رسم و رواج، اتے بنیاں ساری صلاحیتاں تے عاداتاں ہن جیڑھا انسان ہک معاشرے دارکن ہوون دی حیثیت نال سکھدے تے کریندے۔

عمرانیات تے انہاں عالمی تے جگ مشہور دانشوریں دی بیان ثقافت دی تعریفاں، روشنی وچ عاشق بزداری شاعری وچوں سرائیکی لوکیں دی ثقافت تے ثقافتی عوامل، کردار تے رسماں دی گول کریندے ہیں۔

کہیں قوم دے بنن دے ڈو پگھ ہوندن ہک فکری تے ڈو جھافطری (ثقافتی) جیڑھے دانشور فکری مطالعات تے نظریات دے حوالے نال قوم دی تشکیل کریندن او ثقافتی حوالیاں کوں اہمیت نہیں ڈیندے اے جیڑھے ثقافتی حوالے نال قوم دی تعریف کریندن او فکری تے فلسفیانہ نظریات کوں ہک پاسے چا رکھیندن مثلاً امریکہ تے برطانوی شہری فکری لحاظ نال ہک قوم ہندن پر انہاں وچ ہک ساجھی ثقافت وی تاں ہے جیندی وجہ توں اوہک قوم ہندن۔ جڈاں جو عرب ثقافتی لحاظ نال ہک قوم ہے پر فکری حوالے نال انہاں دے اتجھے نظریات وی ہن جیڑھے انہاں کوں انہاں قوماں کنوں وکھ کریندن

اتے برصغیر ہے جتھاں فکری تے ثقافتی اتے نسلی تریبے اعتبار نال قوماں بندیاں ہن۔ اتھاں نسلاں دے حوالے نال بلوچ، پشتون، داروڑ، آریاء، براہوی قوماں ہن فکری لحاظ نال مسلمان، ہندو، سکھ، عیسائی، جین مت اتے ثقافتی لحاظ نال سندھی، کشمیری وغیرہ ہن اتے ثقافت لحاظ نال پنجابی سرائیکی وی دکھریاں قوماں ہن جنہاں کول لسانی ونڈ وچ گھن گھداویندے زبان وی تاں ثقافت دا ہک مظہر ہے سرائیکی پنجابی ناصر لسانیاتی اصولاں دے مطابق اُچ زباناں ہن بلکہ ثقافتی لحاظ نال وی اُچ قوماں ہن سرائیکی جھمر پیندن تے ڈوہڑے گاندن جڈاں جو پنجابی بھنگڑا پیندن تے ہولیاں گاندن۔ اسلام کنوں اُچ ثقافتی لحاظ نال انہاں ڈکھ سکھ شادی خوشیاں مناوَن دے انجو اُچ ثقافتی اظہار ہن جیڑھے انہاں کول ثقافتی لحاظ نال اُچ قوم ثابت کریندن ایہا ثقافتی اظہار فکری تعاریفات دی دلیل بنن جو اے ڈوہائیں اُچ اُچ قوماں ہن انویں پنجابی قوم آریاء النسل ہووَن دی وجہ توں active ہے اتے سرائیکی قوم منڈا قبائل تے دراوڑ قبائل دی باقیات ہووَن دی وجہ توں ہک aefensive تے passive قوم ہن۔

پر پاکستان وچ اسلامی قومیت تے پاکستانی قومیت چھڑی بیوروکریسی دی حدتیں ہے۔ اتے ایندے وچ وی بنیادی عناصر، ثقافتی، نسلی، فکری کینی بھل آپنے طبقے دا تحفظ ہے۔ ریاستی اداریاں دی ہٹ ملرتے اقربا پروری نے انہاں لوکیں کول ثقافتی، جغرافیائی اتے فکری شناخت دی بنا تے قومیت بناوَن تے مجبور کر ڈتے۔ انویں تاں ہندوستان دی ہزاراں سالاں دی تاریخ وچ نظریاتی قومیت دے ترکڑا تھیون کوئی ثبوت نہیں ملدا۔ پر ریاستی مشینری دے ذریعے پاکستان وچ اتے بھارت وچ جیڑھی ریاستی قومیت ڈڈھپ نال بناوَن دی کوشش کیتی گئی اوں چھڑا پر پنجاب توں ای بچایا۔ ہن کنوں بگلہ دیش بن گیا۔ بنگالی کیونجوسیاسی تے تعلیمی لحاظ نال زیادہ سیاسی شعور رکھیندے ہن ہن سانگوں او مذہب ساختہ قومیت دے ناں تے آپنے اُتے تھیون آلے ظلم تے نا انصافیاں تے کول برداشت نہ کر سگے بھل وکھ تھیون تے مجبور تھی گئے۔ ہن ہیاں ثقافتی تے جغرافیائی قوتاں آپنے استحصال تے احتجاج کریندیاں پیاں ہن۔ ان وچ سبھ کنوں ڈھیر استحصال دا شکار خود پنجاب وچ شناخت کنوں محروم ”سرائیکی“ لوک ہن۔ پنجابی سرائیکی دامعاشی استحصال وی کریندے ہن تے ثقافتی وی اوسرائیکی زبان تے ثقافت دی انفرادیت تے دکھو دکھو ہووَن توں وی منکر ہن۔

سرائیکی رہتل تے ثقافت قبل مسیح کنوں ای ہک جیندی جاگدی تہذیب دی جیندی جاگدی ثقافت رہی ہے۔ ہڑپہ، موہنجوداڑو، جلیل پور (i)، جلیل پور (ii)، مول استھان، گنوری والا، پتن منارہ، کوٹ ڈراور وچ سرائیکی ثقافت جیندی جاگدی رہی تے ہن تیں دے پندھ کریندی پئی ہے۔ ایہا ای او دھرتی ہے جتھاں ہولی دی رسم دامنڈ ہڈھیچا۔ پر ہلا ددا مندر اتھائیں موجود ہے جیڑھا ہندو ازم وچ احدیت دا عملی آثار ہے۔ آریاواں دی قدیم کتاب رگ ویدا اتھائیں لکھی گئی

عاشق بزدار سرائیکی ثقافت دے موجود تے ناموجود کولکھ، موجود وچ حاضر ناظر ڈیکھدے ہن اوندے ثقافتی اظہار وچ  
سرائیکی رومانوی داستاناں تے انہاں دے کردار نظر دن جیڑھی

اتھاں پیار محبت دے کئی قصے جے

اتھاں سسی، مول، سول، زینی، سسی

پیت پریم دے پندھڑے بھوگے (۳۸)

زبان ثقافت دا ہک مظہر ہے اوسرائیکی زبان دے بئن جڑن بارے دی اظہار خیال کریندن جو کیویں اتھوں دے  
قدیم لوکیں زبان دی جوڑ جکڑ نکلتی تے بناں سنوار تے ایڈاسو ہٹا بنایا۔

ہک ہئے کولکھن دے کیتے

ڈکھ سکھ دے اظہار دی خاطر

انہاں آپنی پولی جوڑی

جیڑھی وقت دے نال ہمیشہ سنوری سنگری (۳۹)

عاشق بزدار انہاں سرائیکی لوکیں دی پیار محبت دی ریت، آپت وچ رل مل تے راہون دا سبھا، امن، شانتی، محبت  
تے سلوک تے نمائندگی سرائیکی روایت داوی بھر پور طریقے نال اظہار کریندن۔

اتھوں دے واسی انسانیں

سکھ دی رانداں

جوڑ.....

سلامت رکھن سانگے

کئی نظریے خلقے

ہر نظریہ ہک ہئے دی ہا لکھ توں چمدا

انسانیں دی عظمت دے ہن سارے راکھے

امن، محبت دے پرچارک (۴۰)

سرائیکی ثقافت وچ رل مل تے رہن تے ہک ہئے دا بانہہ پیلی تھیون بہوں اہمیت دی حامل ہک ریت ہے اتھوں  
دے سلوک شادی خوشیاں وچ وی کٹھے تے ڈکھ سکھ وچ وی کٹھے راہندن۔ گھر بھانویں کچے کوٹھے ہوون تے بھانویں چھپر

ہوون اے لوک ہمیش کٹھے راہندن۔ سرائیکی گھریلو ثقافت دا پورا پورا اظہار انہاں دی نظم ”ساہ سنگ“ وچ نظر دے۔

جتھ میں جایاں

میڈا گھراے

جیندے کوٹھے چھپر چھاندن

جیندیاں کندھاں بھورے بھورے

جتھاں بکھ چھاویں پلدن

ایہوڈاڈے بابے والا

میڈا گھراے

اتھاں راہندن

میڈے رلے

دھیریں، بھینیں

امڑی بابل

بھل کہیں ویلھے

اینویں لگدے

اساں سارے

آپت دے وچ کجھ نہیں لگدے

اساں پاندھی راہ و سیڑو

رستے دے آسیب توں ڈرکے

آپنا ساہ بچاؤن سانگے

ہکی گھوراچ

کٹھے تھی اگیوں (۴۱)

سرائیکی ثقافت وچ دھیریں دا بابل امڑی نال پیار تے پیکے گھردی سک دا اظہار دھیریں دے جذبات و

احساسات دا اظہار ایس طریقے کریندن۔



اج وی تیڈے ویڑھے سانگے  
امڑی دی جھولی دے کیتے  
بابل ساڈیاں اکھیں روندن  
میڈی پگ دے پاندکوں لوہندن  
شالاست پُرتیا تھیویں  
اساں تیں توں کجھ نہاں منگدیاں  
نہ ساڈی جُج حیل ہے کائی  
بابل تیں تائیں ہکا زاری

آپنے صحن اگواڑتوں ساڈے پیر نہ میسین (۴۲)

عورتاں دے عالمی ڈینہہ تے لکھی اگئی جذبات نال بھر پور اے نظم بہوں مشہور تے مقبول تھئی بھل ایندا ترجمہ  
ہنہاں لوکل زبانیں سندھی تے پنجابی وچ وی تھی چکے۔ اتے تریمتیں دے عالمی ڈینہہ دے تے ایہہ نظم کئی تقریبات وچ پینا  
فلکس تے سٹیج سیکرٹری دی زبان دی زینیت بندی ہے۔

سرائیکی ثقافت وچ خشیاں تے خواہشاں منایاں ویندین تے انہاں دا اظہار کیویں تھیندے انہاں دی نظم ایندی  
پوری روداد پیش کریندی ہے ایں نظم وچ تریمتیں تے ہال خشیاں تے انہاں خشیاں دا آہر کرن کوں پیش کیتا گیا ہے۔

دھرتی ماء دے سینے صحن کوں

محنت کر سنورینداں

امڑی بابل

بھین بھرا

ہانہہ ہیلی جوڑتے

فضلاں کاشت کرینداں

میڈے چھوٹے ہال وی

میڈے پورھیے دے وچ حصہ پیندن

ایں حسرت وچ

چنگی فصل تھسی

بابل سوہنے سوہنے کپڑے گھنسی

تلے والیاں جتیاں پیسوں

چنن پیر، فرید، سخی سلطان ابھڑنگ

تے

اُچ رائی دے میلیں ونج کے

چھلے مندریاں

چیرے چنیاں

ونجھلیاں تے الغوزے گھنسون

زینی بھینی دے ہتھیں سکن دی میندی لگسی

لال بھراپنسی (۴۳)

پروفیسر اشکر فاروقی صاحب انہاں دی شاعری وچ تاریخ و ثقافت اتے سیاسی تے مزاحمتی شاعری بارے ہک

بھوں سوہنی من جملہ تنقیدی رائے پیش کریندن اولکھدن:

”یہ شاعری نہ صرف وسیب کے لوگوں کو شعور اور آگہی سے مالا مال کرتی ہے ان کو ان کی تاریخ یاد دلاتی ہے اور ان پر ہونے والے استحصال کے خلاف آواز اٹھاتی ہوئی نظر آتی ہے وہیں یہ ملک کے دوسرے لوگوں کو جو سرانیکی تاریخ و ثقافت اور سماجی صورتحال ہے بے خبر ہیں یا صرف حکومتی میڈیا کے خود ساختہ منظر نامے سے واقف ہیں انہیں سرانیکی وسیب کی حقیقی صورتحال اور سرچ کے مزاحمتی اور احتجاجی پہلو کی طرف بھی شدت سے متوجہ کرنے کا سبب بنی اور یہی شاعری کا جواز ہے عاشق بزدار کے الفاظ ہیں۔

اشولال فقیر دیاں نظماں

کافیاں پیر فرید سیں دیاں

فیض فرازدے گیت

جیڑھے دھرتی ساڈے ستے سگھ جگیندن“ (۴۴)

المختصر عاشق بزداری شاعری وچ سرائیکی ثقافتی ماحول، رویے، رشتے ناطے، گالھیں مہاڑیں، سرائیکی مزاج، ثقافتی تاریخ، موجودہ ثقافت، ثقافتی کردار، ثقافتی عوامل، ثقافتی چسرس، ثقافتی ڈکھ سکھ دا اظہار، ثقافتی طرزِ مخاطب اتے ثقافتی رومانوی داستاناں، ثقافتی پاؤن ہنڈ، کھاؤن پیون، رون، گاون اتے سبھے ثقافتی عوامل نظر دن۔

سئیں محبوب تابلش عاشق بزداری شاعری دی وکھو وکھ موضوعاتی رنگا میز بارے لکھدن:

”عاشق بزدار تے اوندی شاعری سرائیکی ادب وچ ہک جیندا جاگدا کٹھ میل ہے۔ اوندیاں نظماں جھمردار ہن۔ جیڑھیاں سرائیکی وسوں دے ہر شہر، ہر قصبے، ہر سٹی، ہر گوٹھ، ہر جھوک، ہر پیلے، ہر ویلے رسیاں راہندين۔ انہاں نویں سرائیکی نظم کوں مزاحمت دی اتجھی چولی پوائی ہے۔ جیڑھی آئنی دھرتی دی تہذیب، تاریخ، اتے ثقافت دے ون پونے دھاگیں نال وئی ہوئی ہے۔ انہاں دیاں نظمیں وچ نائگی، جھمری، دولی، اے ویب دے اوسبھے کردار جہاں کوں نام نہاد ریاستی نصاب اتے تعلیم کتھائیں جاہ نہیں ڈیندی۔ اوہک واری ول آپنے پورے ہڈ بت نال عاشق خان دی شاعری وچوں ساڈے نال الویندن تے ساکوں آپنے ہزاراں سالاں دے ہوون دی گواہی ولدی ہے۔“ (۴۵)

انہاں دی شاعری وچ ثقافتی اوڈ یلاں انہاں دی نظماں، وسیب، اسان قیدی، شجرے، لالٹن، غربت جگ بدنام، سلیمان پہاڑ دی گواہی، ساڈی دھرتی، کاک، کندھی، بابل، محبوب، راکھا، لیلین گھرو، مراسن، ماوڑی ماء وچ نظر دیاں ہن۔ انہاں دی ثقافتی کرداریں دیاں نظماں وی ہوں چسولیاں ہن۔ جینویں لیلین، محبوب، راکھا، بابل، لیلین گھرو، مراسن، ماوڑی، ماء آلیاں شاندار نظماں ہن انہاں دی نظم مراسن دی ثقافتی چس چاؤ۔

توڑیں تیڈے ساڈے گھریں بکھ دے پار ہے

توڑیں ساڈے وسدے ساکوں پنج سڈیندن

ول وی ساڈیاں رسماں ریتاں

وکھرے رن دیاں

گئی پرچے

میڈا ساڈا

کم مرائن!  
سہرے آکھن (۴۶)

تہذیبی شعور:

تہذیب دے لفظی معنی ہن۔ ون دی چھنگائی، پاک کرن، کہیں شے کوں خالص کرن، شاخ تراشن، جینویں مالی بوٹیں کوں پائی ڈیندے، کھاد پیندے، سکے پتے تے گند چنڈے تاں جو بوٹا ٹھیک طرحاں ودھے پھلے ہیں تراش خراش، صفائی ستھرائی، گوڈی چوکی اتے کھاد پائی ڈیون کوں تہذیب آہدن۔  
سمتھ رسل گورڈن لکھدن:

”تہذیب کہیں گروہ دیاں پکیاں عاداتاں روایتاں، رسماں، معاشرتی معاملات، معاشرتی ایجادات، روحانی تے علمی رجحانات داناں ہے جیڑھا  
وڈیاں کنوں چھوٹیاں وچ منتقل تھیندے۔“ (۴۷)

غرض تہذیب کنوں مراد سیاسی، مذہبی، معاشی، معاشرتی، مادی تے تعمیری ترقی ہے جیندا انسان پہلے ڈینہہ کنوں کوشش کریندا آندے۔ انہاں اُتے صدیاں دے تجربے تھئے۔ ہر دور وچ انسان دی ایہا کوشش رہی ہے جو اوج و فنون، رہن سہن، سفر، کھاؤن پیون، فن تعمیر اتے ہر شعبہ بارے زندگی وچ ڈھگ توں ڈھگ ترقی کر سکے تاں جو حیاتی سوہنی گزار سکے۔

اتھاں اساں عاشق بزدار دی شاعری وچوں سرائیکی تہذیب ترقی دیاں مثالاں گولیندے ہن جیندے توں اے ثابت تھیں جو سرائیکی قوم دکھو دکھ ادوار وچ کیوں ترقی کیتی انہاں رجحانات فن تعمیرات اتے سرائیکی رہن سہن کوں ڈیکھدے ہیں۔ ساکوں انہاں دی ڈھگ ساری نظمیں وچ سرائیکی تہذیبی موضوعات ملدن جہاں وچ وسیب، شجرہ، سلیمان پہاڑ دی گواہی، کاں کندھی، اساں قیدی وین، چپ دی سولی۔

قدیم سرائیکی لوکیں کتھاں کتھاں آپنیاں تہذیبیاں تے شہر و سائے انہاں دے تعارف وچ عاشق بزدار دی جگ مشہور نظم وچ ڈیکھو۔

عینسی توں وی پہلے  
میں ایں وسے وسدا ہا میں  
ڈلیں ڈراور جینداناں ہا

ءملتان، ہڑندتے بکھ

تونسہ، بھٹہ و ہسن

”مہرے والا“

دیرہ، داجل

اُچ تے رنگ پور

پتن منارا، دیورائے دے ٹھیڑ

سارے وسے میڈے گھر ہن (۴۸)

نظم شجرے وڈ کیکھو

آپنے شجرے

شہرڈراور، اُچ رانی دے

کردیں بھردیں کندھیں دے ایریں وچ گولیں

آپنے ماضی دی عظمت تے شان دے قصے (۴۹)

عاشق بزدار آچنی قدیم شاندار تہذیب دانا صرف تعارف پیش کریندے بھل اوندی شان و شوکت تے عظمت

تے مان وی کریندے تے جاء جاء تے آپنے سرائیکی تہذیبی آثار دی عظمت رفتہ دی گالھ کریندے۔

ساریں ایں دھرتی کول لٹیا

خونی، آدم، جام، ہرنند

تے دلورادے وسے ساڑیے

جیڑھے ٹھیڑ دے شکلیں دے وچ

قدم قدم تے ملدن (۵۰)

☆

ساڈی دردیں ماری دھرتی دے سینے تے

کھنڈیے ٹھیڑ گواہ ہن (۵۱)

اواچنی شاعری وچ تہذیبی میلے ٹھیلے، وس ولس دیاں ولن ڈھلن آلی شہیں وادی بہوں سوہناتے من موہنا اظہار

کریندن۔

توں میں چکھدے رہ گئے  
آپنی نکھڑی دھرتی دامادِ حال  
چنن پیر، فرید، سخی سلطان ابھڑنگ  
تے

اُچ رائی دے میلے اونویں لگدن  
اُچ دے چیرے، قاسم پور دیاں رنگیاں چُنیاں  
اونویں لوکی پیندن (۵۲)  
عاشق بزدارا گوں تے ونج کے لکھدن جو:

جنگی فصل جو تھیںسی  
بابل سوہنے سوہنے کپڑے گھنسی  
تلے والیاں جتیاں پیسوں  
چنن پیر، فرید، سخی سلطان ابھڑنگ  
تے اُچ رائی دے میلیں ونج کے  
چھلے مند ریاں

چیرے چنیاں  
وُجھلیاں تے الغوزے گھنسون (۵۳)

اتھوں دی منڈا قبائل دی شیں چیزاں بناون تے ہنڈاون اُتے روزگار بارے لکھدن، اوغریباں، جھیلاں،  
ماچھیاں تے مونیاں کوں دھرتی چایا تے ہیروا کھیندن۔

اساں نت دریاویں اندر  
پڑیں ٹھلدے  
کنٹھے ساڈے جاہ لکائے  
اساں بدھیلو

لایاں لانے کپ تے  
کھاریاں ٹوکرے وٹوں (۵۴)

انہاں دی شاعری وچ ڈکھ دا تہذیبی تے تمدنی اظہار وی بھرپور طرح نال نظر دے اتے اوں بھو دا وی اظہار  
ملدے جیڑھے ظالم حکمرانیں دی وجہ توں ملدے اوں بھو دی وجہ توں گلیاں بزار تے شہر، گوٹھ، گھرتے رستے کوچے اتے  
اودروازے وی ڈرڈ کل محسوس کریندن تے ویراں اتے بے زبان نظر دن انہاں دی نظم ”وسواس“ تہذیب و تمدن، ثقافت،  
سیاست، دا اظہار وی کریندی ہے تے ہک لوک قصے دی چس وی چویندی ہے تے ہک اتجھے شہر دا قصہ ہے جتھاں دہہ لہہ  
پوندے تے اوندے خوف دی وجہ توں شہر دا ماحول کیویں چاہیدے۔

میڈے شہر دے  
کندھاں کوٹھے  
ہاں لہا گئے  
اینویں ڈس دے  
میڈے شہر دے حاکم دا  
ء ہوکا ہو دے  
کوئی نہ سوچے  
کوئی نہ کھلے  
کہیں کوں کوئی نہ ملے  
گھر گھر پلدن  
خوف دے پار ہے  
گلیاں، سڑکاں  
رستے کوچے  
ڈس دن بروریان  
ہر دروازے کنڈی ڈس دی

درکھڑ کینداں  
 سڈھ مرینداں  
 کہیں پاسوں نہیں ولدا آندا  
 شہر دا منظر ڈیکھ کراہیں  
 اینویں لگدے  
 جیویں  
 اتھاں دیہہ لہہ آؤسی

جیڑھا جیندے بندے کھاؤسی (۵۵)

نظم و سواس پڑھدے ہوئے لوک قصے دی چس آندی ہے۔ قصہ دا بادشاہ طاہر غنی دا ہک قصہ ”بلاں دے پھیرے“  
 دامنڈھ ڈیکھو تے طاہر غنی دے نثری قصے دی چس چاؤتے عاشق بزدل دے نظمیں قصے دی چساں چاؤ۔

اوشام شہر تے قیامت بن تے لہندی ہئی۔ جڈاں بلاں پھیرا پاوے ہا۔ اوندے آون دی نشانی ہئی۔ پہلوں  
 جھا کر اوت کامی دھوں انہیری، ول کن من تے مڑزور دامنڈھ مینہ جے ہاتاں تیز ہوا شوکاٹ وچ شینی دی کار بلاں شہر تے لہہ  
 پوے ہا۔ اوندی شکل توبہ توبہ شالار ب دشمن کوں وی ناڈ کھاوے..... روتھ دی روتھ، کالا منہ، وات کنالی، ڈھ پھوڑے، سر  
 تے والاں دے جھنڈ، مثالیں ریت ہلدیاں اکھیں، ہتھاں تے وڈے وڈے نوں، مڑے اوئے پیر، قصہ کوتاہ ہوں کو جھی  
 تے بد شکل، ڈیکھن نال بندے کوں تاپ تھی ونجے۔

مثل مشہور ہے جو بود بلائیں دے پھیرے خیر دے نہیں ہوندے جڈاں بلاں پھیرا پاوے ہا۔ اوندے آون نال  
 شہر دا شہر سنج، بزار بھہراں بھوں، گلی کوچے ویران، بلاں دا ایڈا خوف تے ڈر جو لوک گھراں دے پوے بند کرتے  
 جندرے چارن ہا۔ آپنے ہالاں اپیاں کوں چندھ کھ وچ انج لکاون جیویں ککڑ بل دی جھاٹ توں بچاون توں کیتے چوچیاں  
 کوں کھنباں تلے ڈے لیندی اے جیڑھی رات بلاں پھیرا پاوے ہا۔ اورات شہریاں کیتے قہر غضب تے قیامت دی رات  
 ہوندی ہئی۔

سرائیکی وسیب دے تہذیبی ہارسنگھارتے پاوون ہنڈاون داوی ہوں سوہنا نظارہ انہاں دنیاں نظماں وچ نظر دے  
 اتے اتجھے زیورات تے شینیں سرائیکی تہذیب دا ہک نویکلا تے منفرد اظہار جیڑھا ہنہاں تہذیبیاں نال نہیں رلدا بھل سرائیکی  
 تہذیب کوں ہاڈو جھی تہذیبیاں کوں انوکھڑا تے منفرد ثابت کریندے اے ایہا زیورات تے ولن ڈھلن دی شینیں سرائیکی



تہذیبی آثار قدیمہ، ہڑپہ، موہنجوداڑو، نال آمری، گنوری والا، جلیل پور (i)، جلیل پور (ii) اتے قلعہ کوٹ ڈراور اتے پتھن منارا دی ٹھیٹراں وچوں وی ملیاں ہن۔

تے اسماں ٹنگر گوٹھ دے

ہے ساڈا کینجھا حال.....؟

ساڈیاں مرکھیاں، پٹریاں ڈھولنے

ساڈے چھلڑے، گنھڑے، بندڑے

گئے پیروں انٹروٹ (۵۶)

ایویں زنا نے زیورات تے ہار سنگھار وی ڈکھائے گئے ہن تے انہاں دی چس رس وی محسوس کروائی گئی ہے۔

والیں مڑھیں دی جاگن وچ بُور دے بندے پا کے

تیکوں آن ڈکھیدی ہامی نک وچ ٹنگری لاتے

میکوں یاد ہن تیکوں بھل گئے ہار سنگھار نمائے (۵۷)

پروفیسر مرید عارف سئیں عاشق بزدار دے تہذیبی شعور بارے لکھدن:

”عاشق بزدار دیاں نظماں وچ سرائیکی خطے دی تہذیب تے ثقافت دی

مکمل جانکاری ملدی ہے ایندے نال نال ایں تہذیب تے ثقافت اُتے لٹ داکمل

حال احوال وی انہاں دیاں نظماں وچ ملاحظہ کیتا وُچ سگدے۔ جیڑھے لوک سرائیکی

تہذیب کنوں اُن جاٹوں ہن۔ جیکرائیں او عاشق بزدار دی شاعری دا مطالعہ کرن تاں

انہاں کوں ایں خطے دی قدامت دا اندازہ تھی ویسی۔ انہاں دیاں نظماں سرائیکی تہذیب

دی شناخت کوں کھول پاڑتے بیان کریندن۔“ (۵۸)

عاشق بزدار دی شاعری تہذیبی بھن تروڑ، ڈکھ، درد تے ظلم و جبر دا وسن ہے او اتھوں دی منڈا تہذیب، دراوڑ

تہذیب تے شان و شوکت تے آریاء تہذیب دی مار دھاڑ کوں اتے سرائیکی جغرافیہ وچ وکھو وکھ توماں دی آمد نال اتھوں

دی بدلدی ہوئی تہذیبی اثرات تے آثار کوں آجی شاعری دا موضوع بنائے۔ اشو، رفعت ہو ریں آجی شاعری وچ تہذیب

لوک ہوں پدھرا کیتے ایں لحاظ نال عاشق بزدار وی انہاں عظیم شاعراں نال میل کھاندے جو انہاں دی شاعری وی سرائیکی

تہذیب و ثقافت دی شاعری ہے۔

رفعت عباس دا ہک تہذیبی بند پیش ہے۔

”کچھ یونانوں لشکر گھن تے ملک اساڈے آیوں موت تینڈی داڈ کھ تھیا ہے،

ساکوں بہوں سکندر اساں انہاں دھاڑیلیں کوں اج معاف کریندوں رفعت

جیڑھے آپنے شاعریں دیاں کتاباں وی گھن آئے۔“ (۵۹)

عاشق بزدار دی شاعری وچ تہذیبی شعور بارے اشوالال فقیر آہدن۔

سکین عاشق بزدار آپنے ”منصب“ تے شاعری دے ایں افتخار اچ سرانیکیں وسیب اوندی تہذیب، زبان تے سنجان دی جنگ اچ حصہ گھنڈا پئے عیسیٰ وی ایں آکھان وانگوں:

”جیڑھا آچنی صلیب آپ نہ چاوے تاں او میڈے پچھوں نہ ٹرے او

میڈے لائق نہیں۔“ (انجیل مقدس) (۶۰)

## تمدنی شعور:

ثقافت، تہذیب تے تمدن وکھو وکھ نظریات ہن پر عام تے کیا پڑھے لکھے وی انہاں وچ فرق نہیں سمجھدے بھل او تہذیب تے ثقافت کوں ہو کچھ سمجھدن اتے تہذیب و تمدن کوں وی ہو شے آہدن حالانکہ انہاں دے لغوی معنیاں وچ وی فرق ہے اتے اصطلاحی معنیاں وچ تاں بہوں فرق ہے۔

## ثقافت:

کہیں معاشرے دے رہون آلے لوکیں دا اجتماعی شعور رسم و رواج زندگی پڑاون دے خیالات و افکار۔ اے سب غیر مری شییں ہاں البتہ انہاں شییں دے علامتی اظہار کیے اساں کوئی مادی شییں مثلاً جھنڈا (قومی علامت) چنی (کوار) پگ (عزت)، نیلی اجرک، سرانیکیں قومیت دی سنجان، اجرک سندھی قوم دی علامتی سنجان ہے۔ اینویں تہذیب کہیں قوم دے اجتماعی شعور جیند اظہار ضرورت مجبوری، خشی اتے ڈکھ سکھ تے رہن سہن کیے مادی طریقے نال ہووے مثلاً ایندے وچ تعمیرات، ہتھیار، اوزار، ایجادات، اتے ولن ڈھلن آلی شییں وغیرہ شامل ہوندیاں ہن۔

## تمدن:

تمدن دالفظ مدینہ کنوں نکلے مطلب ”شہر“ تہذیبی آثار تے عوامل جڈاں ترقی یافتہ تھی ویندن تاں او تمدنی ترقی وچ

لگے ویندے ہن۔ انہاں ترہیاں کیہتے ہک جملے وچ وضاحت کیہتی ونج سگیندی ہے۔ جینویں کوئی وستی دی تعمیرات تے شنیں اوں وستی دی تہذیب ہے انہاں دیاں رسماں رواج تے عقائداتے ذہنی عمل تے ردِ عمل اوں وستی دی ثقافت ہے تے جدّاں او وستی ترقی کرتے شہر وچ بدل ویندی ہے تاں اے ترقی تے تبدیلی اوں داتمدن ہوندے۔ مختصراً کہیں وستی دے آثار تہذیب ہے انہاں دے رسم و رواج ثقافت ہے تے اوں وستی دی جدید ترقی اونداتمدن ہے۔

ہک گالھ دھیان وچ رہوے جو عاشق بزدار دی شاعری وچ روہی، تھل، دمان راوی، راوہ، دریا، واہ واہیرے ٹوبے تاڈے بوئے اتے تاریخی گالھیں دابار بار اظہار ملدے تے لوک انہیں شنیں کوں انہاں دی شاعری وچ یکسانیت آہدن او آپ لکھدن۔

”میڈی اکثر نظمیں وچ بیٹ، روہی، تھل، دریا، واہ، واہیرے، ٹھیرے ٹوبے تاڈے بوئے، لوک داستانیں تے علاقائی تاریخ نال متعلق لوکیں دا ذکر ہے شاید دوست اس قسم دی یکسانیت توں بوریت محسوس کرن۔ انہاں دی خدمت وچ عرض ہے جو اوسرائیکی وسیب دے مزاج تے قومی شاعری دی ضرورتاں کوں سامنے رکھن تے ول اے وی ہے جو اساں انہاں حوالیں نال آپنی کم تھئی۔ تاریخ، ثقافت تے آپنے وسیب دے نشاں منظر پیش کر تے آپنی دھرتی نال محبتاں جگا سکدن۔“ (۶۱)

اے واقعی درست گالھ ہے جو انہاں دی شاعری وچ بظاہر کوسا نوں منظر نامہ ہے پر غور کیتا ونجے اتے سیاق و سباق نال انہاں دی نظمیں کوں ڈٹھا ونجے تاں اے سااگی منظر نامہ وکھو وکھ علامتاں، استعارے، تشبیہات وچ نظر دن اے وکھو وکھ فکری موضوعات کوں بیان کریندن کتھائیں اے تاریخی حوالہ بندن۔ کتھائیں ثقافتی، کتھائیں تہذیبی اتے کتھائیں تمدن۔ انہاں دی شاعری کوں جیکراہیں فکری لحاظ نال تے فکری مزاج نال پڑھیا ونجے تاں اے سااگی منظر نامہ آپنے سیاق و سباق دے حوالے نال تبدیل تھیند اویندے تے ول ہرگز ہرگز یکسانیت نہیں نظر تے جیکراہیں شاعری کوں بطور جس تے حظ دے پڑھسو اتے کوئی فکری تخیل دادھیان نارکھیسو تاں سبھ کجھ کوسا نوں نظری۔ جینویں اسمان تے سبھ تارے ہوندے پر جے فکری لحاظ نال ڈیکھو تاں کوئی کوئی کتھیاں، کوئی قطبی تارہ، کوئی سیارہ اتے کوئی سرگی داتارہ ہوسی۔ عاشق بزدار دی شاعری وچ وی سااگی فکری چساں ہن جنہاں وی شہراں دا ذکر ہے اتے جدید شنیں دا ذکر ہے تے او انہاں دی شاعری دے تمدنی حوالے ہن بھانویں:

آپنی رت دے رنگ رلاتے

گوٹھ اُساریے

شہر سنوارے

☆

آپنے شجرے

شہر ڈراور اُچرائی دے (۶۲)

انہاں دی نظم وسواس وچ تمدنی وسیب تے ڈرتے بھو دا پہوں سوہنا اظہار ملدے۔ اے نظم تمدنی حیاتی دی ہک نمائندہ نظم ہے اے ہک مظلوم ملک تے وسیب دی نمائندگی کریندی ہے تے جابر تے ظالم حکمرانیں دے جابرانہ رویے دی عکاسی کریندی ہے۔

میڈے شہر دے

کندھاں کوٹھے

ہاں لہا گئے

میڈے شہر دے حاکم دا

ء ہوکا ہے

کوئی نہ سوچے

کوئی نہ کھلے

کہیں کوں کوئی نہ ملے (۶۳)

عاشق بزدار دی شاعری وچ ڈوہائیں تمدنی حوالے پاتے ویندن۔ ہک زمانہ قدیم دی وسیبی تمدنی حوالے اتے ڈو جھازمانہ حال دے تمدنی حوالے وی انہاں دی شاعری دا سنگھار تے شعور ہن۔ زمانہ قدیم دے تمدنی دور وچ او اتھوں دی دراوڑی تمدنی شہراں تے شہیں کوں آپنی شاعری راہیں اتھوں دی شان و شوکت کوں بیان کریندن۔ ایں لحاظ نال انہاں دیاں نظماں وسیب، شجرے اتے سلیمان پہاڑ دی گواہی پہوں اہم ہن انہاں نظماں وچ او قدیم دور دی وادی سندھ دی ترقی تے شہراں دا حوالہ پیش کریندن جینویں ڈاوڑ، ملتان، ہرند، بکھر، تونسہ، داجل، اُچ، رنگ پور، پٹن منارہ، دلورے تے انہاں شہراں تے حملہ آور قدیم قومیں دے ناں تے انہاں دی تباہیاں کوں وی شعری ریکارڈ دا حصہ بنائے تاں جو ساڈی تمدنی ترقی تے پرو بھری قوماں دی مار دھاڑ زبان زد عام تھی ونجے تے ایں لٹ مار تے ذروہ دا شعور تے جانکاری ساڈی آون آلی

نسلین کوں وی ہووے کیونجوتر کتابیں وچ ٹپ راہندی ہے جڈاں جو شاعری چنے وئے دی زبان تے آندی ہے تے نسل در نسل پندہ کریندی ہے جینویں ساڈے کول کلاسیکل شاعری تاں موجود تے محفوظ ہے پر کلاسیکل نثر کیانی انہاں درہیاں دے ناں ڈسائین۔ آریاء، یونانی، منگول اتے اسلام دے بعد اہل عرب نے اقتدار حاصل کیتا۔

ایندے توں اپنچ موجودہ تہذیبی دور دے اہم اردو تے سرائیکی شاعراں کوں وی ٹریوٹ پیش کیتے انہاں وچ فیض، فراز، اتے اشوال فقیر دے ناں شامل ہن۔ عرض انہاں دی شاعری وی اتھوں دی تہذیب ثقافت دا اظہار اتے موجودہ تے دور قدیم دے تہذیبی حالات کوں نشا بر طریقیے نال پیش کیتے۔

سرائیکی شاعری وچ رفعت دی شاعری وچ قدیم تے جدید تہذیبی حوالے اتے اشو دی شاعری وچ قدیم جدید تہذیبی حوالے ڈھگ نظر دن۔ جڈاں جو عاشق بزدار دی شاعری وچ اے فکر متوازن نظر دی ہے او قدیم تہذیب تے تہذیبی ڈوبا ئیں کوں آپنی شاعری دا حصہ بندن کل جدید تہذیب و تہذیبی انہاں دی شاعری وچ بیاگ۔

انہاں دی شاعری عوام کیتے سٹیج توں پڑھی ویندی ہے جیندے تے لوک سماجی شعور حاصل کریندن تے چساں وی جیندے تے انہاں دی شاعری خواص کیتے کتاباں، رسالیاں تے اخباراں وچ وی ملدی ہے جیڑھی خواص تے طالب علماں کوں پرائے دروہی عذاب کوں کھر کھیندے ہوئے مستقبل دی راہیں متن کرنی دادرس ڈیندی ہے۔

## مزاحمتی شعور:

عاشق بزدار ہک Multy Dimetional کثیر الجہتی شاعر ہن انہاں نظماں، غزل، کافی، ڈوہڑے لکھن اتے انہاں فکری جہتاں وی ڈھگ ساریاں ہن انہاں دی شاعری جغرافیائی، تہذیبی، ثقافتی، تہذیبی، سیاسی، مزاحمتی اتے رومانوی موضوعات نظر دن اوو سیب تے ویسی شان و شوکت، مارڈھارتے ڈکھ سکھ کوں بہوں بھرویں انداز وچ بیان کریندن جے محاورتا گالھ کیتی وئے تاں اوو سیب دی طرف توں ہے تیں سبھے موضوعات کوں آپنی شاعری دا حصہ بندن انہاں دی شاعری سرائیکی دا ہک Panorama (محترک منظر نامہ) ہے تے اوو سیب دی سلسلہ وارتا رتخ نگاری کوں بہوں سوہنے بے باشعور ڈھنگ نال پیش کریندن۔ جیندے وچ منڈا قبائل، رچھ نچیندے، مچھیاں پکڑیندے تے پکھاں بنیندے نظر دن اتھاں دراوڑ قبائل رڑہ واہی کریندے، ہڑپہ، موہنجوداڑ، پتن منارہ، گنیری والا، کوٹ دراوڑ، کوٹ ڈلورائے، داخل جیسے شہر وسیندے تے انہاں اُتے آریاء گھوڑیاں تے پہرے تے چڑھ مار کریندے انہاں دے شہراں کوں ٹھیڑ بندے انہاں کوں آپنا غلام بنیندے نظر دن تے ول اتھاں یونان دی آمد تے چڑھ ماردا منظر وی پیش کریندن۔ ول اتھاں اسلام

پھیلاؤن دے حیلے بابل دی بندرگاہ تے آندے تے انہاں علاقیاں تے تلواراں نال چڑھ مار کریندے تے اوندے بعد  
 ایرانی آپنی کاندانی حکومتاں بناؤن کیتے اتھاں چڑھ مار کریندے نظردن۔ ول پر پنجاب توں سکھ پنجابی گنڈاسیاں نال چڑھ  
 مار کریندے نظردن ایندے بعد انگریز سوداگراں دے روپ وچ اتھاں آندن تے بندو قالاں نال حکومت کریندے نظردن  
 تے پچھے ۴۷ وچ ہک انج تے آزاد ملک بنن دا قصہ سنیدن تے اوندے بعد ڈکھ دی ہک لمبی رات دا اظہار کریندن جو ملک  
 تاں آزاد تھی گیا پر سرائیکی قوم ول وی آزاد نہ تھی سگی پنجابی بیور کر لسی تے افسر شاہی جنیں پہلے گنڈاسے کوں آپنا ہتھیار بنایا  
 تے ہن قلم کوں آپنے اختیار دا ہتھیار بنا ڈتا تے سرائیکی قوم دیاں باکاں کڈھواڈتیاں تے انہاں کنو اے آکھن تے مجبور  
 کر ڈتا جو:

علامہ اقبال دے مرد مومن کلی گبھر وسڈیندن تے انہاں کوں دھرتی دے حقوق خاطر شہ زور بنن دی تہڈ یندن۔

اَج دھرتی پئی ہے جاگدی  
 ہُن توں وی نندراں چھوڑ  
 توں لیلین گبھرو ڈیس دا  
 توں زبر توں شہ زور (۶۴)

عاشق بزدار کوں علامہ اقبال کلی ستی قوم دا بہوں خفت ہے اوندیں ہیکلس تے بندے نہیں پئے او انہاں کوں چتاؤنی  
 ڈیندن جو تہاڈ اپورھیا اے ڈاڈھے حکمران کھادی ویندن تساں چپ تہاڈے قلم چپ، تہاڈے ہتھ چپ، ڈکھاں وچ  
 چیندے تاں پئے او پر انہاں ڈکھاں، جبراں تے پکھاں دے عذاب کے تیں آپنے سراں تے چیسو۔ او ایں سستی قوم کوں  
 جگاؤن دے سارے تر لے کریندن جو کے تائیں انہاں عذاباں وچ چیسو۔

کے میں آپنا سارا پورھیا  
 کہیں وزیر دے لیکھے لیسو  
 نوت کریسو سیس نویسو  
 کے تیں ڈکھ تے درد ہنڈیسو  
 کے تیں لکھ دے صدمے چیسو (۶۵)

پروفیسر اسلم عزیز درانی آپنے ہک مضمون وچ لکھدن۔

”اس کا کلام استحصالی اور منفی سیاسی قوتوں کے قبائل مزاحمت اور انقلاب کا  
استعارہ بن گیا۔ سماجی، سیاسی، گروہی، عصری گھٹن اور محرومیوں اور مجبوریوں کے  
جس میں ہوا کا تازہ جھونکا بن گیا۔ مزاحمتی اور انقلابی ہونے کے باوجود اس کے  
الفاظ میں کھر دراہٹ نہیں بلکہ نرماہٹ ہے۔“ (۶۶)

عاشق بزدار دی شاعری وچ پور ہیت طبقے دی وٹپ ہوں ملدی ہے معاشرے دے مظلوم لوکیں دا ڈکھ درد انہاں  
دی شاعری داسنجا پوں وصف ہے۔ دھرتی دے مزدور جیڑھے آپنی رت وٹیندن ول وی انہاں دا لکڑ پورا نہیں تھیندا۔ انہاں  
دے ہال اٹھے ویلے تے سارا سال لنگھنے پیٹ راہندن۔ سارا ڈینہہ دا تھکا ترٹا شام کوں آپنے بکھے بھائے پالیں دامنہ  
ڈیہدھے۔ تاں ہاں وچ کھارے پوون پئے ویندن۔ ڈینہہ کوں تغاری دا عذاب سرتے چیندے تے رات کوں پالیں کوں  
رج ٹکر نہ کھاسگن ڈاڈ کھگن سمے۔ بیمار تھیوے تاں دوا داروں دے ہوٹیں کٹھڑے تے پیس پیس مرویندے عاشق  
بزدار دی شاعری وچ مکمل منظر نامہ ڈیکھو۔

کھنائیں پالیں دے روٹی کپڑے دوا دی خاطر  
او ڈیکھ محنت کش دے ٹولے  
سویر توں و نماشاں تائیں  
پئے آپنی نوی کمر تے دھرتی دا بار چیندن  
تے وت وی فاقیں دے ہار پیندن (۶۷)

ہال ایانیاں کوں بکھا بھانا سمیندے انہاں دیاں تریمتاں وڈیریاں دے اگوں کماندیاں نظردیاں ہن اتے  
وڈیریاں دی نظراں انہاں دی تریمتیں دی چیلان تے پوندیاں نظردیاں ہن۔ ہال ایانے تے کنڈوں رائے پڑھائی متوں  
اگلیاں وچ کھیڈ دے تے ڈالکے وچیندے نظردن۔ انہاں دی شاعری وچ ہر استحصالی طبقے کوں نشا برکتیا گیا ہے بھانویں  
جواو برو پھلے، حملہ آور ہن۔ سرمایہ دار، انڈسٹریل مین، وڈیرہ تے زمیندار اتے انہاں دے مقابلے وچ ہک مظلوم قوم،  
جہاں دا ہڈھائیگر، ہڈھریاں تے ٹیگر تریمتیاں، ہال ایانے تے پیو، ماں، دھی، پتر، بھین بھرا تے سبھے رشتے تے سماجی  
کردار ہتھ دھ تے کھڑن تے انہاں دا کوئی جیندیاں وانگوں حال نہیں بھل او شودے مویاں لیکھے جیندے ہن۔

عاشق بزدار دی شاعری اساڈے وسیب دا نوحہ ہے۔ عاشق بزدار دی کتاب وچ اے سارے غاصب لٹیرے  
تے ڈھپ آ لے کردار کھنڈے پین۔

باہر آؤن والیس وحشیں

تلواریں تے نیزیں دیاں نت ضرباں لایاں

کئی یونانوں دنیا فتح کرن دے سانگے

کئی افغان، منگول، ایرانی حملہ آوار (۶۸)

عاشق بزدار ہک پُر امید شاعر ہے شاعر ہمیشہ آچنی قوم کوں حوصلے دی تہڈ ڙیندے مایوس شاعر مردہ شاعر ہوندے  
جیڑھا آپنے دور بھلے آچنی حیاتی اچ ای مرک ویندے جڈاں جو پُر امید تے پُر جوش شاعرنا صرف ہر پیڑھیاں دا شاعر  
ہوندے بلکہ اوکوں عالمی پدھروی ملدے تے نہاں قوماں وی اوکوں آپنا شاعر ہو کیندیاں ہن۔ جینویں کنیں شیلے، فردوسی،  
سعدی، خوشحال خاں خٹک، غالب، علامہ اقبال اتے سرائیکی وچ علی حیدر ملتانی، خواجہ فرید، اشو، رفعت وغیرہ۔ عاشق بزدار  
وی ہوں قبیل دا شاعر ہے اووی آپنے گھرو جوان تے یتیم کوں آکھ تے مخاطب کریندے تے اوکوں جہد مسلسل دا درس  
ڙیندے انہاں دیاں نظماں ”لالن“ سلیمان پہاڑ دی گواہی، جاگ، سو جھوان، شام، لیکن گھرو، وین، قلم تلوار، آنجھیاں  
نظماں ہن جنہاں وچ او آپنے دھرتی واسیں کوں دھرتی نال پیار دا درس ڙیندن اوندا ہیر ہک پریکٹیکل ہیرو ہے۔

میڈے ماندے من کوں

میڈے آؤن دی چنتا ہئی

توں جو آگئیں

میڈے اگلن بہاراں آگئیں

اتھاں رُلدن محنت دے دے بے کفن جنازے

اتھاں کہیں دی کوئی حسرت پوری نہیں تھیندی

اتھاں مردن مآپو دے نظریں اگوں (۶۹)

عاشق بزدار آپنے لالین گھرو کوں ظلم تے ڙ ڙھپ دے اگوں ٲردے ہوئے ہالیں وانگوں شام روشن کرن توں گھن  
کراہیں قلم، تلوار تے کلاشنکوف تیئں دا درس ڙیندے جو جیند اوڈ اظلم اوڈ انقلام۔ جے جہالت اتے مارشلائی اندھا رہے  
تاں علم دی شام ہالوں تے قلم کوں نشتر، تشیہ تے تلوار بنا ڙیو تے آچنی دھیریں بھینیں دی عزت، شام شرم دی خاطر جے ہتھ  
کلاشنکوف وی چاؤنی پووے تاں گھنسو۔ اوکرن دا لہند دا درس ڙیندن ہس ظلم دے اگوں زاری نہ کرو بھل ظلم کوں اوئدے  
انت تیئں بچاؤ دا درس ڙیندن۔



## سیاسی شعور:

اساں دڑکیں دے وس پئے ہیں اساں اوقات کیا سنبھلوں

کھنائیں سرکار دا دڑکا کھنائیں سردار دا دڑکا (۷۰)

عاشق بزدل ہرک ہمہ جہت شخصیت ہن اوشاعر، دانشور، سماجی کارکن، سیاسی کارکن، میلے پھلے آئی ویسی شخصیت، کالم نگار، واقع نگار، اتے ہک سیاسی عہدہ یونین کونسل دے چیئرمین وی ہن تے ایندے نال نال ملکی سیاسی شعور رکھن آلی ہک شخصیت وی ہن۔ انہاں دا سیاسی شعور رکھن دی اوساری وجوہات ہن جیڑھیاں اساں انہاں دی شاعری دے فکری جائزے وچ گھن آئے ہیں یعنی جغرافیائی، تاریخی، تہذیبی، ثقافتی، تمدنی، مزاحمتی شعور کوں ہک مٹھ کرون تاں انہاں دا علمی کم سامنے آندے تے او عملی کم انہاں دا سیاست وچ حصہ گھنن ہے اولکی سیاسی صورتحال تے وی ڈونگھی نظر کھیندن تے آپنے فکری تے سماجی، سیاسی شعور پاروں انہاں ملک قوم دی خدمت کیجے پیپلز پارٹی دا انتخاب کیتا۔ کیونجھ دے ڈباکے وچ پاکستان دی ساری سیاسی پارٹیاں یا تاں فوج دے زیر اثر ہن یا ول انہاں دے تانے بانے غیر ملکیوں ہلائے ویندے ہن انہاں حالات وچ ہک عوامی پارٹی دی اشد ضرورت ہئی۔ جیڑھی نہ فوجی مفادات ڈیکھے تے تاں غیر ملکی مفادات بلکہ صرف عوام دے مفادات تے اختیارات کوں مد نظر رکھے۔ ایس صورتحال وچ ذوالفقار علی بھٹو نے ۳۰ نومبر ۱۹۷۷ء کوں پیپلز پارٹی دی بنیاد رکھی تے عوامی خدمت کیجے ہک عوام دی پارٹی بنائی جیندا ماٹو تے سلوگن ہا۔

اسلام ساڈا دین، سوشلزم ساڈی معیشت، جمہوریت ساڈی سیاست تے طاقت دا سرچشمہ عوام ہے۔

عاشق بزدل پیپلز پارٹی دے موئذھی کارکن ہن اوکئی مرکزی اجلاس وچ وی شریک تھیندے رہ ویندن تے تحریر اتے تقریر ڈوبائیں نال او پیپلز پارٹی دی حمایت وچ لکھدے تے بولیندے رہ ویندن ایندے کنوں اتم خوبی اے وی ہے جو او پیپلز پارٹی دے مثبت تے تعمیری ناقد وی ہن اتے آپنے کالماں وچ او پی پی پی کوں مفید مشورے تے لائحہ عمل بارے ڈسیندن اتے خصوصاً سرائیکی وسیب دی تعمیر و ترقی بارے وی پارٹی قیادت کوں دھیان ڈیوائی رکھدن۔ انہاں دے ڈھگ سارے کالم پیپلز پارٹی دے حوالے نال روزنامہ خبریں وچ مستقل چھپدے رہ ویندن۔ انہاں دے کئی یادگاری کالم وی ہن۔ جنہاں وچ پیپلز پارٹی کا مستقبل، ستلج اور پیپلز پارٹی، پیپلز پارٹی کا کھیل شروع، بے نظیر اور پیپلز پارٹی اتے پیپلز پارٹی سرائیکی خطہ کی متوازن تنظیم، یوسف رضا گیلانی اور آزمائش کی گھڑی، بلاول بھٹو کا بہتر سیاسی مستقبل، جناب بلاول بھٹو کیلئے چند گزارشات، عورت انصاف کی طالب، ذوالفقار علی بھٹو اور کفر کا فتویٰ ہوں جگ مشہور ہن اتھاں انہاں دے سیاسی افکار، پیپلز پارٹی کوں ڈنل مشہورے، اتے سرائیکی وسیب نال انہاں دی تے پیپلز پارٹی دی جڑت بارے انہاں دا کھیل ہک کالم

حوالے دے طور تے پیش کینا ویندا پئے۔ جیندے توں انہاں دے سیاسی افکار و کردار اتے پیپلز پارٹی تے وسیب نال جڑت  
نشا برتھسی۔

او آؤنی نثر وچ وی جیالے ہن اتے شاعری وچ وی جیالا ہووَن دا بھر پور ثبوت ڈ تے انہاں دیاں کئی نظمیں  
آمریت دے خلاف اتے کئی پیپلز پارٹی دے لیڈرز و الفقار علی بھٹو، مرتضیٰ بھٹو، اتے بے نظیر بھٹو دی شہادت نظمیں لکھیاں  
ہن انہاں دے نظمیں قابل ذکر ہن۔ راکھا، کورٹ مارشل، چپ دی سولی، وین، آنکھیاں نظمیں ہن جنہاں وچ آمریت  
اتے فوج تے مکدے سیاسی گٹھ جوڑ دیاں دھیاں تے رودادیں سنیدیاں ہن۔ اتے پیپلز پارٹی دے لیڈرز دیاں قربانیاں  
کوں سلامی ڈیونِ خاطر وی لکھیاں ہن جنہاں وچ سوجھواں سنیں ذوالفقار علی بھٹو کیجے، ”محبوب“ سنیں مرتضیٰ بھٹو کیجے اتے  
۲۱ جون سنیں بے نظیر بھٹو کیجے لکھیاں نظمیں ہن۔

ضیاء الحق دے جابرانہ مارشل لاء کوں نشا بر کرن دی خاطر انہاں دی نظم ”راکھا“ ہوں اہم ہے جیندے وچ او  
علامتی کہانی تے منظر نامہ پیش کریندے ہوئے اے آہدن جو ظلم تے جبر دا اے دور لمبے کنوں لمبا ای تھیندا ویندے۔ ڈاکٹر دا  
کرکٹر سچ ڈیکھو۔

”راکھا“

میڈی وستی دا ہک شخص ء

آہدے

میں ہاں راکھا تھا ڈا

میکوں منو

جڈا دا اورا کھائیئے

وستی دے کئی لین گھرو

گھر توں نکتھن

گھر نہیں ولیئے

نہ کوئی اتہ پتہ کہیں دا

گھر گھر وچ آسیب نظر دے

وستی خالی تھیندی ڈس دی

شام فجر.....

اوہر کہیں دے گھر جھاتیاں پیندے

بندے چیندے

اوندے ڈرتوں روزانہ

میں گھر دی کندھ کوں

ہتھ جتلا اُسرینداں

پر کیا کراں

اوند اقدوی

لمبا تھید اوندے (۷۱)

عاشق بزدار ڈہنی آزادی دا Braniar freedom fighter مجلا ہے۔ او عوام کوں کھل آزادی تے شانتی نال رکھنی چاہندے تہوں اوہر دور دے دھاڑیاں تے جاہراں دے خلاف خبردار کرن دی ہکل مریندے تے آپنے لیلین گھرو کوں اوں مار دھاڑ تے دروہ دے خلاف تیار کریندے۔ اوند لیلین گھرو جغرافیائی، تاریخی، تہذیبی، ثقافتی تے تمدنی ہر دور دا ہیرو ہے جغرافیائی دور وچ اوسلیمان پہاڑ، سوری، گھارا کا سلطان، چھا چھڑ، سنگھڑ، سندھ، ستلج دا محافظ، تاریخ دور وچ کالی کٹ، دبیل، شہر ڈراوڑ تے اُچ رائی دارا کھا، تہذیبی دور وچ اوکھیل، کوٹاٹے، پکھی واس فقیر دی شکل وچ آپنی عظمت کوں سمجھلیندے تے ثقافتی عہد وچ تاں ایں محاظ تے ٹینگریں تریمتیں، سسی، سول، مول، زینی، سبی دے روپ وچ اتے مردانے روپ وچ نیل، لیلین، لالین راول، سیتل، میندھ دے روپ وچ آپنے ثقافتی ہتھیار مرکیاں، پتڑیاں، ڈھولنے، چھلڑے، کنھڑے اتے بندڑ تے یا تے سرائیکی ثقافتی سرداراں دی حفاظت کریندین۔ ماضی قریب دے دور وچ گنڈاسیاں دے مقابلے وچ پیر فرید، چنن پیر، سخی سرور، شہباز قلندر دے روپ وچ سرائیکی قوم کوں امن تے خود شناسی دا درس دیندن تے ول انگریزی دور وچ خونی آدم، جام، ہرنندے دلورائے دے وسینک تھی کراہیں دھرتی ماء رائی دے سینے تے بند وقاں دے زور تے چڑھ آون آلیاں داسیاسی مقابلہ کیتا تے قیام پاکستان دے بعد اٹھوں دے خود ساختہ ”راکھا“ ڈکٹیٹر دے خلاف اٹھی کھڑا تھے اتے ایں تمدنی عہد وچ اوسو جھوان کلی ذوالفقار علی بھٹو، محبوب کلی مرتضیٰ بھٹو، سندھ دے روپ وچ بے نظیر بھٹو نے انہاں آمراء جاہراں تے مکدشیت دے گٹھ جوڑ کوں توڑ تے غریب عوام کوں آزادی مانن کیتے قربانیاں دتیاں۔

عاشق بزدار تمدنی عہد وچ وی مزاحمتی رد عمل دا اگوان ہے سیانے آہدن جے ڈکھ ستے رہون تاں ٹھیک ہے پر جے  
 ہک ڈکھ جاگ پوے تاں سارے ڈکھان کون جگا ڈیندے عاشق بزدار نال وی ساگی تھئے او پاکستانی عوام کون آمیریت  
 تے ڈکھیر شپ کنوں بچاون دا ترلا جو کیتے تاں ایس ترلے دے پچھوں انہاں دے سرائیکی قوم دے جغرافیائی، تاریخی،  
 تہذیبی تے ثقافتی ڈکھ دی جاگ پین اے ٹھیک ہے جو انہاں دی شاعری سرائیکی عوام دی شاعری ہے پر جغرافیائی، تاریخی،  
 تہذیبی تے ثقافتی لحاظ نال اوسرائیکی وسیب تے تھیون آلی مار دھاڑ تے ظلم و جبر کون نشا بر کریندن پر تمدنی دور دے انظہار کیتے  
 انہاں دالوکیل تے تناظر وڈے تھی ویندن تے اوقیام پاکستان دے بعد پاکستانی قوم تے تھیون تے من جملہ آمریت تے  
 ملائیت دے جبردی نمائندگی کریندے انہاں دے تمدنی لوکیل وچ سرائیکی قوم تے پنجابی بیوروکریسی دی واہر خاص اہمیت  
 رکھیندی ہے ہروڈے تمدنی تے سیاسی لوکیل وچ او پاکستانی عوام تے تھئے ظلم و جبر تے وی احتجاج کریندن۔ انہاں دا اے  
 شعری احتجاج انہاں کون ہک وسیبی شاعر دے نال نال قومی شاعری دا پدھر دی عطا کریندے بھانویں جو انہاں دی شاعری  
 سرائیکی زبان وچ ہے پرسندھی، بلوچی، پشتو تے پنجابی زمین وچ وی قومی شاعری تھیندی ہے۔ جینویں بلوچی زبان وچ میر  
 گل خان نصیر، براہوی زبان وچ خلیفہ گل محمد نوشکوی، پشتو زبان وچ اجمل خٹک، سندھی زبان وچ شیخ ایاز تے پنجابی زبان  
 وچ نجم حسین سید اپنی قومی تے مزاحمتی شاعری دی وجہ توں جگ مشہور ہن اونویں سیں عاشق بزدار وی ہیں قلم قبیلے نال تعلق  
 رکھیندے اوندی شاعری او اپنی شاعری وچ جدید سیاسی تے تمدنی دور وچ قدیم سرائیکی یوٹوپیا دی گول کریندن او یوٹوپیا  
 جیندے وچ نینگر، نینگریں کھیڈن تے خوشیاں منیندن تے اتجھا یوٹوپیا جتھاں فلور الہا ہاندے تے اتجھا یوٹوپیا جتھوں دا  
 فانا آزادیاں منیندن۔ ہک اڈیل ڈکھو۔

چنن پیر، فرید، سخی سلطان ابھڑنگ

تے

اُچے رائی دے میلے اونویں لگدن

اُچ دے چیرے، قاسم پور دیاں رنگلیاں چنیاں

اونویں لوکی پیندن.....؟

اونویں پہلے وانگر ساون مانہہ وچ گھرو

ٹولیاں جوڑ کے شام سویرے

واہ تے دھاون ویندن.....؟

راتیں کوں پڑ جوڑتے نینگر

دے ونجھلیاں

الغوزے تے تاڑیاں نال وچیندن

گکھر وہیٹ دے ہن وی رات کوں

تیر بھنے تے وانجھاں کھیڈ دن

وڈے ویلھے

حل دریا دی من تے چھیڑو

پیر فرید دیاں کافیاں گاندیاں

تھل دے پاندھی

اُنھیں تے چڑھ جوگ الاپ کریندن؟

منجھیں گل وچ وچے پا کے

ہیلیں آن وچیندین.....؟

ہٹیں بھاگ سہاگ ہے اونویں لائیاں شکو چیندین.....؟

جنگل پیلے روہی راوے ٹوبھے، تاڈے

ڈہر ملہیراں

اونویں دل بر چیندن

پھوگ، پھلی، کھپ کھار سہنواراں

جالیں، جھمراں پیندین.....؟ (۷۲)

اے سارا سرائیکی ثقافتی منظر نامہ ہے ہر شاعر آہدے جو ہن ایں چس رس تے دھ پھر گئے ہن تے ہن اسماں

ڈکھاں وات آگئے ہیں ساڈے تے ڈکٹیٹر آگئے ہن جیڑھے ساکوں ساڈی آپنی چساں نہیں چاؤن ڈیندے۔ میں آکھیا

سب منظر تاں ہن پہلے وانگوں

پرایں دھرتی صحن تے نویں آؤن والے

ساڈی سانجھ نہیں رلدے (۷۳)

شاعر انہاں نویں آون والیاں دی جا بجا گھنڈ لہائی کریندن کڈا ہیں را کھا جیہی نظم وچ تے کتھائیں ”وسواس“  
کتھائیں ”چپ دی سولی“ کتھائیں ”شماں“ اتے کتھائیں وینن دی صورت وچ ڈکٹیٹر شپ دے منہ گھنڈ لہیندن۔ اتھاں  
عاشق بزدل دے بیان کیتے ڈکٹیٹرز تے ملازم دی اڈیلیاں پیش کیتیاں ویندین۔

دیو مالائی

میڈے شہر دے

کندھاں کوٹھے

ہاں لہا گئے

اینویں ڈس دے

میڈے شہر دے حاکم دا

ء ہوکا ہووے

کوئی نہ سوچے

کوئی نہ کھلے

کہیں کوں کوئی نہ ملے

گھر گھر پلدن

خوف دے پار ہے

اگلیاں سڑکاں

رستے کوچے

ڈس دن زوریاں

ہر دروازے کنڈی ڈس دی

در کھڑکینداں

سڈ مرینداں

کہیں پاسوں نہیں ولدا آندا

شہر دا منظر ڈیکھ کراہیں

اینویں لگدے

جینویں

اتھاں دیہہ لہہ آؤسی

جیڑھا جیندے بندے کھاؤسی (۷۴)

عاشق بزدار ہک وسیبی تے ثقافتی شخصیت ہے انہاں آپنا پلپن مہرے والے وچ گزارے جتھاں انہاں دے پیو  
ڈاڈا اراہندے ہن انہاں حیاتی دی راند اتھاں رسائی تے اول دور وچ جے پلے جڈاں میڈیا اتے سوشل میڈیا جیہے وسائل  
نہ ہوندے ہن تے انہاں دے مسائل وی نہ ہوندے ہن میڈے تے خصوصاً سوشل میڈیا صرف ساکوں چنگیاں مندیاں  
ویلے کویلے انفارمیشنز ڈیندن پر انہاں ساکوں انجی کرڈ تے ناں تاں سوشل میڈیا ساکوں ان سوشل کرن وچ اے  
کامیاب رہے۔ عاشق بزداراں دور دا جموڑ تے پلوڑ ہے جڈاں ماء پیو، ڈاڈی ڈاڈا، نانی، نانا، بھین بھرا، مامے مامیاں،  
چاچے چاچیاں، ماسی ماسر، پھوپھیاں پھوپھے، سوتر، مسات، ملیر، پھپھیر سب کٹھے ہوندے ہن بھل انہاں وچوں کئی ہکو  
چاہانے تے ہوندے ہن۔ نینگر تے نینگریاں وڈیریاں دی کچا ہری بہہ تے سندے سکھدے ہن تے وڈیرے وڈیریاں  
انہاں کوں رلے رہن دے فیدے ڈسیندے سمجھیندے ہن اتے اے اکھاں آہدے ہن۔

”رہسور لے تے بھاگ سولے“

وڈیرے پالیں تے نینگریں کوں جن، دیہہ بھوت، پریاں دے دیو مالائی قصبے سندے ہن۔ جہاں وچ جن،  
دیہہ اتے بھوت انسان دشمن تے سکھامن، شنانتی تے سبھا دے دشمن ہن اتے انسان تے پریاں کوں مار مکیندے ہن تے  
قید کر گھندے ہن۔ عاشق بزدار دی شاعری وچ غاصب، ظالم، ڈکٹیٹر تے داکر دار دیو مالائی ہے تے ایں ڈکٹیٹر شپ دا عہد  
خوف آلا دیو مالائی تے الف لیلوی ماحول ہوندے جتھاں ڈر، بھو، ظلم، جبر، آمریت تے عدم مانویت اتے رد انسانیت  
نظر دی ہے نظم و سواس، راکھا وچ ساگی دیو مالائی ماحول ڈکھایا گیا ہے او غاصب، آمر تے ڈکٹیٹر کوں ہک جن تے دیو دے  
روپ وچ پیش کریندن جیڑھا آدم بو آدم بو کرتے آندے تے انسانیں کوں کھاویندے تے ڈر آسب اتے بھو دا ایہا ماحول  
پیدا کرڈیندے۔

اینویں لگدے

اساں سارے

آپت دے وچ کچھ نیں لگدے

اساں پانڈھی راہ وسیٹرو

رستے دے آسیب توں ڈر کے

آپنا ساہ بچاؤن سائے

ہکی گھوراج

کٹھتھی اگیوں (۷۵)

Shut up زبان بندی، پابندی تے جبر دماحول ڈیکھو۔

تیڈے الاؤن دے کیے جانی

اُلا رہا ہیں دعائیں منگدن

جے نہ الاؤن تاں

تیڈی دھرتی دے لوک سارے

کیے نظارے

کھلن الاؤن

ہمیشہ کیے

ایں

چپ دی سولی

تے

وارڈ یسین (۷۶)

جبر آمریت تے بے حسی دے مقابلے وچ چپ تے بے حسی داوتیرا ڈیکھو۔

جواوڈ کھاوے دے نمازی پرہیزی لوکاں تے حکمرانیں دے کنڈھ لہیندن

ایں ظلم صدقے تے بے کسی تے ایں موت موئی تے

کہیں حکمران، کہیں نمازی، تے کہیں روضے دی اکھ نہیں تردی او ایں آمریت تے جبر دے ایں ماحول وچ ملا

سو کالڈ ملا دی (وین) وی ننڈیا کریندن۔

عجیب ونڈ اے عجیب ریتاں



خطیب گنگ ان تے چپ مسیتاں (۷۷)

حاکم تے محکوم، جابر تے مجبور آمر تے مامور، ظالم تے مظلوم، دی ونڈایں کرتے ڈکھائی گئی ہے جیڑھا ہر دور تے  
خصوصاً آمرانہ دور دا ہک سماجی سچ ہے ڈوہائیں دا عمل تے ردِ عمل ڈیکھو لوک قصیاں تے الف لیلوی، جہات وچ۔

میں تے توں

میں روواں تاں روئیں سگدا

توں تاں کھل، ہائیں کھلن جوگا

دھرتی رب دی تیڈے حصے

میڈے حصے

بکھدے قصے (۷۸)

مجبور مامور، مظلوم تے محکوم عوام دی ہک ہئی حالت زار ڈیکھو۔

اکھیں خواہیں کیٹے سکدیاں

کیکوں ڈساں

کیویں بولاں

منہ تے چپ دے جندرنی

ساہ دی پھاسی

جے تئیں

میڈے گل وچ راہسی

اوتیں روح دے روگ نہیں مکنے

اوتیں سر سوکھانہ تھیںسی (۷۹)

اشوسنیں عاشق بزدار دے سیاسی، سماجی شعور بارے لکھدن تے انہاں وچ عالمی شاعر محمود درویش دی سانجھ

ڈسیندن۔

ترجی دنیاج قوم پرست تحریکاں دے حوالے نال جیڑھا ادب تخلیق تھیندا ہے اوندی اہمیت سامراج دے ایں

خوف توں واضح ہے جو:

محمود درویش..... یا سر عرفات توں زیادہ خطرناک ہے۔ سرائیکی وسیب دے  
مظلوم توں گھن تے دنیا دے ہر مظلوم دے حق اچ تے امریکی بندوقاں کوں ہار  
پواون آلی خاکی وردی دے خلاف شاعری دی جنگ اچ اے خیال حقیقت وی  
ہے..... کیوں جوز وور شاعری

سپارٹکس آپ گول گھندی ہے تے ایہو شاعر تے شاعری دا طریقہ ہے، شاعری  
کوئی الہام نہیں ہوندی بلکہ سماجی تروڑ پھوڑ تے اوندے اندر آون آ لے ڈینہاں  
دے سارے سانگے نویں پکارا ساردا شعوری اظہار ہے۔

جتھوں تیں عاشق بزدار سنیں دی شاعری دا تعلق ہے اولوکاں تے انہاں دے  
وسیب نال شعوری جڑت Commitment دا پورہیا ہے تے اے رت رنگا  
پورہیا ساول، پانی تے ہیٹ دے لینڈ سکیپ اچ آکھیاں ہوئیاں نظماں اندر  
ساکوں ساڈی سوہنہ سچان نال ای جڑیندے۔ (۸۰)

عاشق بزدار ابھی شخصیت ہے جنیں پاکستان وچ جبر تے آمریت دے سارے دور ڈٹھے ہن بھانویں او ایوب  
خاں دادور ہووے۔ یحییٰ خان داضیاء الحق دا اتے بھانویں پرویز مشرف دادور میں اوں نسل نال تعلق رکھیدی ہاں جنیں چھڑا  
مشرف دور ہوش و حواس وچ ڈٹھے تے جبر دے ایں دور کوں واقعی اونویں محسوس کیتا جینویں اشوسنیں نے آکھیا جو امریکی  
بندوق کوں ہار پواون آلی خاکی وردی نے کیا کچھ نہیں کیتا برادر اسلامی ملک افغانستان تے ایران دے خلاف ہوئی اڈے  
ڈتے انہاں دی فوج کیتے کراچی تے گوادر بندرگاہ کھول تے رکھ ڈتی۔ اوساڈے ملک وچ وڑتے آپنے دشمن اسامہ بن  
لادن تے نہاں افغان مجاہد ہن کوں مریندے ہن۔ کئی ہزار بندے لاپتہ تھی گئیں جنہاں دا حالی تیں پچھ بھا نہیں نکلدی۔  
انہاں داکمیں اجمہوی عدالت وچ ملائیے ایمل کانسی جیسے ڈاکٹر کوں آپنے مغموم مقاصد کیتے استعمال کیتا تے ڈاکٹر عارفہ  
صدیقی کوں حالی تیں قید و بند وچ رکھیا ہویا ہے پر آپنے مجرم ایمنڈ ڈیوس کوں جنیں سرعام ڈ وپاکستانی نو جواناں کوں گولیاں مار  
تے شہید کر ڈتا اونکوں چھڑاتے واپس گھن گئے۔ کنیاں نو جوانیں کوں شک دے شے وچ گولی مار ڈتی ویندی ہئی کئی سہاگ  
اچڑے کئی ہال یتیم تھئے کئی مانواں دیاں جھولیاں اچڑیاں۔ غرض جبر دا ابھی دور ڈٹھا جیڑھا جمہوریت دا وس وٹایا ہویا ہاتے  
تارنخ ڈ سیندی ہے۔ ضیاء الحق دا آمرانہ دور تاں ایندے توں ظالم تے جابر ہئی۔ لوکیں کوں سرعام پھانسی ڈتی ویندی ہئی تے  
سرعام کوڑے مارے ویندے ہن۔ اوں دور دا ظلم جبر دا اتھوں اندازہ کر سگدے او جو عام آدمی کیا حالت ہوسی جڈاں جو عوام

دے ہک مقبول ترین لیڈر ذوالفقار علی بھٹو کوں پھانسی تے چڑھواڈ تا تے اونداجنازہ وی نہ پڑھن ڈ تا گیا بھل صرف امام مسجد تے ست اٹھ بندیاں بندوقاں دے سائے وچ نمازہ جنازہ پڑھی تے جنرل ضیاء بطور صدر ہک طیارہ حادثے وچ ہلاک تھی گیا تاں اونداجنازہ سرکاری سطح تے پڑھوایا گیا تے اوندے وچ ہزاراں لوکیں شرکت کیتی پر تاریخ سب توں وڈی منصف ہے او بندہ جیند اجنازے وچ لوکیں کوں شامل ای نہ تھیون ڈ تا بلکہ کچے کنے دفن کرواڈ تا تے ہن ہر سال ذوالفقار علی بھٹو دی برسی تے لوک ہزاراں دی تعداد وچ جمع تھیندن تے نعرے لیندن:

کل بھی بھٹو زندہ آج بھی بھٹو زندہ ہے

تے پئے پاسوں جنرل ضیاء دا جنازہ سرکاری طور تے پڑھیا گیا پر اوندی برسی اوند اپتر اعجاز الحق ای کرویندے جیندے وچ سوڈ ڈھسو بندے جمع تھیندن، جڈاں جو بھٹو دی برسی تے بھٹو دے ناں دے نعرے وچ دن تے شاعر اوندیاں نظماں تے گیتاں لکھدن جینویں عاشق بزدار نے سو جھوان تے وسن لکھے۔ بھٹو دی حیاتی کتھا عاشق بزدار کنوں سنو۔

کتھا ہیں قلعے دی جیل کالی دے

سو لئے ہوئے فرش تے کوئی زخمی پیا ہے

قصور اوند

جواوا کھیندے

اے سارے منظر

اے سب طریقے

یکے و طیرے

تاں ظلم دے ہن

انہاں کوں روکو

انہاں کوں بدلو

ہوا سنیدی ودی ہے نوے نگر نگر دے

جے سن سگوتاں سنو اے نوے نگر نگر دے (۸۱)

نظم سو جھوان جیڑھی ذوالفقار علی بھٹو دی آدروچ لکھی اگئی ہے اے پوری نظم بھٹو سیں دی عوام خدمت تے انہاں دے خلاف آمریت دے اقدامات دے حوالے نال لکھی اگئی ہے اے نظم بھٹو سیں دی جیون کتھا ہے۔ جیندے وچ فوج

تے مُلّاء دے اگٹھ جوڑکوں وی نشا برکتیا گیا ہے تے بھٹوسیں دی سیاسی عظمت کوں سلام پیش کریندن۔

”سو جھوان“

وستی دی مسجد داملّاں

خطبہ کچھ وچ پا کے

چوک توں لنگھد اپیا ہا

اُوں آکھیا

ء کفر اکیندے

کافر تھیندے

پنچے انگلیں وی تاں بکوچڈیاں کئے نیں

اینکوں مارو

میڈی وستی دے سب وڈ کے

رل مل اوکوں مارنی پئے گئے (۸۲)

ذوالفقار بھٹو علی بھٹو دے بعد امرتضیٰ بھٹو دی شہادت تے وی نوحہ موجود ہن تے نظم ”محبوب“ وچ مرتضیٰ بھٹو نال

والہانہ عقیدت تے محبت دا اظہار کریندن تے عالم شباب وچ اونکوں شہید کرڈتا گیا۔ عاشق بزدار سیں ایں نظم ”محبوب“

وچ اے جُویندن جو اے بھٹو خاندان دی ملک و قوم دی خاطر ڈوجھی قربانی ہے۔

”محبوب“

ء کون اے جیڑھا شباب دے تخت توں ڈھبے پیا ہے

ء کیندے چہرے دا چندر ۽ جیکوں

جورات پندھری دی پئے گئی ہے

ء کیندیں اکھیں دیاں مشعلاں

ساری رات ہلدیں وسم گییاں ہن

ء کیندے تھوڈیں دی سُرخ لالی

سَر دے پھلیں دے وانگ پئی بہار تھی اگنی

ءکون اے سمدیں

جیندی پیشانی تے گزرنج پئے گئے

جو بعد مران دے قاتلیں کوں یقین تھیوے

کہ ارج وی میں ہاں انا سکندر

ءکون اے جیندے

ہتھیں دی میندی دارنگ پکھڑا اجاں نہیں تھیا

جیڑھا ہے خون جگر دی سُرخی

ہا کون جیں آپنے نرم نازک رنگیل ہتھیں

تے

ملک واسی غریب محنت کشیں دی خاطر

مُسلح جدوجہد دے کیتے

بندوق چاتی

ہا کون ءجیں آپنے دیں کوں سامراج کولوں

نجات ڈیون دے سانگ

آپنے پھلیل تن تے

مصیبتیں دے پہاڑ چاتے

تے

ارج او محبوب

ملک واسی

غریب محنت کشیں دی بگھ دے عذاب

ٹالرن دیاں

حسرتاں گھن کے سَم گیا ہے

ہمیش کیتے  
اے وقت، تاریخ  
پکے گھر دی  
ءِ ڈو جھی قربانی  
یاد رکھیں (۸۳)

عاشق بزدار سیں دیاں اے نظماں آپنے محبوب سیاسی لیڈراں دی شہادت تے مرثیہ، وین تے نوے ہن تے  
ہن بے نظیر بھٹودی شان، آدر، عظمت تے اعزاز وچ انہاں دے یوم پیدائش ۲۱ جون تے لکھی گئی ہک نظم ہے جیندے وچ  
انہاں اُتے تھے ظلم و جبر تے عوامی خدمات کوں پیش کیتا گیا ہے۔

۲۱ جون

ڈیہ نہہ تریاں  
آپنی ککھ توں  
کئی واقعے  
کئی حادثے جن کے  
قو میں دی تاریخ داسر ورقہ بن ویندن  
زندہ قوماں  
اتجھے ڈیہ نہہ تے عتاریاں  
آپنے ذہن دی ڈائری دے وچ نوٹ کریندین  
اینویں ہک تاریخ ڈیہاڑا  
۲۱ جون ء  
جیڑھا آپنی دھرتی دے متھے دے اُتے  
ہنیں وانگوں چھکدے  
جیکوں ء اعزاز ڈیہا ہے  
سندھڑی

ایندے چھانویں جی  
 جیں دھیریں بھینیں دے ناں کوں  
 اُچا کیتے  
 جیں لوکیں دی بند خلاص کرن دی خاطر  
 آپنے ہتھ تھکڑیاں پاتین  
 جیں مظلوم ڈکھیں دے ماریے  
 لوکیں دی عزت دی خاطر  
 آپنے سردا بوجھن واریے (۸۴)

### تریمی شعور:

تریمیت ہوون دے ناطے میکوں انہاں دی شاعری وچ تریمی شعور دا پہوں اہم موضوع پڑھن کوں ملا انہاں  
 مطبوعہ تے غیر مطبوعہ شاعری وچ تریمیت دا حوالہ پہوں اہم ہے انہاں دی کتاب ”قیدی تخت لہور دے“ وچ کل ۳۵ نظمیں  
 ہے انہاں وچوں ادھیاں نظمیں اتجھیاں ہن جنہاں وچ عورتاں دے حقوق، آدر، پیار و محبت اتے رومان دے حوالے  
 نظر دن اے ہک اتجھا موضوع ہے جیڑھا انہاں کوں جدید شاعری وچ اتم پدھر ڈیویندے۔ انہاں دی شاعری وچ اوسھے  
 موضوعات ہن جیڑھے ہنہاں شاعراں دی شاعری وچ موجود ہے انہاں دی شاعری وچ رفعت کلی تاریخی و تہذیبی حوالے۔  
 اشو کلی ثقافتی تے تہذیبی حوالے سعید اختر کلی۔ کہیں شاعر کول وی کینیں۔

عاشق بزدار دی شاعری وچ تریمیتیں دے رومانوی کردار، ثقافتی کردار، خاندانی کردار، تہذیبی تے تاریخی کردار،  
 تمدنی تے سیاسی کردار سبھے نظر دن تے او انہاں کوں آدراتی ڈیندن جو رومانوی تریمیتی کرداریں کوں حوالہ بنیندے ہوئے  
 شاعر انہاں وچ رومانویت دا عنصر ڈھگم ڈھگ پاڈیندے جڈاں جو عاشق بزدار دی شاعری وچ اے دھرتی دیاں دھیاں  
 بھینیں دے روپ وچ نشا برتھیندیاں ہن او انہاں کرداریں دے ذریعے رومانوی موضوع کوں پدھرائیں کریندے بھل  
 انہاں دے نیڑے اے زنا نے کردار استحصالی، مظلوم تے محروم طبقے دی نمائندگی کریندن۔ ڈیکھو:

ءملتان، ہرند تے بکھ

تونسہ، بھٹے وین

”مہرے والا“

دیرہ، داہل

اُچ تے رنگ پور

پتن منارا دلورادے ٹھیٹر

سارے وسے میڈے گھر ہن

جتھاں پیت کوں

آپنی اٹھ داپانی ڈے گئیں

مول، سول، سسی، سبی (۸۵)

اینویں چا پدے جینویں قدیم ملتان ہرند تونسہ وغیرہ دھرتی ہووے تے مول، سول، سسی، سبی ایں دھرتی تے  
اگرے سوہنے تے گھاٹے ون ہوون اتے پیت انہاں دا پھل ہووے ہک ہی جاڈ یکھو:

اتھاں پیار محبت دے کئی قصے جے

اتھاں سسی، مول، سول

زینی، سبی

پیت پر دے پندھر بھوگے (۸۶)

سئیں عاشق بزدار ددھرتی تے دھرتی جاییاں نال اتی پیار ہے جو انہاں آپنی پوری کتاب وچ کہیں وی پرو جھری  
رومانوی داستان کوں حوالہ نہیں بنایا کتھائیں لیلیٰ مجنوں، رومیو جولیٹ، شیریں فرہاد اتے کشن کنیہا، کوں حوالہ نہیں بنایا بھل  
صرف تے صرف دھرتی تے دھرتی جاییاں دا ڈکھنشا بر کرن مقصود ہے دی وجوہات تے نتائج بارے لکھدن:  
سئیں اسلم رسو پوری انہاں دی لوکل ازم دی شعوری خوبی بارے لکھدن:

”ہر نویں حکمران دے درباری دانشوریں زبان کوں بولی، لہجہ یا نامکمل تے

ادھوری زبان آکھ تے ایندے ادب کوں غیر معیاری قرار دتا اتے اسٹڈی تخلیقی

صلاحیتیں کوں رد کیتا نتیجتاً اسان ہر دور دے حکمرانیں دا ادب پڑھن اچ عمر گالی

رکھی۔ اتے آپنی تخلیقی صلاحیتیں کوں وی انہیں دی زبان اچ لکھن تے وچیدے

ریہوے۔ جیندی وجہ کنوں اسان آپنی دھرتی دی گالھ کرن دی بجائے لیلیٰ تے

شیریں دے حسن دی مفت وچ حیاتی ونچائی۔ اتے مول تے سبی دی محبتیں کوں بھل



اُگیو سے اساں سرو سنبل کول یاد رکھیا مگر پھوگ تے ارنے کول و سار ڈتا اساں قمری  
دی سر پکائی مگر کال کڑ چھی دا پیغام نہ کیتا جیہدا نتیجہ اے نکھتا جو اساں آپنے ”شجرے“  
بھل گبو سے۔“ (۷۸)

جو عشقیہ قصیاں دی رومانویت کول موضوع بنا وناں مقصود ہے ہک ای جیہڈا بکھو۔

ءراول ءخان پُتل ہے  
ایندے نقش قدم تے رُلدین  
کئی سَمیاں کئی سَمیاں  
ایں رائے دے منہ تے پندِی  
نہ مول نہ سول سونی  
نہ وت گجر گام  
ساریاں روندیں  
کاک کندھی تے (۸۸)

عاشق بزدار سیں تریمتاں دی آدر کیتے انہاں دے عالمی ڈیہہ ۸ مارچ دے حوالے نال ہک پوری نظم ”بابل“  
لکھی ہے۔ جیندے وچ او تریمتیں دے نہ عالمی حقوق دی گالھ کریندن تے ناں ملکی اتے وسیبی حقوق بھل او تریمتیں دے  
خانگی تے گھریلو حقوق دی گالھ کریندن جو جیکراہیں عورتاں کول گھروں ای تحفظ نہیں ملدا تاں ملکی تے عالمی حقوق دی گالھ  
ای گوڑ ہے پہلے بنیادی تے گھریلو حقوق تاں او شودیاں حاصل کر گھدن پچھے ملکی تے عالمی حقوق دی گالھ تھیںسی عاشق بزدار  
آپنے وسیب دیاں عورتاں دا کیڈ اوڈا جذباتی ڈکھ بیان کریندن جو پیکے گھر دا عدم تحفظ کے جیڈ اوڈا ڈکھ ہے اے ڈکھ ہک  
تریمت ماء یا دھی ای جان سگدی ہے یا ول مامتا جیہا دل رکھن ہک شاعر جیڑھا دھریں بھینیں دے ڈکھاں کول دلوں  
بجانوں محسوس کریندے۔

بابل ساڈیاں اکھیں روندین  
تیڈی پگ دے پاندکوں لو ہندین  
شالاست پُتریتا تھیویں  
اساں تیں توں کجھ نہاں منگدیاں

نہ ساڈی جُج جیل ہے کائی  
 بابل تیں تائیں ہکا زاری  
 آپنے صحن اگواڑتوں ساڈے پیر نہ میسیں (۸۹)  
 سوسائٹی وچ دھریں بھینیں دے ڈکھ کول ہک نئی جاء ایں بیان کریندن۔  
 جتھوں دے واسیں دے کوئی  
 خواب کڈا ہیں پورے نہیں تھیندے  
 جتھاں تن دے اوچھن کیے  
 دھیریں، بھینیں، میسرے لہندیں  
 جنھیں دے نظریں دے اگوں  
 مرضاں بھوگ دوا دے ہوئے  
 اگھر دو مَر دِن (۹۰)

ہک غیرت مند شخص ای اتجھ تریمتی شعور رکھ سگدے جیندی نظر وچ عورت بس ہک ذات ہے او عورت دی ذاتی  
 عزت کریندن اتے کہیں ذات پات، مقام و مرتبہ، دے پاروں او عورت ذات دی عزت کول تولے ماسے تے سیراں مٹاں  
 وچ دکھو دکھ کرتے نہیں تولیدے۔ عاشق بزدار دھرتی دا پیو شاعر ہے اوندی اکھ وچ سب عورتاں دھیاں، بھینیں تے ماواں  
 ہن بھانویں او پکھی واس تے کھل کٹائیاں ہوون تے بھانویں انہاں ہوون تے بھانویں مہاراں انہاں۔ بھانویں او مول،  
 سول تے سسی، زینی، ہوون تے بھانویں گھر دیاں دھیاں بھینیں تے بھانویں او پرایاں نوہاں ہوون یا آپنی ماڑی ماء  
 ہووے اتے بھانویں او مراسن ہووے یا بھانویں بے نظیر، عاشق بزدار سھنائیں دے دکھو دکھ کھان کول سانجھاتے دل  
 دی ڈونگھایاں وچ محسوس کریندن تے انہاں دے ڈکھ کول آپنی نظماں ڈوہڑے، غزلاں اتے کافیاں وچ وی بیان  
 کریندن او سماجی شعور رکھن آ لے تے تریمتیں کیے آدر، آدر، آدر تے ول آدر رکھن آ لے شاعر ہن انہاں دی شاعری وچ  
 ورکنگ کلاس دی عورتاں داوی ڈکھ ہے اتے سیاسی قیادت آلی عورت داوی ڈکھ ہے۔ تلویں طبقے دیاں عورتاں دے ڈکھ  
 کول بیان کرن سانگے انہاں کول علامتی تے استعاراتی طور تے مول، سول تے سسی نال ملدن جو ساڈی دھرتی دی ہر ٹینگر  
 چھو ہر ساڈے کیے مول، سول تے سسی اتے دھیریں بھینیں وانگوں اہم تے پیاریاں ہن۔

ساڈیاں سمیاں وینن کرن

کئی مول، سول، مر ستیاں  
 نہ کاک کندھی نہ ماڑ  
 اساں ہوندیں ترکیں ترس گئے  
 ساڈے ویری عیش لہن  
 ساڈے تن تے لیراں لڑکدیاں  
 ساڈیاں بھینیں کنوں ہٹ  
 نہ دھریں دے سر بوچھنیاں  
 ساڈیاں میریں مندڑے حال (۹۱)

یا ول آہدن:

ساڈیاں جایاں  
 بے وارث تھی

ونچ پردیس اگھانیاں (۹۲)

عاشق بزدار انہاں ورکنگ کلاس دی تریمتیں دے ڈکھاں دے نال نال انہاں سماج دشمن ولین کرداراں کوں وی  
 نشا بر کریندن جہاں دے گھراں تے کارخانیاں وچ اے کم کریندیاں ہن جواو ہوس پرست لوک کیویں انہاں دے جسمیں  
 تے نظر رکھیندن بھل کئی تاں ایڈے ہوس پرست جانور ہوندن جواو آپنے گھراں وچ رکھیاں کمی بالڑیاں دے جوان تھیون  
 دے تانگھی ہوندن بھانویں انہاں شودیاں دیاں عمراں انہاں دیاں آپنیاں دھیاں کنوں وی گھٹ کیوں نہ ہوون۔ انہاں  
 دی نظم ”خواب“ انہاں کم کرن آلیاں نابالغ چھوہریں دے ڈکھاں دامرثیہ تے وین ہے۔ وین کہیں دے مرنے تے  
 آکے ویندن تے عاشق بزدار دیاں انہاں وین آلیاں نظماں وی حق سچ ہن جوشودیاں دیاں روحاں کما کما تے اتے  
 جھنڈکاں کھا کھاتے مر گیاں ہوندیاں بعض چھڑے بت ٹرے دے ہوندن تے اووی جیندے جی مویاں لیکھے ہوندیاں  
 ہن۔

غریب ماء پیودیاں دھیریں کم سن  
 جوتن توں بگھ دے عذاب  
 ٹالرن دے کیے

اُچیں خویلیں وِخ کے  
 اُمیر لوکیں دے ہال چاؤن  
 وِ دیاں رِہاؤن  
 سویرتوں لانا مشاں تائیں  
 نہ کچھ وِنداؤن  
 اُنہاں دے لالہ بھرا جور وِون  
 تاں منہ نہ لائون  
 تے ایندے بدلے  
 حویلیں والے  
 غریبڑیں دے  
 جوان تھیون دے خواب ڈیکھن (۹۳)

اے تاں کم سن ہاڑیاں دا مرثیہ ہے تے ہن جوان تے پکڑی عمر دی تریمتیں داوی مرثیہ سَنو ”مراسن“ اساڈے  
 وسیب دا ہک سماجی نمائندہ کردار ہے جیڑھی آپنے ڈکھ لکا تے ہنہاں دیاں خوشیاں ہوندی ہے۔ اوشودی ہنہاں دی خوشیاں  
 تے نچدی کھڑی ہوندی ہے تے اوں دے آپنے گھر بکھ تے غربت نچدی پئی ہوندی ہے تے اولوک جیڑھے آپنے آپ کوں  
 معزز آہدن او انہاں شودیاں کوں کنجریاں، نیچ، جسم فروش تے بد کردار سڈیندن پر آپنیاں خوشیاں انہاں دے نال نچدے  
 ہتھ کھڑاں کریندے تے ویلاں ڈیندے مندے ہن پرول وی انہاں کوں معاشرے، محلے، دُستی تے شہر وچ کوئی عزت  
 تے بھرم آلا مقام نہیں ڈیندے۔

توڑیں تیڈے ساڈے گھریں بکھ دے پار ہے  
 توڑیں ساڈے وسدے سا کوں نیچ سڈیندیاں  
 ول وی ساڈیاں رسماں ریتاں  
 وکھرے ون دیاں  
 کئی پر نیچے  
 تیڈے اساڈا

کم مر اسن

سہرے آکھن (۹۴)

عاشق بزدار دی ایس موضوع دیاں نظماں پڑھدے ہوئے اوہک عظیم صوفی پیر فقیر چاہیدن جیڑھا ایس دھرتی دی  
ہر چھوہرتے تریمت دا پیو چا پدن انہاں دی نظروچ سب انہاں دیاں دھیاں رائیاں ہن بھانویں اوکی عورتاں ہن تے  
بھانویں او ملک دی وزیر اعظم ہے اوسب دے پیو تے بھرا چا پدن انہاں دی شعری عظمت دا ایہا کچھ ای کافی ہے جیڑھا اتنا  
ڈھگ تے اتنی ڈھگ شدت نال سرائیکی کیا پاکستان دے کہیں شاعر وچ وی نہیں نظر دا جینویں پہلے لکھیا گیا ہے جو انہاں دی  
کتاب ”قیدی تخت لہور دے“ وچ ادھیاں کنوں ڈھگ نظماں تریمتیں دی آدر، حقوق، تے حیاتی بارے ہن۔ ہک ہیا کمی  
تریمتیں دا وینن ڈیکھو جے روون نہ آونچے تاں ول آکھا ہے۔

دھیاں نما نیاں

نراس بھینیں

وسار ویلھے

کھلن ہسن دے

رنگیل چنی دی جاتے

سرتے

غریبیاں

توڑیں بار دھرتی دے چاتی پھر دین

تے

وت دی دھرتی دا بار لگدن (۹۵)

ہک ہی نظم ڈیکھو:

ساڈیاں چایاں

سہرے گاؤں

گھر گھر وچ خوشیاں ڈے آون

ول وی ڈوہ دیاں گنڈھریاں چاون (۹۶)

یا دل

ساڈیاں دھیریں بھینیں

سرڑکیں پتھر ڈھون

نگری نگری پنن ولے

پکھی واس فقیر سدھنوں (۹۷)

سہیں عاشق بزدار ”خدمت وچ عظمت“ دے لوگو کیتے وی تریمتیں کوں آئیڈیلاز کیتے جتھاں انہاں سماج دے بنائے نویں طبقے دی تریمتیں دی محنت تے خدمت کوں عظمت ڈکھائے اتھاں خاندانی تے سیاسی خدمت کیتے وی تریمت کوں ای سمبل آف رسپکٹ اینڈ سائے انہاں خاندانی حیاتی وچ ماء دی عظمت کوں نشا بر کرن کیتے پوری ہک نظم ماءڑی ماء دے عنوان نال لکھی ہے اتے سیاست وچ خدمت دی عظمت کیتے انہاں تریمت شہید بے نظیر بھٹو کوں ای سیاسی خدمت دا عظیم استعارہ بنایا ہے۔

عاشق بزدار جتھاں ورکنگ کلاس دی تریمتیں دیاں مونجھ مونجھاریاں کوں پدرانہ شفقت نال ڈیکھدے تے بیان کریندے ہن اتھاں حاکم کلاس تے سیاسی حاکمیت وچ تریمتیں تے تھیون آ لے ظلم، جبر تے دروہ کوں وی وڈے ڈکھ نال بیان کریندن او ایں موضوع کوں نشا بر کرن سانگے شہید بے نظیر بھٹو کوں مظلوم تریمتیں دی آواز تے ڈکھ تے جبر دا استعارہ بناتے پیش کریندن تے ہک نظم ”۲۱ جون“ شہید بے نظیر دے جنم ڈہنہ دے حوالے نال لکھی جیندے وچ انہاں تے تھئے ظلماں نے ملک دیاں تریمتیاں دی عزت تے تحفظ کیتے قربانیاں بیان کریندن۔

سندھڑی

ایندے چھانویں جی

جیں دھیریں بھینیں دے ناں کوں

اُچا کیتے

جیں لوکیں دی بند خلاص گزن دی خاطر

آپنے ہتھ تھکڑیاں پاتین

جیں مظلوم ڈکھیں دے ماریئے

لوکیں دی عزت دی خاطر

آپنے سردابو چھن وارئے (۹۸)

سئیں اسلم رسولپوری صاحب فرمیں:

”اچ بھٹو شہید تے اوند ا خاندان پاکستان وچ سیاسی جبر دے خلاف  
مزاحمت دی ہک علامت بن گئے۔ ایہا وجہ ہے جو عاشق بزدل دے کلام اچ انہیں کوں  
نذرانہ عقیدت پیش کرن دا مطلب ایں جبر کوں تروڑ ڈیون اتے جمہوری حقوق دی  
بحالی دی جدوجہد کوں خراج تحسین پیش کرن ہے۔“ (۹۹)

ماء دی عظمت وچ لکھیل نظم وچ انہاں ماء دی عظمت بیان کرن کیتے سبھے مذاہب دے عظیم عقائد کوں انہاں دے  
نانویں لائے اتے اللہ دے ہر مذہب تے زبان وچ وکھرے وکھرے ناں ہن انہاں اوسارے نانویں ”ماء“ کوں دان کر  
ڈتے ہن تے اوکوں رحمان داروپ، وشنو، شیو، بھگوان تے ہر دی شکلاں، گوتم چندر، کرشن، شنکر، ناک، پیر پیغمبر، مرشد، گرو،  
امام دا اوتار آکھیے تے اوکوں حضرت مریم، حضرت زہرہ، سرسوتی روشتا تے رادھا آکھ تے انہاں کیتے مذہبی عقیدت نشاں  
کیتے تے ول ماء کوں سونی تے سول جیسے رومانوی کردار وی لکھے جو ماء سامنے ہووے تاں ول سونی تے سول وی اوہا ہے تے  
نینگر تے پتر ماء دے قد میں وچ سونی تے سول کوں وی وچھاڈ یندن انہاں ماء دی تقدیس گیتا، وید، گرنھ، انجیل، قرآن،  
یثرب، مکہ، متھرا، کاشی، کشمیر، مسجد، مندر، چرچ، سٹوپے، آئیناں، پوجا پاٹھ، نمازاں، اشلوک نال تشبیہ ڈتی ہے انہاں کوں  
ماء وچوں دنیا دے سبھے سوہنے نظارے تے سبھے سوہنیاں شیں سبھے سوہنے موسم سبھے سوہنے رنگ، سبھے سوہنیاں چساں رساں،  
فیض فراز دے گیت، اشودیاں نظماں تے پیر فریدن دیاں کافیاں نظردیاں ہن تے اوندی عظمت آپس سفیا، احد پہاڑ، کوہ  
ہمالیہ کنوں وی اُچی نظر دی ہے۔

عاشق بزدل سئیں دی چھڑی ایہو نظم ”ماءڑی ماء“ تکرری دے ہک پلڑے وچ اتے ہئے پلڑے وچ انہاں دی آہنی  
شاعری تے دنیا جہاں دی سبھے شاعریاں رکھ ڈتیاں وچن تاں ”ماءڑی ماء“ آلا پلڑا بھارا ہوسی تے سبھے شاعر جے سچے  
دھیاں پتر ہن تاں اووی ماء دی عظمت دے اگوں آہنی شاعری آکھسن تے کیوں نہ آکھن کیونجو ماء تاں قرآن دی آئیناں  
تے گیتا دے پاٹھ تے انجیل دی درسز، گرنھ دے اشلوک جتی پیاری ہے تے ول کیا کوئی وی شاعر آہنی شاعری کوں  
آئیناں، پاٹھ، درسز تے اشلوک جتی اہمیت نہیں ڈسدا کیوں جو اے اوندے ایمان دا حصہ ہن پر شاعر مسلمان، ہندو، عیسائی  
تے سکھ تاں ضرور ہوندے ول او کیوں آپنے مذہبی عقائد کنوں آہنی شاعری کوں ڈھیر عالی شان آکھ سگدے۔ نظم دا ہک  
نوحہ پڑھو تے آپ فیصلہ کرو جو ماء اُچی کہ شاعری اُچی۔

ماءِ ٹری ماء

توں ڈسدریں میکوں رب رحمان وانگو

ماءِ ٹری ماء

توں وشنو، شنیو، بھگوان ہری دیاں شکلاں

ماءِ ٹری ماء

اُپس، سنیاتے احد، ہمالیہ دے چوٹیں تے

تیڈے تخت نظر دن

ماءِ ٹری ماء

توں مایا مریم توں زہرا توں سیتا

توں سرسوتی، اوشا، رادھا

تو سونی، توں سول

ماءِ ٹری ماء

توں گوتم چندر کرشن، شنکر

نانک، پی پینغمبر، مرشد، گرد، امام، اوتار

ماءِ ٹری ماء

توں گیتا، وید، گرنٹھ، انجیل، قرآن

توں یژب، توں مکہ، متھرا توں کاشی، کشمیر

توں بلبل توں ڈس ڈس راو توں روہی دلگیر

مسجد مندر چرچ، سٹوپے تیڈے پیار دے گھر ہن

جتھاں توں دیوی توں داسی

مذہب تیڈا انس محبت متادین دھرم

دوزخ تیڈی نفرت داناں

جنت پیار نشانی (۱۰۰)



انہاں دی شاعری بالخصوص تریختیں دے ڈکھ درد دی شاعری اتے خاص الحاص ماءڑی ماءنظم پڑھتے سئیں غلام  
 حرخان کنڈانی دی ایس کوٹیشن تے ہر کوئی وی ہم خیال ہم احساس ہم جذبات اتے ہم آواز تھی ویندے۔  
 حضرت سرور کر بلائی فرماتے ہیں کہ یہ جو مجلس میں ہم روتے ہیں وہ حسین کو نہیں روتے بلکہ اپنے دکھوں کو روتے  
 ہیں تب تک پوری اور پرسی سمجھ میں نہیں آتا تھا۔ لیکن (قیدی تخت لہور دے) پڑھ کر یقین ہو گیا کہ کر بلائی حق پر تھے مجلس  
 میں اگر ہم حسین کو روتے تو صرف حسینی کردار والے روتے وہاں تو یزیدی کردار والے بھی روتے ہیں۔  
 بقول حضرت جوش

زہاد ہی نہیں ہیں تیرے غم میں حسین  
 ہم رند بھی ہیں حلقہ ماتم میں اے حسین (۱۰۱)  
 نظم ماءڑی ماء پڑھتے کنڈانی صاحب دی ایس گالھ تے ہر کوئی عاشق بزدار دی شاعری بارے ہم ایمان وی تھی  
 ویندے۔

”میں نے اردو کے شعراء میں ولی دکنی سے لیکر فراز تک کو پڑھا ہے سرائیکی  
 شعراء میں لطف علی، خواجہ فرید، خان غلام سکندر خان، تائب فدا، قبلہ محترم ارشاد عباسی،  
 جانباز جتوئی، یتیم، سرور کر بلائی، اقبال سوکڑی، عزیز شاہد حتیٰ کہ حسین گوہر تک کو پڑھا  
 اور سنا ہے لیکن ”قیدی تخت لہور دے“ سب سے مختلف ہے۔“ (۱۰۲)

## مارکسی شعور:

دنیا بھر دے غریباں تے محنت کشیں عوام دے سچے ہمدرد کارل مارکس ۵ مئی ۱۸۱۸ء کوں پیدا تھئے او ۱۴ مارچ  
 ۱۸۸۳ء کوں جہان فانی کنوں کوچ کر گئے آپنی ایس مختصر حیاتی وچ انہاں دنیا کوں ہلاڈا تا انہاں آکھیا جو فلاسفروں نے دنیا  
 دی دکھو دکھ انداز وچ تشریح کیتی پر اصل مسئلہ اینکوں بدلن دا ہے۔ انہاں غریباں کوں مال داریں کنوں آپنا حق حاصل کرنی دا  
 طریقہ ڈسایا۔

”منکند ڈیسانی دے مطابق کارل مارکس تاریخ دا خلاء نور داہا۔ نویں دنیاواں  
 دی کھوج وچ راہنڈا ہا۔ او کوئی نجومی نہ ہا۔ جیڑھا قسمت دا حال ستاراں دی چالاں نال  
 معلوم کریندا اوٹھوس حقیقتاں دی بنیاد تے تجزیہ کریندا ہا۔

کارل مارکس کوں سرمایہ داری نظام دی ایجادات اتے نویں شیں کوں آپنے اندر ضم

کرن دی صلاحیت دا علم ہا او اے دی جاندا ہا جو سرمایہ داری نظام دا دگھیرک مستقل عمل  
 کینی او آہنی کتاب "The contribution to the critique of political economy" دے دیباچے وچ لکھدے۔

جو سرمایہ داری دی آخری منزلاں تے اے نظام آپنے بچاؤ دی خاطر بچت تے سادگی  
 دے ناں غریباں تے محنت کشاں کنوں مراعات کھس گھنسی انہاں کوں غربت تے  
 قرضوں دی چورگھپ وچ سٹ ڈیسی ریاست دی عام شہریاں دی ضروریات پوری  
 کرن کیے صلاحیت گھٹ تھی ویسی یا مک ویسی بے روزگاری ودھ ویسی۔ پیداوری  
 تے پیشہ وارانہ ڈوہائیں دے مقامات بدل ویسن روزگار انہاں مکھاں وچ شفٹ تھی  
 ویسی جتھاں سستاں مزدور ملسی۔ صنعتاں دا زیادہ انحصار مشیناں تے تھی ویسی۔ اے  
 اقتصادی حملہ صرف محنت کشاں تے نہ ہوئی بلکہ سرمایہ داری نظام دے سبھ کنوں وڈے  
 محافظ مڈل کلاس تے وی تھی ویسی۔ انہاں تے ذاتی قرضہ ودھ ویسی۔ کیونجو آمدنی  
 گھٹ یا مک ویسی۔ سرمایہ داری دی آخری منزلاں تے سیاست اقتصادی مفادات  
 دے تابع تھی ویسی۔ سرمایہ داری دی آخری منزلاں تے سیاست اقتصادی مفادات  
 دے تابع تھی ویسی۔ سیاسی پارٹیاں عالمی سرمایہ داری دے تابع اتے انہاں دے  
 مفادات تے ہدایات دے مطابق کم کریسن۔ (۱۰۳)

ہن واقعی اینویں ای تھیندا آپے تھرڈ ورلڈ وچ تاں فوجی حکومتاں تاں فوجاں دے تابع حکومتاں کم کریندیاں پیاں  
 ہن۔ جینویں پاکستان بنگلہ دیش اتے سری لنکا وغیرہ تے سیکنڈ ورلڈ وچ حالی وی پولیٹیکل پارٹیاں سرمایہ داریں دے معاونت  
 نال چلندیاں ہن اتے فرسٹ ورلڈ وچ کلا اتے کئی وڈے ملکاں وچ سرمایہ دار کمپنیاں پولیٹیکل پارٹیز دے سارا خرچ  
 چیندیاں ہن بلکہ او انہاں کمپنیاں ای ملک دے صدر یا وزیراعظم دا انتخاب کریندیاں ہن جینویں امریکہ وچ ٹرمپ تے انڈیا  
 وچ مودی اے ڈوہائیں ملٹی نیشنل کمپنیاں دی پراڈکٹ ہن۔

پاکستان وچ اے مسئلہ یک نہ شد وشد آلا ہے اتھاں شہراں تے سرمایہ داراں دا قبضہ ہے اتے دیہاتاں وچ  
 جاگیرداراں دا۔ اتھاں سرمایہ داراں تے جاگیرداراں دا گٹھ جوڑ چلدے اتے الا ماشا اللہ سرائیکی وسیب تے سرمایہ داراں  
 کنوں دھگ جاگیرداراں دا ڈھگ قبضہ ہے بھل ایس آکھان ٹھیک ہوسی جو سرمایہ دار تے جاگیردار چکی دے ڈوہائیں ہن اتے  
 عوام انہاں دے وچکار دانییاں وانگوں پھیندی پئی ہے۔ عاشق بزار دی شاعری وچ مارکسی شعور انہاں ڈوہائیں استحصالی

طبقات دے خلاف نظر دے اور غربت تے محنت کشیں دا خیال رکھیندن۔ تریمتیں دے استحصال تے پورا ٹاپک درحقیقت انہاں جابر طبقات دے خلاف آواز چاؤن ہے۔

مارکسیت درحقیقت، آضر تے اجیر، جابر تے مجبور، ظالم تے مظلوم، حاکم تے محکوم، مالک تے نوکر دے حقوق و فرائض کون نشابر کریندی ہے اتے پاکستان تے خصوصاً سرائیکی وسیب دی Gound realities دے مطابق اے سرمایہ دار تے غریب مزدور اتے جاگیردار تے غریب مزرے دی چھک دھرو دی کتھا ہے جتھاں سرمایہ دار تے جاگیردار راؤن بنی تے غریب مزدور اتے مزریاں کون کھ تے ڈکھ دی گھائی وات ڈتی کھڑے۔

عاشق بزدار دی شعری بارے دلچسپ بیانیہ اے ہے کہ اے پنڈت دی اتجھی پوتھی ہے جیڑھے دنیا جہاں دے ہر مسئلے کون نشابر کریندی ہے انہاں دی مطبوعہ تے غیر مطبوعہ شاعری ایں گالھ دی گواہ ہے چھڑی انہاں دی مطبوعہ کتاب ”قیدی تخت لہور دے“ کون ڈکھ گھنوں اے ۱۱۹ صفحیاں تے ۳۵ نظماں دی کتاب ہے جیندے وچ وسیبی، ملکی اتے بین الاقوامی سبھے موضوعات ملدے ہن۔ ایندے وچ جغرافیائی، تاریخی، تہذیبی، ثقافتی، رومانوی، سیاسی، سماجی، اقتصادی، عوامی، فوجی، عام مسلمان تے ملازم سبھے مذاہب، اتے معاشرے، بالال دے نینگراں دے، ہڈھڑیاں دے تریمتیں مرداں دے سبھے افکار و نظریات، جذبات و احساسات، اتے خواہشات تے تخلیقات سمجھ کھ ملدے۔ جینویں انگریزی دا آکھان ہے ناں جو Think about the angel and he is there think about the topic and it is there ساگی عاشق بزدار دی کتاب ہے جو کوئی ہک صفحہ گھنویا ہک نظم چا گھنویا ہاں ہک اکائی وچ موضوعات دی دہائیاں ملدیاں ہن۔ اینڈ کریڈ اتے جدید انٹرنیٹ میڈیا دی مثال نال گالھ کیٹی ونجے تاں انہاں دی شاعری یوٹیوب ہے جیندے وچ ہر قسم دے چینل جیڑ نظر آندے ہن۔

مارکسیت ہک بین الاقوامی موضوع تے ایٹھو ہے ایس مسئلے کون جتی بھرویں انداز وچ انہاں چاتے سرائیکی شاعری وچ بھرے ایندی کوئی ڈجھی مثال نہیں ملدی پر جدید شاعر کون ڈو چار یا اٹھ یا ڈاھ نظماں تاں مل ویسی ہر مارکسیت دا علمبردار کوئی شاعر نہ ملسی سوائے عاشق بزدار دے۔

انہاں دی نظماں سلیمان پہاڑ دی گواہی، محبوب، جاگ، ونڈ، وسن، قلم تلوار، جواب، خواب، مراسم، نراس اتے شاپنگ بیگ وچ بلا واسطہ اتے باقی ساری نظمیں وچ بلا واسطہ مارکسیت نظر دی ہے۔ انہاں دی نظم ونڈ کھو جو انہاں کیویں آجرتے اجیر اتے امیر تے غریب دی وسیبی دورھی ونڈ کون شدید جذبات نال نشابر کیتے جو کیویں اے قرآنی آیات کون وی آپنے قیدیاں کیتے ورتیندے ہن۔

ونڈ

میڈے شہر دے وچ

ڈو شہر عن

ڈو ہاں دے ہن

و کھرے نقشے

ہک پاسوں بن محنت کیتے بندیں کولوں

کوٹھیاں بنگلے محل تے ماڑیاں

جتھاں دولت سونا چاندی

شیدن وانگو اچھے

جتھاں سونے وال پنکوڑیں

گتے جھوٹن

اُنہاں لیکھے دھرتی رب دی

جیندے واسی اُساں تُساں

نوکر ابلی

ایں حالت تے کوئی کیوں و سکے

لوکی آہدن

ولعذومن تشاء

ڈو جھے پاسوں

محنت کش لوکیں دے کولوں

ڈو جھے پاسوں

محنت کش لوکیں دے کولوں

کچے کوٹھے، چھپر، چھاندن

جتھاں بگھ پچھانوئیں پلدن

جتھوں دے واسیں دے لوکیں  
 خواب کڈا ہیں پورے نہیں تھئے  
 جتھاں تن دے اوچھن کیتے  
 دھیریں، بھینیں، میریں لہندیں  
 جنہیں دے نظریں دے اگوں  
 مرضاں بھوگ دوا دے ہوئے  
 اگھر و مَر دِن  
 قبر دی جاوی اوکھیں پیندن  
 ایں حالت تے کوئی کیوں رووے  
 لوکی آہدن  
 و نذل من تشاء (۱۰۴)

سئیں عاشق بزدار آہدن جو

”میں وڈی شاعری کرن دادعوئی نہیں کریندا پر ایں گالھوں مطمئن ہاں جو میں کچلے  
 ہوئے محنت کش، پورہیت طبقے دے ڈکھ درد بیان کرن دی کوشش کیتی ہے۔“ (۱۰۵)

اے گالھ انہاں دی مزاجی انکساری آلی ہے جو آواہدن جو میں کچلے ہوئے محنت کش، پورہیت، طبقے دے ڈکھ درد  
 بیان کرن دی کوشش کیتی ہے۔ اے ہرگز کوشش کینی بھل اے ہک کامیاب عمل ہے جینکوں پاکستان تے خصوصاً سرائیکی  
 شاعری ایڈمائر کریندی ہے بھل انہاں دی شاعری انہاں دی شخصیت دی سنجان بن گئی ہے۔ او سماجی لحاظ نال سیاسی لحاظ  
 نال اتے شعری لحاظ نال ہک جگ مشہور شخصیت ہن جنہاں دی آدر پاکستان دے ہر پدھرتے تھیندی ہے اوند اثبوت او  
 دعوتی خطوط ہن جیڑھے پاکستان دی وڈی سیاسی، سماجی اتے ادبی تنظیمیں ولوں انہاں کوں آئے ہن انہاں وچوں کجھ  
 سرکاری تے غیر سرکاری ادارے ہن۔

۱۔ اکادمی ادبیات پاکستان

۲۔ مقتدرہ قومی زبان پاکستان

۳۔ Pakistan academy of letters

عاشق بزدار انہاں خود غرض، منافع خور، جابر، ظالم اتے افسر شاہی آلے طبقے دی گھنڈ لہائی کریندن۔ بھانویں او سرمایہ دار ہووے جاگیر دار ہووے، فوجی حکمران ہووے، بیوروکریٹ ہووے اتے بھانویں سیاست دان ہووے او انہاں ظالماں دے اگوں سامنے تان تے ہک ہیرو کلی کھڑن تے انہاں دے پچھوں مظلوم، محنتی تے پروہیت طبقہ آپنے حقوق سانگے جم غصیر دی حالت وچ کھڑے اتھاں پہلے او ظالم طبقے تے کالی بھیدیاں اتے چوپیتے نہراں گھنڈ کوں نشا برکتیا ویسی ول او مظلوم تے پروہیت طبقے کوں سامنے گھن آیا ویسی تاں جو عاشق بزدار دی شاعری وچ مارکسی شعور ٹھیک طرحاں نشا برکتی سیکے۔

آپنی دھرتی جیں کوں

نہ مارن دے جرم اچ

میڈے ہتھ تھکڑی لگ گئی (۱۰۶)

پشت در پشت جاگیر داری دے ظالمانہ نظام تے کردار کوں ایں بیان کریندن۔

میڈے ڈاڈے بابے دی

سب، محنت، پورھیا

وستی دے

اوں گودے سنیں دے لیکھے لگا

جیڑھا اچیں کندھاں دے وچ

لگے شیش محل وچ راہندے

جیڑھا

وستی اچیں دا

شرم تے ڈرتوں

وہندے پگھر پیندے

و تو عزم نشاء دے منتر پڑھتے جیندے (۱۰۷)

جاگیر داریں دا دولت تے جنسی دا بھکا ہون وی ہک ایی اڈیل ڈیکھوتے نالے مظلوم مزریں دی حالت زار وی تکو۔

مزیرا بایں سمیت دھرتی تے مکھڑی وچ  
ہے آپنے پنکھر دے پھل کریندا  
تے

ہر کہیں کوں ہے رزق ڈیندا  
اوسب دارازق پیا بکھ ننگائی دے سول سہندا  
کتھائیں اوندے گھر رنکیل کھٹ تے کئی خان پٹھے  
جیڑھا اوندی دھی دی کند کوں تڑتکیندا پٹھے  
جوان دھی داضیف پیوتاں

بھتار دے لنگ گھٹیندا پٹھے (۱۰۸)

سرمایہ داردا کرتن ڈیکھو جیڑھا آپنا کمدا رنچ تے لوکاں داسارا پورھیا پوریاں وچ بھروا تے شہر گھن ویندن تے  
کچھاں مچنتی لوکیں دیاں آساں امیدیاں نراساں تے نا امیدیاں وچ بدلاڈیندے انہاں دیاں شادیاں خوشیاں، میلے ٹھیلے،  
ریتاں رسماں، بھاگ سہاگ لون سواہ کرڈیندن۔

پرے تھیندے

فضلاں پکرن تے

خانیں دے کمدا کر اوے

شہروں آندن

جیڑھے میڈا پورھیا

میڈے بایں دیاں معصوم امیدیاں

میندیاں، مکنین، سگن سونہارے

پوریں وچ

ہا

ترویندن (۱۰۹)

عاشق بزداراں دروہ تے ونڈ تے آپنا سر پٹ باہندن جڈاں انہاں کوں کہیں پاسوں وی خیر دی امید نظر نہیں

آندی جڈاں دنیا تے دروہ ودھ ویندے تاں لوک اسمان دوڈ بھدھن جو اللہ دی طرفوں کوئی خیر آوے نا اُمیدی ظلم تے جبر دی ایں دنیا وچ مذہبی اگوان ای خیر تے شردی ونڈ کریندن تے لوکیں کوں امید اُیویندن پراتھاں تاں نا اُمیدی دی خیر تھی اگئی ہے ملازم دے کردار تے ایں وین کریندن۔

عجیب ونڈاے عجیب ریتا

خطیب گنگ ان تے چپ مسیتاں (۱۱۰)

ہک نئی جاء تے لکھدن:

کہیں حکمران، کہیں نمازی تے کہیں روزیے دی اکھ نہیں تر دی (۱۱۱)

ایں ظالم، جابر سرمایہ دار تے جاگیر دار طبقے دے ہتھوں جبر و محنت کش، غریب تے پروہت طبقے دی جبر و محنت حالت تھئی ہے اونکوں وی سئیں عاشق بزدار کئی نظمیں وچ نشا برکیے انہاں لائناں کوں پڑھ تے ای ہاں مٹھ وچ آویندے جیکراہیں قارئین دادل انہاں لائناں کوں پڑھ تے مٹھ وچ ویندے تاں انداہ کرو جو ایہہ لائناں لکھدے ہوئے شاعر دی آہنی حالت کجھی ہوسی تے اوکئی ڈیہ نہہ ایں ڈکھ دی ٹرائس تنوار وچ رہ گیا ہوسی۔

اتھاں رُلدن محنت دے بے کفن جنازے

اتھاں کہیں دی کوئی حسرت نیں پوری تھیندی

اتھاں مردن ماء پیو دے نظریں دے اگوں

نینگر گھرو (۱۱۲)

اے نہیں جو سرائیکی لوک آلسی تے نلکے ہوندن تے اینویں ہووے ہاتاں ہڑپہ، پتن منارہ، مونہجو داڑو، گنوری والا، جلیل پور، کوٹ ڈیرا، کوٹ ہمالیہ وغیرہ دے قدیم و سبے کنیں اُسارے؟ انہاں سرائیکی لوکیں دی محنت دے ٹھیر ثبوت دے طور تے اجھو دی موجود ہن عاشق بزدار انہاں لوکیں دی محنت دی گواہی وی اُیویندن جو ایں دھرتی واسیں ایں دھرتی کوں آپنی رت دارنگ لاڈ تے محنت دی عظمت دے کئی تہذیبی آثار ہن وی نظر دن۔

ایں دھرتی دے واسیں و نیں

آپنی دھرتی دے سینے تے

آپنی محنت دی عظمت دے

کئی عنوان اکورے



ایندی مٹی دے وچ

آپنے پگھر دی کستوری گھولی (۱۱۳)

اج دے جدید تے تمدنی دور وچ اجرتے اجیردی اسمان زمین آلی ونڈ کوں انہاں آپنی نظم ”ونڈ“ وچ بہوں سوہنا  
نشا برکتیتا ہے جیند اجیکوں حوالے دے طور تے پچھاں پیش کیتا گیا ہے۔ جدید تے تمدنی دور وچ تھیون آ لے درہ کوں نظم ”قلم  
تلوار“ وچ وی بیان کیتے اے نظم اج دے کلرکیں دی ہڑتال تے لکھی گئی جیندے وچ اے ڈسایا گیا ہے جو امیر ماضیاں  
صدیاں سالیں کنوں ساڈے پیوڈاڈے دی وی رت پیندار یہا ہے تے ہن ساڈی رت پیندا پیا ہے حالانکہ اوکلرکیں کوں  
آہدن جو او وطن دی تقدیر لکھن آ لے مخنتی تے جفاکش لوک ہن۔

وطن دی لیکھ پُتری دے تساں کاتب تساں مالک

تواڈی تقدیر دے ورقے

انہاں ظالم ہتھاں وچ ہن

جیڑھے صدیں کولوں

محنت کشیں دے نال

لکھیندے رہ گئے

بکھنگ دے قصے (۱۱۴)

او ایں نظم وچ ای کلرکیں کوں قلم کوں نشتر، تشیہ تے تلوار بناتے انہاں آمر تے ظالم سرمایہ داریں دے خلاف لڑن  
دی ترغیب ڈیندن۔

ڈکھی نسلیں دی خاطر

کچھ تاں کر چھوڑو

قلم نشتر، قلم تیشہ، قلم تلوار تہاڈے ہتھ (۱۱۵)

عاشق بزدار ہک مایوس تے بے ہمتی شاعر کینی او سرمایہ داریں دے خلاف عام لوکیں کوں کلرکیں کوں تے سیاست  
دانیں کوں امید تے ہمت دا استعارہ بناتے پیش کریندن۔ او مرضی بھٹو تے لکھیل نظم ”محبوب“ وچ انہاں کوں انہاں ظالم،  
جابر، دروہی، جاگیردار، تے سرمایہ داریں دے خلاف مسلح تے عملی جدوجہد کریندے ہوئے جام شہاد نوش کر گیا عاشق بزدار  
انہاں محنت کشیں دے اوں لیڈر تے کوں خراج تحسین پیش کریندن۔

ہا کون جیں آپنئے نرم نازک نکیل ہتھیں  
تے

ملک واسی غریب محنت کشیں دی خاطر  
مسلح جدوجہد دے کیتے  
بندوق چاتی

ہا کون ءجیں آپنئے دیس کوں سامراج کولوں  
نجات ڈیون دے سانگ  
آپنئے پھلیل تن تے  
مصیبتیں دے پہاڑ چاتے  
تے

اج او محبوب  
ملک واسی  
غریب محنت کشیں دی بکھ دے عذاب  
ٹالرن دیاں  
حسرتاں گھن کے سم گیا ہے  
ہمیش کیتے  
اتے وقت، تاریخ  
کے گھر دی  
ءڈ وجھی قربانی  
یاد رکھیں (۱۱۶)

مشاہیر دانشور:

عاشق بزدار دی شاعری وچ مشاہیر داہوں تذکرہ ملدے اے مشاہیر کتھائیں آپنئے کردار تے کتھائیں علامتاں

استعارے اتے تقدیس دے زمرے وچ آندن انہاں دی شاعری وچ انبیاء، اولیاء، وپی تے ملک اتے بین الاقوامی شخصیت وی ہن۔ جہاں توں انہاں دے شعری وزن داوی پتہ لگدے۔ تاریخی شعور دی خبر وی لگدی ہے اتے انہاں مشاہیر دی نوازشات تے خدمات بارے انہاں دی معلومات وی نشا برتھیندیاں ہن انہاں دی کتاب ”قیدی تخت لہور دے“ دی پہلی نظم ”وسیب“ ای حضرت عیسیٰ کنوں شروع تھیندی ہے ایں جاپدے جو انہاں دی کتاب دا آغاز ای حضرت عیسیٰ دے ناں توں تھیندے۔

میڈی عمر ہزاراں ورہیے

عیسیٰ توں وی پہلے (۱۱۷)

انہاں دی شاعری وچ حضرت عیسیٰ، مریم، زہرا، خواجہ فرید، چنن پیر، لالہ (لال شہباز قلندر) لال سونہارا (بہاولپور دے نیڑے ہک قصبے وچ مدفون ولی اللہ جیندی نسبت ناں اوں قصبے دانناں رکھیا گیا جتھاں ہک مشہور پارک ہے) لالولاڑ، سخی سلطان، گرو نانک، رام، وشنو، شیو، بھگوان ہری، مایا، سرسوتی، اوشا، رادھا، گوتم چندر، کرشن، شنکر، سکندر اعظم۔ اشولال فقیر، فیض، فراز۔

انہاں دی شاعری وچ دھرتی دے بہوں سارے مشاہیر کہیں وی مذہبی تعصب دے باجھ نظر دن بھانویں او مسلمان ولی اللہ ہوون۔ ہندو اتار ہوون یا ول سکھ گرو ہوون کیونجو انہاں سب نے دھرتی تے امن، بھائی چارہ، آس، امید تے محبتاں دے ڈیوے روشن کیئے اتے ایں دھرتی کوں امن تے محبتاں دا گہوارا بنا ڈتا ہے حق وی ہے تے سچ وی ہے عاشق بزدار ایں تاریخی حق سچ کوں وڈی محبتاں تے آدرنال آپنی نظماں وچ پیش کیئے انہاں دی نظم ”ماءڑی ماء“ وچ تاں انہاں سب مشاہیر نال ماء جتی محبت دا اظہار کیئے بھل انہاں سب مشاہیر کوں ماء کیئے علامتاں تے استعاریاں دے طور تے پیش کیئے ایں نظم ”ماءڑی ماء“ دے کجھ بند کھوتے ماء دی محبت اتے مشاہیر نال عقیدت دی چساں چاؤ۔

ماءڑی ماء

توں وشنو، شیو، بھگوان، ہری دیاں شکلاں

ماءڑی ماء

توں مایا، مریم، توں زہرا توں سیتا

توں سرسوتی، اوشا، رادھا

ماءڑی ماء

توں گوتم چندر، کرشن، شنکر

نانک، پیر پیغمبر، مرشد، گرو، امام، اوتار

کافیاں پیر فریدن سنیں دیاں (۱۱۸)

سچ آہدن جو شاعر داندہب صرف انسانیت ہوندے ایں گالھ دا تحریری ثبوت اسماں عاشق بزداری شاعری وچ  
ڈکھ سکدے ہیں جیندے وچ انہاں مسلمان، ہندو، سکھ، عیسائی مذاہب دے سب مشاہیر کوں برابر آدرڈتی ہے۔  
انہاں دی شاعری وچ صوفیانہ مشاہیر وچ انہاں اولیاء کرام دے نال نال سب کنوں ڈھیر خواجہ غلام فرید نال  
عقیدت و محبت ملدی ہے تے او انہاں کوں دھرتی مان سمان اے دھرتی داوڈیرہ بناتے پیش کریندن بھل اوہوں ساری  
نظمیں وچ فریدن سنیں دے انداز وچ کلام لکھدیں ہونیں نظر دن کجھ اوڈیلاں ڈکھو۔

جتھاں راول روہیں رلے

روہی وچ فرید (۱۱۹)

☆

ایندی روہی آسن روح دا

اینڈے ٹپے طور ڈسن

ایں جنڑیے گھوٹ فرید جہیں (۱۲۰)

☆

پیت پرمدے پندھڑے بھوگئے

اتھاں راول روہیں رلیا

شوق شوق دی بازی و تھری

روہی آن فرید (۱۲۱)

☆

بابل سوہنے سوہنے کپڑے گھنسی

تلے والیاں جتیاں پیسوں

چنن پیر، فرید، نئی سلطان ابھڑنگ

تے

اُچ رانی دے میلیاں ونج کے

چھلے مندریاں

چیرے چنیاں

ونجھلیاں تے الغوزے گھنوں (۱۲۲)

عاشق بزدار آپنی نظم ”کورٹ مارشل“ ہک ہندو فوجی دی فریدن سیں کیتے سک وی ڈکھائی ہے جیڑھا پارٹیشن

دے بعد سرائیکی دھرتی کنوں لڈتج کے ہندوستان لگا گیا ہے فریدن سیں دی سک تے مونجھ وچ بارڈر تے پیر فریدی

کافیاں گاند اودا ہوندے۔

ہک کھنڈر کولوں

رُٹ کے دیاں آوازاں آیاں

پیر فریدی کافی میڈے کنیں گُوکی

حیرت دے وچ سوچے میں

ء دشمن دے کئی فوجی ہوسن

کھنڈر دے وچ بہہ کے

میں توں پچھدے رہ گئے

آپنی نکھڑی دھرتی ماء داحال

چنن پیر، فرید، سخی سلطان ابھڑنگ

تے

اُچ رانی دے میلیے اونویں لگدن؟

وڈے ویلھے

دل دریادی منی تے چھیڑو

پیر فریدیاں کافیاں گاندن.....؟

ساری رات سوچیں دارہ گیم  
کھنڈر، پیر فریدی کافی (۱۲۳)

پیر فریدی کافی گاؤں والے سنگھ دے پاروں نکلے (۱۲۴)

انہاں دی شاعری وچ پاکستان دے سیاسی مشاہیر وی نظر دن بھلے اوہیرون یاوَن پر انہاں تے عاشق بزدار سئیں  
پوری ہک ہک نظم موزوں کیتی ہے انہاں جنرل ضیاء الحق کیے نظم ”راکھا“ ذوالفقار علی بھٹو کیے نظم سوجھوان، میر مرتضیٰ بھٹو شہید  
کیے نظم محبوب اتے بی بی شہید بے نظیر بھٹو دی آدروچ نظم ”۲۱ جون“، تحریر کیتی ہے۔  
ایندے کنوں ابُخ پاکستان دے مشہور اردو تے سرائیکی شاعری انہاں دی شاعری وچ آدر تے محبت نال حصہ  
بُنے ہن۔ اردو شاعر فیض تے فرازا تے سرائیکی شاعر اشولال فقیر دا ذکر وی ملدے۔

اشولال فقیر دیاں نظماں

کافیاں پیر فریدن سئیں دیاں

فیض فراز دے گیت

جیڑھے دھرتی ماء دے ستے لیکھ جگیدین (۱۲۵)

اوشودی ہک لائن کوں وی آپنی نظم دا حصہ بندن بھل آپنی نظم دی اپچ تے انت اشولال فقیر دی لائن نال  
کریندن تے اے سک تے دعا کریندن جو شالاساڈی دھرتی سکھی تے شادر ہوے۔

رام کرے ہن مرلی وچے (۱۲۶)

ایندے توں ابُخ انہاں دی شاعری پئے وچ ڈھگ سارے موضوعات ملدے ہن جیندے وچ سماجی شعور، تل  
وطنی شعور، بھٹو از م، داشعور، گھریلو حیاتی داشعور، ملازم دے خلاف شعور لوک داستانیں داشعور، آزادی داشاعر، امید داشاعر  
فوک وزڈم اتے اوہک مؤرخ شاعر دے طور تے وی نشا برتھیندے ہن۔

حب الہی:

عاشق بزدار ہک مکمل شاعر ہے انہاں دی شاعری وچ وسیب دے ہر قسم دے موضوعات لبھدن او اندروں بین  
شاعری ہن تے بیرون بین شاعری او آپنی کالھ وی کریندن۔ میڈی وی کریندن تہاڈی وی کریندن، جگ دی وی

کریندن، سب دی وی کریندن تے رب دی وی کریندن۔

اے کیویں تھی سگدے جو سرائیکی دا اتجھا شاعر جیڑھا دھرتی نال جُویل ہووے تے پیر فرید کوں آپنا روحانی استاد تے مرشد منیندا ہووے او پیر فرید دے قد میں تے ٹردا ہو یا کافی نہ لکھے سرائیکی شعوری شعری تحریک وچ تاں ایس تھی ای نہیں سگدا۔ اتھاں ہروڈے تے جدید شاعری کافی لکھیاں ہن انہاں وچوں کئی کافیاں تاں ریڈیو تے ٹیلی وژن دے سرائیکی چینلز تے وی نشر تھیندیاں راہندیاں ہن جدید کافی گوشتا عریں وچ رفعت عباس، اشوال فقیر، ارشاد تونسوی، عزیز شاہد، احمد خان طارق، شمیم عارف قریشی، خالد اقبال، جہانگیر مخلص، سلیمان سہو، شکیل پٹانی، شبیر حسن اختر، سیف اللہ آصف، ریاض عصمت تے غضنفر عباس دے نال نال پئے وی ڈھگ سارے جدید شاعراں دے ناں آندے ہن پر انہاں وچ ہک نشاہر تے سرکڑھواں ناں سئیں عاشق بزدار دا وی ہے انہاں وی ڈھگ ساری مطبوعہ تے غیر مطبوعہ کافیاں ملدیاں ہن۔ سرائیکی کافی سرائیکی شاعری دا اوپوتا ہے جیڑھا پپیل تے بوہڑ وانگوں دھرتی دا اُسریل تے نسریل ہے۔ ایندے وچ رب نال پیار وی گالھیں کیتے ٹھیٹھ سرائیکی لب و لہجہ، ٹھیٹھ سرائیکی منظر نامہ، ٹھیٹھ سرائیکی فلورا تے فانا، ٹھیٹھ سرائیکی علامتاں تشبیہات تے استعارے، الفاظ، ردھم تے بندش نظر دی ہے۔ خواجہ فرید سئیں دی ہک کافی دا بند ڈیکھو۔

آ	چنوں	رل	یار	پیلھوں	پکیاں	نی	وے
کئی	گھڑیاں	کئی	ساویاں	پیلیاں	کئی	بھوریاں	کئی
کئی	اودھیاں	گلنار	کٹواں	رتیاں	نی	وے	(۱۲۷)

یا دل جدید شاعر شمیم عارف قریشی دی اے کافی ڈیکھو۔

اساں	خلق کوں	روز سلام	کیتے	اساں	رب دے	نال کلام	کیتے
رب	گٹھیں	وچ	رب	سا لھیں	وچ	رب	کل
رب	کانیں	کاہیں	ٹالھیں	وچ	رب	ساڈے	ون
اساں	خلق کوں	روز سلام	کیتے	اساں	رب دے	نال کلام	کیتے

عاشق بزدار سئیں دی ہک کافی ملاحظہ تھیوے جیندے وچ خواجہ فرید اے تے کلاسیکل تے جدید شاعری سنبھالیں دی

جس رس نظر آندی ہے۔

اگل پیا نہری نہہ دو یار

جیون ڈسدا شینہ دو یار

رم جہم رم سوز اوڑے  
 راتیں پون پور کلڑے  
 ورھیوں دا ہک ڈینہہ دو یار  
 سنج اگواڑ تے ناس حویلیاں  
 پنگھیں توں بے آس سہیلیاں  
 پیلے تھین سرینہہ دو یار  
 روہی، تھل، دمان، دے پاسے  
 جیون کچڑا کوڑ دلا سے  
 سچ کھپ، کھار کرینہہ دو یار  
 عاشق سئے سئے سول اندر وچ  
 کلہری پئی کرلاواں گھر وچ

سر مہنیں دا مینہہ دو یار (۱۲۹)

عاشق بزدار حب الہی دا اظہار کافی، نظم، غزل تے ڈوہڑہ ہراواں صنف وچ کیتے جیڑھی انہاں ضبط تحریر کیتی ہے  
 بھل کافی رنگ تاں انہاں دا ہک ایجھا موضوع ہے جیڑھا ہک انج ایم فل ریسرچ ورک دا متقاضی ہے۔  
 سیانے آہدن:

”اللہ دا پہلی ولی اللہ تے ولی اللہ دا پہلی حبیب اللہ“

عاشق بزدار وی حبیب اللہ ہن انہاں دی شاعری وچ اولیاء کرام دے تذکرے بھر پور عقیدت تے عزت و احترام  
 نال ملدے ہن۔ عقیدتاں دے اے پھل او آہنی نظمیں، غزلاں، کافیاں اتے ڈوہڑیاں وچ وی کریندے ہن ہک  
 ڈوہڑہ جیندے وچ سئیں سخی سلطان نال عقیدت مندی نظر دی ہے۔

جھل جھنکاں سارے وسے دیاں سکھ سوچ دے سدھرائے ہاسے

تیڈی اکھ دی سد نہہ دھرتا کر تیڈے عاشق تھی ٹر پئے ہاسے

تیڈی نگری وچ سلطان سخی تیڈا پیار نہیں لو آئے ہاسے

نہوں پیریں قبر دی بجا بخشی تیڈے تل وطنی ہمسائے ہاسے (۱۳۰)



ساگی انہاں دی نظماں وچ وی اولیاء کرام نال بھر پور عقیدت نظر دی ہے۔

ءدھرتی پیر فقیر دی

ایں جنڑیئے گھوٹ فرید جہیں

اتھ دیرے چنن پیر دے

ایندالہن خدمت گار (۱۳۱)

انہاں دے مزاج وی نمائنا ہے جیڑھا انہاں دی شاعری وچوں جھلکدا ہے پر اے نمائنا صرف خدا تے خدا دے بندیاں کیتے ہے۔ کہیں جابر، ظالم دروہی کیتے کینی او انہاں جابراں تے ظالماں دے اگوں منصور بن حلاج کلی ڈٹ تے کھڑے راہندن جینویں شاہ منصور سولی تے تاں چڑھ گئے ہن پر آپنے حق سچ دے بیان کنوں منکرناں تھئے۔ او خود وی مزاحمتی تے ملامتی مزاج دے بندے ہن تے ملامتی اولیاء کرام کوں آپنا ہیر و منیندن جیڑھے اللہ دی حاکمیت کوں منیندن جے دنیاوی حاکمیں دے اگوں ڈٹ تے کھڑن تے حق سچ دی خاطر پھاسی چڑھدن تے کھل وی لہویندن۔ شاہ شمس تے شاہ منصور دی عقیدت وچ ہک طویل نظم بطور ”ٹہر“ ہے انہاں شاہ منصور کوں ظلم تے جبر دے خلاف ہک علامت تے استعارہ بنا تے پیش کیتے تے آپنے آپ کوں انہاں دا پیر و کارڈ سایا ہے ایں نظم دا ہک بند پیش ہے۔

لوکو!

تھاڈی نگری آیاں بن کے شاہ منصور

شاہ شمس دے وانگے آپنی کھل دی

کفنی گل وچ پا کے

آپنی پھاسی مونڈھیں چاتے

وت میں آگیاں

اٹھو میکوں پتھر مارو

اٹھو میکوں سولی چاڑ (۱۳۲)

سئیں عاشق بزدار دی شاعری وچ فیوڈل ازم تے کمیٹیٹل ازم دے خلاف مزاحمتی شاعری اتے ملا ازم دے خلاف ملامتی شاعری وی ملدی ہے او صوفی ازم دے پیر و کارہن تہوں انہاں دی شاعری وچ بہوں ساری کافیاں ملدیاں ہن۔ انہاں دیاں کافیاں وچ وی حقوق اللہ توں ڈھیر حقوق العباد دی گالھ نظر دی ہے صوفی ازم تے ملا ازم وچ وڈا فرق ہی ایہو

ہے جو ملا حقوق العباد کوں پچھاں رکھ تے حقوق اللہ دی گالھ پہلے کریندن جڈاں جو صوفی حقوق العباد کوں ای حقوق اللہ جتی  
اہمیت ڈیندن ملا آہدے ”رب راضی تے سب راضی“۔ جڈاں جو صوفی آہدن جو ”سب راضی تاں رب راضی“۔ خدائی  
خوش تاں خدا خوش۔

انہاں دی کافی دا اے رنگ ڈیکھو۔

درد و نڈاون والا آوے اللہ سنیں آں

جھوک و ساون والا آوے اللہ سنیں آں

میں کمہڑا میں مونجھا پکھڑو

چوگ و ٹاون والا آوے اللہ سنیں آں

ادھواڑیں وچ مونجھاں کونجاں

گھو گھو گاؤن والا آوے اللہ سنیں آں

پکھیاں دے پئے آلھڑیں سرڈن

بھاہ و ساون والا آوے اللہ سنیں آں

نیل کنھیں ہے رنگیا پانی

ہن کوئی دھاون والا آوے اللہ سنیں آں

ماتم وین تے جوگ دی رت اچ

سہرے گاؤن والا آوے اللہ سنیں آں (۱۳۳)

حب الہی تے عشق حقیقی دی اے کافی ملاحظہ تھیوے جیندے وچ حیاتی تے تصوف دے رازاں تے رویاں کوں

پدھرا کیتا گیا ہے تے اللہ سنیں اگوں نمائندا پہوں دل چھکواں اظہار ملدے۔

جیون محض اڈاری

اووی بس ہک واری

کھمبھیں سرت جے ہووے

اسمانیں ہسواری

نظر سولی سنیں دی

من تاری ہے تاری  
جیون جوگ ہے سوکھی  
بے شک منزل باری  
بازی سیں ہے جیتی  
میں ہاری میں ہاری  
اوکھیں نیز نبھایا

لوں لوں ازاری (۱۳۴)

اوانی کافی وچ حب الہی دے ظاہر کیے خواجہ فریدؒ تے سرائیکی کافی دی ریت تے روایت کلی ریختی سٹائل  
اپنیدن اپنے آپ کوں عورت تے اللہ تعالیٰ کوں مرد دی تمثیل وچ پیش کریندن۔ اوانی آپ کوں سرائیکی صوفیانہ شاعری دی  
ریت روایت کلی اپنے آپ کوں عاشق تے رب کوں معشوق بناتے پیش کریندن تے رب کوں سسی، سہی، مول سول وغیرہ دی  
تمثیل پیش کریندن تے اللہ سوہنے کوں، خان پنل، رامل، رانو وغیرہ دی تمثیل وچ پیش کریندن تے ایں ریختی سٹائل وچ  
اپنی سک چاہ کوں بیان کرن ساکے زانے ہار سنگار دیاں علامتاں تشبیہات تے استعارے پیش کریندن۔

آ ڈیکھ میڈے حالات سجن  
میڈے سر ہے سک سکرآت سجن  
ڈینہ ڈسکیاں بھر بھر شام تھیوے  
رورات کراں پر بھات سجن  
رل ماء پیو ویرن وار کرن  
سب سینگیاں سرتیاں کار کرن  
ہن چاگھاں چوکاں چوٹرفوں  
ہک میں کلہڑی سو ڈات سجن  
تھی عاشق پی کر لاندی ہاں  
نت ماس اپنا پی کھاندی ہاں  
کوئی سکھ دا ساہ نہیں لیکھ میڈے

نت سر ہے سِک سِکرات بجن (۱۳۵)

ہک ہی وکی ڈیکھو:

توں بس سنج ست ماڑ ڈسیدن

آؤ رانا ر ہورات

سینگیاں سرتیاں منہ نہ لاوَن

ڈکھ سکھ دے نہ حال و نڈاؤن

صحن اگواڑتے پوں نہ پاؤن

کتھ رہ گئی مرجات

چونہب کلی تے بیسےر بولے

چوڑے چمراں کن دے جھولے

سارے ہار سنگھار چسولے

ڈے گئیں ڈین دے وات (۱۳۶)

لوکیں دی اکھ وچ عاشق بزدار دی شاعری داوڑ احوالہ مزاحمتی شاعری دا بند ہے۔ پر اے نقاد تے محققین دی کوتاہ

نظری ہے۔ انہاں بہوں ڈھگ سارے شعری حوالے ہن۔ جہاں وچوں ہک حب الہی دی شاعری آلاوی ہے۔

اللہ سوہنے اگوں عجز و انکساری وی کمال دی کریندے ہن۔

اوبھانویں جو خواجہ غلام فرید تے دیگر اولیاء کرام کئی پریکٹیکل صوفی شاعر کہنیاں پر اور انہاں اولیاء کرام دے معتقد تے

پیر و کار ضرور ہن۔ تہوں او تھیوریشکل صوفی شاعر ضرور ہن۔ حب الہی دے حوالے نال انہاں دی بہوں ساری کافیاں، بند

تے مصرعے خواجہ غلام فرید کئی ہے۔ جہاں کوں اور اپنا روحانی تے ادبی استاد تسلیم کریندے۔

خواجہ سیں دی ہک مشہور کافی ڈیکھو؛

سانوں مینگھ ماہاراں

ترس پودی پتل آموڑ مہاڑاں

ہنجڑوں ہاراں واٹ نہاراں

بیٹھی کا نگ اڑاں (۱۳۷)

خواجہ فرید دے ادبی شاگرد ہووَن دی وجہ توں انہاں دی شعری مماثلت اتے روحانی شاگرد ہووَنق پاروں انہاں

دے شعراں وچ حب الہی دی سِک، چاہ تے مماثلت ڈیکھو؛

تیڈی تانگھ دے وچ بیماراں

اکھیاں لوڑھن نیر ہزراں

راتیں ڈینہاں کا نگ اڑاں

ہک واری پا جھات (۱۳۸)

ہک ہی مثال ڈیکھو حیدرے وچ وچھوڑا، سِک، چاہ، حب الہی دی مماثلت نال خیال، الفاظ، ماحول اتے ردیفی

بندش دی وی مماثلت نظر دی ہے۔

ڈے کر دلبر کوڑ دلا سے لٹ نیو دل ساری وویار

میں واری لکھ واری وویار

تھل بروہی روہیں راویں زلدی ڈکھڑیں ماڑی وویار

یار برہوں سرباری وویار (۱۳۹)

پیر فرید دے پیر وکار، عاشق بزدار دی شعری تے روحانی تقلید ملاحظہ کرو۔ شعری کیفیت، ماحول تے حب الہی دی

سک ڈیکھو؛

روہی، تھل، دمان دے پاسے

جیون کچڑا کوڑ دلا سے

سیج بھپ، کھار کرینہ وویار (۱۴۰)

آپنیاں ۳۰ توں ڈھیر کافیاں لکھیاں ہن۔ جیڑھی چھپن کوں تیار ہن۔ انہاں دو موضوع ”حب الہی“ چھڑا کافیاں تیں ای محدود کینیں، بھل انہاں دی غزلاں، نظماں، ڈوہڑیاں وچ وی ڈھگ سارے ویندے ہن۔ انہاں دی غزلاں دے کجھ شعر ڈیکھو، جہاں وچ عشق حقیقی تے مجازی ڈوہائیں دی جس رس نظر دی ہے تے ایہاں خواجہ غلام فرید دی کافیاں دی خوبی وی ہے۔ جو انہاں دی کافیاں وچ عشق حقیقی تے عشق مجازی ڈوہائیں دی چساں نظر دیاں ہن۔ تہوں تاں آہدن، جو انہاں دیاں کافیاں، کافیاں وہ ہن تے غزلاں وی۔ اتھاں عاشق بزدار دی غزلاں دے کجھ شعر مثال کیے پیش ہن۔ جہاں وچ غزلیہ انگ وی ہے تے کافی رنگ وی ہے۔ انہاں داہر شعر (Two in One) نظری۔ تلمیحات، تشبیہات، علاقائی استعارے دے محولے دی ساگی نظری۔

ساہ دی سولی جھوٹے جُہ سینے سک دی سانگ

لوں لوں سنجری شوق دی خوشبو پیت پنل دے وانگ

باہر تن کوں واچھڑ جھمبے اندروں بلدی مچے

چیتے شام دی مرلی وجے من وچ رادھا نچے

میکوں درداں دے وس پاکے توڑا گئیں کچ دے پاسے

اتھاں سنگیں سہلیں دی تڑی تکرار نت راہندے (۱۴۱)

انہاں دی تاں مزاحمتی شاعری وچ وی اولیاء کرام دے تذکرے تے عقیدت ملدی ہے۔ ول کیویں انہاں کوں  
حب الہی رکھن آلا ہک حبیب اللہ شاعر آکھوں۔

کوئی سمجھے یا نہ سمجھے پول سرائیکی  
آہدی دھرتی ماء رائی ہے پول سرائیکی پول

پیر فریدن سیں ایندے وچ واہ واہ سخن الائے  
سچل، لطف علی تے باہو سارے گر سمجھائے  
وسوں نال پیار دے رشتے اشو لال ڈسائے  
رمز حقیقی کھولی ساریں وچ سرائیکی پول (۱۴۲)

عاشق بزدار خواجہ فرید دے روحانی شاگرد تے مرید ہوں تے پورے لٹھے ہن۔ ڈوہائیں ضلع دیرہ غازی خان  
دے وسینک ہن۔ عاشق بزدار نے وی تزمین، تلمیحات، استعاریاں، تشبیہاں تے موضوعات وی ساگی ورتے ہن۔ تے  
ڈوہائیں ہک قدر مشترک وی ہے۔ خواجہ غلام فرید پریکٹکل صوفی تے ملامتی شاعر ہن۔ اتے او تھیوٹرکل مزاحمتی شاعر وی  
ہن۔ جینویں انہاں نواب آف بہاولپور صبح صادق کوں انگریزی استعارے دے خلاف کیئے اے کافی لکھی؛

صبح صادق صاجی مانے یاسہرے گانے گہنے

سہجوں پھلوں سچھ سہاتوں بخت تے تخت کوں چوڑ جھکاتوں

اپنے ملک کوں آپ وساتوں پٹ انگریزی تھانے (۱۴۳)

اتے عاشق بزدار پریکٹکل مزاحمتی بندے تے شاعر ہن او استعاریت دے خلاف باقاعدہ الیکشن لڑدن تے عوام  
دی خدمت کریندن تے تھیوٹرکلی شاعری وی کریندن۔ جیندا ثبوت اسان اُتے مثالاں نال ڈتے۔

## حوالہ جات

- ۱۔ اسلم رسول پوری، دیباچہ، عاشق بزداردی شاعری، قیدی تخت لہوردے، ملتان، جھوک پبلشرز، سن ۲۰۱۴ء، ص: ۹
- ۲۔ عاشق، ”قیدی تخت لہوردے“، ص: ۶۷
- ۳۔ Daffodils, Five Poets, Khan Publishers, Multan, P:17
- ۴۔ لطف علی بہاولپوری، مثنوی سیف الملوک، بہاولپور، اردو اکیڈمی، سن ۱۹۹۴ء، ص: ۲۰۵
- ۵۔ کیفی جامپوری، سرائیکی شاعری، ملتان، بزمِ ثقافت، سن ۱۹۶۹ء، ص: ۲۵۳
- ۶۔ خواجہ فرید، پیام فرید، مرتبہ ڈاکٹر مہر عبدالحق، ملتان، بیکن بکس، سن ۲۰۰۶ء، ص: متفرق
- ۷۔ اشوال فقیر، سندھ ساگر نال ہمیشاں، کروڑ، چوپال ادبی فورم، ۲۰۰۲ء، ص: ۳۲
- ۸۔ رفعت عباس، پرو بھرے ہک شہر اچوں، ملتان، بیکن بکس، ۲۰۰۲ء، ص: ۲۳
- ۹۔ خان بزدار، عاشق، ”قیدی تخت لہوردے“، ملتان، جھوک پبلشرز، ۲۰۱۴ء، ص: ۲۷
- ۱۰۔ خواجہ غلام فرید، دیوان فرید، مرتبہ جاوید چانڈیو، بہاولپور، سرائیکی ادبی مجلس، ۱۹۹۸ء، ص: ۷۹
- ۱۱۔ مہر عبدالحق، لغات فریدی دیوان فرید، مرتبہ: جاوید چانڈیو، بہاولپور، سرائیکی ادبی مجلس، ۱۹۹۸ء، ص: ۵۹۰
- ۱۲۔ خان بزدار، عاشق، ”قیدی تخت لہوردے“، ملتان، جھوک پبلشرز، ۲۰۱۴ء، ص: ۲۷
- ۱۳۔ ساگی، ص: ۳۰
- ۱۴۔ ساگی، ص: ۲۶
- ۱۵۔ ساگی، ص: ۲۶
- ۱۶۔ ساگی، ص: فلیپ
- ۱۷۔ علی حیدر، کلیات علی حیدر، لاہور، پاکستان پنجابی ادبی بورڈ، ۱۹۸۸ء، ص: ۱۲۹
- ۱۸۔ رفعت عباس، پرو بھرے ہک شہر اچوں، ملتان، بیکن بکس، سن ۲۰۰۲ء، ص: ۲۶
- ۱۹۔ سرائیکی قومی تناظر، حفیظ خان، ص: ۱۵
- ۲۰۔ کالم، ظہور دریچہ، سرائیکی قومی تحریک کا معتبر نام، عاشق بزدار، ملتان، روزنامہ خبریں، ۲۵ اگست ۲۰۱۱ء
- ۲۱۔ قیدی تخت لہوردے، ص: ۲۷
- ۲۲۔ ساگی، ص: ۳۵

- ۲۳۔ ساگی، ص: ۴۲
- ۲۴۔ ساگی، ص: ۶۳
- ۲۵۔ ساگی، ص: ۱۰۱
- ۲۶۔ ساگی، ص: ۱۰۱
- ۲۷۔ اشولال فقیر، چھپرہ تھ نہ مرلی، ملتان، کتاب نگر، سن ۱۹۸۹ء، ص: ۱۸
- ۲۸۔ ”قیدی تخت لہوردے“، دیرہ غازی خان، ایمکو ویلفیئر فاؤنڈیشن، ص: ۲۷
- ۲۹۔ ساگی، ص: ۶۳
- ۳۰۔ قیدی تخت لہوردے، نظم: سلیمان پہاڑی دی گواہی، ص: ۴۷
- ۳۱۔ قیدی تخت لہوردے، نظم: سلیمان پہاڑی دی گواہی، ص: ۴۸
- ۳۲۔ قیدی تخت لہوردے، نظم: سلیمان پہاڑی دی گواہی، ص: ۴۸
- ۳۳۔ قیدی تخت لہوردے، نظم: سلیمان پہاڑی دی گواہی، ص: ۴۹
- ۳۴۔ عاشق، قیدی تخت لہوردے، نظم: لالہ، ص: ۳۷
- ۳۵۔ عاشق، قیدی تخت لہوردے، نظم: ساڈی دھرتی، ص: ۲۹
- ۳۶۔ عاشق، قیدی تخت لہوردے، نظم: وسیب، ص: ۲۹
- ۳۷۔ عاشق، قیدی تخت لہوردے (غیر مطبوعہ کلام)
- ۳۸۔ عبدالحمید تگہ، پروفیسر، جدید عمرانیات، اے ایچ ٹی پبلشرز، لاہور، ۲۰۱۹ء، ص: ۱۸۱
- ۳۹۔ ساگی، ص: ۱۸۱
- ۴۰۔ قیدی تخت لہوردے، نظم: سلیمان پہاڑی دی گواہی، ص: ۴۶
- ۴۱۔ قیدی تخت لہوردے، نظم: سلیمان پہاڑی دی گواہی، ص: ۴۴
- ۴۲۔ قیدی تخت لہوردے، نظم: سلیمان پہاڑی دی گواہی، ص: ۴۴
- ۴۳۔ قیدی تخت لہوردے، نظم: ساہ سنگ، ص: ۵۳
- ۴۴۔ عاشق، قیدی تخت لہوردے، نظم: بابل، ص: ۵۴
- ۴۵۔ عاشق، قیدی تخت لہوردے، نظم: نراس، ص: ۱۰۴



- ۴۶۔ اشکر فاروقی، پروفیسر، جام پوری، تخت لہور کا باغی شاعر، ملتان، روزنامہ خبریں، ۱۵ مئی ۲۰۰۸ء
- ۴۷۔ محبوب تابش، فلیپ قیدی تخت لہور دے، ملتان، جھوک پبلشرز، ۱۹۸۶ء، ص: فلیپ
- ۴۸۔ قیدی تخت لہور دے، نظم: مراسنی، ص: ۹۸
- ۴۹۔ Smith Russel Garden, fugitive papers, newyark, ceumbiouniversity, 1930, p: 3
- ۵۰۔ قیدی تخت لہور دے، نظم: وسیب، ص: ۲۸
- ۵۱۔ عاشق، قیدی تخت لہور دے، نظم: شجرے، ص: ۳۴
- ۵۲۔ عاشق، قیدی تخت لہور دے، نظم: سلیمان پہاڑی دی گواہی، ص: ۴۸
- ۵۳۔ عاشق، قیدی تخت لہور دے، نظم: کاک کندھی، ص: ۶۳
- ۵۴۔ قیدی تخت لہور دے، نظم: کورٹ مارشل، ص: ۱۱۰
- ۵۵۔ قیدی تخت لہور دے، نظم: نراس، ص: ۱۰۵
- ۵۶۔ قیدی تخت لہور دے، نظم: موہائے (غیر مطبوعہ کلام)
- ۵۷۔ عاشق، قیدی تخت لہور دے، نظم: وسواس، ص: ۵۱
- ۵۸۔ عاشق، قیدی تخت لہور دے، نظم: اسماں قیدی، ص: ۳۱-۳۲
- ۵۹۔ عاشق، قیدی تخت لہور دے، (غیر مطبوعہ کلام)
- ۶۰۔ مرید عارف، کھرے اکھر، دیرہ غازی خان، ناصر پبلی کیشنز، ۲۰۱۷ء، ص: ۷۵
- ۶۱۔ محمد ممتاز خان، جدید سرائیکی شاعری دا اہو کا بندہ، رفعت، (ان چھپیل کلام)، ملتان، جھوک پبلشرز، ۲۰۰۷ء، ص: ۵۴
- ۶۲۔ عاشق، قیدی تخت لہور دے، نظم: کاک کندھی، ص: ۱۸
- ۶۳۔ عاشق، قیدی تخت لہور دے، دیباچہ، ص: ۲۵
- ۶۴۔ عاشق، قیدی تخت لہور دے، نظم: شجرے، ص: ۳۳
- ۶۵۔ عاشق، قیدی تخت لہور دے، نظم: وسواس، ص: ۵۱
- ۶۶۔ قیدی تخت لہور دے، نظم: سلیمان پہاڑی دی گواہی، ص: ۴۹
- ۶۷۔ قیدی تخت لہور دے، نظم: سلیمان پہاڑی دی گواہی، ص: ۴۹

- ۶۸۔ قیدی تخت لہوردے، (غیر مطبوعہ کلام)
- ۶۹۔ اسلم عزیز درانی، پروفیسر، عاشق بزدار کی مزاحمتی شاعری، خبریں، وسیب سنگ، ۱۵ مئی ۲۰۱۵ء
- ۷۰۔ قیدی تخت لہوردے، نظم: وین، ص: ۸۶
- ۷۱۔ قیدی تخت لہوردے، نظم: سلیمان پہاڑی دی گواہی، ص: ۴۷
- ۷۲۔ عاشق، قیدی تخت لہوردے، نظم: لالہ، ص: ۳۶
- ۷۳۔ قیدی تخت لہوردے، نظم: جاگ، ص: ۵۹
- ۷۴۔ قیدی تخت لہوردے، نظم: جاگ، ص: ۶۰
- ۷۵۔ قیدی تخت لہوردے، نظم: شماں پہاڑی دی گواہی، ص: ۸۱
- ۷۶۔ قیدی تخت لہوردے، نظم: تلوار، ص: ۹۱
- ۷۷۔ (غیر مطبوعہ کلام)
- ۷۸۔ قیدی تخت لہوردے، نظم: راکھا، ص: ۶۷
- ۷۹۔ قیدی تخت لہوردے، نظم: کورٹ مارشل، ص: ۱۰۶
- ۸۰۔ قیدی تخت لہوردے، نظم: کورٹ مارشل، ص: ۱۰۷
- ۸۱۔ قیدی تخت لہوردے، نظم: وسواس، ص: ۵۱
- ۸۲۔ قیدی تخت لہوردے، نظم: ساہ سنگ، ص: ۵۴
- ۸۳۔ قیدی تخت لہوردے، نظم: چپ دی سولی، ص: ۷۰
- ۸۴۔ قیدی تخت لہوردے، نظم: وین، ص: ۸۶
- ۸۵۔ قیدی تخت لہوردے، نظم: میں تے توں، ص: ۵۰
- ۸۶۔ قیدی تخت لہوردے، نظم: ساہ دی پھاسی، ص: ۶۲
- ۸۷۔ قیدی تخت لہوردے، دیباچہ: کاک کندھی دا، شاعر، تحریر: اشولال فقیر، ص: ۱۴
- ۸۸۔ قیدی تخت لہوردے، نظم: وین، ص: ۸۳
- ۸۹۔ قیدی تخت لہوردے، نظم: سوجھوانی، ص: ۷۳
- ۹۰۔ قیدی تخت لہوردے، نظم: محبوب، ص: ۵۶

- ۹۱۔ قیدی تخت لہوردے، نظم: ۲۱ جون، ص: ۸۸
- ۹۲۔ قیدی تخت لہوردے، نظم: وسیب، ص: ۲۷
- ۹۳۔ قیدی تخت لہوردے، نظم: ص: ۴۶
- ۹۴۔ قیدی تخت لہوردے، اسلم رسولپوری، دیباچہ عاشق بزداردی شاعری، -- ساگی --، ص: ۸
- ۹۵۔ قیدی تخت لہوردے، نظم: مراسن، ص: ۹۷
- ۹۶۔ قیدی تخت لہوردے، نظم: بابل، ص: ۷۶
- ۹۷۔ قیدی تخت لہوردے، نظم: ونڈ، ص: ۶۶
- ۹۸۔ قیدی تخت لہوردے، نظم: غربت جگ بدنام، ص: ۴۰
- ۹۹۔ قیدی تخت لہوردے، نظم: کاک کندھی، ص: ۶۳
- ۱۰۰۔ قیدی تخت لہوردے، نظم: خواب، ص: ۹۴
- ۱۰۱۔ قیدی تخت لہوردے، نظم: مراسن، ص: ۹۸
- ۱۰۲۔ قیدی تخت لہوردے، نظم: دھرتی دابازار، ص: ۹۹
- ۱۰۳۔ قیدی تخت لہوردے، ص: ۱۰۳
- ۱۰۴۔ نظم: پکھی واس (غیر مطبوعہ کلام)
- ۱۰۵۔ قیدی تخت لہوردے، نظم: ۲۱ جون، ص: ۸۹
- ۱۰۶۔ دیباچہ: عاشق بزداردی شاعری، -- ساگی --، ص: ۱۰
- ۱۰۷۔ قیدی تخت لہوردے، نظم: ماءڑی ماء، ص: ۱۱۴
- ۱۰۸۔ دیباچہ: از غلام خُر خان کنڈائی، -- ساگی --، ص: ۲۲
- ۱۰۹۔ دیباچہ: از غلام خُر خان کنڈانی، -- ساگی --، ص: ۲۳
- ۱۱۰۔ جمیل مرغز، کارل مارکس نے ٹھیک کہا تھا، روزنامہ ایکسپریس، ملتان، ۲۰ مارچ ۲۰۲۰ء
- ۱۱۱۔ قیدی تخت لہوردے، نظم: ونڈ، ص: ۶۵
- ۱۱۲۔ دیباچہ: -- ساگی --، ص: ۲۵
- ۱۱۳۔ قیدی تخت لہوردے، نظم: کورٹ مارشل، ص: ۱۱۳

- ۱۱۴۔ قیدی تخت لہوردے، نظم: جواب، ص: ۹۲
- ۱۱۵۔ قیدی تخت لہوردے، نظم: وسین، ص: ۸۵
- ۱۱۶۔ قیدی تخت لہوردے، نظم: نراس، ص: ۱۰۴
- ۱۱۷۔ قیدی تخت لہوردے، نظم: وسین، ص: ۸۶
- ۱۱۸۔ قیدی تخت لہوردے، نظم: وسین، ص: ۸۵
- ۱۱۹۔ قیدی تخت لہوردے، نظم: لالین، ص: ۳۷
- ۱۲۰۔ قیدی تخت لہوردے، نظم: سلیمان پہاڑ دی گواہی، ص: ۴۵
- ۱۲۱۔ قیدی تخت لہوردے، نظم: قلم تلوار، ص: ۹۰
- ۱۲۲۔ قیدی تخت لہوردے، نظم: قلم تلوار، ص: ۹۱
- ۱۲۳۔ قیدی تخت لہوردے، نظم: محبوب، ص: ۵۷-۵۸
- ۱۲۴۔ قیدی تخت لہوردے، نظم: وسیب، ص: ۲۷
- ۱۲۵۔ قیدی تخت لہوردے، نظم: ماءڑی ماء، ص: ۱۱۴
- ۱۲۶۔ قیدی تخت لہوردے، نظم: وسیب، ص: ۲۸
- ۱۲۷۔ قیدی تخت لہوردے، نظم: اسماں قیدی، ص: ۳۱
- ۱۲۸۔ قیدی تخت لہوردے، نظم: سلیمان پہاڑ دی گواہی، ص: ۴۶
- ۱۲۹۔ قیدی تخت لہوردے، نظم: نراس، ص: ۱۰۴
- ۱۳۰۔ قیدی تخت لہوردے، نظم: کورٹ مارشل، ص: ۱۰۹
- ۱۳۱۔ قیدی تخت لہوردے، نظم: کورٹ مارشل، ص: ۱۱۳
- ۱۳۲۔ قیدی تخت لہوردے، نظم: ماءڑی ماء، ص: ۱۱۵
- ۱۳۳۔ قیدی تخت لہوردے، نظم: تساں وززبر، ص: ۱۰۳
- ۱۳۴۔ خواجہ فرید، پیام فرید، مرتبہ: ڈاکٹر مہر عبدالحق، ملتان، بین بکس، ۲۰۰۶ء، ص: ۳۰
- ۱۳۵۔ شمیم عارف قریشی، عشق اللہ سیں جا گیا، ملتان، جھوک پبلشرز، ۲۰۱۲ء، ص: ۱۶
- ۱۳۶۔ (غیر مطبوعہ کلام)

- ۱۳۷۔ (غیر مطبوعہ کلام)
- ۱۳۸۔ قیدی تخت لہوردے، نظم: اسماں قیدی، ص: ۳۱
- ۱۳۹۔ (غیر مطبوعہ کلام)
- ۱۴۰۔ (غیر مطبوعہ کلام)
- ۱۴۱۔ (غیر مطبوعہ کلام)
- ۱۴۲۔ (غیر مطبوعہ کلام)
- ۱۴۳۔ (غیر مطبوعہ کلام)

## چوتھا باب:

### نثری خدمات

#### ادبی و تنقیدی مضامین:

سئیں عاشق بزدار ہک ہمہ جہت تے متحرک شخصیت ہن۔ انہاں دی شخصیت دے کئی پہلو ہن۔ اوہک پریکٹیکل تھیوریٹیکل شاعری ہن۔ نثر نگاری ہن۔ تجزیہ نگاری ہن۔ کالم نگاری ہن۔ سرائیکی ادبی تحریک دے متحرک رکن وی ہن۔ سرائیکی سماجی حقوق دے حصول کیلئے ہک متحرک رہنما وی ہن۔ اے سرائیکی سماجی، ادبی معاشرتی، ثقافتی تے معاشی پدھر، سرائیکی میلہ مہرے والا دے رہنما تے میزبان وی ہن۔ اے گنوائے گئے سارے کم انہاں دے بنیادی تعارف ہن۔ اے ہر ہک بنیادی تعارف دے تلے ڈھگ سارے انہاں دے ثانوی تعارف وی بندے ہن۔ مثلاً او شاعر ہن تاں نظم، غزل، کافی، ڈوہڑہ، دے شاعر ہن۔

انہاں دے فن و فکر دے موضوعات دی ہک لمبی تندیر ہے۔ جنہاں وچوں چھڑا گجھ زمان و مکان دی کمی دی خاطر ایس مقالے وچ گنوائیاں گیاں ہن۔ جے انہاں دا متحرک سرائیکی رہنما دا تعارف گھنوں تاں او سرائیکی دی پردیسی تے ملکی کانفرنس وچ وی مدعو کیلئے ویندن تے او اوں پدھر تے حاضری تھیدن۔ اوہک سرائیکی ادبی تے ثقافتی تنظیم سرائیکی لوک سانجھ دے بانی رہنما وی ہن تے ایس تنظیم دے زیر اہتمام ہر سال اپنی دستی مہرے والا ضلع راجن پور وچ سرائیکی میلہ وی کرویندن۔ جیندے وچ ناچھڑاوسی، بھل ملک تے دنیاوی چنڈ چنڈتوں سرائیکی ادبی تے ثقافتی دانشور حاضر تھیدن تے ایس میلے وچ شرکت انہاں دانشوراں تے رہنماواں دی وجہ توں چار چندر لگ ویندن۔

بھل انہاں دی اپنی شہرت، عزت اے تعارف وچ وی وادھا تھیدا ہے۔ ایس پدھر تے چکن ہر دانشور رہنما تے پروفیسر دی سک ہوندی ہے۔ سرائیکی وسیب وچ جاء جاء تے وکھ وکھ تنظیمیں بندیاں تے چل تے کلدیاں رہیاں پر سرائیکی لوک سانجھ انہاں ڈو ترائے تنظیمیں وچوں ہک ہے۔ جیڑھیاں اپنی بنیاد دے پہلے ڈیہنہ کنوں لاتے ہن تیں چلدیاں پیاں ہن۔

سرائیکی لوک سانجھ دے تحت سرائیکی میلہ وی تھیندا پئے۔ ایس ویلے دی اہمیت تحریک بارے سئیں عبدالباسط بھٹی

لکھدن:

”عاشق بزدار آج توں ستاویں سال پہلے راجن پور دے علاقے، فاضل پور

دی دستی ”مہرے والا“ ایچ سالانہ سرائیکی میلے دامنڈھ بدھا۔ اونویں تاں میلے مار کے

ساڈی تہذیبی حیاتی داسمل ہن پر عاشق بزدار دا میلہ عام میلیاں توں ہٹ تے  
 ہوندے۔ بزدار صاحب دے میلے دھرتی دے موئے ماندے لوکاں کوں شاعری،  
 نائک تے جھمر دے رستے جیون دی ڈس ڈتی اے۔ عاشق بزدار دھرتی واسیاں کوں  
 مونجھ اچوں کدھ تن ڈن دے دگ تے ٹورئے۔ انہاں میلیاں اچ آون آلے  
 جھومری لوکاں کوں سرچا جیون دی ڈس ڈیندن۔ قلم کتاب دارستہ ڈکھیندن۔ جھک  
 نوائی، عاجزی تے بھرا بھر پی داسبق پڑھیندن۔“ (۱)

ایندے کنوں انج نثر نگاری وچ وی انہاں دے ڈھیر سارے پگھ ہن۔ اوکالم نگار ہن۔ نقاد تے تجزیہ نگار ہن۔  
 انہاں دا اے کم وی شعبہ جزلم کیے ہک تحقیقی تے تنقیدی تحقیق دامتقاضی ہے۔  
 انہاں داسرائیکی وچ نثر نگاری دے ڈ وپگھ ہن۔ ہک تاں کہیں موضوع تے تحقیقی تے تنقیدی مضامین آتے ڈ وچھا  
 کہیں کتاب تے فلیپ یا دیباچے ہن۔ اتھاں اساں پہلے انہاں دے ادبی تحقیقی تے تنقیدی مضامین دا ویورا کریندے  
 ہیں۔

انہاں دے تنقیدی مضامین وی تحقیقی تے تنقیدی معیار رکھیندن۔ غلام خان تے لکھیل ہک تنقیدی مضمون ملاحظہ  
 تھیوے۔

## تھل داراجہ رانجھا جوگی:

وادی نیوادے مقام کربلا دی نسبت نال کربلائی سوچیں دا امین، ثناء خوانی شبیر دے سمندر دا شناور چیتے وچ  
 سلمان فارسی دی فکر دا سودا، ابوذر مزاج، جادہ حسینی دارا ہوار، غم شبیر دی تصویر، ایس مستند تے شاہکار حوالے دا انسان جیندی  
 اکھ وچ غم حسین دی رت ول، جیندے لہجے وچ شام غریباں دی غربت، سوچل سوچیں دا وارث، آپنے سرائیکی وطن دا  
 معتبر مہاندرا، سرائیکی لوک دانش دا نمائندہ، فقیری ذوق نال دارا شکوہ دا صحبتی، منصور حلاج دا طرفدار، سرمد اسنگتی، سقراط دا ہم  
 خیال فن دی ساریں شکلیں دا نشا برمجی۔

اگل وچ سوچ سنگار دے کنٹھے کن وچ مندرے پاتے  
 تھل دا راجہ رانجھا آیا جوگی ولس وٹا تے  
 او جوگی پر روگی کوں ونج ملیا در کھڑکا تے  
 ملخ دمان کوں کھیوا کیتس رنگی روپ بنا تے

جئیں آپنے کہیں پچھلے جنم دے پکھی واس سنگتی دی گول اچ دمان داسفر کیتا تے نواب غازی خان میرانی دے شہر  
 اچ اَن گولیا۔ میکوں اُنہاں ڈوہیں وچھڑیے یاریں داملاپ یاد اے۔ ہک ڈوجھے کوں سنجان اگل لگ رُنے ہن۔ ملے  
 تاں وت اُنہاں کوں موت نکھیڑیا۔ سرور کر بلائی، سرور کر بلائی نکھڑیا غلام حُر اوندے نکھیڑے دا ڈکھ وندا ونڈا ونڈا کارن جیندا  
 رہیا۔ تھل دے واسی غلام حُر دمان دی سنگت کوں کیا ڈتا؟ سرور کر بلائی اَتے غالب شناسی، محبت اَتے آپنیت۔ غلام حُر غالب  
 تے سرور دے شعر اَتے اُنہاں دے خط سُنو سُن دیں کاغذ دے سینے تے بے قرار چمچلے قلم دا بانگن ڈکھیندا ہا اَتے اوندی  
 ہچکی وی سُنو سُندا ہا۔ غلام حُر جڈاں سرور دامر شہ لکھیا تاں پتہ لگا جو او آپ کے جیڈا شاعر اے۔ سرور کر بلائی جہیں محبت اے  
 پیار دے دیوتا دے نکھڑن دے بعد اوندی سموری سنگت کوں سرور داپیار تے اِتبار ڈتا۔

حُر اَتے سرور دیں شکلیں، مزاجیں تے لباسیں وچ مماثلت سرور دی جدائی دا احساس گھٹ تھیون ڈتا۔ پنچویں،  
 چھیویں مہینے حُر خان دا پھر اپیشک کوئجیں آلا پھیرا ہوندا ہا پر او کوئج کرلاٹ تاں سُنو سُندا ہا اَتے دیں کوں درد دیاں جاگاں لیندا  
 ہا۔ سرور کر بلائی تے حُر خان دارشتہ محبت تے محبوب دارشتہ ہا۔ ڈوہیں ہک ڈوجھے دے محبوب وی ہن تے حُب وی۔ لکھے شاہ  
 آکھیا ہا:

رانجھا رانجھا کردی نی میں آپ ای رانجھا ہوئی

ڈوہیں کٹھے بہن ہاتاں کہیں ویلھے اُنہاں دی وکھری سنجان مشکل تھی ویندی ہائی۔ سرور موت دا ملخ و سایا تاں ایں  
 دنیا تے اوکوں جیندا رکھن سانگے غلام حُر خان ڈاکٹر محمد افضل خان ڈھانڈلہ کوں رَلا اُنہاں دی شاعری دیاں ڈوکتاں ”بجھ  
 داسینہ“ اَتے ”نغمے نوک سنان دے“ سنگت تے وسیب کوں ڈتیاں اَتے سید مالک اُسترا اُنہاں دی تحریک تے سرور کر بلائی  
 دی شخصیت اَتے فن دے ناں نال شاندار کتاب آندی۔ ساڈی دھرتی دے سوجھوان غلام حُر خان دے نکھیڑے سرور خان  
 دی جدائی کوں نواں کر ڈتے۔ غلام حُر دا اے ہڈا سرور دی یاد دا پڑوی ہے۔ میں آپنے دل تے تھل دی اکھ نال ڈیہدا پیاں جو  
 ایں تعزیتی تے مکانی کھ اچ اتھائیں، کتھائیں ساڈے آسوں پاسوں ساڈے وچ، ساڈے کٹھے اوڈھراچ رَلے پٹھن۔  
 میں ایں سانگے غلام حُر کوں اتھائیں محسوس کریندیں آہاں یار! تیں تاں آکھیا ہا منصور خان دریشک کوں زواری تے حج دی  
 مبارک باد ڈیون آساں تے ول روہی جُلسوں۔ تیں تاں ات واری فقیرے بھگت دی برسی تے جُلناں ہا۔ راجے راول دا  
 قلعہ ڈراوڑ ڈیکھناں ہاجیر ہا ساڈیں شادیں دے سہریں اچ پھلیں آلی کار پوتا ہو یا اے:

کنکن گھڑا ڈے ڈے ڈراور دی نشانی

پوپا گھڑا ڈے ڈے ڈراور دی نشانی



ہاکڑے وچوں کاک نہیں دی بھک تے موئل دی ماڑی دے آثار گولنیں ہن۔ ستلج دی ترہہ تس ڈیکھنی ہائی۔  
 روہیلیں دیاں محرومیاں، بگھ، ڈکھاتے باہروں آون آلی حاکم قوم دی طرفوں زمینیں تے کیتے قبضے، سرانیکیں دی غلامی آتے  
 پنجابیں دی حاکمیت کوں اکھیں نال ڈیکھنا ہا۔ خواجہ فرید دی جھوک تے جُلناں ہا۔ فرید دے کندے دی چھاں تے سہی کڈھنی  
 ہائی۔ خواجے آکھیا ہا:

جتھ کرر کنڈا پوئی ڈھیر اے

اُتھ درد منداں دے دیرے

غلام خُر خان دے مزاج دی فقیر ویں سچ دھج امیریں توں خراج گھندی ہائی تے وسے دی بادشاہی اوندی قلندر  
 مزاجی توں شان و شوکت پیندی ہائی۔ غلام خُر نال محبت کرن آلیں داہک جہان اے۔ محمد افضل ڈھاندلہ، جابر علی خان میرانی،  
 اطہر علی خان، منظور خان دریشک، صوفی تاج گویا نگ، عزیز شاہد، عبدالرؤف لُند، فدا حسین پُشہ، سید مالک اُشتر، عصمت  
 نواز، اقبال سوکڑی، اصغر گورمانی، مصطفیٰ خادم، سعید پٹھان، قاری بلال، فرید ڈاہا، سہیل بزدار کیندا کیندا ناں گھنچے۔ درد وند  
 لوکیں دے درد آشنا، بے نوا لوکیں دے ہم نوا آتے لاچار لوکیں دے چارہ گر عیسیٰ ابن مریم دے صلیب پاوَن تے خلیل  
 جبران آکھیا ہا:

اُو پھروں یرو شلم دیاں گلیاں متاں

کوئی چٹاں لہہ گھنوں

میں آکھساں اُو پھروں تھل دے تل وچ لیہ، بکھر، میانوالی، جھنگ اچ متاں کوئی چٹاں لہہ گھنوں جیر ہا غلام خُر دی  
 بھاند ڈیوے جیر ہا۔ ”غلام خُر دی ڈس ڈیوے۔“ (۲)

سئیں عاشق بزدار دے تنقیدی مضامین وکھو وکھ ادبی رسالیں وچ چھپدے رہ ویندن۔ کڈاھیں کڈاھیں  
 رسالیاں دے مدیر انہاں دے تنقیدی شعور پاروں وی انہاں کنوں مضامین لکھویندے ہن۔ آتے کڈاھیں کڈاھیں  
 کتابیں تے تنقیدی تبصرے انہاں دے لکھیل کتابیں تے تبصرے وی چھپدے رہ ویندن۔ مثلاً ماہنامہ سنہڑا، بہاولپور دے  
 قاسم جلال نمبر، وچ انہاں دی ڈو کتاباں، ”پھلاں دی سیج“، آتے ”التا“ قابل ستائش ہے۔ تے تبصرے قابل ستائش ہن۔  
 کتاب ”پھلاں دی سیج“ تے انہاں دا تبصرہ ڈیکھو، جیندے وچ انہاں دے ادبی تے تنقیدی شعور دی وی جا  
 نکاری ملدی ہے۔

”سید قاسم جلال دی شاعری آپنی سادگی دے حوالے نال عوامی شاعری دی سند بن گئی ہے۔ بے شک جتھاں

استعارے کوں شاعری یا ادب دیاں ڈوجھیاں صنفوں دی زندگی دی حیثیت حاصل ہے۔ اتھاں دوردا استعارہ ابلاغ دے رشتے دابارا پتھر بن ویندے۔ شعروچ کہیں وی کیفیت دے سادے اظہار توں قاری ابلاغ دی فوراً چس چیندے۔

اساڈے سرائیکی وسیب اچ متوازن ذہن دے لوکیں دے اکثریت اے۔ ایں سانگے قاسم جلال وی متوازن ذہن دے لوکیں سانگے شاعری کیتی اے۔ انہاں ”پھلاں دی سیج“ اچ نویل ترکیباں کوں ورتاون دی چنگی کوشش کیتی اے۔ ”پھلاں دی سیج“ دیاں غزلاں، نظماں کوں سہنیاں لکھیاں انگین۔ بھل ”روہی دی بہار“ ہک اتجھی نظم اے جیڑھی کتاب دے متھے دا جھمر اے۔ (۳)

شاعری توں انج نثر نگاری تے وی انہاں دے تبصرے ہک باشعور نقاد آلے ہن۔ سید قاسم جلال دی تنقیدی کتاب ”التا“ تے انہاں تنقید شعور دی عکاسی کریندی ہے۔

”میں سمجھداں جو سید قاسم جلال شاعر تووڈ انٹر لکھن آلا تے تنقید نگار ہے۔ تنقید انجھان ہے۔ جیڑھا ادب دیاں ساریاں اصناف داسردار ہے۔ تنقید دی ٹھی اچ شاعری اتے نثر دے سارے رنگ، جلدے، بلڈے رہ ویندن۔ تنقید نگار ہک ماہر سرجن آلی کار قلم دان نثر ہتھ اچ گھن تے سرجری کریندن۔ ادیبیں دیاں لکھن دیاں خامیاں، خوبیاں، کمیماں پیشیاں، سنوریندا، بحقید اتے تھہیندا ویندے۔

سرائیکی وسیب اچ شاعری ہوں لوکیں کیتی اے۔ ساڈی ادبی تاریخ اچ شاعری دا ہک بیش بہا خزانہ موجود اے۔ ایندے مقابلے وچ تنقیدی کم دا ہتھ سوڑا ہے۔ جیندی وجہ کنوں ساڈا ادب کٹھالی وچ نیں پے سگیا۔ ایں سانگے اکثر کچا پکا لگدے۔ ساڈے وسیب کوں ہن زیادہ تنقید نگاری دی لوڑ ہے۔ خوشی دی گالھ اے۔ جو سید قاسم جلال ہوریں شاعر ہوں دے نال نثر نگار تے نقاد وی ہن۔ انہاں کوں پتہ ہوسی۔ جو تنقید ددی آوی تے لکھتاں کیوں تڑکدن۔

انہاں دی کتاب ”التا“ ڈیکھن تے پڑھن دا موقع ملینے۔ جیڑھی سرائیکی تنقیدی مضموناں دا مجموعہ ہے۔ اے خوبصورت گیٹ اپ جلد گھٹی ہوئی سہنی کتاب اے جیکوں ول ول ڈیکھن تے پڑھن کوں دل آہدے انہاں وڈی محنت تے مہارت نال شخصیتاں، سرائیکی ادبی صنفوں اتے کجھ سرائیکی اتے مختصر تنقیدی مضمون لکھن۔ اتے میں اے وی اکھساں جو انہاں اپنے زیر تنقید موضوعات نال انصاف کرن دی کوشش کیتی ہے۔ بے شک کجھ کمیماں لاشیاں وی ہوں۔ ہک ڈودی نشاندہی میں کریاں۔

☆ ہک تاں بابا فرید دے کجھ اشلوک نمونے دے طور تے پیش کیتے وںجن ہا۔

☆ ڈوجھا چراغ اعوان دی ہیر دا کوئی ہک ادھ بند نمونے سانگے لکھیا ونجے ہا۔

☆ میں چمک دے باوجود مضمون بہتر طور سے لکھیے گئے ہن۔ (۴)

پروفیسر ارشد اقبال ارشد ”تنقید“ دی ایس طرحاں تعریف کریندن:

”جیسے ہم چاندی کے سکے کو گھسا کر دیکھتے ہیں۔ وہ کھوٹا ہے یا کھرا؟ ایسے

ہی کسی تحریر کو پرکھنا اور اس کی خوبیاں اور خامیاں سامنے لے آنا تنقید کہلاتا ہے۔“ (۵)

سب سے عاشق بزدار دی تنقیدی صلاحیت درج بالا تنقید دی تعریف دے عین مطابق ہے۔ اوستائشی تنقید نہیں کریندے۔ بھل جیڑھے موضوع سے قلم چیندن او انہاں خامیاں تے خوبیاں ڈوہائیں نشا بر کریندے ہن۔ مثال دے طور تے سید قاسم جلال دی کتاب ”التا“ تے کیتی گئی تنقید انہاں کتاب دی خوبیاں گنویندے ہوئے کتاب دے ٹائٹل تیں دی تعریف کیتی ہے۔ پرایں کتاب دی خامیاں وی نشا بر کیتیاں ہن۔ جو انہاں بابا فرید تے چراغ اعوان دے کلام تے تنقید کریندے ہوئے، نمونہ کلام پیش نہیں کیتا۔

پاکستان وچ ہمیشہ ستائشی تنقید کیتی گئی ہے۔ بھل او تنقید نہیں ہوندی۔ بلکہ کہیں تخلیق بارے تعریفی نوٹ ہونے۔ بہوں گھٹ اتجھے نقاد ہن۔ جیڑھے تخلیق وچ خامیاں تے نقائص بارے گالھ کریندن۔

ایندے توابع انہاں دے تنقیدی شعور تے علم بارے وی انہاں دی معلومات تے نظریات بہوں واضح ہن۔ انہاں کتاب التا تے تنقید کرن کنوں پہلے نظریاتی تنقید دی تعریف تے وضاحت کیتی ہے۔ جیکو پڑھ کراہیں انہاں علمی تنقید بارے وی ڈس ملدے تے شاعراں، نثر نگاراں تے کتاباں تے کیتی گئی انہاں دی تنقید توں انہاں دے عملی تنقید دے شعور بارے وی ڈس ملدے۔

او واقعی ہک ہر فن مولا شخصیت ہن۔ شاعری وچ او جدید شاعراں دی اگلی قطار وچ کھڑن۔ کالم نگاری وچ اور وسیب دی سیاسی، سماجی، معاشی تے معاشرتی حیاتی دے ڈکھاں کوں بیان کرن آ لے سرائیکی وسیب دے سپراں دی وی اگلی قطار وچ کھڑن۔ جنہاں وچ روف کلاسرا۔

**فلیپ:**

عاشق بزدار ڈھگ ساری کتابیں دے فلیپ لکھن۔ اتے فلیپ چھڑا انہاں دانشوراں کنوں لکھوایا ویندے۔ جیڑھے استاد دے پدھر تے بیٹھے ہوون۔ احباب کوں پتہ ہووے۔ جو اے شخص علم و فن دے لحاظ نام صاحب الرائے ہے۔ اتے اوندی رائے معتبر تے مستند وی ہے۔ کیوں جو انہاں کتاباں تے یا شاعراں دے گالھ مہاڑ کریندے ہوئے یا

تحریری تنقید و تحقیق کر بندے ہوئے فلیپ والی آراء ضرور حوالہ بندیاں ہن۔ نویں شعراء کرام کیسے تاں استاد شعراء لکھیل فلیپ ہک سند دی حیثیت رکھیندے۔

عاشق بزدار سائیں دا فلیپ لکھن دارنگ ڈھنگ سبھے اصحاب الرائے کنوں انوکھڑا تے نشا برہوندے۔ انہاں دے فلیپ دیاں کئی ہک خوبیاں ہن۔ اوماضی، حال مستقبل دے حوالے نال فلیپ لکھن۔ انہاں دے فلیپ شعری فن و فکر کنوں انج، سماجی، سیاسی، معاشی، تاریخی، ثقافتی اے معاشرتی حوالہ جات وی ہوندن۔

اوجھڑا شاعری اواندی شاعری تے فوکس نہیں کریندن۔ بھل شاعر تے اواندی صنف دا پچھو کڑ ضرور بیان کریندن۔ انہاں دے فلیپ وچ ہک تسلسل ہوندے۔ اوصنف دے شاعر دا حدود و اربعہ بیان کرن دے نال نال انہاں دے ماضی دے حالات، حال دی کیفیت تے مستقبل دی امیدیں کوں ضرور نشا برہوندن۔ اوجھڑا ہاوی گالھ تے قلم چیندن یا لیندن تاں اینویں جا پدے۔ جو ایس فن تے ایس دانشور وچ اوخو دہوں وڈے جہانیدہ فنکار تے دانشور ہن۔

عبدالباسط بھٹی دا انہاں تے لکھیل خاکے وچ ایس گالھ کوں بھرپور طریقے نال نشا برکیتا گیا ہے۔ اے عبدالباسط بھٹی ہک مستند نثر نگار تے نقاد ہے۔ انہاں دی نظروچ سئیں عاشق بزدار دی علمی، شخصیت کوں ڈیکھو؛ ”عاشق بزدار کہیں وی موضوع تے پولیندا بیٹھا ہووے تاں لگدے ساری عمر ایہو کم کریندا رہ گئے۔ شاعری تاں سنبھال تھئی۔ سیاست دے اکھیڑ وی ڈاڈھے مریندے۔ موسیقی تے گالھ کریندا بیٹھا ہووے تاں لگدے ساری عمر موسیقی دے مدرسے انج پڑھدا رہ گئے تے کہیں شاعر تے گالھ کریندا بیٹھا ہووے تاں ایس جا پدے۔ جیویں اپنے کہیں استاد یا شاگرد تے گالھ کریندا بیٹھا ہووے۔“ (۶)

انہاں دی فلیپ نگاری تے تنقیدی تے تحقیقی جہات پاؤن توں پہلے اساں نمونے دے طور تے انہاں دا لکھیل ہک فلیپ ڈیہدے ہیں جیندے وچ اے تھئی گالھیں دے کجھ حوالے ضرور نظر سن اے فلیپ سرائیکی دے ہک پڑھے لکھے باشعور تے جدید شاعر عبدالباسط بھٹی دی کتاب ”میزڈی دا جگ سارا پور“ تے لکھیل ہے۔ اے کافی تے نظماں دی کتاب ہے۔ جینویں آہدن ناں جو پھکا چاولاں دا چھک گھنوتاں پوری دیگ دا پتہ لگ ویندے۔ انہاں دا اے فلیپ ڈیکھ تے انہاں دے ڈھگ سارے نثری گزگیان بارے پتہ لگ ولسی۔ جو او اپنے موضوع دا منڈھ پاند کیویں بیان کریندن۔ انہاں دا تاریخی، ثقافتی، ادبی تے جغرافیائی شعور کتنا پکا ٹھکا ہے۔ کافی دے موضوع تے انہاں دی تاریخی بحث سرائیکی وسیب دے ڈکھ ڈنچ دے پچھو کڑ کوں کیویں نشا برہندی ہے۔ اے انہاں فلیپ وچوں نظری۔ دیباچے دا عنوان وی ادراک آفرین ہے۔

سرائیکی وسیب تے باہر و آون والیں دی لٹ مار اُتے ظلم کوں صدیاں سولہئیں۔ تاریخ دا اے باری باروسیب توں  
 آج تائیں ہولانیں تھیا۔ ظلم تے ڈ ڈھپ دے ورتاریں اتھاں زندگی دی ہر شکل کوں متاثر کیتا۔ لوکیں دی وساند جوڈ کھ  
 بن گئی۔ جیون دا بھوگ اندر داروگ تھی گیا۔ وسیبی لوکیں تے اُپر دے کرودھ، جبر تے ڈ ڈھپ دے ماحول ایچ انسان  
 دے اندر لے سترے، سنورے، اظہار داناں شاعری اے۔ جیڑھی دھرت واس لوکیں دے اندر لے بھوگ، جوگ دی  
 تصویر بن سوز گداز نال سگری، سنہری کوک بن گئی۔ سرائیکی شاعری دا آغاز وون، گاؤں دی صورت ایچ تھیا۔ ہیئت،  
 صوت اُتے تاثیر دے پاروں سماجی بے انصافیں دے محرومیں دی گنگی اُتے پولیندی اُرداس ”وین“ دی شکل ایچ سامنے آئی  
 تے انسان دے ڈ کھ، ڈنچ دی کتھان گئی۔ وادی سندھ ایچ جتھاں وی ڈ ڈھپ تے جبر دے قسے چھڑے اتھاں اتھاں  
 ”وین“ جنم پاتے۔ شاعری دی ٹورتے لوڑھ ایچ ”وین“ کون کافی رنگ ڈتا گیا۔ جبر دے پچھو ویں جیویں جیویں وقت  
 سرودھ دے گھٹے ریہے۔ ”وین“ کافی آپنی سُر ت تبدیل کریندی رہ گئی۔ ڈوں تریں مسرعیں توں زیادہ ڈھیلی  
 کیفیت و دھکی مصرعیں دی گنجائش منگدی ہائی۔ تاں چٹوں مصرعیں دا ویس پاگھدا۔ کافی انسانی دھانھ، دھاڑ دی کہانی  
 اے۔ جیڑھی مکدی نیں ایں سانگے جو وسیب واسیں دے ڈ کھ نیں مکدے۔ ہک درد کھٹدے تاں پیاسول پمدے۔

سرائیکی شاعری ایچ غم دا اظہار واضح نظر دے اُساں آج وی ڈ ڈھپ دا شکار آوں ایں سانگے ساڈے اندر، باہر  
 دے ڈکھیں دے اظہار دا مؤثر وسیلہ کافی اے۔ سماجی تبدیلیں دے تکھپ دا عمل شروع اے۔ ایں سانگے کافی نویں سماجی  
 شعور اُتے وکھرے خیالیں ایچ ڈھل دی پئی اے۔ سرائیکی شاعری نویں شعری آہنگ نال جوتے کافی دی عمر و دھا چھوڑی  
 اے۔ اپنے ڈکھیں دے ذاتی اظہار دی کیفیت کوں پورے سماجی تے معاشرتی ڈکھیں نال جوڑ جیون جوگ کون نویں سروں  
 سمجھن تے ورتن دا اہر کیتے۔ کافی دی کلاسیکل ریت کوں جیندار کھئے اُتے ڈ کھ، سکھ دیں نویں شکلیں ایچ اینداناں روپ  
 سنگھار کیتے۔ کافی کون نویں سروں ڈیکھن اُتے لکھن آ لے شاعریں ایچ ”لطیف بھٹی“ وی شامل اے۔

جیندی کتاب ”بیڑی دا جگہ سارا پور“ تہاڈے ہتھ اے تہاں ڈیکھسو تے پڑھسو جو انہاں آپنے اُتے پورے سماج  
 دے ڈکھیں دا اظہار کیتھے وکھرے وں ایچ کیتلا کامیابی نال کیتے۔ وسیبی زندگی دے سارے ڈکھیں دے وین کون کافی دی  
 صورت ایچ مؤثر اظہار دا سوبھ ڈتے۔ انسانی دنیا دے کیڑھے ڈکھ ان جہاں دی پوٹھی نیں پھولی..... پڑھ تے پتہ  
 لگدے جو کافی صدیں دا سفر کریندیں آج دی سوچ دیاں مڑکھیاں، پٹریاں پاوت جیون جوگ دے نویں سفریں دی پاندھی  
 اے۔

لطیف بھٹی دی غزل وی عصری شعور نال سنوری، سنگری سمورے حسن سمیت قاری دیا توجہ گھنن دا پھر رکھیندی

اے۔ جیڑھی دھرتی نال جُٹ دے سارے تقاضے پورے کریندیں ہوئیں غزل کون نویں سروں سوچن تے ورتن دی ڈس  
ڈیندی اے۔ ”بیڑی دا جگہ سارا پور“ ایچ گیت وی شامل ہن۔ جہاں وچ بے ساختگی، نویں شعری روایت اُتے وسیبی ثقافتی  
مظاہر دیاں اکثر شکلاں ملدین۔

لطیف بھٹی ہوون ہار شاعر اے۔ جیڑھا سرائیکی شاعری دے نویں امکانات کون ہتھ وں کر لئی اُتے اپنے قاری  
دے اعتماد تے پورا اُترسی۔“ (۷)

عبداللطیف بھٹی دی کتاب دے لکھیل ایں دیباچے کنوں ای انہاں دے تاریخی، ادبی، تنقیدی تے تحقیقی شعور  
دے بارے پتہ لگدے۔ جو کافی کیوں سرائیکی وسیب وچ ہک سماجی تے معاشرتی تحریک دا ذریعہ بنی تے کافی کیوں  
کیوں پنہ کیتے۔ ایندے کنوں انج شاعر دے بارے وچ انہاں دی رائے ہوں متوازن تے حقیقت برینی ہے۔

نقاد عادل نجج ہوندے۔ اوکڈا ہیں وی نہ کہیں کون ودھا چڑھاتے ڈیکھیندے تے ای کہیں کون مٹی وچ رول  
ڈیندے۔ بھل اوندی تنقید پنہ کریندی ہے تے نقاد بے عدلی کرتے تاں او خود مٹی وچ رل ویندے تے جے او عدل  
کرے تاں اپنے دور تے آون آ لے ادوار وچ ادب دی کرسی تے بادشاہ وانگوں بیٹھارا ہندے۔

عاشق بزدار دی وی اے خوبی ہے۔ اوزیر بحث کتابیں تے دیباچے ضرور لکھدن۔ پراؤں شاعر تے اوندی  
شاعری بارے عوام کون سجا کی وی ضرور ڈیندن۔ پر کہیں آمر نقاد کلی حکم صادر نہیں کریندے۔ بھل قارئین کون ای وڈا  
منصف تے نجج سمجھدن تے ایہا ای ہک وڈے فلیپ نگار دی خوبی ہوندی ہے۔ جو اوزیر بحث شاعری یا نثر دے گجھ پگھلاں  
کون نشا بر کریندین تے قارئین تے اپنی رائے یا فیصلے دا حکم صادر نہیں کریندے۔

انہاں دے دیباچے جغرافیائی تے تاریخی بیک گراؤنڈ نال رہے گجھ ہوندن۔ جہاں نال شاعر دی شاعری تے  
ادیب دے ادب، توں انج وسیب بارے وی جغرافیائی، تاریخی، ادبی تے معاشرتی معلومات ملدیاں ہن۔ ملک سعید احمد  
دی کتاب ”سرائیکی وسیب“ دے لکھیل دیباچے دا تھل بدھیٹا دیکھو، جیندے وچ انہاں دا دنیا تے خصوصاً وسیب بارے  
تاریخ تے جغرافیائی شعور نشا بر ہے۔ دیباچے دا عنوان ہے:

عمرانی حالات تذکرہ:

”سمندر، دریا، جھیلاں، ڈھنڈھوں، جنگل، پہلے، میدان، پہاڑ،

وادیاں لکھیں کروڑیں سالیں توں آب ہواتے موسمیں بدلن نال، پانی تے مٹی

دے سنجوک اُتے مخصوص موسمی حالات وچ، ٹیلی ساول وچ پیدا تھیون آ لے جر

ثوے دا ارتقاء، موجودہ انسانی ہیئت دا مظہر اے..... مصر، عراق، یونان تے  
 ایران دی تاریخ دے نال ہند، سندھ دی تاریخ دناوی قدیم دستاویز، اے۔  
 اشوری، بابلی، فنیقی، سمیری اے سرائیکی تہذیبیاں دنیا دیاں قدیم تہذیبیاں ہن۔  
 انسان اپنی تہذیبیں دا آپ بانی اے بھن تر وڑ دا اذمہ دار اے۔ دنیا دے ہر  
 خطے وچ تخلیق اے ارتقاء دے سبب انسانی آبادی اپنی ضرورتیں دا تعین اے  
 انہاں کوں پورا کرن سانگے، ہننے لوکیں تے عذاب نازل کریندی اے۔ وحشی  
 قوماں دھاڑیل۔ ظالم کٹھے کرتے مہذب دنیا وچ بھاء بال ڈیندن۔

تاریخ عالم طاقت ور وحشی قومیں دے طرفوں دنیا تے عذاب دی داستان  
 سفر یندی اے۔ قدیم زمانے توں ہند، سندھ سرائیکی علاقے کوں سونے دی  
 چڑی سمجھیا ویندا ہا۔ زرخیزی دا سماج سرائیکی وسیب دی خوبی ہئی۔ دریائیں دا  
 جال، ہموار میدان، دریائیں، سمندریں دے کنٹھے کنٹھے ہن آ لے لوکیں دی  
 (Rich) معاشرت، ثقافت امیر اے امن دی دنیا دے واسی دھرتی واس ہک  
 ڈوجھے نال محبت کرن دے عادی.....

ہند، سندھ دے اندر وکھ امن دی دنیا سرائیکستان جھتوں دے لوک اپنی  
 دھرتی دے ذرے ذرے نال پیار کوں آپنا جرم سمجھدے ہن۔ دھرتی نال پیار  
 اتلا جو سمندر پار دے سفر کوں کفر سمجھدے ہن۔ ڈکھ، سکھ، بگھ ترہیہ اپنے وطن  
 وسیب اے اپنی بھونیں تے سہندے ہن۔ ایہا وجہ ہئی جو انہاں اپنے نال آ لے  
 وسیبیں تے حملیں اے قبضے دی نیت نہ کیتی۔ سندھ ہاکڑہ دی سر زمین سرائیکی  
 دھرتی دے لوک محبت، رمز، فقرائے عشق پیار دے بندے ہن۔

عاشق بزدار بنیادی طور تے شاعر ہن۔ انہاں دی نثر وی شاعری آلی جس رس  
 ہے تے انہاں دی شاعری وچ نثر آلی فکر و شعور ہے۔ ایس دیا پچے وچ شاعری

دی چساں وی نظر سن۔‘ (۸)

انہاں ڈھگ ساری کتابیں دے دیا پچے لکھن۔ جنہاں وچوں گجھ معلومات کیتے پیش کیتے ویندے پین۔ جینویں



پہلے ڈسایا گیا ہے۔ جو انہاں دے دیباچیاں دے عنوان وی ادراک آفریں ہوندن۔ او اپنے عنوان دے نال ای دریا کوں کوزے وچ بند کر ڈیندن۔ جینویں آکھیا ویندے جو نظم دا عنوان ای اوں نظم دا مکھ ہوندے۔ تے عنوان تلے لکھیل نظم اوں مکھ دادھر ہوندے۔ جے مکھ سوھنا نہ ہووے تاں دھر وی سوھنا نہیں ہوندا۔

عاشق بزدار بنیادی طور تے شاعر ہن۔ انہاں دی عوامی گالھ مہاڑ وچ وی شاعری لسکدی ہے تے انہاں دے دیباچیاں وچ وی شاعری کھمدی ہے۔ انہاں دے دیباچے دا عنوان نظم دے عنوان کلی مکھ ہوندے تے پورا دیباچہ اوں مکھ دادھر ہوندے۔ تہوں اتھاں کتابیں دے ناوین دے نال نال انہاں دے لکھیل دیباچیاں دے عنوان وی انہاں دی اہمیت پاروں لکھے ویندے ہن۔

ناں کتاب	ناں شاعر	دیباچے کا عنوان
نوید صبح	کوثر بخاری	نئی نسل کا نمائندہ شاعر
درداں دی ماری دلڑی علیل اے	اللہ ڈیوایا پر جوش	درداں دی ماری دلڑی علیل اے
اوپری کندھ	اکبر مخمور مغل	سرائیکی ادب دا مہاندراناں اکبر مخمور
سڈیں سچ الایا	صوفی تاج گوپاٹنگ	صدیں سچ الایا
جھالر	نادر علی نادر	سرائیکی داسو جھوان شاعر
گول نہیں مکدی	خلیل احمد فریدی	قدیم و سبے دا شاعر
کچھی سونے دی کچھی	سید مالک اشتر	سرائیکی ادب داماں
پیریں پراگڑے پیار دے	حبیب اللہ طارق	غزل داسنو پر شاعر
اگبارول راول	ساحل بزدار	مہاگ
سک سانوی دی	عبدالستار زائر	زائر دھرتی دا سچا سیوک
اساں سچ دا سفر کرٹے	خورشید بخاری	دھرتی ددادر دوند شاعر
سولی کوں سک منصور دی	ساحل بزدار	منصور دا طرف دار شاعر

فلیپ داسو ہنپ اوندے اختصار وچ ہوندے تے جامعیت وچ ہوندے آتے دیباچے وچ ول وی ذرا کھل ڈل دی آزادی ہوندی ہے۔ پر جامعیت ڈوہائیں دا اہم تے لاینفک خوبی ہوندی ہے۔ انہاں دے دیباچے قدرے تفصیلی تے انہاں فلیپ مختصر ہوندن آتے ڈوہائیں وچ جامعیت ضرور ہوندی ہے۔ آتے ڈوہیں دی ہک وڈی خوبی سیں عاشق بزدار



نال خاص طور تے کنڈھیل ہے۔ جو اُوں پچھو کڑتوں بھل بہوں پچھو کڑتوں نال گالھ پدھیندن تے ول اُونکوں حال وچ گھن آندے تے موجودہ حالات وچ شاعر تے ادیب یا انہاں دی اصناف دی اہمیت تے ضرورت تے جس رس کوں بیان کریندن تے آخر وچ اُوں شاعر یا ادیب دے روشن مستقبل دی آشاوی ضرور ڈکھیندن۔ اِتھاں انہاں دا ہک فلیپ حوالے دے طور تے پیش ہے۔ جیندے وچ اختصار، جامعیت، ماضی، حال تے مستقبل تے نثر وچ شعری جس رس تے شاعری بارے نیک تمناواں نظر سن۔

### زائر دھرتی داسچاسیوک:

سابقہ ریاست بہاولپور دا وسبہ شاعری ا۔ تے موسیقی دے حوالے نال ہمیشہ بھریا پڑیا رہ گئے۔ جتھاں خواجہ فریدؒ، لطف علیؒ، نوروزؒ، احمدؒ، خرم بہاولپورؒ، صالح اللہ آبادیؒ، حافظ دلشادؒ، سفیر لاشاریؒ، قیس فریدیؒ، فیض محمد دلچسپؒ، مظہر مسعودؒ، خورشید بخاریؒ، جہانگیر مخلصؒ، امان اللہ ارشدؒ، شاہد عالم شاہدؒ، صادق جیند ہوتؒ، اخلاق مزاریؒ، شمیم اُچویؒ، جہیں معتبر تے نامور شاعریں آپنے شعری شعور نال ایں وسبے دا کج مساک کیتے۔ شعری ادبی دی دنیا اچ اچھی شاعری دے حوالے نال بہاولپور ڈویژن سُرخرو ہے۔

”خانپور دا ہمسایہ شہر نویں کوٹ داستار زائر سرائیکی داسنو پر اشاعر اے۔  
جئیں غزل، کافی، ڈوہڑے، تے نظم اچ شاعری کہتی اے۔ سرائیکی شاعری نال  
انہاں دا اشغف عشق دی حد تک ہے۔ انہاں محبوب دے رستے دی بھالین تے روزی  
وی کہتی اے۔ زائر صرف شاعر نہیں سرائیکی ماء دھرتی دا دروند پتر اے۔  
قومی، ادبی تحریکاں، اتجھے اہل کارکنیں وی اہر نال کامیاں حاصل کریندن۔ میڈا  
وارث پاک فرید دے بعد، سک سانول دی، ڈو جھی کتاب اے۔ زائر دا شعری  
مستقبل نزویا ہے۔ انہاں دے شعری ذوق تے قومی شعور انہاں ادا دہلی تے سیاسی سفر  
اگوں نہاں کر لسی۔“ (۹)

عاشق بزدار سائیں نے چھڑا شعری کتاباں دے فلیپ یادیا چے نہیں لکھے۔ بھل نثر دے فن و فکر دے حوالے نال  
وی انہاں دا شعور ہک باشعور تے با علم پروفیسر کلی ہے۔ تے جے انہاں دے دیباچیاں تے فلیپ دے انت تے چھڑا عاشق  
بزدار دی بجائے پروفیسر عاشق بزدار لکھیا ہو یا ہوئے تاں انہاں دی تحریر تے تحریری معلومات کوں پڑھ کر اہیں کوئی اے نہیں  
آکھ سکدا جو او پروفیسر کینیں۔

عبداللطیف بھٹی دی سرائیکی کہانیاں دی رسیلی تے چسولی کتاب ”وتر و ساخ“ دا فلیپ پڑھ تے انہاں دی نثر بارے ذوق تے علمیت دا وی پکا ٹھکا ثبوت مل ویندے تے اے وی نہیں چا پدا جو اوچھڑا ایف اے تئیں پڑھے ہوئے ہن۔ بلکہ انہاں دی تحریر چنگے چنگے پروفیسراں دے کن کپندی اے۔ فلیپ دی شعری نثر، اختصار جامعیت تے علمیت تے دید ہووے۔

### معتبر ویسی: کہانی کار لطیف بھٹی:

”جگ ورتی دے حال حویلے کوں کہانی آکھیا گئے۔ خطابت، وعظ، نصیحت، لوکیں دے حق حقوق نال جڑیا سماجی مواد کہانی دا حصہ بندے۔ کہانی صرف انسانی خدمت دی کتھا نہیں کریندی۔ جھر، جنگل، پہلے، ہیٹ، روہی، تھل، دمان، دریا، پہڑی، ونجھ تے موہانیں دی کتھا وی کریندی اے۔ ایں حوالے نال سلطان باہو دی ہک مختصر منظور کہانی آکھی اے۔ اندروں دریا اندروں پہڑی اندروں ونجھ، موہانے ہووڈی کہانی او ہوندی اے۔ جیڑھی وسوں نال جڑی ہوئی ہووے۔ اوندے وچوں جیون نسرے۔ جیڑھی وس تے لاہندے غلاب اتے کرودھ کو پکھرا کرے۔ جے کوئی کہانی اے پھر نہیں رکھیندی تاں او کمزور کہانی اے۔ موضوع دی اہمیت ابلاغ سانگے سادہ زبان دا ورتاوا۔ وونت کہانی دے مونڈھی اصول ان۔

لطیف بھٹی کہانی دا معتبر لکھاری اے۔ جیندیاں کہانیاں وستی، گلی، بازار، محلے اتے وسوں دیاں کہانیاں ہن۔ جیڑھیاں جاہ جاہ تے وٹھریاں پن۔ ہر گھراچ کہانیاں، وین ولیدین۔

لطیف بھٹی باشعور، سچاک کہانی کار اے۔ جنیں وین ولیدین قصیں، کہانیں کول قلم دی نوک تے چاء کتاب اچ درج کر تہاڈے حضور پیش کرڈتے۔ اساں انہاں کہانیں دی کتاب اچ آپنیاں وسے وسدیں لوکیں دیاں کہانیاں ڈیکھوں پڑھوں۔ پڑھن ای جیون جوگ دا سمل اے۔“ (۱۰)

سرائیکی زبان کنوں انج اردو زبان دی وی ڈھگ ساری کتابیں وچ انہاں دے دیباچے تے فلیپ شامل ہن۔  
اردو شاعر کوثر بخاری دی کتاب ”نوید صبح“ تے لکھیل اردو فلیپ وچ انہاں دافن و فکر، اعتماد جامعیت تے اختصار ڈیکھو؛

### نئی نسل کا نمائندہ شاعر:

کوثر بخاری ادب برائے زندگی پر یقین رکھنے والا نئی نسل کا نمائندہ نئی فکر کا حامل خوبصورت لہجے کا شاعر جس کے ہاں وصل کی مٹھاس اور اس کے ساتھ ہجر کی تلخی کے ذائقے بھی موجود ہیں۔ اس کی شاعری کا موضوع بوائے گل نہیں۔ بلکہ آج کا وہ انسانی ماحول ہے جس میں گھائل زندگی کی پوری شبیہ دیکھی جاسکتی ہے۔ وہ اپنے ماحول کی تلخی سے آنکھیں نہیں چراتا۔ وہ انسانی دکھ سکھ کے سارے منظر دیکھتا ہے اور نہایت سلیقے سے بیان کرتا ہے۔ اس کی شاعری میں ”آج کے غم“ کی پوری تصویر دیکھی جاسکتی ہے۔

”آج کا غم جو ہے زندگی کے بھرے گلستان سے خفا“ (عاشق بزدار)

انہاں دی اردو کالم نگاری۔

کالم نگاری دے سبھے اصول و ضوابط تے پوری لہندی ہے۔ او اپنے اشوتے فوکس رکھیدن تے اوندے سارے اغراض و مقاصد، حدود و قیود، امثال و تو جیہات حاصل کلام و کالم تے برہنی عنوان و موضوع لکھدن۔ جیندے وچ رواں تے سلیس تے پر ابلاغ زبان ہوندی ہے تے بامحاورہ زبان ہوندی ہے۔ انہاں دی اردو زبان پڑھ کراہیں ہرگز ایس نہیں جا پدا جو انہاں دی کالم نگاری شعبہ ابلاغیات دے ذریعے ایم فل سطح دے تحقیقی کم دی متقاضی ہے۔ اتھاں نمونہ تحریر کیے ہک کالم حوالے دے طور تے پیش خدمت ہے۔

### قومی زبانوں کی حقیقت:

کہانی کا مرکزی کردار غیر مرئی قوتوں کی حامل ادھیڑ عمر بیوہ تھی۔ جو محض اپنی باتوں سے قومی اور لسانی موضوعات بہت اہم اور نہایت حساس ہوتے ہیں۔ جن پر لکھنے اور بولنے میں احتیاط کی ضرورت ہے اور وہ اس کے متقاضی بھی ہوتے ہیں کہ ان پر قلم چلانے والے قوموں کی تشکیل اور زبانوں کے تاریخی، جغرافیائی اور عمرانی عوامل کے تحت تخلیق و تشکیل کے علم سے مکمل واقفیت کے حامل ہوں۔ ہم جیسے سطحی مطالعہ رکھنے والوں کو قومی اور لسانی مسائل پر سوچ سمجھ کر رائے دینی چاہیے۔ عمومی مطالعہ کے بعد قومی اور لسانی مسائل کو چھیڑنے سے سبکھاوا نہیں الجھاوا پیدا ہوتا ہے۔

دنیا کے جس خطہ میں یہ تنازع پیدا ہوئے وہاں آگ اور خون کے دریا بہے۔ ملکوں کی سرحدیں تبدیل ہوئیں۔ ایسا نہ ہو کہ یہاں شوقیہ لکھنے والے ادھر ادھر کی لکھتے ہوئے اپنے قلم سے امن کی فاختہ کے پر نوچ ڈالیں۔ جیسے اس خطہ میں ہزاروں سالوں سے آباد قوم اور اس کی زبان سرائیکی جس نے سنسکرت، پنجابی اور اردو زبانوں کی تخلیق میں حصہ ڈالا ہے۔ اس کے بارے میں قلم کار آئے دن تنازعہ اور مخاصمانہ لکھتوں اور منفی اخباری بیانات کے ذریعے زہر افشائی کرتے رہتے ہیں۔ ان کی طرف سے خطہ میں ہزاروں سالوں سے آباد لوگوں کی ہزاروں سالوں قدیم زبان سرائیکی کو علاقائی زبان قرار دینا اور ”اردو“ کو ملک کی قومی زبان کہنا بے انصافی اور لسانی تعصب کی شکل ہے۔

اردو زبان کو ہندوستان کی تقسیم کے ساتھ مہاجر دوست بھارت سے اپنے ساتھ لائے۔ جو پاکستان بننے سے پہلے یہاں کے کسی چھوٹے سے علاقے کی زبان نہیں تھی۔ وہ قومی زبان بن گئی اور ہزاروں سالوں سے پورے ملک کی دو تہائی عوام کی زبان کو علاقائی زبان کہہ دیا گیا۔ پورے ملک میں بولے جانے والی جملہ قدیم زبانوں کو ان کے بولنے والوں کی قومی زبان کی حیثیت حاصل ہے۔ ملک میں پانچ، چھ تو میں آباد ہیں۔ ان کی زبانیں قومی زبانوں کا درجہ رکھتی ہیں۔ نہ کہ سڑسٹھ سال پہلے بھارت سے آنے والے دوستوں کی زبان جو وہاں بولی جاتی تھی۔ وہ زبانیں قومی نہیں ہوتیں۔ جو کسی ملک میں قدیم سے اپنا خطہ نہیں رکھتیں۔ تاریخی جبر یا شوقیہ نقل مکانی کے تحت کسی دوسرے خطے میں آکر آباد ہونے والے مقامی خطہ کی قوم اور اس کی زبان کے حوالے سے اپنی قومی شناخت کرائیں گے۔

جذب پذیری کا یہ عمل پرانی اور نئی آبادیوں میں بھائی چارے اور اخوت پیدا کرنے کا سبب بنتا ہے۔ پچاس، ساٹھ سالوں میں نہ قومیں بنتی ہیں اور نہ زبانیں۔ ان کی تخلیق و تشکیل اور تعمیر میں ہزاروں سالوں کا عرصہ لگتا ہے۔ سرائیکی قوم سرائیکی زبان اور سرائیکی ثقافت ہزاروں سال پر محیط ہے۔ اردو زبان نوزائیدہ زبان مگر قابل احترام ہے۔ کیونکہ وہ لاکھوں لوگوں کا وسیلہ اظہار اور شعر و ادب کی زبان ہے۔ جیسے ملک میں یہاں کی قدیم قوموں کے درمیان رابطے کی زبان ہونے کا اعزاز حاصل ہے۔ ملک میں آباد ایک قوم اپنی صدیوں کی قومی شناخت اور سیاسی، معاشی حقوق کے حصول کے لیے صوبہ مانگتی ہے اور اس قوم کی یہ مانگ اس کا حق ہے۔ کیونکہ ملک میں آباد دیگر قوموں کو صوبے دیئے گئے۔ مگر سرائیکیوں کو ان کے اس حق سے محروم رکھا گیا۔ افسوس اس کا ہے کہ اس خطہ میں آباد اردو بولنے والے دوست اس کی مخالفت پر کمر بستہ نظر آتے ہیں۔

سرائیکی قوم کی طرف سے اس کی زبان ”سرائیکی“ کے حوالے سے سرائیکی صوبہ بنانے کے مقابلے میں ان کی طرف سے ملتان، تھل، پنجند، اور جنوبی پنجاب کے نام سے صوبہ بنانے کی کہانی چلائی جا رہی ہے۔ سرائیکی صوبہ نام سے کسی

پر خاش اور کیسے تحفظات؟، جبکہ ملک کے دوسرے قومی لسانی صوبوں میں سندھ، بلوچستان، پنجاب اور پختونخواہ میں صوبوں کے ناموں پر اعتراض نہیں۔ جبکہ وہاں بھی اردو، پنجابی بولنے والے آباد ہیں۔ کچھ لکھاری دوست یہ ثابت کرنے میں اپنا سارا قلمی زور صرف کر رہے ہیں کہ نام کے حوالے سے سرائیکی زبان کوئی اہمیت نہیں رکھتی۔ اس کا نام ہی ملتانی زبان ہے۔ ان دوستوں کو یہ معلوم نہیں کہ سرائیکی قوم اور زبان کا یہ خطہ وادی سندھ کا حصہ ہے اور بالائی سندھ میں بولی جانے والی قدیم ترین زبان جسے سرے کی (سرائیکی) یعنی اوپر والے حصے کی زبان کہا گیا۔ سرے یعنی بالائی حصہ میں ملتان آباد ہے۔ اس لیے اسے ملتانی بھی کہا جاتا رہا۔ جسے کبھی قدیم سے سرائیک بھی کہا گیا۔ اردو بولنے والے گھرانہ سے متعلق سرائیکی زبان کے معروف شاعر اسلم جاوید نے سرائیکی قوم کی قدیم تاریخی زرمیے پر مشتمل ایک طویل نظم ”طل گھاڑی“ کے نام سے لکھی۔ جس میں ملتان کی عمر ہزاروں سال لکھی گئی۔ جس کی قدامت کے حوالے سے بھی سرائیکی زبان ملتانی زبانوں سے مشہور رہی۔ مگر اس کا اصل نام سرائیکی ہی تھا اور ہے۔

دیگر خطوں سے یہاں آ کر آباد ہونے والے پٹھانوں، بلوچوں، سیدوں، ہاشمیوں، قریشیوں، گیلانیوں، گردیزیوں، رائے، راجپوتوں اور سینکڑوں ذاتوں اور کئی قوموں سے تعلق رکھنے والے لوگوں نے یہاں سکونت اختیار کی تو دھرتی میں ضم ہو گئے اور انہوں نے قومی اور سیاسی، عمرانی شعور کے تحت خود کو سرائیکی بنالیا۔ جو ہمارے ارد گرد موجود ہیں۔ چاکر اعظم بلوچ سردار نے خطہ پنجاب کے شہرست گھرہ میں رہائش اختیار کی۔ اس کی مرقد بھی وہاں ہے اور رند، لاشاری قبیلوں نے بھی وہاں سکونت اختیار کر لی تو آج ان سے بلوچی زبان چھوٹ گئی۔ اب وہ پنجابی زبان بولتے ہیں اور خطہ کے حوالے سے خود کو پنجابی بلوچ کہتے ہیں۔ جو فیصل آباد تک ہے۔

سندھ میں ٹوپی اور اجرک جو سندھیوں کا قومی لباس ہے۔ گذشتہ دنوں میں اس کا دن منانے والوں میں مہاجر کہلوانے والی کمیونٹی بھی شامل تھی۔ نائن زیرو پر بھی ٹوپی اجرک کی تقریب ہوئی۔ سرائیکی زبان کی ہزار مخالفت کی جائے مگر وہ دھرتی کی زبان ہے۔ خطہ کے اکثریتی عوام کے زبان ہے۔ اسے بہر حال زندہ رہنا ہے۔ البتہ اس کی مخالفت کے باعث قذکار اور سیاسی دوستوں کے سرائیکی سے بیگانہ رویوں کی وجہ سے بھائی چارے کی فضا آلودہ ہوتی جا رہی ہے۔ جو خطہ کے امن کے لیے سوالیہ نشان ہے۔ اس سلسلے میں کسی طور کی کج فہمی اور کج نظری کے لیے نیک شگون نہیں۔ (۱۱)

محبوب تابش دی ادارت وچ چھپن آ لے معتبر ادبی رسالے وسوں ویہڑے وچ انہاں دا اقبال سوکھڑی تے چھپیل تنقیدی تے تحقیقی مضمون واقعی ہک خاصے دی شے ہے۔ حیدرے وچ دا اقبال سوکھڑی دا پچھو کڑ، رہائش، اصناف شاعری، فن و فکر تے سیر حاصل گالھ مہاڑ کیتی ہے۔ انہاں دے مضمون دا ہک پیرا گراف ڈیکھو۔ اینویں جاپدے جینویں

بندہ ٹرے گھٹ تے پندہ ڈھیر کرے۔ انہاں دے گھٹ الفاظ نال اقبال سوکڑی دے فن و فکر تے ایں تنقیدی تے تحقیقی جہات پاتی ہے۔

”انہاں دی کافی خواجہ فرید دی کافی توں سنگار گھندی اے۔ غزل سرائیکی شاعری دی دھرتی تے اوپری رادھ اے۔ جینکوں اقبال ہنچ دا پانی ڈے کر اہیں قد برابر کر چھوڑے۔ انہاں دی غزل دے ڈکشن سماجی شعور دے معنوی اظہار دے سلیقے اے شعری ورتا دے دے سُنہپ تے وکھرپ انہاں کوں انہاں دے عہد دا معبر تے مہاندرا شاعر بنائے۔ انہاں نظماں وچ سماجی کردہ کوں پدھرا کیے۔ اقبال نویں پرانے عہد دا شاعر ہے۔ اقبال دی نظم سامع تے قاری کوں اپنے اثر دے ویڈھ وچ گھن جیون جوگ دی جاگ ہے۔ اوندی شعری اظہار دے لہجے اچ تلخی کوڑ تے سختی دے نال نال ماکھی دی مٹھاس اے سوم رس دی مستی وی ہے۔“ (۱۲)

اقبال سوکڑی دا اچو کی شاعری اے اچو کے شعرا تے اثرات کوں ہک ہنچے تنقیدی مضمون وچ ایں بیان کریندن۔

”آج اوندی رسائی ہوئی شاعری دی پینگھ تے غزل سٹھ سالہیں نال جھوٹی پئی اے۔ اقبال اینکوں نویں احساس دی پینگھ (قوس قزح) دیاں ست رنگیاں ونگاں پاتن۔ ہن لیلائے غزل دے مجنوں ڈھیران جیڑھے انہاں دی آڈی غزلیہ پینگھ ہوں سوہنی جھوٹیدے تے ریسندے پھین۔ اے تھ قلم کر خوندی سرخی نال ایندا روپ سگر بندن۔ انہاں وچ مرشد عزیز شاہد، رفعت عباس، جہانگیر مخلص سرور کربلائی، مشتاق سبقت، قیس فریدی، شفقت بزدار، رفیق احمد پوری، امان اللہ ارشد، اختر کھوسہ، ریاض عصمت، مصطفیٰ خادم، جاوید آصف، اصغر گورمانی رشید اختر، شمیم عارف قریشی، نواز تابش، سیفل خان، امیتاز فریدی تے رب نواز مخمور، جیہیں قلم کار شامل ہن۔ اقبال سوکڑی غزل دا ہک مہان شاعر اے جنہیں غزل دا کھر معیار قائم کریندے ہوئیں ایندے امکانات نتار لیس۔“ (۱۳)

سئیں عاشق بزدار جینویں شاعری وچ پکا ٹکھا جگ مشہور تے اگلی صف دا شاعر ہے۔ انویں تحریر تے تقریر وچ وی ہک آزمودہ روزگار مصنف تے مقرر ہے۔ سرائیکی ادبی، سیاسی تے سماجی ثقافتی کٹھاں تے انہاں دیاں تقریراں دلاں کوں موہ گھندیاں ہن تے وکھو وکھ موضوعات تے انہاں دی تحریراں وی اپنے جادوئی اثر کنوں وںجھایاں کینیں۔

شاعری دے نال نال نثر وچ وی انہاں دی مہارت تشت ازبام ہے۔ ایں باب وچ انہاں دی نثر مہارت دا احاطہ کیتا گیا ہے۔ جیندے وچ انہاں دی اردو تے سرائیکی تحریراں کوں بطور حوالہ پیش کیتا گیا ہے۔ انہاں دا ڈھگ سارا نثری کم، کالم، تنقیدی مضامین، وکھو وکھ کتابیں دے دیباچے اُتے فلیپ تے مبنی ہے۔ جنہاں وچ انہاں دی درج ذیل فنی و فکری خوبیاں نشا برتھیں یاں ہن۔

- ۱۔ شاعرانہ نثر
  - ۲۔ اختصار
  - ۳۔ جامعیت
  - ۴۔ علیت
  - ۵۔ ماضی دے حقائق نال تھل پڑھن
  - ۶۔ حال دے حوالے نال شاعر ادیب دی تخلیق دی قدر منزلت
  - ۷۔ مستقبل وچ شاعر تے ادیب دے ادبی مقام دی آشتا تے امید
  - ۸۔ شاعر یا ادیب دے مقام تعین کرن
  - ۹۔ شاعر یا ادیب دے ادبی تے جغرافیائی حالات
  - ۱۰۔ شاعر یا ادیب دے تخلیق دافنی فکری احاطہ کرن
  - ۱۱۔ لکھاری کوں اُچے پدھرتے متعارف کرواؤن
  - ۱۲۔ تنقید کرن ویلے عدل و انصاف توں کم گھنن
  - ۱۳۔ کالم نگاری دے ذریعے وسیب دے سیاسی، اقتصادی، معاشی، معاشرتی، سماجی تے جغرافیائی زبوں حالی کوں بیان کرن
  - ۱۴۔ کالم نگاری دے ذریعے سرائیکی وسیب دے حالات کوں ملکی سطح تے نشا بر کرن
  - ۱۵۔ انہاں دی شاعری ٹھاٹھاں مریندے سمندر کلی ہے تے انہاں دی نثر پرسکون تے رواں دواں دریا کلی ہے
  - ۱۶۔ انہاں دی شاعری وچ جذبات آمیز حقائق ہن۔ اُتے انہاں دی نثر وچ نظریا آمیز حقائق ہن
  - ۱۷۔ پختہ، رواں، با محاورہ، پراثر، اُتے مبلغانہ سرائیکی تے اردو زبان
- سئیں عاشق بزدار دی شاعری فن و فکر دی بھرل کھکشاں دا جھر مٹ ہے۔ باہر ہک مصرعے وچ فنی تے فکری خوبی

ضرور کھڑی ہوندی ہے۔ جیڑھی ساڈے دل و دماغ دیاں بند تاکیاں کھول ڈیندی ہے۔ دل انہاں دی فکری خوبیاں پاروں باغ باغ تھی ویندے تے دماغ انہاں دی فنی خوبیاں پاروں روشن روشن تھی ویندے۔ مقالے وچ انہاں دی فکری خوبیاں پاروں ہک انج نوکلہ باب بدھیا ویسی۔ ایں باب وچ چھڑا انہاں دی فنی خوبیاں بارے تحقیق تے تنقید پیش کیتی ویندی ہے۔ انہاں دی شاعری دی فنی خوبیاں ہک انج تے نوکیلی کہکشاں ہے۔ جیندے وچ تشبیہات، استعارے، تلمیحات، مجاز مرسل، کنایے، علم بیان، علم بدیع اے علم عروض دیاں سبھی خوبیاں نظر آندیاں ہ۔ جیڑھیاں انہاں کول ہک پختہ شاعر اے استاد الشعراء دی صف وچ کھڑیندیاں ہن۔ ایں گالھ داثبوت انہاں دے لکھے ہوئے وکھو وکھ شعری کتابیں دے دیباچے تے فلیپ ہن۔ جیڑھے ایں گالھ دی سند پیش کریندن۔ جو ادہک ماہر پختہ اے استاد شاعر ہن۔ جنہاں کنوں کئی شاعر اصلاح گھندن اے کئی شاعری اپنی شاعری کول قبولیت اے مقبولیت دی اسناد ڈیواون ساگے اپنے شعری مجموعیاں اے انہاں کنوں فلیپ یا دیباچے لکھویندے ہن۔



## حوالہ جات

- ۱۔ عبدالباسط بھٹی، ”خاکے“ عاشق بزدار، ملتان، جھوک پبلشرز، ۲۰۱۵ء، ص: ۷۷
- ۲۔ مالک اُشتر، سید، (غلام خُر خان کنڈانی) کچھی دا اُتم درشن، ملتان، جھوک پرنٹرز، ۲۰۱۱ء
- ۳۔ قاسم جلال، سید، قاسم جلال نمبر، ماہنامہ: سنہڑا، بہاولپور، ۳۴
- ۴۔ قاسم جلال، سید، ساگی، ماہنامہ: سنہڑا، ص ۳۵
- ۵۔ تنویر بخاری، تنقید (نظریاتی و عملی) لاہور، ایور نیوبک پبلس اردو بازار، ۲۰۰۱ء، ص ۶
- ۶۔ (عبدالباسط بھٹی)، ص ۸۰
- ۷۔ عبداللطیف بھٹی، بیڑی دا جگ سارا پور، ملتان، جھوک پرنٹرز، ۲۰۰۴ء، ص، فلیپ
- ۸۔ ملک سلیم احمد سرانیکی و سیب، کراچی، سرانیکی ادبی سنگت، ۲۰۰۳ء، ص ۱۴
- ۹۔ عبدالستار زائر، سک سانول دی، ملتان، جھوک پبلشرز، ۲۰۱۳ء، فلیپ، ص ۳
- ۱۰۔ لطیف بھٹی، وتر و ساخ، ملتان جھوک پرنٹرز، ۲۰۱۷ء، ص ۷
- ۱۱۔ عاشق بزدار، کالم، قومی زبانوں کی حقیقت، ملتان، روزنامہ خبریں، ۲۳ مارچ، ۲۰۱۵ء، ص ۴
- ۱۲۔ محبوب تابش، مدیر، سہ ماہی وسوں ویڑے، اقبال سوکڑی نمبر ۳، شادان لنڈ، ڈیرہ غازی خان، اکتوبر ۲۰۱۷ء، ص ۳۷
- ۱۳۔ محبوب تابش..... ساگی..... ص ۱۹۱

## پنجواں باب:

### محاکمہ

گزٹیر آف ڈیرہ غازی خان (۹۳-۱۸۹۳ء) وچ تحریر ہے جو بقول پوٹنگر، اتے لیتھم دے جو بلوچ قوم پنجویں عیسوی وچ عرب خاص طور تے مصر تے شام وچوں ہجرت کرتے کوہ سلیمان وچ آتے آباد تھئے۔ اتے ”ہسٹری آف انڈیا“ دے مصنف ”الفنسٹن“ دے مطابق جو بلوچ قوم ستویں عیسوی وچ مکران دے پہاڑاں تے آباد ہن تے اے ہک جنگجو، محنتی، خانہ بدوش، بہادر، قبائلی روایات دی امین، گلہ بانی دی شوقین ہک عرب قوم ہے۔

بلوچ قبیلے دی ڈھگ ساری ٹینکڑیاں ہن جنہاں وچوں بزدار بلوچ ڈھگ صدیاں تیں آپنی تاریخی روایات دے امین رہے اکھان مشہور ہے جو بزدار بلوچ ہوندے تے بلوچ بزدار ہوندے۔ بزدار مطلب ہکریاں پالن آلا بلوچ من حیثیت القوم ہک ہکری پال یا انہاں دی معیشت دادار و مدار گلہ بانی ہے تے آکھیا ویندے جو ڈاھویں صدی عیسوی وچ بلوچ قبائل مقامی و سنیکاں جنہاں کوں ”چٹ“ آہدے ہن نال رل کراہیں واہی نیچی داکم شروع کیتا تے زراعت دے پیشے انہاں کوں اتھوں دا مستقل ساکن بٹاڈ تا بھل اے کوہ سلیمان دی وادی وچوں لہہ کراہیں میلانی علاقیاں وچ آباد تھیون لگ پئے۔

انہاں دی عملی تے علمی پرتحرک حیاتی اچھو جاری و ساری ہے اتے ڈھگ سارے سرکاری تے غیر سرکاری اعزازات، انہاں دے تانگھی ہن اللہ انہاں کوں سکھ صحت نال وڈی حیاتی بخشے۔

سئیں عاشق بزدار ہک پکے پودھے فنکار شاعر ہن۔ انہاں آپنی شعری فکر ساڈے تیں پچاؤن سانگے وکھو وکھ شعری اصناف کیوں ورتیے۔ او نظم، غزل، کافی، ڈوہڑہ تے نعت و حقیقت سبھے اصناف وچ شاندار تے قابل تقلید طبع آزمائی کیتی ہے۔ انہاں دافنی کمال اے ہے جو انہاں ہر صنف دی فنی فکری روح کوں قائم رکھے تے اوں دے ذاتی سانچے وچ آپنی گالھ ٹوری ہے۔ او نظم لکھدے ہوئے افکار، نظریات کوں غزل لکھدے ہوئے جذبات، احساسات کوں ڈوہڑہ لکھدے ہوئے ثقافتی ماحول تے ذاتی جذبات کوں کافی تے منقبت لکھدے ہوئے صوفیانہ افکار کوں جاء ڈیندن۔

انہاں دی نظم بہوں مضبوط تے جاندار ہے۔ ”قیدی تحت لہور دے“ انہاں دی نظماں دی کتاب ہے جیندے وچ کل ۳۵ نظماں ہن پر ایندی مقبولیت دا اندازہ ایس گالھ توں لایا ونج سگیندے جو دسمبر ۱۹۸۶ء وچ اے کتاب پہلی وار چھپی تے ہن تیں ایندے ترانے ایڈیشن چھپ چکین۔ بھانویں جو ایس کتاب دی چھپائی تے سرکاری پابندی وی لگی پر وی اے لوکیں دے ذہن وچ جھمکدی رہی تے دلیں وچ جاگدی رہی۔ ایندے مصرعے نعرے ہن تے اشتہاراں تے

بینراں تے لکھیندے رہے تے اچھووی ایندی مارکیٹ وچ پھوں مانگ ہے۔ ایں کتاب کوں اے اعزاز وی حاصل ہے جو اے ہک ٹرینڈ میکر، عمل انگیز، تے سرائیکی حقوق دی آواز کہیتے ہک اگوان کتاب تے نعرہ بُنی۔ انہاں نظماں وچ خطابیہ انداز وی آپنایا گئے تے قصولی انداز وی۔ انہاں دی نظماں وچ خود کلامی آلی تکنیک وی ورتی اگئی ہے تے جگ کلامی دی وی۔ شاعر کہیں ویلے خود گالھیں کوں آپنی نظم ورتیندے جینویں وسیب اساں قیدی، شجرے، لالہ، غربت، جگ بدنام، وسواس، ساہ سنگ، ساہ دی پھانسی، سول سنیہ، آجھیاں نظماں وچ شاعر کہیں تہذیبی یا ثقافتی کرداریں داروپ دھارتے اوں روپ وچ گالھیں کریندے تے آپنی آپ بیتی سنیدے۔ اے تکنیک اوں ویلے پھوں چسولی تے من بھاؤنی بنی ویندی ہے۔

جیڑھے ویلے شاعر کہیں بے جان شے کوں عمل تجسیم وچ گھن تے اوندے موہوں آپ بیتی سنیدے۔ جینویں نظم، سلیمان پہاڑ دی گواہی، کاک کندھی، قلم تلوار، وغیرہ کتھائیں کتھائیں ڈائلاگ دی تکنیک وچ وی نظماں لکھیاں اگیاں ہن کہیں کہیں ویلے شاعر تریمتیں داروپ دھارتے انہاں دے احساس و جذبات دیاں ایں گالھیں کریندے جو ایویں چا پدے جینویں اے مردنہ الیند اپیا ہووے بھل ہک تریمت آپنے وین، مرنے پوترے، آپنے ڈکھ سکھ دیاں گالھیں کریندی پئی ہووے تے آپنے تے تھئے ڈھپ دے روونے روندی پئی ہووے۔ جینویں مراسن، ماءڑی ماء، شام، بابل۔

بہر کیف انہاں دی نظماں وچ خطابیہ، خود کلامی، آپ بیتی، جگ بیتی، عمل تجسیم، تریمتی روپ، مکالمہ نگاری، علامتی کتھا، ہیروئیک ڈیڈ (Heroic deed) بلاواں روپ، ٹویل تے مختصر آزاد نظم جیہاں ڈھگ ساری فنی تکنیکاں اپنایاں اگیاں ہن۔

اینڈے کنوں انہاں دی شاعری وچ علم عروض دے سبھے اصولوں مثلاً وزن، شگفتہ زمین، بحر، طرح، آہنگ، توازن و تناسب، ٹھیٹھ الفاظ، فصاحت و بلاغت، قافیہ پیمائی، حسین ردیف، جاندار مطلع، شاندار مقطع، ذوقائین، اتے تضمین دا بھرپور تے چسولا ورتاوا جاتے نظر دے۔ جیہڑا انہاں دے ہک ہک مصرعے کوں ترازو کر ڈیندا ہے۔ ایں حوالے نال انہاں دی ڈھگ ساری مثالاں مقالے دی فنی باب وچ پیش کیتیاں اگیاں ہن۔

اشوال انہاں دی فنی صلاحیتاں دے ایں معترف تھیندن:

”ہیت تے زبان“ دا مسئلہ تاں سیں عاشق بزدار دیاں نظماں میڈی نظر اچ

سرائیکی زبان دی ”لغت“ ترتیب ڈیندیاں ہن تے اے ”لغت“ آون آلے

ڈینہاں دی سرائیکی شاعری دارواج بُنی۔ بالکل اینویں

”جینویں چل پی ہک ہرن دا

تھل چترانگ دے سینے سخن تے

خوشی تھی پوں پوں ڈیندے۔

ایندے کنوں اُتر انہاں دی شاعری وچ علم بیان (تشبیہ، استعارہ، حجازِ مرسل، اتے کنایہ) دی ڈھگ ساری سوہنی تے من موہنی فنی خوبیاں جا جاتے نظر دیاں ہن۔ خصوصاً انہاں دی سیاسی تے ملامتی نظماں انہاں خوبیاں نال اُسریل ہن جینویں راکھا ”سوجھوان“، محبوب، ۲۱ جون، جاگ، ارمان، چپ دی سولی، شام، لیلین گبھرو، وسن، مراسن، دھرتی دا بار، سلیمان پہاڑ دی گواہی، ماءِ ڈی ماءِ وغیرہ قابل ذکر نظماں ہن۔

انہاں دیاں نظماں وچ تغزل دارنگ وی ہوں اتم ہے۔ ڈاکٹر تنویر حسین لکھدن۔

”شعر کے مستور حسن کا نام تغزل ہے اس کا رشتہ قاری کے حسن ذوق سے ہوتا

ہے۔“

سئیں عاشق بزدار دے شعراں وچ وی بلا دی روانی، مٹھاس تے چاشنی ہے انہاں دے ڈوہڑے، غزل تے کافی دی کیا گالھ کر تیجے انہاں دی طویل نظماں یا انہاں دے پورے پورے بند لوکیں کوں از بر ہن۔ پابندی دے ڈیہنہاں وچ ”قیدی تخت لہور“ دیاں نظماں جیکراہیں کاغذاں تے نہ چھپ سگدیاں ہن پراولوکیں دے دلیں تے ضرور چھپیاں ہوئیاں ہن۔ مشاعریاں، جلسیاں تے جلوساں وچ انہاں دیاں مزاحمتی تے ملامتی نظماں قورین تے منتظمین سُنیدے ہن۔ تغزل دے رنگ وچ رومانوی فضائیاں جوں چس رس بناڈیندی ہے۔

پتن منارہ، دلورائے دے ٹھیڑ

سارے وسیے میڈے گھر ہن

جتھاں پیت کوں

آپنی اکھ داپانی ڈے لگن

مول، سول، سسی، سبی

سئیں عاشق بزدار دی شاعری وچ علم بیان دی ڈھگ ساری فنی خوبیاں دے نال نال علم بدیع دیاں وی ڈھگ ساری خوبیاں موجود ہن۔ مثلاً تشبیہات تے استعاریاں دے نال نال تلمیحات دا ایڈسوجھنا رواں بیان تے مربوط بیان انہاں دی شاعری کوں ہک تاریخی ساگا وی بناڈیندے۔ ۳۵ نظماں دی انہاں دی کتاب سرائیکی وسیب دی بھل کتھائیں

عالمی حوالیاں نال ہک تاریخ و تہذیب، ثقافت و تمدن دے حقائق کوں وی ساڈے سامنے گھن آندی ہے۔ تاریخ دے اظہار وچ او بغیر کہیں مذہبی تعصب تے قومی منفرت دے گالھیں کریندن۔ انہاں شاعری وچ تاریخی جائیں وی بطور تلمیحات دے پیش ہن جنہاں دے پچھوں ڈھگ سارے تاریخی، تہذیبی، رومانوی تے ثقافتی، واقعات اتے قصے کہانیاں موجود ہن۔ مثلاً ملتان، ہرنند، بکھر، تونسہ، بھٹہ واہن، مہرے والا، دیرہ، داجل، اُچ، رنگ پور، پتن منارہ اتے دلوئی رائے دے ٹھیٹر وغیرہ۔

ایہویں انہاں دی شاعری وچ ڈھگ سارے رومانوی کردار بطور تلمیح موجود ہن جنہاں دے ناں آون نال ای انہاں دے ہجر و فراق تے مونجھ منجھاری دے پورے پورے قصے ساڈے ذہن وچ آویندن۔ جینویں موئل، سول، سسی، سسی، راول، سیتل، سیندھرا، اُچ رائی، زینی، رام سیتا، رادھا کشن، سرسوتی، اوشا، سونی انہاں دی کتاب وچ ۱۲ نظمیں اکجھیاں ہن جنہاں وچ انہاں رومانوی کرداریں دی تلمیحات ورتیاں گئیاں ہن۔

سئیں عاشق بزدار دا اے فنی کمال وی ہے جو او تلمیحات کوں تشبیہات تے استعاریاں وچ وی بدل ڈیندے تے قارئین کوں آپنے فن و فکر دی دونی چس چویندن۔ مثلاً نظم و سبب دامنڈھا ای حضرت عیسیٰ توں پدھیا ہے جو

میڈی عمراں ہزارں ورہیے  
عیسیٰ توں دی پہلے

اتھاں حضرت عیسیٰ دی تلمیح بطور استعارہ ہے مطلب، زمانہ قبل مسیح دا گالھ کرن مقصود ہے۔ جو سرائیکی و سپیے عیسوی سن کنوں وی پہلے تمدنی لحاظ نال آباد ہن۔ تے انہاں دی نظم ”ماءڑی ماء“ تاں تلمیحات دے اسمان تے چمکن آ لے بے شمار استعاراتی تے تشبیہاتی ستارے ہن۔

ماءڑی ماء

توں مایا، مریم توں زہرا توں سیتا

توں سرسوتی، اوشا، رادھا

توں سونی، توں سول

ساگی مشاہیر اتے تاریخی کرداریں دی وی تلمیحات آپ دی شاعری داوڑا پکھ ہے۔

سئیں عاشق بزدار آپنے فن وچ تاں انوکھڑے تے جاندار شاعر ہن ایویں او فکری تلازمے وچ وی آپنی مثال آپ ہن ہک لحاظ نال انہاں دی ساری شاعری تے خصوصاً ”قیدی تخت لہور دے“ دی شاعری فکری لحاظ نال مجموعی طور تے

ہک شہر آشوب ہے۔ انہاں دی ہر نظم ہک شہر آشوب نظر دی ہے جتھوں دی بد حالی داروونّا تے وینن انہاں دی شاعری ہے۔  
 انہاں دی شاعری علامہ اقبال دی شاعری کلی ہے جینویں او مسلمانیں تے ہندوستان دی زبوں حالی داروونّا روندن تے  
 سوہنے ڈیہاڑیاں تے اتحاد و اتفاق دی خواہش وی شاعری ہے علامہ اقبال خود فرمیدن۔

نغمہ کجا و من کجا سازِ سخن بہانہ ایست

سوئے قطار می کشم ناقہ بے زمام را

ترجمہ: نغمہ کتھان تے میں کتھاں اے شاعری تاں چھڑا بہانہ ہے میں تاں بے مہارے اُٹھ (مسلم کمیونٹی) کوں قطار  
 (اتحاد و اتفاق) وچ گھن آون دی کوشش کریندا پیاں۔

سئیں عاشق بزدار دی شاعری وچ وی ساگی فکر ہے آپ لکھدن۔

”میڈی شاعری دھرتی دے اصل وارث پور ہیت لوکیں سانگے ہے۔“

علامہ اقبال ہندوستان دے بے حال تے مجبور مسلمانیں دے حقوق سانگے عملی تے تحریری جدوجہد کریندے پئے  
 ہن۔ او آل انڈیا مسلم لیگ دے بانی ممبران وچوں ہن تے انہاں دے جلسے جلسوساں تے میٹنگز وچ باقاعدگی دے نال  
 شریک تھیندے ہن تے مسلمانیں دی حالت زار بارے نظماں لکھدے ہن۔ او آپنی نظماں وچ مسلمانیں دے شاندار  
 ماضی، پریشان حال تے تابناک مستقبل دیاں گالھیں کریندے ہن۔ سئیں عاشق بزدار وی علامہ اقبال دی پیروی کرن  
 آ لے شاعر تے کارکن ہن او ہک منی علامہ اقبال ہن۔ علامہ اقبال برصغیر دے مسلمانیں دی گالھ کریندن تے اے سرائیکی  
 وسیب دے وسینکاں دی گالھ کریندن انہاں دالینڈ سکیپ وڈ اتے انہاں دا چھوٹا ہے۔ او مسلمانیں دے شاندار ماضی یاد  
 ڈیویندن جدّاں جو اے آپنی ڈھگ ساری نظماں مثلاً وسیب، اساں قیدی، شجرے، لالن، غربت جگ بدنام، سلیمان پہاڑ  
 دی گواہی، ساڈی دھرتی، کاک کندھی، وغیرہ۔ تقریباً انہاں دی ہر ڈجھی نظم وچ سرائیکی وسیب تے وسینکاں دا شاندار  
 ماضی جنوایا گیا ہے۔ تے جینویں علامہ اقبال مسلمانیں دی زبوں حالی دا ذکر کریندن تے انہاں ہر نظم وچ وی ایجھا ڈکھ  
 ساکوں نیرواہاون تے مجبور کرڈیندے او وی مسلمانیں کوں ہمت پکڑن جوش جذبہ ڈیواون تے آپنا حال بدلن دی گالھیں  
 کریندن تے سستی امت کوں جگواون دا ترلا کریندن۔ مثلاً

در دشتِ جنون من جبریل زبوں صدے

یزداں بہ کمند آور اے ہمت مرداناں

سئیں عاشق بزدار دی فنی دے نال نال فکری خوبیاں وی ان گنت ہن جنہاں وچوں کجھ دا احاطہ فکری باب وچ کر

ڈتا ہے مثلاً سرائیکی وسیب دے جغرافیے دا شعور، تاریخی شعور، ثقافتی شعور، تہذیبی شعور، تمدنی شعور، مزاحمتی شعور، سیاسی شعور، تریختی شعور، مارکسی شعور، مشاہیر دا شعور، حب الہی، ہم عصر شعراء دی آدرتے ادارک ایندے توں اُچ انہاں دی ان گنت فکری جہتاں ہن۔ مثلاً

- ۱۔ اوغم جاناں دے شاعر کینی بھل غم زمانہ دے شاعر ہن۔
- ۲۔ او انفرادیت دے شاعر کینی بھل اجتماعیت دے شاعر ہن۔
- ۳۔ او ادب برائے ادب دے شاعر کینی بھل ادب برائے زندگی تے تبدیلی دے شاعر ہن۔
- ۴۔ او خفی گالھیں دے شاعر کینی بھل جلی گالھیں دے شاعر ہن۔
- ۵۔ او تعلیل پسند شاعر کینی بھل حقیقت پسند شاعر ہن۔
- ۶۔ او تقلید پسند شاعر کینی بھل تحقیق پسند شاعر ہن۔
- ۷۔ او تاریک خیال شاعر کینی بھل روشن خیال شاعر ہن۔
- ۸۔ او تخیل پسند شاعر کینی بھل عقل پسند شاعر ہن۔
- ۹۔ او شاعرانہ تعلی دے شاعر کینی بھل شاعرانہ تعلم دے شاعر ہن۔
- ۱۰۔ او داخلیت پسند شاعر کینی بھل خارجیت پسند شاعر ہن۔
- ۱۱۔ او خود کلامی آ لے شاعر کینی بھل جگ کلامی آ لے شاعر ہن۔
- ۱۲۔ او قنوطیت پسند شاعر کینی بھل رجائیت پسند شاعر ہن۔
- ۱۳۔ او سطحیت پسند شاعر کینی بھل رمزیت پسند شاعر ہن۔
- ۱۴۔ او کیونیزم دے شاعر کینی بھل سوشلزم دے شاعر ہن۔
- ۱۵۔ او فراریت پسند شاعر کینی بھل جہد پسند حقیقت پسند شاعر ہن۔
- ۱۶۔ او قدامت پسند شاعر کینی بھل جدت پسند شاعر ہن۔
- ۱۷۔ او زرگسیت پسند شاعر کینی بھل قومیت پسند شاعر ہن۔
- ۱۸۔ او رجز پسند شاعر کینی بھل ”وین“ پسند شاعر ہن۔
- ۱۹۔ او ڈ ڈھپ دے شاعر کینی بھل پینپ دے شاعر ہن۔
- ۲۰۔ او حاکم کلاس دے شاعر کینی بھل محکوم تے مزدور کلاس دے شاعر ہن۔

- ۲۱۔ او ”آفاقیت“ دے نال نال ”وسیب“ دے وی شاعر ہن۔
- ۲۲۔ او ”خواب“ دے نال نال ”جواب“ دے وی شاعر ہن۔
- ۲۳۔ او ”میں“ دے نال نال ”توں“ دے وی شاعر ہن۔
- ۲۴۔ او ”حقوق“ دے نال نال ”فرائض“ دے وی شاعر ہن۔
- ۲۵۔ او ”فرائض“ دے نال نال ”حقوق“ دے وی شاعر ہن۔
- ۲۶۔ او ہیرودے نال نال زیرو (کسی عوام) دے وی شاعر ہن۔
- ۲۷۔ او ”وسیب“ دے نال نال ”لیلین گھیرو“ دے وی شاعر ہن۔
- ۲۸۔ او شاپنگ بیگ آ لے پال دے نال نال ”چپ دی سولی تے چڑھن آ لے سو جھوان“ دے شاعر وی ہن۔
- ۲۹۔ او ”بابل“ دے نال نال ”ماءِ مٹی ماء“ دے وی شاعر ہن۔
- ۳۰۔ او ”تساں وزر“ دے نال نال ”قلم تلوار“ دے وی شاعر ہن۔
- ۳۱۔ او ”اساں قیدی“ دے نال نال ”جاگ“ دے وی شاعر ہن۔
- ۳۲۔ او ”وسواس“ دے نال نال ”محبوب“ دے وی شاعر ہن۔
- ۳۳۔ او ”وین“ دے نال نال ”لالن“ دے وی شاعر ہن۔

ہر نظم دا موضوع ای کنوں وکھراتے انوکھڑا ہے تے انہاں دی ہر نظم وچ ہک نویکلا پن ہے۔ جیکراہیں ہک نظم Action وی ہے تے ڈوجھی Reaction دی وی ہے ہر ہک دا موضوع منفرد تے نویکلا ہے۔

انہاں دی شاعری فنی تے فکری ڈھگ ساری وکھو وکھ تے منفرد خوبیاں دی مالک ہے اتے ناں نہاد تے کوتاہ عقل نقاد انہاں دی شاعری کوں یکسانیت دا شکار آہن۔ اُتے ڈتے گئے ڈھگ سارے موضوع تے شاید انہاں دی کم فہم عقل چُج ای نہیں سگی۔ راقم الحروف دے بیان کردہ تناظر نال انہاں دی شاعری تے تحقیق و تنقید کیتی ونجے تاں انہاں دیاں ڈھگ ساری فکر جہتاں سامنے آویسن تے اووی عاشق بزدار دی شعری سحر و چوں ناں نکل سگسن۔

انہاں دی شاعری بارے سب توں متوازن تے عدل و انصاف آلی رائے سینئر سرائیکی شاعر تے مصنف سہیل غلام خُرخان کندانی دی ہے۔ جیڑھی میڈے ایں تحقیقی تے تنقیدی کم بارے الفاظ اثبات وی ہے۔ آپ لکھدن:

”میں نے اردو کے شعراء میں ولی دکنی سے لیکر فراز تک کو پڑھا ہے۔ سرائیکی

شعراء میں لطف علی، خواجہ غلام فرید خان، غلام سکندر خان، تائب، ندا، قبلہ محترم



ارشاد عباسی، جانباز یتیم، سرور کر بلائی، اقبال سوکڑی، عزیز شاہد حتی کہ حسین گوہر

تک کو پڑھا اور سنا ہے لیکن ”قیدی تخت لہور دے“ سب سے مختلف ہے“

قبلہ غلام حر کندانئی دی کوٹیشن داسدھاسا دامطلب اے ہے جو:

ساری خدائی ہک پاسے تے میڈا ڈھولن ماہی ہک پاسے

سئیں عاشق بزدار شاعر دے نال نال مقرر وی ہن۔ کالم نگاری ہن۔ نقاد وی ہن اور دوتے سرائیکی ڈوہائیں

زبانیں دے نثر نگار ہن۔

کالم نگاری اور دو وچ کریندن۔ انہاں دے کالم ”وسیب“ دی کمیشن نال روزنامہ ”نیا دن“، ملتان اتے،

”سانجھ“ تے نقطہ نظر دی کمیشن نال روزنامہ ”خبریں“ ملتان وچ چھپدے رہ ویندن۔ اوآپنے کالماں وچ سرائیکی قوم تے

خطے دیاں محرمیاں، دروہ، تے چنگایاں کوں بیان کریندے رہ ویندن۔ او سرائیکی دے نال نال اردو دے وی ہوں سوہنے

نثر نگار ہن۔ انہاں دی نثری خوبیاں وچ سلیس تے بامحاورہ اردو شاعرانہ نثر تے کالم نگاری وچ وی علمی ادبی ذوق نشا بر

تھیندے۔ انہاں دا کالم مختصر پر جانکاری نال بھر پور ہوندے۔ او کالم نگاری دے ذریعے وسیب دے سیاسی، سماجی، معاشی،

معاشرتی، مذہبی، اقتصادی، تاریخی تے جغرافیائی معاملات کوں نشا بر کریندن انہاں دے چند کالماں دے عنوان ڈتے

ویندے ہن جنہاں دے ذریعے انہاں دے کالم نگاری دے موضوعات تے رجحانات دا پتہ لگ ویسی۔

۱۔ دھرتی، قوم اور زبان سے تعصب کیوں؟

۲۔ سرائیکی کی نفی کیوں؟

۳۔ سن تو سہی جہاں میں ہے تیرا افسانہ کیا؟

۴۔ گور پیا کوئی ہو۔

۵۔ خطا معاف

۶۔ بڑے لوگوں کی یادوں کے سلسلے (قسط وار، ۱۰، ۱۱)

۷۔ عورت انصاف کی طالب

۸۔ میرے وطن تیرے دامان تار تار کی خیر

۹۔ روزنامہ ”خبریں“ کی حقیقت پرستی

۱۰۔ پھولوں اور روشنیوں کا شہر راجن پور

- ۱۱۔ ساڈے منہ تے جند رے جبر دے
- ۱۲۔ سرائیکی دانشوروں اور شعراء کی مظفر گڑھ کانفرنس
- ۱۳۔ کافی گائیکی کا روہی انگ اور فقیرا بھگت
- ۱۴۔ راجن پور کی معاشی سماجی اور سیاسی صورتحال ۱-۲
- ۱۵۔ سرائیکی قوم کے حقوق کو تحفظ فراہم کیا جائے۔
- ۱۶۔ ڈھل گیا ہجر کا دن

اور لا تعداد کالم اخبارات وچ موجود ہیں الحمد للہ اے سلسلہ آج ایں جاری و ساری ہے۔

انہاں دے کالماں دے عنواناں توں ای انہاں کالمی رجحان نشا برتھی ویندی۔ او سرائیکی وسیب دے سیاسی حالات، سرائیکی زبان اتے قوم نال تعصب دی ندیا کریندن۔ پیپلز پارٹی دے حق وچ کالم لکھدن۔ آپنے شہر راجن پور تے آپنے سرائیکی مشاہیر تے کالم لکھدن تے علاقائی ظلم و جبر دے خلاف کالم لکھدن۔

کالم نگار توں اپنچ اوہک نقادوی ہن ڈھگ ساری کتابیں تے انہاں دے تنقیدی مضمون چھپیل ملدن مثلاً تھل دا راجہ، رانجھا جوگی، پھلاں دی سیج، آلتا، فلیپ، دیباچہ نگاری، پڑی دا جگ سارا پور، سرائیکی وسیب نوید صبح، درداں دی ماری دڑی علیل اے، اوپری کندھ، صدیاں سیج الایا، جھالر، گول نہیں مکدی، سونے دی کچھلی پیریں پر اگڑے پیار دے، گیا رول راول، سک سانول دی، اسماں سیج دا سفر کرنے، سولی کوں سک منصور دی، وتر و ساخ، اتے ہوں سارے فلیپ تے دیباچے انہاں دی لکھت وچ آئے جیڑھے انہاں کوں ہک مستند تے استاد شاعر اتے باشعور تے تجربہ کار مصنف تے نقاد ہووون دا ثبوت ہن۔

شاعری، کالم نگاری، تنقید اتے انہاں دی نثر نگاری تے جتی وی گالھیں کر گھدی وچن پرچڈاں تیں مہرے والے دے سرائیکی میلے دی گالھ مہاڑ نہ تھیں تاں انہاں دی شخصیت مکمل نہ تھیں۔

سئیں عاشق بزدار نے سرائیکی ادبی، ثقافتی تے قومی سچان دی خاطر ۸۷ء وچ اے میلہ شروع کیتا تے جینویں محاورہ ہے ناں جو انہاں ایں کم دی کامیابی کیتے ”تن من دھن“ لاڈ تے اے محاورہ بھانویں کتھائیں فٹ آوے یا نہ آوے۔ عاشق بزدار سئیں دے ایں میلے کیتے ضرور فٹ آندے۔ انہاں واقعی ایں میلے دی کامیابی تے تسلسل کیتے تن من دھن لا ڈتے۔ ۸۷ء وچ ایں میلے دامنڈ ہڈھیچا جڈاں عاشق سئیں جو انہاں دے تن وچ وڈی جان ہی۔ انہاں آپنا تن ایں میلے کیتے وارے۔ او ایں میلے دی کامیابی کیتے سرائیکی وسیب دی چنڈ چنڈ وچ ویندے ہن تے چن چن تے شاعران،

ادبیاں، سیاسی تے سماجی کارکنان کوں کانڈھے ڈیندے ہن بھل میلے دے چھپیل اشتہار خود وٹنڈیندے تے کندھاں تے لیندے وی ہن۔ میلے دے انتظامات کیتے نگران کلی نہیں بھل مزدوری تے کارکن کلی کم کریندے ہن تے ہُن تیں وی کریندے ہن۔ تہ ہاں جوانی ہئی تن وچ جان ہئی بت وچ نواں خون تے جوش و جذبہ ہئی تہوں اوسرا نیکی وسیب دے وستیاں، قصبیاں تے شہراں دے نال نال کراچی، اسلام آباد تے پاکستان دے ہنہاں شہراں تے چارے صوبیاں دا پنڈھ کچھیندے ہن۔ تہ ہاں ذرائع آمدورفت اتے ذرائع اطلاعات و تشریات اتی ڈھگ تے تکھے ناں ہوندے ہن پرول وی او جوانی تے تن ہئی جیڑھا ایں میلے دا انعقاد کرویندا ہئی تے مہینہ پہلے ایندے انتظامات شروع کرتے پوندے ہن۔ انہاں دی ہک جہد مسلسل تے تن ماری ہئی جنیں ایں میلے دا منڈھ ہدھیا تے ۳۲ سالیں دا کامیابی نال پنڈھ کروایا۔

اتجھے کم ناں تاں تن اسانی نال تھیندن تے نال من چاون نال تھیندن بھل ڈینہہ رات اتجھے کماں وچ من لاوئاں پوندے جیکراہیں دھی پتر دی شادی وی ہووے تاں ڈاج ڈیون تے کم کار وچ بندہ اتجھا رُجھدے جو کئی سالیں سکھ دا ساہ نہیں گھن سگدا۔ پر ہر بندہ دی اولاد ڈو چار چھی یا زیادہ توں زیادہ اٹھ ڈا ہوندی ہے۔ جہاں کوں پریندے پریندے کمر ڈو ہڑی تھی ویندی ہے پر عاشق سیں دا اے سرائیکی میلہ پچھلے ۳۲ سالیں کنیں تھیندا پئے۔ تے ہر میلے دے انتظامات کہیں بھاری جتج شادی کنوں ڈا گناہ ڈھگ ہوندن۔ جہاں کوں او ہر سال وڈے دل جگرے نال پورا کریندن۔

اکھان مشہور ہے جو

”تن ٹئے تاں سب کجھ تھی ویندے پر من ٹئے تاں کجھ نہیں تھیندا۔“

اے میلا واقعی ہک من چلے دامن آلا سودا ہے جیڑھا اچھوتیں چلدا پئے تے انہاں ایں میلے دی ہک ہال وانگوں دل لاتے پرورش کیتی ہے تے ہن ۳۲ سالیں دا کرکھڑایا ہے۔ بھانویں سیاسی تے انتظامی پابندیاں وی لگدیاں رہیاں پر ول وی او تن دے پکے رہے تے من دے وی۔

## کتاباں

- ابن حنیف، سات دریاؤں کی سرزمین، لاہور ۱۹۹۷ء
- احمد خاں طارق نمبر، وسوں ویہڑے، محبوب تالیش سجاک ادبی سنگت دیرہ غازی خان، ۲۰۱۵ء
- احمد انبی، طارق اسماعیل، سرانیکی لوک بیانیہ، ملتان، جھوک پبلشرز، ۲۰۱۵ء
- اسلم رسول پوری، دیباچہ، عاشق بزداری شاعری، قیدی تخت لہور دے، ملتان، جھوک پبلشرز، ۲۰۱۴ء
- اشولال فقیر، چھپڑ تھ نہ مرلی، ملتان، کتاب نگر، سن ۱۹۸۹ء
- اشولال فقیر، سندھ سا گر نال ہمیشاں، کروڑ، چوپال ادبی فورم، ۲۰۰۲ء
- اشولال، کاک کندھی دا شاعر، عاشق بزدار، مشمولہ: قیدی تخت لہور دے، عاشق بزدار، ملتان، جھوک پبلشرز، ۲۰۱۴ء
- بزدار، عاشق، قیدی تخت لہور دے، ملتان، جھوک پبلشرز، ڈوجھی اشاعت، ۲۰۱۴ء
- تنویر بخاری، تنقید (نظریاتی و عملی) لاہور، ایور نیو بک پبلس اردو بازار، ۲۰۰۱ء
- تنویر حسین، ڈاکٹر، اصطلاحات ادبی، لاہور، علمی کتاب خانہ، ۲۰۲۰ء
- حیات اللہ خان نیازی، وسیب دی سچان، ملتان، جھوک پرنٹرز، ۲۰۱۲ء
- خواجہ غلام فرید، دیوان فرید، مرتبہ جاوید چانڈیو، بہاولپور، سرانیکی ادبی مجلس ۱۹۹۸ء
- خواجہ فرید، پیام فرید، مرتبہ ڈاکٹر مہر عبدالحق، ملتان، بیکن بکس، ۲۰۰۶ء
- خواجہ فرید، دیوان فرید، مرتبہ جاوید چانڈیو، بہاولپور، سرانیکی ادبی مجلس ۱۹۹۸ء
- ناصر، نواب خان، ڈاکٹر، سرانیکی شاعری دا ارتقاء، ملتان، جھوک پرنٹرز، ۲۰۰۷ء
- رسول پوری، محمد اسلم، سرانیکی ادب وچ معنی دا پندھ، لاہور، حاجی حنیف اینڈ سنز پرنٹنگ پریس، ۲۰۱۴ء
- رفعت عباس، پروبھرے ہک شہر وچوں، ملتان بیکن بکس، سن ۲۰۰۲ء
- رفیق مغل، ڈاکٹر، چولستان کے ریکڑار میں پاکستان کا ماضی ہفت روزہ آوازِ جرس، لاہور، ۲۴ تا ۲۸ فروری، ۱۹۹۱ء
- شاکر شجاع آبادی، کلام شاکر، وسیب سرانیکی ادبی مرکز ملتان، ۲۰۰۲ء
- عارف، محمد، پیلھوں، ملتان، پیلھوں پبلی کیشنز، شمارہ نمبر ۷، جولائی تا ستمبر، ۲۰۱۴ء
- عاشق بزدار، قیدی تخت لہور دے، نظم کاک کندھی، دیرہ غازی خان، ایمکو ویلفیئر فاؤنڈیشن، ۲۰۱۴ء
- عاشق بزدار، ”قیدی تخت لہور دے“، ملتان، جھوک پبلشرز، ۲۰۱۴ء

عبداللطیف بھٹی، بیڑی دا جگ سارا پور، ملتان، جھوک پرنٹرز، ۲۰۰۴ء

عبدالباسط بھٹی، ”خاکے“ عاشق بزدار، ملتان، جھوک پبلشرز، ۲۰۱۵ء

عبدالستار زائر، سک سانول دی، ملتان، جھوک پبلشرز، ۲۰۱۳ء

علامہ اقبال، پیام مشرق، قیدی تخت لہور، علمی کتاب خانہ، ۲۰۰۱ء

علی حیدر، کلیات علی حیدر، لاہور، پاکستان پنجابی ادبی بورڈ، ۱۹۸۸ء

کیفی جامپوری، سرانیکی شاعری، ملتان، بزم ثقافت، سن ۱۹۶۹ء

طف علی بہاولپوری، مثنوی سیف الملوک، بہاولپور، اردو اکیڈمی، ۱۹۹۴ء

لطیف بھٹی، وتر و ساخ، ملتان جھوک پرنٹرز، ۲۰۱۷ء

مالک اُشتر، سید، (غلام خُر خان کنڈانی) کچھی دا اُتم درشن، ملتان، جھوک پرنٹرز، ۲۰۱۱ء

محبوب تابش، مدیر، سہ ماہی وسوں ویڑے، اقبال سوکڑی نمبر ۳، شادان لنڈ، ڈیرہ غازی خان، اکتوبر ۲۰۱۷ء

مختار علی شاہ، وسیب، علی حیدر ملتانی نمبر، سرانیکی اکیڈمی ملتان، ۲۰۱۶ء

مرید عارف، کھرے اکھر، ڈیرہ غازی خان، ناصر پبلی کیشنز، ۲۰۱۷ء

ملک سلیم احمد سرانیکی وسیب، کراچی، سرانیکی ادبی سنگت، ۲۰۰۳ء

مہر عبدالحق، لغات فریدی، دیوان فرید، مرتبہ جاوید چانڈیو، بہاولپور، سرانیکی ادبی مجلس ۱۹۹۸ء

نصر اللہ خان ناصر، اجرک، بہاولپور، سرانیکی ادبی مجلس، ۱۹۹۰ء

یاسر جواد، سرانیکی وسیب کی تاریخ، الفیصل ناشران و تاجران کتب، اردو بازار لاہور، سن ۲۰۱۸ء

## اخبارات:

روزنامہ خبریں، ۱۱ مارچ ۲۰۰۲ء

عاشق بزدار، کالم، قومی زبانوں کی حقیقت، ملتان، روزنامہ خبریں، ۲۳ مارچ، ۲۰۱۵ء

کالم، ظہور دریچہ، سرانیکی قومی تحریک کا معتبر نام، عاشق بزدار، ملتان، روزنامہ خبریں، ۲۵ اگست ۲۰۱۱ء

مسح اللہ جام پور، کالم انتظامی یونٹ، استعماریت کی نشانی اور عاشق بزدار، روزنامہ خبریں، ملتان، ۱۵ ستمبر، ۲۰۱۴ء

## English:

1. Encylo-pedia.Britinca voi 14,chicago.U.S.A.1962
2. Imith Russel Garden, fugitive papers, newyark, ceumbiouniversity,  
1930